



N1
31977
3



Илья Ильф
Евгений Петров

ЎНИККИ СТУЛ





Илья Ильф
Евгений Петров

ЎН ИККИ СТУЛ



ИМГИ АСР АВЛОДИ
ТОШКЕНТ
2014

УЎК: 821.161.1-1

КБК: 84(2Рос=Рус)6 - Рұс адабиети

И-42

Ильф, Илья

Ўн икки стул: детектив-саргузашт роман /И.Ильф,
Е.Петров. – Тошкент: Янги аср авлоди, 2014. – 456 бет.

ISBN 978-9943-27-313-9

«Ўн икки стул» — ушбу асар 1927–1928 йилларда яратилған бўлиб, ўткир юмористик романлар қаторида эътироф этилади. Асар ҳаётда содир бўлган воқеликларга асосланган. Роман қаҳрамонлари Остап Бендер ҳамда Ипполит Матвеевич Петухова хоним бойликларини излаб топиш мақсадида биргаликда саёҳатга отланадилар ва жуда кўп саргузашларни бошдан кечирадилар. Улар маҳоратли уста Гамбс томонидан яратилған ажойиб санъат намуналари бўлмиш ўн икки стул жамланмасини бирма-бир қўлга киритишга интиладилар. Бу икки ҳамтовоқ ўз мақсадига эришиш учун энг қабиҳ жиноятларни амалга оширишдан тоймайди. Ўқувчи ушбу асар орқали жиноят жазосиз қолмаслиги ва бирорвонинг мулкига кўз олайтириш қандай фожиаларга олиб келиши мумкинлигини фаҳмлайди.

УЎК: 821.161.1-1

КБК: 84(2Рос=Рус)6

Таржимон
Миад ҲАКИМОВ

ISBN 978-9943-27-313-9

© Илья Ильф, Евгений Петров, «Ўн икки стул». «Янги аср авлоди», 2014 йил.

31977
N1 381

2015/4	Alisher Navoiy
A	Lidagi
1242	O'zbekiston MK

Валентин Петрович Катаевга
багишиланади

БИРИНЧИ ҚИСМ

ЭСКИ ШАҲАРЛИК ТАКА

Биринчи боб

БЕЗЕНЧУК ВА «НИМФА»

Шаҳарда сартарошхона-ю дағи маҳкамалари шу қадар кўпки, кўрган одам дабдурустдан «Бу ернинг халқи онасининг қорнидан тушиши биланоқ соқол-мўйловини олдириб, атир септиргач, тил тортмай ўлиб кетаверар экан-да», деб ўйлаши мумкин. Аслида, шаҳарда бот-бот одам туғилмайди, туғилганлариям дарров сартарошга югурмайди, кейин дарров ўлиб ҳам кетмайди. Шаҳарда ҳаёт осуда. Кўклам оқшомлари роҳатижон, лой кўчалар ойдин кечаларда кўмирдай ялтираб турди. Бу ернинг жами йигитлари коммунал хизматчилар касабасидаги котиба қизга ошиқ, оқибатда у шўрлик аъзолик бадалини вақтида ийғолмай боши гаранг.

Ипполит Матвеевич Воробьевниковнинг на муҳаббат ва на ўлим билан иши бор, аслида, ўзи шу соҳа мутасаддиси, ярим соатлик нонушта демаса, эрталаб соат тўққиздан кеч соат бешгача Худонинг берган куни шу иш билан овора.

Ҳар куни наҳорда Клавдия Ивановна унга бир стакан қайноқ сут олиб киради. У сутни ичиб ол-

гач, нимқоронғи уйдан ўртоқ Губернский номидаги кенг ва нурафшон күчага отилади. Бунақа шинам күчалар кичик шаҳарларда ҳам баъзан учраб туради. Кўчанинг чап томонида кўкимтири, тўлқинсимон дераза ойналаридан «Нимфа» деб аталмиш дағн мажкамасининг кумушранг тобутлари кўринади. Ўнг томонда эса бўёғи кўчиб кетган – пастак деразалар орқасида тобутсоз Безенчукнинг чанг босиб ётган шумшук тобутлари кўзга ташланади. Хиёл нарироқда «Сартарош уста Пьер ва Константин» деган лавҳа кўзга ташланади, у мижозларига тирноқ пардози-ю хонаки хизматни дўндиражагини қуюқ ваъда қиласи. Яна озроқ юрилса сартарошхонали меҳмонхона учрайди. Унинг ортида яланглик бор. Бу кенгликда бир малла бузоқ қаққайиб турган дарвозага суюқлик бир парча занг тунукани ялаб турибди. Тунукачага:

**«ХУШ КЕЛИБСИЗ»
НОМЛИ
ДАҒН МАҶКАМАСИ**

деб ёзиб кўйилган.

Гарчи ерда дағн омборлари сероб бўлса ҳам мижозлар сийрак. «Хуш келибсиз» мажкамаси Ипполит Матвеевич шаҳрига кўчиб келмасидан учйил бурун синган, шунинг учун уста Безенчук ароққа ружу қўйган. Ҳатто бир куни азбаройи ночорлигидан асраб юрган тобутини ҳам гаровга қўйиб юборай деган эди.

Шаҳарда ўлим камайиб, барака кетган. Ипполит Матвеевич буни ҳаммадан кўра яхшироқ билади, нега деганда ўзи ФҲДЕда ишлайди, ўлгандар билан келин-куёвларни ўзи қайд қиласи.

Ипполит Матвеевичнинг иш столи сағанага ўхшайди. Столнинг чап томонини каламуш ке-

мириб кетган. Бу ерлик аҳолининг насл-насаби-ю, камқувват шаҳар заминда илдиз отган шажаралари ҳақида тўлиқ маълумот берувчи қалин тўқ сариқ папкалар оғирлигидан столниng қилтириқ оёқлари доим лиқиллаб туради.

1927 йилниng 15 апрелида жума куни Ипполит Матвеевич одатдагидай эрталаб соат етти яримда кўзини очди-да, эски урфдаги тилла бандли пенснени шоша-пиша бурнига қўндириди. У кўзойнак тутмасди. Бир куни Ипполит Матвеевич пенснени зарап деб билиб, оптикнинг олдига бордида, бандларига тилла суви юритилган гардишсиз кўзойнак сотиб олди. Кўзойнак ўзига маъқул тушган эди-ю, лекин хотини (раҳматли унда тирик эди) «Милюковга ўхшаб кетаркансан, қўй буни», деб раъйини қайтаргандан кейин уни дармонга бериб юборди. Иккала кўзи бинойидай ўткир бўлса ҳам дарбонга кўзойнак маъқул тушди, ҳалиҳали уни тақиб юради.

— Бонжур! — деди қироат билан Ипполит Матвеевич тўшакдан оёқларини ерга қўяр экан. «Бонжур» деса билингки, Ипполит Матвеевичнинг бугун кайфи чоғ. Мабодо кўзини очиши билан «Гут морген», деса борми, бугун жигари жиндай безовта қилаётгани, ёши ҳам эллик иккига бориб қолгани, бу билан ҳазиллашмаслик кераклиги, қолаверса, яна осмонга булат чиққани маълум бўлади.

Ипполит Матвеевич урушдан олдин расм бўлган ҳарбийча шамга ёғочдек оёқларини тиққач, тасма ип билан тўпифидан боғлади-да, ингичка тумшуғи чорқирра қилиб тикилган юмшоқ этигини кийди. Орадан беш дақиқа ўтар-ўтмас Ипполит Матвеевичнинг этнида майдада майдада кумушранг юлдузчалари чақнаб турган чипор нимча билан ялтироқ жун пиджак пайдо бўлди.

Ипполит Матвеевич ювинаётганида оппоқ сочларига ўтириб қолган сув томчиларини сидириб ташлагач, шоп мўйловини қимиirlатди, тараддудга тушиб дағал иягини пайпаслаб кўргач, калта қирқилган кумушсимон сочига чўткани урди-да, хонага кирган қайнонаси Клавдия Ивановнага илжайиб, унинг истиқболига юрди.

— Эпполе-ет, — деди қайнонаси шанғиллаб, — бугун ёмон туш кўрдим.

«Ёмон» сўзини у французларга ўжшаб, димоғ билан гапирди.

Ипполит Матвеевич қайнонасига юқоридан разм солди. Бўйи бир юз саксон беш сантиметр бўлгани учун қайнонага юқоридан менсимаганроқ қилиб қарашга бутун имконияти бор эди.

— Раҳматли Мари тушимга кирибди, соchlари ёйилган, белида тилла камар бормиш, — деди Клавдия Ивановна гапида давом этиб.

Клавдия Ивановнанинг карнайдек овозидан уйдаги чўян чироқнинг шишаси зириллаб кетди.

— Юрагим ғаш. Бирор кори ҳол бўлмасайди, деб кўрқаман.

Кейинги жумланинг тўлқинидан Ипполит Матвеевичнинг бошидаги тикандек соchlари чайқалиб кетди ва афтини бужмайтириб, бурро деди:

— Ҳеч нима бўлмайди, кампиршо. Сув пулини тўлаганмисиз?

Тўламаган экан. Калишният ювиб қўймабди. Ипполит Матвеевич қайнонасини хуш кўрмайди. Клавдия Ивановна фирт овсар, ёши ўтиб қолганидан унга ақл кириши даргумон. Тағин у ўлгудек қурумсоқ эди. Борди-ю, Ипполит Матвеевич қашшоқ бўлмаганида феълидаги хасисликни ҳаминқадар ошириб юборган бўларди. Иннайкейин овози йўғон, кучли бир наъра тортганда, отни ҳуркитадиган Ричард Шерюракни бир чўқишида

қочиради. Ёмоннинг бир қилиғи ортиқ дегандек, туш ҳам кўради. Туш кўрмаган куни йўқ. Тушида камар боғлаган қизларни, ёпифи сариқ ҳошияли отларни, чилтор чалаётган дарбонларни, тунлари пўстинга ўралиб тоқи чалиб юрган миршабларни, уй ичидаги дик-дик сакрайдиган, жиринглаб асабга тегадиган фидиракни кўради. Клавдия Ивановна шунаقا дардисар кампир. Бунинг устига бурнинг тагидан мўйлов ўсиб чиқсан, ҳар мўйи нақ соқол чўтканинг толасидек келади.

Ипполит Матвеевич зардаси қайнаб кўчага чиқди.

Фарибгина устахонасининг олдида қўлини қовуштирганича эшик кесакисига суюниб тобутсоз Безенчук туарарди. Савдо ишлари нуқул чиппакка чиқаверганидан ичкиликка берилган устанинг тўқ сариқ кўзлари мушукниги ўхшаб ҳамиша йилтираб туарарди.

– Қадамларига ҳасанот! – деди уста бидирлаб Ипполит Матвеевичга кўзи тушиши билан. – Салом бердик!

Ипполит Матвеевич доғ-доғ мовут шляпасининг бир учини илтифот юзасидан секингина кўтариб қўйди.

– Қайноналарининг саломатлиги қалай, билсак бўладими?

– Mr-мр-мр, – мужмал жавоб қилди Ипполит Матвеевич ва тик кифтини бир учириб, йўлига равона бўлди.

– Ҳай, омонлик бўлсин, – деди афсусланиб Безенчук, – бошимиз заардан чиқмай қолди, ҳаром қотур!

Яна қўлини кўксидаги чалкаштириб эшикка суюнди.

«Нимфа» дафн бюросининг дарвозасига етганда Ипполит Матвеевич яна қўлга тушди.

«Нимфа»нинг хўжайини учта эди. Ипполит Матвеевичга учови ҳам баравар таъзим қилиб, бир овоздан қайнонасининг соғлифини сўрашди.

— Соғ-саломат юрибди, ҳа, — деб жавоб қилди Ипполит Матвеевич, — асти сўраманг! Бугун заркокил қизни туш кўрибди, соchlари ёйилган эмиш. Кўрган тушини қаранг-а!

Учала «Нимфа» бир-бирига қараб, чуқур хўрси-ниб қўйишиди.

Ипполит Матвеевич шу тариқа йўл-йўлакай гапга чалғиб, «Ишинг битдими – жўнаб қол», деган шиор тепасидаги соат тўққиздан беш дақиқа ошганида одатига хилоф равишда хизмат жойига кечикироқ етиб келди.

Найновлиги ва айниқса шоп мўйлови учун идорадагилар Ипполит Матвеевичга «Мацист» деб лақаб қўйишиган эди. Аслида, Мацистнинг мўйлови бўлмаган эди.

Ипполит Матвеевич наматдан тикилган кўмкўк тагликни тортмадан олиб стулга қўйгач, столнинг иккала қанотига мослаб мўйловини текислади-да, тагликка ўтирди. Шу тариқа учала ҳамхонасидан баландроқ жойлашиб олди. Ипполит Матвеевич бавосил касалига чалинишдан кўра кўпроқ шими ишқаланиб тешилишидан қўрқиб тагига кўк намат таглик қўйиб ўтиради.

Хизматчининг бу қилмишини бир йигит билан бир қиз уялибгина кузатиб турарди. Идорадаги иш вазияти, қўланса сиёҳ ҳиди, тинмай чиқиллаб турган соат, айниқса: «Ишинг битдими – жўнаб қол», деган қатъий шиор пиджак кийган йигитни довдиратиб қўйган. Гарчи у ҳали нима мақсадда келганини айтмаган бўлса ҳам ҳалитданоқ кета қолсам экан, деб типирчилаб турибди. Назарида, у арзимаган бир иш билан келгану Ипполит Матвеевичдай соchlари оппоқ, басавлат

одамни безовта қилиш одобдан эмас. Йигит шунчаки арзимаган бир иш билан келганини, бинобарин, бу иш унчалик қисталанг эмаслигини, күтиб туриши мумкинлигини Ипполит Матвеевич нинг ўзи ҳам билади. Шунга кўра у устига «2» рақами ёзилган юпқа папкани қўлга олиб, лунжини бир шишириб қўйгач, қофоз устига мук тушди. Қоп-қора тўсдек уқа тутилган узун камзул кийган қиз йигитча билан пичирлашиб олгач, анордек қизариб Ипполит Матвеевичга яқинлашди.

— Ўртоқ, — деди у, — ҳалиги...

Пиджакли йигит шодон хўрсинди ва ўзи ҳам кутмаган ҳолда:

— Қовушмоқчийдик! — деб бақириб юборди.

Ипполит Матвеевич ўртадағов бўлиб турган чоғроқ панжарага синчков назар ташлади.

— Ким туғиљди? Ким ўлди?

— Қовушмоқчийдик, — деди пиджакли йигит яна қайтариб, кейин атрофига олазарак қараб қўйди.

Қиз пиқирлаб кулади. Иш жўнашиб кетди. Ипполит Матвеевич уста кўзбойлогичларга ўхшаб чаққон ҳаракат қилиб ишга киришди. Қалин дафтарга дарҳол қинғир-қийшиқ ҳарфлар билан келин-куёвнинг исм-шарифини ёзди, иннайкейин келинбола югуриб чиқиб, кўчадан бошлаб келган гувоҳларни жиддий сўроқ қилди: сўнг туртбурчак муҳрни куҳлаб астойдил иситгач, ўрнидан туриб, уни титилиб кетган паспортларга босди. Ипполит Матвеевич келин-куёвдан икки сўм олиб, тўлов қофози узатар экан, «Муродингиз ҳосил бўлгани учун», деб илжайди. Кейин ўриндан туриб зебо қоматини ростлади, кўкрагини керди (илгарилари у корсет кийиб юрарди). Иккала кифтига тушиб турган офтоб нурлари елкаларида зар погондай товланарди. Шу туришида хиёл бачка-

на кўринса ҳам фоят пурвиқор эди. Бурнидаги пенсненинг қабариқ кўзлари оппоқ кўчани ёритиб турадиган тунги чироқ нурига ўхшаб порлади. Келин-куёв қўзичоқдай қимтиниб туришарди.

— Ёшлар, — деб дабдаба билан гап бошлади Ипполит Матвеевич, — эскичасига айтганда, бир ёстиққа бош кўйдингиз, шу муносабат билан сизларни табриклишга рухсат этгайсизлар. Қўлни-қўлга бериб, асрий орзуларга эришиш учун қадам ташлаётган сиздай ёшларни кўришдан фоят, фоят мамнунман. Фоят, фоят мамнунман.

Бу тантанали сўзларни айтиб бўлгач, Ипполит Матвеевич келин-куёвнинг қўлини сиқиб, сўнг ўзидан кўнгли тўлиб, яна 2-папкадаги қофозларни ўқишига тутинди.

Қўшни столга ўтирган хизматчилар ручкаларни сиёҳдонга ботиришди.

Шу тариқа хотиржам иш куни бошланди. Ўлим ва никоҳлар қайд этиладиган столни бошқа ҳеч ким безовта қилмади. Баҳорги аёзда уйига шошилаётган одамлар шундоққина деразадан кўриниб турарди. Авжи пешинда «Омоч ва болға» бирлашмасида хўroz қичқирди. Бундан ҳеч ким ажабланмади. Шундан кейин темирнинг фижирлагани ва моторнинг қурқурлаши эшитилди. Ўртоқ Губернский номидаги кўча томондан куюқ бинафшаранг тутун куринди. Қурқурлаган овоз кучайди. Хиёлдан кейин тутун ичидан шаҳар ижроқўмига қарашли кичкина радиаторли ва баҳайбат кузовли автомобиль чиқди. У лойда тўлғангандча Старопан майдонидан ўтди ва силкина-силкина аччиқ тутун ичидан фойиб бўлди. Хизматчилар дераза олдида ҳозирги воқеани муҳокама қилиб анча туришди ва охири штатлар қисқарса кераг-ов, деб тахмин қилишди. Орадан жиндак вақт ўтар-ўтмас яккачўпдан эҳтиёткорлик билан уста Безенчук

үтиб қолди. У кун бўйи шаҳар кезиб, битта-ярим-та ўлган-ўлмаганини суриштириб юради.

Иш куни охирлаб қолди. Оқ-сариқ рангга бўялган қўшни қўнфироқхонада шиддат билан бонг чалинди. Дераза ойналари зириллаб кетди. Қўнфироқхонадан дув этиб кўтарилган зағчалар майдон тепасида бир зум чағиллашиб нари учиб кетишиди. Майдон ҳувиллаб қолди, ҳаво совиди.

Ипполит Матвеевич энди кетса ҳам бўларди. Бугун туғиладиганлар туғилиб бўлди, ҳаммаси қалин дафтарларга қайд этилди. Никоҳдан ўтмоқчи бўлганлар ҳам никоҳдан ўтди, улар ҳам қалин дафтарларга тиркаб қўйилди. Лекин тобутсозлар омади юришмади, ўлган одам бўлмади. Ипполит Матвеевич йифма жилларни йиғиштириб, намат таглигини тортмага солиб қўйгач, тароқ билан мўйловини тўзғитди, уйда биқирлаб қайнаб турган шўрвани ўйлаб, энди жилишга ҳозирланган эди, тўсатдан идора эшиги ланг очилиб, остоана-да тобутсоз Безенчук пайдо бўлди.

– Қадамларига ҳасанот, – деди жилмайиб Ипполит Матвеевич, – хўш, хизмат?

Устанинг хунук башараси қоронфида йилтираб турса ҳам тили калимага келмасди.

– Хўш? – деди Ипполит Матвеевич жеркироқ.

– «Нимфа»нинг моли, ҳаром қоттур, мол бўлдими? – фўлдиради тобутсоз. – Харидоргир бўлдими ўзи? Тобутнинг иши қийин, кўп ёғоч кетади...

– Нима? – деб сўради Ипполит Матвеевич.

– «Нимфа»ни айтмоқчиман-да... Уч оила савдо-дан кун кўради. Ёғочи жўн, пардозиям ёмон, по-пилдириғи, ҳаром қоттур, яккам-дуккам. Ками-нанинг номи чиққан. Минг тўққиз юз еттинчи йилда курилган устахонам. Тобутларим зўр, бир-биридан аъло, харидорлар...

– Нима бало, жинни бўлганмисан? – деди бўшашиб Ипполит Матвеевич ва эшикка қараб юрди.
– Тобутлар орасида ақдан озасан.

Безенчук хурмат кўрсатиб эшикни очди, Ипполит Матвеевичга йўл бергач, нима дейишини пойлаб, титраб қақшаганича унинг кетидан эргашди.

– Рост, «Хуш келибсиз»га бас келиб бўлмасди! Кимхоби зўр бўларди, ҳатто Твердаям бирорта фирма беллашолмасди у билан, ҳаром қотгур. Энди бўлса, меникидан ўтадиган мол йўқ, очиги шу. Овора бўлманг, тополмайсиз.

Ипполит Матвеевич фазаб билан орқасига ўғирилиб, бир зум Безенчукка ўқрайиб қараб турдида, илдам юриб кетди. Гарчи бугун ишхонада бирор кўнгилсиз воқеа юз бермаган бўлса ҳам негадир шу тобда унинг кўнгли фаш эди.

«Нимфа»нинг учала хўжайини эрталаб Ипполит Матвеевич қай вазиятда кўрган бўлса, ҳозир ҳам шу вазиятда туришарди. Гўё учови ҳам ўшандан буён миқ этмасдан, қимиirlамай турганга ўҳшар, аммо юз ифодаларининг ўзгарганини, кўзларининг мамнуният билан порлаб, хумор боқишини кўрган одам буларнинг қулоғига бирор муҳимроқ гап чалинганини дарров пайқаб олиши мумкин эди.

Тобутсоз рақибларига кўзи тушиши биланоқ Безенчук жон ҳолатда қўлини силтаб, шартта тўхтади.

– Ўттиз икки сўмга розиман, – деб шивирлади у Воробъяниновнинг орқасидан.

Ипполит Матвеевич афтини бужмайтирди-да, қадамини тезлатди.

– Насиягаям бераман, – деб қўшиб қўйди Безенчук.

«Нимфа»нинг учала хўжайини чурқ этмай, картузларини гоҳ кийиб, гоҳ олиб, назокат билан таъ-

зим қилғанларича Воробъяниовнинг кетидан жимгина боришарди.

Тобутсозларнинг аҳмоқона шилқимлигидан ғазаби қайнаган Ипполит Матвеевич одатдагидан тезроқ югуриб зинага чиқди, жаҳл билан оёғидаги лойни қоқиб ташлагач, иштаҳаси карнай бўлиб даҳлизга кирди. Иттифоқо, шу пайт Фрол ва Лавр черковининг кашиши Фёдор бўғриқиб ичкаридан чиқди. Ўнг қўли билан жубба этагини кўтариб олган ҳазрати Фёдор Ипполит Матвеевичга қайрилиб ҳам қарамай, тўғри ташқарига отилди.

Шундагина Ипполит Матвеевич уй ичи ҳаддан ташқари озода бўлиб қолганини, бир неча жиҳози ўрни ўзгартирилганидан тартибсиз ҳолга келганини пайқади ва димоғига аччиқ дори ҳиди урилди. Биринчи хонада Ипполит Матвеевич – агроном қўшнисининг хотини Кузнецовага дуч келди.

– Аҳволи оғир, ҳозиргина имон келтирди. Этикни дўқиллатманг, – деб пичирлади у қўлларини силкиб.

– Дўқиллатаётганим йўқ, – деди Ипполит Матвеевич итоаткорлик билан. – Ўзи нима гап?

Кузнецова хоним лабини чўччайтириб, қўли билан кўшни хона эшигини кўрсатди:

– Юрак ўйноғи тутиб қопти.

Шундан кейин у бирор айтган, тагдор маъносига ҳаваси келиб, ёдлаб олган жумласини қистириб кўйди:

– Бу дард гўрга тиқишиям мумкин. Кун бўйи югуриб юрибман. Эрталаб гўшт қиймалагични сўраб чиқсан эдим, бундоқ қарасам, эшик ланг очиқ, ошхонадаям, бу ердаям ҳеч ким кўринмади, ҳа, энди Клавдия Ивановна ун қидириб кетгандир-да, деб ўйладим. Кеча кулча ёпаман, дев-

ди ўзи. Ўзингизга маълум, ҳозир ун масаласи чатоқ, илгарироқ ғамлаб қўймасангиз...

Агар шу пайт қўшни хонадан чиққан ингроқ овоз Ипполит Матвеевич қулоғини ўқдай тешиб ўтмаганида Кузнецова хоним ун танқислигидан, қаҳатчиликдан яна роса зорланиб, ўймакор печка ёнида ўликдай чўзилиб ётган Клавдия Ивановнани кўрганида қанчалик қўрқиб кетганини обдан таърифлаб берган бўларди. Ипполит Матвеевич шу заҳотиёқ бир оз увишиб қолган қўли билан апил-тапил чўқинди-да, қайнонаси ётган хонага кирди.

Иккинчи боб

ПЕТУХОВА ХОНИМНИНГ ҚАЗОСИ

Клавдия Ивановна бир қўлини бошининг тагига қўйиб, чалқанча ётарди. Бошида қуюқ зарфалдоқранг кулоҳ. Бунақа кулоҳлар аёллар «шантеклер» кийиб, аргентинача «танго» эндинига расм бўла бошлиган қайсиям йили кенг тарқалган эди.

Клавдия Ивановнанинг чеҳраси тантанавор, лекин ҳеч нарсани ифода этмас эди. Кўзлари эса шифтга қадалган.

– Клавдия Ивановна! – деб чақирди Воробъянов.

Қайнонаси лабларини қимиirlатди, аммо таниш шанғи овози ўрнига заиф, аянчли инграганини эшитиб, Ипполит Матвеевичнинг кўнгли бузилиб кетди. Ногаҳон кўзидан тирқираб чиққан бир томчи ялтироқ ёш юзига симобдай думалаб тушди.

– Клавдия Ивановна, – деди яна Воробъянов, – нима бўлди сизга?

Саволи яна жавобсиз қолди. Кампир кўзини юмиб, аста ёнбошга афдарилди.

Агрономнинг хотини оёқ учида хонага кириб, худди гуноҳ қилиб қўйган ёш болани чўмилтиргани етаклаб кетаётгандай Воробъяниковни қўлидан ушлаб олиб чиқди.

– Пинакка кетди. Врач безовта қилмангар, деб айтувди. Менга қаранг, азизим, сиз дорихонага бориб келинг. Мана, тўлов қофози, иннайкейин, муз соладиган елим халтacha қанча тураркан, шуниям билиб келинг.

Ипполит Матвеевич бунаقا ишларда Кузнецова хонимнинг олдига тушиб бўлмаслигини билгани учун гапини икки қилмай дарҳол кўна қолди.

Дорихонагача анча йўл. Ипполит Матвеевич рецептни қисмлаб олганча, шоша-пиша кўчага отиади.

Қош қорайган. Кечки шафак нурида арча дарвозага суюниб, нон билан пиёзни газак қилаётган тобутсоз уста Безенчукнинг нимжон гавдаси кўриндн. Ёнида учала «Нимфа» чўк тушиб ўтирава қошиқни ялаб, декчадан қора буғдой бўтқани туширав эди. Тобутсозлар Ипполит Матвеевични кўра солиб аскарчасига фоз қотишиди. Безенчук хафа бўлгандан елкасини қисди, кейин қўлини бигиз қилиб рақибларини кўрсатди:

– Нуқул оёғим тагида ўралашиб юришарди, ҳаром қотурлар.

Старопан майдонининг қоқ ўртасида шоир Жуковскийга ҳайкал ўрнатилган бўлиб, супачасига: «Шеърият, ердаги эзгу орзулар худосидир», деган сўзлар ўйиб ёзилган. Мана ҳозир бир тўда одам шу ҳайкалча атрофида Клавдия Ивановнанинг оғир касаллиги тўғрисида қизғин баҳс юритмоқда. Тўпланган шаҳарликлар фикри бир жойдан чиқди: «Ҳамманинг бошида ўлим бор», «Ўзи яратган, ўзи олади».

«Пьер ва Константин» отли, дарвоҷе, бирор Аンドрей Иванович деб чақиргандаям «лаббай», деб турадиган сартарош Москванинг «Оғонёк» журналидан ўқиган тиббий билимини ҳалойикча на мойиш қилмоқчи бўлди.

– Ҳозирги замонда фан ақл бовар қилмайдиган даражада юксалиб кетган, – деди Аандрей Иванович. – Мана бир мисол: мижозлардан бири нинг даҳанида ҳуснбузар бор, дейлик. Илгарила-ри бу қон бузилишига олиб келарди, ҳозир аҳвол тамоман бошқача, ростми-ёлғонми, лекин ҳар ҳолда ҳозир Москвада ҳар битта мижозга алоҳида заарасизлантирилган чўтка тутиш расм бўпти.

Одамлар чўзиб хурсинишиди.

– Унчалик эмасдир-ов, Аандрей...

– Ҳар бир кишига биттадан алоҳида чўтка эмиш-а? Лоф ҳам эви билан-да!

Илгари ақлий меҳнат билан шугулланиб, ҳозир дўкон очиб олган Прусиснинг фифони ошди:

– Менга қаранг, Аандрей Иванович, энг охирги аҳоли рўйхатига қараганда, Москвада икки миллиондан ортиқ одам яшаркан. Бундан чиқди, икки миллиондан кўпроқ чўтка керак бўларкан-да? Қизиқ!

Даҳанаки жанг жанжалга айланай деб турганда Осипная кўчасининг этагида Ипполит Матвеевич кўринди.

– Яна дорихонага югуриб қопти. Аҳвол чатоқча ўхшайди.

– Кампирнинг куни битган. Безенчук шаҳарда бекорга терисига сифмай юргани йўқ.

– Шифокор нима деяпти?

– Нима дерди! Сугурта кассадагилар ҳам шифокорми? Соғни сомон қилишади.

Боядан бери табобатдан бирор ваъз айтишга чоғланиб ўтирган Пьер ва Константин ён-верига ҳадиксираб бир қараб олгач:

– Ҳозир гемоглабинда ҳикмат кўп, – деб қўиди.
Шундан сўнг Пьер ва Константин жим бўлади.
Унинг сирли кучи тўғрисида ўйлаб, шаҳарлик-
лар ҳам жим бўлиб қолди.

Ой чиқиб ёғдуси Жуковскийнинг кичкина ҳай-
калчасига тушди-ю, шоирнинг мис қурагига бўр
 билан ёзилган уят сўз ярқ этиб кўриниб кетди.


Бу тахминий ёзув аслида биринчи марта 1897
йилнинг 15 июнида, ҳайкалча тантана билан
очилган куни кечаси пайдо бўлган. Ўшандан бери
милиция вакиллари нечоғлик жон куйдиришма-
син, бу уят сўз ҳар куни яна пайдо бўлиб қолаве-
рарди.

Деразаларига эшик тутилган ёғоч уйларда са-
мовар шифиллай бошлади. Кечки овқат маҳали
бўлди. Одамлар вақтни бекор ўтказмай уй-уйига
тарқалди. Шамол турди.

Клавдия Ивановна бу пайт жон бермоқда эди.
Ётган жойида у гоҳ сув сўраса, гоҳ ўрнидан ту-
риб, Ипполит Матвеевичнинг кўчалик сандали-
ни устадан олиб кетмоқчи бўлар, гоҳ чангдан
бўғилиб кетяпман, деб зорланса, гоҳ уйдаги
ҳамма чироқларни ёқиб қўйинглар, деб илтимос
қиласди.

Ташвишдан тинкаси қуриган Ипполит Матве-
евич хона ичидаги айланади. Рўзгор ташвишини
ўйлаб, мияси ровлаб кетган. Ҳозир унинг фикр-
хәёли ёрдам кассасидан қандоқ қарз кўтариш,
попни чақириб келиш, қариндош-уругларнинг
таъзияномаларига нима деб жавоб қилиш билан
банд. Ипполит Матвеевич бир оз хаёлини чалғи-
тиш ниятида эшикка чиқиб, ой шуъласида то-
бутсоз Безенчукни кўриб қолди.

– Хўш, бу ёғига нима дейсиз энди, жаноби Во-
робъянинов? – деб сўради уста бош кийимини бағ-
рига босиб.



Ипполит Матвеевич ўшшайди:

- Нима ҳам дердим, рос.
- Ўша «Нимфа»нинг, ҳаром қоттур, мол бўлдими! – деди тараддуланиб Безенчук.
- Йўқол, турқинг курсин! Жонимга тегдинг!
- Мен шунчаки... Попилдириқ билан духобасини айтмоқчиман. Қанақасидан бўлсин, ҳаром қоттур? Яхшироғиданми? А, лаббай?
- Попилдириғу духобанинг кераги йўқ. Тобут оддий бўлсин. Қарағайдан. Тушундингми?

Безенчук ҳаммаси тушунарли, дейишга шайлангандай лабига бармоғини босиб, орқасига ўтирилди-да, бош кийими билан мувозанатни сақла-моқчи бўлишга уринганига қарамай, бари бир гандираклаб нари кетди. Шундагина Ипполит Матвеевич тобутсоз фирт мастилигини пайқади.

Ипполит Матвеевичнинг яна таъби хира бўлди. Энди бундан буён ҳувиллаб қоладиган супуриқсиз уйга қандоқ кираман, деб ташвишланарди. У ҳузур-ҳаловат ичиди яшаб, катта ошашга ўрганиб қолганида инқиlob уни бундан маҳрум қилди, шундан кейин қўл учиди яшаб, кичикроқ ошайдиган бўлган, жиндаккина ҳузур-ҳаловатга эришган, на-зарида, қайнонаси ўлиб қолса, шуларнинг ҳамма-сидан ажраб қоладигандай эди. «Уйлансанмикан? – дилидан ўтказди Ипполит Матвеевич. – Кимга? Милиция бошлигининг жиянигами ёки Прусис-нинг синглиси Варвара Степановагами? Ёки уйга оқсоқ олгани маъқулмикин? Э, қаёқда! Суддан бо-шим чиқмай қолади. Иннайкейин, кони зиён бу».

Шу пайт ёруғ дунё Ипполит Матвеевичнинг кўзига қоронғи кўриниб кетди. Бу дунёнинг ишларига ғазаб ва нафрати ошган ҳолда уйга қайтиб кирди.

Клавдия Ивановна энди алаҳисирамасди. Баланд ёстиқда ётган кампир Ипполит Матвеевич-

га тийрак назар ташлади, ҳатто ўқрайгандай бўлди.

– Ипполит, – деб пицирлади кампир эшитарли қилиб, – яқинроқ келиб ўтиринг. Сизга айтадиган гапим бор...

Ипполит Матвеевич олқиндидек бўлиб қолган мўйловдор юзига тикилди. У йўлига илжайиб, икки оғиз юпатувчи сўз айтмоқчи бўлди, бироқ бунинг ўрнига совуққина тиржайди, тилига юпатувчи сўз келмади. Ипполит Матвеевичнинг бўғзидан фўлдираган овоз чиқди, холос.

– Ипполит, – яна гап бошлади қайнона, – меҳмонхонадаги жиҳозларимиз эсингиздами?

– Қайси бири? – деб сўради Ипполит Матвеевич ахволи оғирлашиб қолган бемордан ҳол сўрагандай ўта мулојимлик билан.

– Анави-чи... Инглиз чити қопланган...

– Э, менинг уйимдагими?

– Ўша, Эски шаҳардаги...

– Эсимда, жуда яхши эсимда... Битта диван, ўн иккита стул, олти оёқли думалоқ стол. Ажойиб буюм эди. Гамбснинг моли... Шу тобда уни нимага эслаб қолдингиз?

Лекин Клавдия Ивановнанинг жавоб беришга ҳоли келмади. Башараси заҳил тортди. Негадир Ипполит Матвеевичниям нафаси қисилди. Бирдан ўзининг данғиллама уйидаги меҳмонхонани, ёнғоқ дараҳтидан ишланган букри оёқли жиҳозлари (улар бир-бирига мутаносиб териб қўйилган бўларди), ҳамиша ярақлаб турадиган сап-сариқ тахта пол, қадимдан қолган жигарранг рояль ҳамда бир вақтлар амалдор бўлган қариндошларининг девордаги қора ромдан қараб турган расмлари лип этиб кўз олдига келди.

Яна Клавдия Ивановнанинг дағал ва лоқайд овози эшитилди:

– Стул ўтиргичига гавҳарларимни яшириб қўйган эдим.

Ипполит Матвеевич кампирга ўқрайиб қаради.

– Қанақа гавҳар? – у шундай дейишга деди-ю, лекин дарҳол ўзини ўнглади. – Тинтувдан кейин олиб кетишмаганмиди ўшандা?

– Мен гавҳарларни стулга яшириб қўйгандим, – деди кампир қайсарлиги тутиб.

Ипполит Матвеевич сакраб ўрнидан турди ва Клавдия Ивановнанинг чироқ ёруғида кўзга ташланадётган тунд башарасига тикилиб қарагач, алаҳламаётганини сезди.

– Шунча гавҳарни-я, – додлаб юборай деди у, аммо ўзининг овозидан ўзи чўчиб кетди. – Стулга! Кимдан чиққан ақл бу! Менга берсангиз бўлмасмиди?

– Қизимнинг бутун мол-мулкини совурган одамга гавҳарни ишониб бўлармиди? – деди кампир бамайлихотир ранж-алам билан.

Ипполит Матвеевич ўтириди, аммо дарров сапчиди ўрнидан турди. Бирдан юраги гупиллаб, бутун вужуди ларзада қолди. Мияси ғувиллаб кетди.

– Кейин олдингизми гавҳарларни? Шу ердами улар?

Кампир бошини сарак-сарак қилди.

– Улгуrolмадим.. Эсингиздами, тўсатдан қочиб қолдик, вақт тифиз эди. Гавҳарлар стулда қолди, стул чироқ билан камин ўчоқ ўртасида турган эди.

– Фирт тентаклик-ку бу, ахир! Худди қизингизнинг ўзисиз-а! – бўкириб юборди Ипполит Матвеевич.

Шундан сўнг ўлим тўшагида ётган кампирдан ҳам истиҳола қилиб ўтирмаи, стулни жаҳл билан суриб, хона ичидаги тез-тез юра бошлади. Кампир Ипполит Матвеевичнинг қилиғига парво қилмай ётаверди.

- Ўша стуллар кимнинг қўлига тушиб қолишини ўйламадингизми? Ёки ўзлари келиб, бисотларини олиб кетадилар деб сизни меҳмонхонамда кутиб туришганмикин-а?

Кампирдан садо чиқмади.

ФҲДЕ мудири азбаройи тутақиб кетганидан бурнидаги пенсне учеб кетди, тиззага етганда тилла банди ялат этди-ю, шиқ этиб ерга тушди.

- Хўш? Етмиш минг сўмлик гавҳарни стулга жойлаб қўйдиларми? Ҳозир уни ким тагига босиб ўтирган экан!..

Шу пайт Клавдия Ивановна пиқиллади-ю, бутун гавдаси билан каравот четига талпинди. Кампирнинг бир қўли ҳавода ярим доира чизиб, Ипполит Матвеевични тутмоқчи бўлди, аммо ўша заҳотиёқ шилқ этиб бинафша кўрпага тушди.

Ипполит Матвеевич даҳшатдан чинқириб, қўшнисиникига югурди.

- Жон бераётганга ўхшайди!

Агрономнинг хотини чаққон чўқинди, қизиқишини яширмай, дарров серсоқол агроном эрини олиб, Ипполит Матвеевичнинг уйига физиллади. Воробъяников эса эс-ҳушини йўқотиб шаҳар боғига йўл олди.

Агроном билан хотини оқсоchlари ёрдамида мархуманинг хонасини йифишириб туришганида Ипполит Матвеевич бор айланди, неча бор ўрин-диқларга қоқилди, эрта кўклам ишқ савдосидан тўнғиб ўтирган ошиқ-маъшуқлар кўзига бута бўлиб кўринди.

Ипполит Матвеевичнинг мияси ғовлаб кетди. Қулоғида гоҳ лўлилар ашула айтиб, кўкракдор со занда хотинлар «танго-амапа» куйини чалишса, гоҳ Москванинг қиши кунлари, ўтган-кетган йўловчиларга нафрат билан кишинаб турган зулукдай қора бедов от кўз ўнгидаги жонланиб кетарди.

Ипполит Матвеевичнинг хаёлига яна кўп нарсалар келди: ана пули бирорларнинг кўзини ўйнатдиган пуштиранг узун иштоналару кўл қовуштириб турган хизматкорлар Канига бориш имкониятида.

Ипполит Матвеевич энди қадамини секинлатган ҳам эдики, тўсатдан тобутсоз уста Безенчукнинг гавдасига қоқилиб кетди. Уста пўстинига ўралиб, боғдаги йўлкада кўндаланг тушиб ётган экан. У оёқ зарбидан дарҳол кўзини очди-да, бир аксириб, дик этиб ўрнидан турди.

– Асло ташвиш тортмасинлар, жаноби Воробъянинов, – жон ҳолатда деди у боя чала қолган гапини давом эттирмоқчи бўлган кишидай. – Тобут ясаш осон эмас.

– Клавдия Ивановна қазо қилди, – деди буюртмачи.

– Ҳай, ишқилиб жойи жаннатда бўлсин, – деб кўйди Безенчук. – Демак, кампиршо юмалабдида... Кампирларнинг ўзи шунаقا, доим юмалашибди... Ёки омонатини топширади. Бу кампирнинг қанақалигига боғлиқ. Хўш, сизники увоққина, тиқмачоқдек эди-а? Демак, юмалаган бўлади. Агар бўйдан бериб, эт битмаган бўлса, бунга омонатини топширди, дейишади. Бу қанақаси? Кимдан чиққан бу гап?

– Ўзимииздан чиққан-да. Усталардан. Масалан, сиз қадди-қомати келишган одамсиз, новчаликка новчасизу, аммо чўпдек озфисиз. Худо кўрсатмасин, ўлиб-нетиб қолсангиз, сизни «кулоги тагида қолибди», дейишади. Илгари катта савдогар ўтган бирорта дўкондор қазо қилса борми, у бандаликни бажо келтирган бўлади. Хўш, фаррош ёки деҳқон оламдан ўтса, уни «куни битди» ёки «ажали етди», дейишади. Аммо-лекин темир йўлдаги кондукторлардан ёки бўлмаса, катта тўралар-

дан бирортаси қазо қилса, у вафот қилган бўла-ди. Ана ўшанда, қарабизки, дув-дув гап: «Ҳўв, эшилдингми, бизнинг бошлиқ вафот қилибди».

Оддийгина ўлимнинг бунақа ғалати туркумла-нишини эшитиб, ҳанг-манг бўлган Ипполит Мат-веевич:

– Ҳўш, сен-чи? Сен ўлсанг усталар нима дей-ди? – деб сўради.

– Мен кичкина одамман. «Безенчук ёғоч отга минди», деб қўя қолишади. – Кейин жиддий қўшиб қўйди: – Вафот этди ёки қулоғи тагида қолди, де-ган гаплар бизга тўғри келмайди: хашаки одам-миз... Тобутга нима дейсиз энди, жаноби Воробъ-янинов? Наҳотки попилдириқ билан духобасиз бўлади?

Бироқ яна ширин орзулар қанотига минган Ипполит Матвеевич индамай йўлида кетаверди. Одатдагидай ниманидир бармоғида санаб, фўлди-раганча Везенчук унинг орқасидан эргашди.

Ой алмақачон ботган. Қиши чилласидагидай ҳаво совуқ. Кўлмак бетини лочира муз қоплаган. Ик-кала ҳамроҳ ўртоқ Губернский қўчасига етиб кел-ганида шамол деворлардаги лавҳаларни тортқи-лаётган эди. Шу пайт тарақ-туруқ қилиб Старопан майдонидан қирchanfi отлар қўшилган ўт ўчи-рувчилар араваси кўринди.

Аравадан каноп пойабзалини осилтириб ўтирган ўт ўчирувчилар темир каска кийган бошли-рини тебратиб, атайин овозларини дағаллашти-риб қўшиқ айтишарди:

*Омон бўлсин брандмейстер оғамиз,
Омон бўлсин Насосов ўртогимиз...*

¹ Брандмейстер – ўт ўчирувчилар гурухи бошлиги.

² Шеърларни Муҳаммад Али таржима қилган.

– Брандмейстернинг ўғли Кольканинг тўйидан келишяпти, – деди лоқайд қилиб Безенчук ва пўстинининг ичидан кўкрагини қашиб қўйди. – Наҳотки попилдириқсиз, ҳеч балосиз бўлса?

Айни шу аснода Ипполит Матвеевич қатъий қарорга келган эди. «Бораман, – деб кўнглидан ўтказди у, – топаман. Кейин бир гап бўлар». Жавоҳир жилосида ҳатто қайнонасиининг истараси анча иссиқ кўриниб кетди.

– Бўпти! Ясайвер! Духобали бўлсин! Попилдириқ ҳам тақавер!

Учинчи боб

«ГУНОҲКОРНИНГ БАШАРАСИ»

Фрол ва Лавр черковининг попи ҳазрати Фёдор Востриков жон берайтган Клавдия Ивановнанинг тавба-тазаррусини қабул қилгач, Воробъяниновнинг уйидан ҳаяжонга тушиб чиқди, йўл-йўлакай олазарак бўлиб, баъзан эса беўхшов тиржайиб, кулбасига йўргалаб кетди. Хаёл уни роса олиб қочган бўлса керак, уйига етай деб қолганида шаҳар ижрокўмига қарашли автомобилнинг тагига кириб кетишига бир баҳя қолди. Шайтон аравадан буруқсаб чиққан кўкимтири турун гирдобидан қутулгач, ҳазрати Востриков бутунлай эсини йўқотиб қўйди, каттагина амали-ю ўтинқираган ёшини писанд қилмай, буёғига шаталоқ отиб жўнади.

Онахон Катерина Александровна кечки овқатга дастурхон ёзмоқда эди. Ҳазрати Фёдор хизматдан бўш кунлари кечқурун барвақт овқатланиши хуш кўрарди. Онахон не кўз билан кўрсинки, ҳазрат уйга кириши билан бошидан шляпасини олиб, иссиқ пахталик жуббасини ечиб ташлади-

да, лом-мим демай ўзини ётоқхонага урди, эшикни ичидан бекитиб олиб, «Аввал таом», деб хиргойи қилди.

Онахон стулга ўтириб қолди, кейин қўрқа-писа:

– Яна бир балони бошламоқчига ўхшайди, – деб пичирлади.

Ҳазрати Фёдор умрида тинч юрган бандада эмас. Тиниб-тинчимаган ҳеч. Болакай Федя диний мактабда ўқиб юрган пайтларида ҳам, мўйлови сабза уриб Фёдор Иванович қиёфасида семинария тупроғини ялаб юрганида ҳам ҳовлиқма эди. Востриков семинариядан университетга ҳатлаб, юридик факультетда уч йил таҳсил кўрганидан кейин аскарга чақирилишдан қўрқиб, 1915 йилда ўзини яна динга урди. Олдинига дъяконликка фатво олди, кейинроқ шаҳарда поп мартабасига тайинланди. Лекин дин ва авом хизматини қаерда адо этмасин, ҳазрати Фёдор ҳеч қачон тамагирликни кўлдан бой бергани йўқ.

Ҳазрати Востриков нуқул шам заводини орзу қиласди. У йўғон мум арқонларни ипакдай эшиб турган баҳайбат барабанларни кўрганида ичидан зил кетар, кўз олдига келтирганида юраги ҳаприқиб, калласида минг хил режалар тузар, агар шу режалар амалга ошса, Самараада мўлжаллаб қўйган заводчамни сотиб олишга етадиган каттагина дастмоя топаман, деб орзу қиласди.

Ҳазрати Фёдор калласига бир фикр келиб қолса, дарҳол шуни амалга оширмоқчи бўлади. Бир пайт кўпирадиган кир совунга ишқи тушиб қолди. У енг шимариб ишга тушиб кетди, пудлаб совун пиширди, аммо таркибида кўп миқдор мой бўлишига қарамай, совуни кўпирмади, бунинг устига «Омоч ва болға»никидан уч ҳисса қимматга тушди. Шундан кейин совун жонивор даҳлизда бўкиб ётди ва бижиб кетди. Катерина Александровна

ҳар гал совунга кўзи тушганида пиқиллаб йиғлаб қўядиган бўлди. Дардисар совун охири ахлат ўрадан жой олди.

Бир куни ҳазрати Фёдор қўлига чорвачилик журнали тушиб қолди. Журнални ўқиса қуён гўшти жўжага ўхшаб фоят мазали бўлиши, бунинг устига қуён тез болалашини, ишнинг кўзини билган одам қуёнчиликдан жуда катта даромад олиши мумкинлигини билиб, дарҳол уч жуфт қуён сотиб олди; орадан икки ой ҳам ўтмаган эдики, ҳовлию уйни шалпангқулоқ маҳлуқ босиб кетганини кўриб, Перка деган кучуги қочиб кетди. Шаҳарнинг зоти паст одамлари эскилика муккасидан кетган эканми, Востриковнинг бозорга чиқарган қуён гўштини харид қилишдан бош тортишди. Шундан кейин ҳазрати Фёдор хотини билан маслаҳатни бир жойга қўйиб, жўжадан ўн чандон афзал қуён гўштини шахсан ўзи истеъмол қилиб, ҳамманинг кўзини ўйнатмоқчи бўлди. Қуён гўштидан димлама, котлет, қийма қилишди, шўрвага солиб пишириб кўришди, яхна қилиб дастурхонга тортишди, печкага қўйиб димлашди. Аммо оқибат ўйлагандай бўлиб чиқмади. Ҳазрати Фёдор бундоқ чамалаб кўрса, эр-хотин сурункасига қуён гўшти истеъмол қилган тақдирда ҳам ойига қирқтадан ортиқ еёлмас экан, ишнинг чатоқ томони шундаки, бу жонивор бир ойда тўқсонтадан кўпайиб турибди, қолаверса, бундан кейин ҳар ойда юзтаси минг, мингтаси ўн минг бўлиб бораверади.

Ана шундан кейин Востриковлар хонаки ошхона очмоққа жазм қилишди. Ҳазрати Фёдор зўр ҳафсала билан катак дафтарни йиртиб, сиёҳқалам билан алламаҳалгача эълон ёзди. «Арzon ва лаззатли» деб бошланадиган эълон қофозлари бугундан эътиборан қулинг ўргилсин мол ёғида ҳар

хил мазали таомлар тайёрланаётганидан дарак берарди. Хотини сирланган тогорачада ун қориб, ширач қилиб берди, ҳазрати Фёдор эса тун бўйи изғиб, барча симёғочларга, ҳатто идораларнинг яқинидагиларга ҳам эълон ёпиштириб чиқди.

Янги ташабbus зўр натижа берди. Биринчи куниёқ етти хўранда ташриф буюрди. Булар орасида ҳарбий комиссариатнинг иш бошқарувчиси Бендин ҳамда ободончилик бўлимига қарашли бир бўлинма бошлиғи, яқинда шаҳардаги ягона осори атиқани – Елизавета замонидан қолган ва билишича, кўча ҳаракатига халақит бераётган зафар дарвозасини буздириб ташлашда шахсан иштироки бўлган Козлов ҳам бор эди. Таом ҳаммага манзур бўлди. Эртаси куни мижозлар сони ўн тўрт кишига етди. Қуёнчалар терисини шилишгаям қўл тегмади. Бир ҳафтагача омад келиб турди, буни кўрган ҳазрати Фёдор ўзига кичикроқ мўйна дўкони очишни ният қилиб ўтирганида мутлақо кутилмаган ҳодиса рўй берди.

Моллар ҳисобини олиш муносабати билан уч ҳафтадан бери ёпиқ турган «Омоч ва болға» бирлашмаси очилиб, дўкончи азаматлар бир бочка сасиган карамни орқа ҳовлига инқиллаб думалатиб чиқишиди-да, шартта ахлат ўрага ағдаришиди. Дўкон билан ҳазрати Фёдор ҳовлиси бир бўлгани учун димогига бадбўй ҳид урган қуёнлар ўрага ёпирилиши, оқибат-натижада ўша куннинг эртасигаёқ нозик жониворлар орасида ўлат бошланди. Атиги уч соат давом этган ўлат икки юз қирқта қуён билан беҳисоб болаларини қийратиб кетди.

Бу воқеадан ларзага келиб икки ойдан бери одамови бўлиб юрган ҳазрати Фёдор бугун руҳи кўтарилиб, Воробъяниковнинг уйидан қайтиши билан хотинини лол қолдириб, ётоқхонага кириб,

и чидан бекитиб олди. Демак, ҳазрати Фёдорнинг калласига янги бир фикр келиб, яна жазаваси тутган кўринади.

Катерина Александровна бармоғини букиб, ётоқхона эшигини тақиллатди. Ичкаридан жавоб бўлмади, аммо хиргойи зўрайди. Бир лаҳзадан кейин эшик қия очилиб, ҳазрати Фёдорнинг бўйи етган қизларницидай ол ёноқлари кўринди.

— Қайчини узатвор, онаси, тезроқ, — деди шоша-пиша ҳазрати Фёдор.

— Овқат-чи, овқат нима бўлади?

— Тура тур. Кейин.

Ҳазрати Фёдор қайчини юлқиб олди-да, эшикни яна и чидан бекитиб, девордаги тирналган, қора гардишли ойна яқинига келди.

Шундоққина ойна ёнида «Гуноҳкорнинг башараси» деган қадимий бир сурат осиғлиқ турарди. Бу сурат олдин мис қолипда кўчирилган, кейин кўлда яхшилаб бўялган эди. «Гуноҳкорнинг башараси» қўёнчилик бобида қаттиқ панд еган ҳазрати Фёдорга тасалли берди. Зотан, бу дунё қанчалик бевафо экани расмда яхши тасвирангган. Унинг юқори томонида тўртта мўъжазроқ расм бўлиб, булар тагига жимжимадор славян ҳарфлари билан таскин ва маънога бой ушбу сўзлар битилган: «Сом тиловатда. Хом зироатда. Ёфас ҳоким. Ўлим ҳақ». Ўлимнинг бир қўлида узун чалғи, иккинчи қўлида қанотли қум соат. У протезлар ва қинғир-қийшиқ суюклардан ясалгандан сайҳон тепаликда оёқларини кериб турибди. Худди у: «Қўёнчиликда омадинг келмаган бўлса, фам ема», деб тургандай эди.

Шу тобда «Ёфас ҳоким» деган жажжи сурат ҳазрати Фёдорга, айниқса, маъқул келди. Суратда кичкинагина саройда тахтда ўтирган серсоқол, семиз бир бой тасвирангган эди.

Ҳазрати Фёдор кулимсираб қўйди, кейин юзини ойнакка тутиб, яхшилаб разм солди, шу заҳотиёқ кўркам соқолини тутамлаб, қайчилашга тушди. Қўлидаги қайчи фиртиллар, ерга тутамлаб соқол тўкиларди, орадан беш дақиқа ҳам ўтмаган эди, ҳазрати Фёдор бу иш қўлидан келмаслигини фаҳмлаб қолди. Бундок қараса, савлатдор соқоли бир томонга қийшайиб, одамнинг ғашини келтирадиган даражада хунук ва ҳатто шубҳали бўлиб қолибди.

Ҳазрати Фёдор ойна ёнида бирпас уймалашгач, баттар хуноби ошди ва хотинини чақириб, зарда билан қайчини узатди.

– Қарашай ҳам демайсан-а, онаси. Бу лаънати соқолни ҳеч эплолмаяпман.

Онахон ҳайрон бўлиб, ҳатто қўлларини орқасига яширди.

– Вой, нима қилиб қўйдинг? – деди у ниҳоят.

– Ҳеч нарса қилганим йўқ. Қайчилаяпман, холос. Илтимос, қарашвор. Манави жойи қийшиқ кетганга ўхшайди...

– Ё тавба, – деб юборди онахон ҳазрати Фёдор соқолига тикилиб, – бу нимаси, Феденька, ёшармоқчимисан?

Суҳбатнинг бошқа мавзуга кўчишини кўриб ҳазрати Фёдор суюниб кетди.

– Нега ёшармай, онаси? Нима, ёшлар одам эмасми?

– Нимага одам бўлмас экан, улар ҳам одам, – пичинг қилди онахон, – нимасини айтасан, кинога югуришади, алимент тўлашади...

– Нима қипти, мен ҳам кинога югураман.

– Югар, югуравер.

– Юрграним бўлсин.

– Бузоқнинг юргани сомонхонагача. Ойнага қара, кўрган одам нима дейди.

Ҳазрати Фёдор ўзини ойнакка соган эди, чүлтоқсоқол, беўхшов шопмўйлов, қора кўзлари чақчайган шаддод бир одамга кўзи тушди.

Иккови бир бўлиб мўйловни соқолга мослаб қайчилашга тушишди.

Шундан кейин юз берган воқеа онахонни баттар таажжубга солди. Ҳазрати Фёдор шу бугун кечқурун бир иш билан сафарга чиқишини айтиб, Катерина Александровнага физиллаб бориб новвой акасидан бир ҳафтага қоракўл ёқали пальтоси билан ўрдакнинг тумшуғига ўхшаган жигарранг картузини келтириб беришни буюрди.

– Ҳеч қаёққа бормайман! – деди онахон ва йифлаб юборди.

Ҳазрати Фёдор уй ичида ярим соат у ёқдан-бу ёққа юрди, роса валдиради. Хотини уни ҳар кўрганида ўтакаси ёрилиб, фақат бир нарсани тушунди: ҳазрати Фёдор ҳеч нарсадан ҳеч нарса йўқ соқол-мўйловини қирқиб ташлади, мана энди бемаъни картузни бошига илиб қаёққадир гумдон бўлмоқчими, демак, уни ташлаб кетмоқчи.

– Ташлаб кетмайман, – деб сўз берди ҳазрати Фёдор, – ташлаб кетмайман, бир ҳафтада қайтиб келаман. Иш чиқиб қолиши мумкин-ку, ахир. Тўғрими, йўқми?

– Йўқ, – деди онахон.

Ўзига яқин одамлар билан ҳамиша юмшоқсупурги ҳазрати Фёдор столга мушт туширди. Бу соҳада анча уқувсиз бўлгани учун столга мушти шапатидай теккан бўлишига қарамай, онахон қўрқиб кетди ва рўмолини елкасига ташлаб, кийимбош олиб келгани акасиникига югорди. Ҳазрати Фёдор ёлғиз қолгач, бир лаҳза хаёлга чўмди-да, «Хотин зотигаям қийин», деб қўйди. Кейин ерга энгашиб, каравот тагидан тунука қопланган сандиқча олди. Бунақа сандиқча одатда, қизил ас-

карларда бўлади. Сандиқчанинг ичига олачипор гулқоғоз ёпиширишади, гулқоғознинг устида эса Будённийнинг савлат тўкиб турган расми ёки Ботумининг сершагал соҳилида учта жонон ёстаниб ётган «Пляж» папиросинингқутиси бўлади. Востриковларнинг сандиқчасигаям расмлар ёпишириб ташланганини кўриб, ҳазрат Фёдор хафа бўлди, лекин булар орасида на Бунённий ва на ботумилик жононлар бор эди. Хотини «1914 йилги уруш солнома»си журналидан қирқиб олган суратларни сандиқча ичига елимлаб чиқибди. Улар орасида «Перемешланинг олиниши»ни ҳам, «Ҳарбий қисмларда ҳам кичик мансаб эгаларига кийим-бош улашиб пайти»ни ҳам, бошқа ҳар хил суратларни ҳам топиш мумкин.

Ҳазрати Фёдор нарсалар устида турган «Рус зиёратчилари» журналининг 1903 йилги жамламаси, «Мазҳабчилик тарихи» деган қалин китобни ҳамда муқовасида Везуний вулқони буруқсаб турган «Рус кишиси Италияда» номли рисолани ерга олиб қўйгач, қўлини сандиқча тубига тикиб, хотинининг эски қалпоғини суфуриб олди. Димокқа урган нафталин ҳидидан кўзи ачишиб, ҳазрати Фёдор қалпокнинг жимжима тўрлари билан йўғон чокларини сўкиб ташлаган эди, ичидан ичакдай ингичка халтacha чиқди. Халтачада ўн сўмлик тилладан йигирматача бор экан – ҳазрати Фёдорнинг ҳавои тижоратларидан қолгани шу бўлиб чиқди.

Ҳазрати Фёдор бир қўли билан жубба этагини кўтариб, халтачани йўл-йўл шимининг чўнтағига тикиди. Шундан кейин жавон ёнига келиб, конфет қутисидаги уч сўмлик ва беш сўмлик қофоз пулларни санади-да, эллик сўм олди. Кутида яна йигирма сўм қолди.

– Рўзгорга етади, – деди у.

САФАР ВАСВАСАСИ

Кечки почта поезді келишига бир соат вакт қолған. Ҳазрати Фёдор тиззани аранг ёпадиган пальтода, күлида сават билан касса олдида навбатда турибди, у ҳадиксираб дам-бадам эшикка қараб қўяди. Чунки юраги ғаш: боя қаттиқ тайинлаган бўлишига қарамай, хотини кузатгани чиқиб қолса борми, молия вакилини буфетда пиво билан сий-лаб ўтирган дўкондор Прусис уни таниб қолиши мумкин. Ора-сира у қавмларининг кўзи тушиб турган йўл-йўл шимига ҳайрат ва андиша билан қараб қўярди.

Плацкартасиз¹ поезд келганида одатдаги ур-ийқит бошланди. Катта-катта қоп орқалаган йўловчилар букчайиб поезднинг бошидан-оёғига, оёғидан-бошига югуришарди. Ҳазрати Фёдор ҳам шуларга қўшилишиб роса елиб-югурди. Ҳамма қатори у ҳам проводникларга ялинди, ҳамма қато-ри у ҳам кассадан бошқа томонга чипта олиб қўймадиммикин, деб юрагини ҳовучлаб турди, охири вагонга чиқиб олганидан кейингина одат-дагидек хотиржам тортди, ҳатто димоги чоғ бўлиб кетди.

Паровоз баралла чинқирди-ю, поезд ҳазрати Фёдорни сирли, лекин каттагина даромад келти-риши эҳтимолдан холи бўлмаган бир иш юзаси-дан номаълум томонга олиб кетди.

Бегона муҳитга тушиб қолиш зап қизиқ-да. Энг оддий одамам унга тушса, негадир бирдан ти-пирчилаб қолади-ю, дарҳол ё йўловчига, ё юқ олув-

¹ Плацкарта — вагонларда алоҳида жой учун сотиладиган чипта.

чига, ё бўлмаса, гала-гала кондукторлару перрон назоратчилигининг бошига битган бало – чиптасиз муттаҳамга айланади-қолади.

Гофилигидан ўзи вокзал ёки станция деб ном қўйилган бу муҳитга тушиши биланоқ ҳар қандай одам ҳаёти тубдан ўзгариб кетади. Кўкрагига ятироқ жез тақиб, оппоқ пешбанд боғлаб олган Ермак Тимофеевичлар олдига чопқиллаб келишади-ю, икки букилиб қўлидан юкини олишади. Шу аснодан бошлаб ўша одам ўз ихтиёри билан измини бошқаларга топшириб қўяди. Энди у йўловчи, шунинг учун ҳам йўловчилик вазифаларини бажаришга киришади, Дарвоқе, йўловчилик масъулияти анча мушкул, аммо роҳатижон.

Йўловчи жуда кўп овқат ейди. Оддий кишилар кечаси овқат емайди, йўловчи эса кечасиям кавшайди. Ҳамёни кўтармасаям, у қовурилган жўжа истеъмол қиласди, ошқозонига тўғри келмасаям, қайнатилган тухумни паққос уради, зайдундан ҳам қайтмайди. Поезд милларни кесиб ўтган кезлари сон-саноқсиз темир чойнаклар жиринглаб, бир парча газетага ўралган ва йўловчилар оёғини суфуриб олган жўжалар сакраб тушади.

Бироқ йўловчиларнинг парвойи фалак. Улар қизиқ-қизиқ латифалар айтиб ўтиришади. Ҳар уч дақиқада вагонни кулги босади. Ҳамма яна жимиб қолгач, биттаси ширали овозда навбатдаги латифани бошлайди:

– Бир яхудий чол жон бераётган экан. Хотини, бола-чақаси тепасида гирдикапалак. «Моня шу ердами?» – деб сурабди яхудий чол минг машакқат билан. «Шу ерда», – «Брана хола келдими?» – «Келди». – «Бувим қани? Кўринмаяпти-ку». – «У кишиям шу ердалар». – «Исаак-чи?» – «Шу ерда Исаак». – «Болалар қани?» – «Ҳаммаси шу ерда». – «Ия, дўконда ким қолди?»

Қийқириқдан чойнаклар шарақлаб, тепадаги жүжалар иргиб тушади. Аммо йўловчилар буни сезишмайди. Ҳар кимнинг ўйлаб қўйган бир латифаси бор, энтикиб навбатини кутади. Навбат келгандан кейин у тирсаги билан ёнидагиларни туртиб, «Энди бунга нима дейсиз!» – деб ҳаммани оғзига қаратгач, гап бошлайди:

– Бир яҳудий уйига келиб, хотинининг ёнига ётибди. Бир пайт кўрпа тагида бир нима қитирлаётганини эшишиб қолибди. Яҳудий қўлини қаравот тагига тиқиб: «Сенмисан, Жек?» – дебди. Жек эса унинг қўлини ялабди-да, «Менман», деб жавоб берибди.

Йўловчилар қотиб-қотиб қулишади, қоп-қора тун қир-адирларга курпа ташлайди, паровоз кувуридан учқунлар отиласди, тепадан поездга тикилган кўк кўзойнакли нимжон семафорлар лик-лик ўтиб туради.

Сафар зап ғалати нарса-да! Оғир юк ортган ичакдай узун поездлар мамлакатнинг ҳар томонига йўртиб кетаверади. Ҳамма жойда йўл очиқ. Ҳамма жойда яшил чироқ порлайди – йўл очиқ. Кутбга борадиган экспресс поезд Мурманскка ўрмалайди. Курск вокзалидан қадди букилиб чиққан «Биринчи – К» Тифлисга йўл олади. Узоқ Шарққа чиққан тезюарар поезд Байкални ёнлаб ўтиб, шитоб билан Тинч океанига яқинлашади.

Узоқ манзил сафоси каттаю кичик ҳаммани йўлга чорлайди. Ҳозир у иссиқ ўрнини совитиб, ҳазрати Фёдорни аллақайси бир губернияга келтириб ташлади. Ҳозир у собиқ дворянлар сардори, эндиликда ФХДЁ мудири Ипполит Матвеевич Воробъяновни ҳам васвасага солиб қўйганки, у бир балони бошламоқчи.

Одамлар оёғи куйган товукдек зир югуриб, мамлакат бўйлаб изфийди. Бирор ишлаб турган жойи-

дан ўн минг километр нарида ўзига попукдай қаллиқ топади. Бошқаси хазина топиш илинжида почта - телеграф бўлмини ташлаб, худди ёш боладай Алданга жўнайди. Яна бошқа бири уйида аста чуррасини силаб, граф Салиаснинг бир сўмдан беш тийинга тушган китобини мутолаа қилиб ўтиради.

Уста Безенчук қамишдан бел боғлаб, ўзи бошқош бўлган дафн маросимининг иккинчи куни Ипполит Матвеевич ишга борди, эллик тўққизни урган, уй-рўзгор ишлари билан шуғулланган, партиясиз, шаҳарда шаҳрида истиқомат қилган ва насаби эски шаҳар губернияси дворянларидан бўлган Клавдия Ивановна Петухова вафотини хизмат бурчи юзасидан ўз қўли билан қайд этди. Ипполит Матвеевич шундан кейин икки ҳафталик қонуний меҳнат таътилига ижозат олди, қирқ бир сўмдан иборат меҳнат таътили пули қўлига теккач, ишхонадагилар билан хайрлашиб, уйига жўнади. Йўл-йўлакай у дорихонага кириб ўтмоқчи бўлди.

Дорипаз Леопальд Григорьевич (уйдагилари ва ошна-оғайниларининг таъбири билан айтганда Липа) оппоқ огули идишлар гирдобида, бўялган қизил пештахта орқасида туриб олиб, асаби қўзиб брандмейстернинг қайнинглисига «қорайганда ҳамда сепкил тошганда қўл келиб, терини сутдек оппоқ қиласидиган Анго ёғупаси»ни пулламоқчи бўлиб турган экан. Аммо брандмейстернинг қайнинглиси «бадани бир текисда қорайтириш бобида табиатдан ўзиб кетган тилларанг Рашиль упаси»га талабгор эди. Шу тобда дорихонада бадани оқартирадиган Анго ёғупасидан бўлак ҳеч нарса бўлмагани учун бир-биридан осмон билан ерчалик фарқ қиласидиган ушбу пардоз буюмлари ўртасидаги омонсиз кураш ярим соатча давом

этди. Бары бир Липа ғолиб чиқди – пировардида, у брандмейстернинг қайнисинглисига самовардан андаза олиб ясалган бўлса ҳам кўринишидан лей-кани эслатувчи қандалакуш билан лаб қизарти-радиган бўёқни пуллади.

- Хўш, хизмат?
- Соч дориси керак эди.
- Ўстирадиганми, тўқадиганми ёки бўяйдиган-ми?

– Ўстиришга бало борми! – жавоб берди Ипполит Матвеевич. – Бўямоқчиман.

– «Титаник» деган ажойиб дори бор. Божхонадан олганмиз. Яшириқча мол. Иссиқ-совуқ сув ҳам, совун кўпигиям, керосин ҳам кор қилмайди. Зулукдай қора. Бир шишаси ярим йилга етади, нархи уч сўм ўн икки тийин. Юзингиздан ўтолмаганим учун беряпман.

Ипполит Матвеевич япалоқ «Титаник» шиша-часини қўлига олиб кўргач, хўрсинибгина ёзуви-га тикилди-да, пулинин пештахтага ташлади.

Ипполит Матвеевич уйига келгач, жирканиб «Титаник»ни боши билан мўйловига кўйди. Уй бир зумда сасиб кетди.

Овқатдан кейин қўланса ҳид камайгандай бўлди, мўйловиям қуриб, бир-бирига ёпишиб қол-ган экан, тараш ҳам ўлимдан қийин бўлди. Зу-лукдай қора дегани кўкимтир бўлиб чиқди, аммо қайта бўяшга вақт қани?!

Ипполит Матвеевич қайнонасининг ўлимлик кутичасидан жавоҳир рўйхатини олгач (бу рўйхатни у кеча топиб қўйган эди), ёнидаги нақд пулини яна бир санади, шундан кейин уйни қулфлаб, калитни орқа чўнтағига солди-да, 7 рақамли оши-рич поездга ўтириб, Эски шаҳарга жўнаб кетди.

БҮЮК МУДАББИР

Соат ўн бир яримда фарби-шымолдаги Чмаровка қишлоғи томондан Эски шаҳарга йигирма саккиз ёшлар чамасидаги бир йигит кириб келди. Унинг орқасидан бир бола эргашиб келарди.

– Амаки, ўн тийин беринг! – деди у қўнғироқдек овозда.

Йигит чўнтағидан бир дона ириган олма олиб боқимсиз болага узатди, лекин болакай яна эргашиб келаверди. Буни кўрган йуловчи йигит шартта тўхтаб, унга киноя билан қаради-да, секин сўради:

– Пул тўла уйга тоблари қалай, калитини бериб қўяйми?

Бола ҳаддидан ошганини фаҳмлаб, орқада қолди.

Йигит фирт ёлғон гапирган эди: унинг на беш-үн танга пули, на шу уйни очиб кирадиган калити бор эди. Унинг устида ҳатто пальтоси ҳам йўқ эди. У сабзиранг, хипча бел костюмда шаҳарга кириб келди. Йўғон бўйинини эски жун шарф билан ўраб олган, оёғида эса юмшоқ сариқ чармдан тикилган ялтироқ сандал. Аммо пайпоқ йўқ. Йигитнинг бир қўлида устурлаб.

«О, раққоса, ла-лай, ла-лай!» – дея хиргойи қила бошлади у кўчма бозорга яқинлашаркан.

Йигит бозорга келгач, енг шимариб ишга киришиб кетди. Харобазорда савдо қилаётган чайковчилар орасига суқилиб киргач, қўлидаги устурлабни баланд кўтариб, овозини борича бақиришга тушди:

– Кимга устурлаб! Кеб қолинг, сув текин. Делегация аъзолари-ю хотин-қиз бўлимларига арzon-роқ қилиб бераман.

Анчагача молга харидор чиқмай турди. Уй бекаларидан иборат гала-гала делегациялар кўпроқ камёб мол илинжида нуқул газмол дўкони олдида уймалашишарди. Эски шаҳар жиноят қидирув бўлимида ишлайдиган бир жосус икки марта устурлабфуруш олдидан ўтди. Устурлаб куни кеча ёғ-мой идорасидан ўғирланган ёзув машинкасига сира ўхшамай тургани учун ҳам жосус йигитга ҳадеб кўзини ола-кула қиласкермай, аста жўнаб қолди.

Пешинга бориб устурлаб бир чилангарга уч сўмга пулланди.

– Ўзи ўлчайди, – деди йигит устурлабни харидорга узатар экан, – ўлчашга арзигулик нарса топилса бўлгани.

Нозик асбобдан қутулган шўх йигит «Лаззат бурчаги» ошхонасида қорнини тўйдиргач, шаҳар сайрига чиқди. У кўчадан бу кўчага юравериб,

2-ИЖТИМОИЙ ТАЪМИНОТ УЙИ

деб ёзилган икки қаватли, кўркам 28-уй олдига келганида тўхтади, дарвоза ёнидаги тошсупада ўтирган қоровулдан папиросини тутатиб олмоқчи бўлди.

– Хўш, отахон, – деди йигит папиросини тортиб, – бу томонларда қайлиқ масаласи қалай?

Қоровул чол пинагини бузмади.

– Тенгини топганга қурбақа ҳам қайлиқ, – жавоб берди у бажонидил сұхбатга киришиб.

– Бошқа саволим йўқ, – шоша-пиша деди йигит. Лекин шу заҳотиёқ у чолни яна саволга тутди:

– Шунаقا данғиллама уйда қайлиқ бўлмаса-я?

– Биздаги қайлиқларни нариги дунёда дурбин билан қидириб юришибди, – деди қоровул шарт-

та йигитнинг оғзига уриб. – Бу жой давлатнинг худойихонаси: кампирларни давлат боқади.

– Тушунарли. Бундан чиқди, бу ердагилар ҳалиги тарихий эски тузумдан олдин туғилган экан-да?

– Ҳақ ғапни айтдинг. Қачон туғилишган бўлса ўшанда туғилишган.

– Хўш, тарихий эски тузумдан олдин бу уйда нима бўлган?

– Қачон дединг?

– Ўшанда, эски тузум пайтида.

– Ҳа, эски тузумдами, унда хўжайним турарди.

– Буржуймиди?

– Ўзинг буржуй! Сенга айтсам, у киши дворянлар сардори бўлган.

Йигит синфий жамиятнинг нозик томонлари-га фаҳми етмайдиган донишманд қоровул билан роса валақлашган бўларди-ю, лекин вақт тифизлигидан мақсадга кўча қолди.

– Гап бундоқ, бобой, – деди у, – озроқ мусаллас исчак бўлармиди.

– Меҳмон қилсанг, ичаверамиз.

Иккаласи бир соатча йўқолиб кетишиди, қайтиб келишганида қоровул билан йигит апоқ-чапоқ бўлиб қолган эди.

– Бугун сеникида тунаб қоларканман-да, – деди қоровулнинг янги ортирган дўсти.

– Менга деса бир умр қолиб кетмайсанми, зўр одам экансан.

Тезгина муддаосига етган йигит дарров қоровулхонага тушиб, сариқ сандалини ечди, кейин ўриндиқقا чўзилиб, эртага қиласидиган ишларининг режасини туза бошлади.

Йигитнинг исм-шарифи Остап Бендер эди. Одатда у таржимаи ҳолидан оғиз очгудай бўлса, фақатгина «Менинг отам турк фуқароси

бўлган», деб қўярди, холос. Турк фуқароси фарзандининг кирмаган гўлахи йўқ. Бирор касбкорнинг этагини ушлашга тўсқинлик қилган жонсараклиги эгасини мамлакатнинг у бурчагидан бу бурчагига тентиратиб юрди, мана энди худди шу феъли пайпоқсиз, калитсиз, уйжойсиз ва ёнида сариқ чақасиз уни Эски шаҳарга бошлаб келди.

Остап Бендер илиққина сассиқ қоровулхонада чўзилиб ётар экан, тирикчилик ўтказишнинг икки усулидан қай бирини танлашни ўйларди.

Хар шаҳарда биттадан хотин олиб, янги келинчакнинг қимматбаҳо буюмларини жомадонга жойлаб қочиши мумкин.

Қолаверса, эртагаёқ Эски шаҳардаги болаларнинг турмуш шароитини яхшилаш комиссиясига учрашиши ва ҳали оқ сурпга тушмаган бўлсаям, лекин антиқа бир мавзуда – рассом Репиннинг «Запорожъеликлар сultonга хат ёзишмоқда», деган машҳур расмига ўхшатиб: «Болалар Чемберленга хат ёзишмоқда», деган мавзуда сурат ишлаб беришни таклиф қилиши мумкин. Суратни тарқатишини комиссия ўз зиммасига олади. Агар иш ўнгидан келса, тўрт юз сўмча пулни қуртдай санаб олади.

Буларни Остап охирги марта Москвага борганида ўйлаб қўйган эди. Ўшанда оқшомги газетада бир суд ҳақида босилган хабарда устма-уст хотин олган бир одам шунчаки икки йилга қамалганини ўқиган эди. Шу мақола сабаб бўлиб, Остапнинг калласида биринчи режа туғилди. 2-сон режа эса Бендер контрамарка билан РРУ¹ кўргазмасига кириб чиққанида пайдо бўлди.

¹ РРУ – Россия рассомлар уюшмаси.

Лекин ҳар иккала лойиҳанинг ҳам ўзига яраша нуқсони бор. Эгнингда катак-катак, кулранг яхши костюм бўлмаса, хотинбозлик кўчасига кириш қийин, иннайкейин, хотин зотини ўзига қаратиб, кўнглини овлаш учун камида нақд ўн сўм пул керак. Бисотидаги ягона сабза костюмда иш бошласа ҳам бўлади-ю (зеро, эрсираб юрган қишлоқи Маргариталар Бендернинг йигитлик жозибаси ва ҳусни жамолини кўриб эриб кетиши турган гап), аммо бу йўл, Остапнинг ўз ибораси билан айтганда, «паст кетиши» бўлади. Расм масаласида ҳам қиттай чатоқлик бор: иш пайтида майда-чуйда андишалар чиқиб қолиши мумкин. Суратдагиларнинг ҳаммасига ҳеч бўлмагандан костюм кийдириб қўйса ҳам бўлади-ю, лекин унчалик тўғри келмайди-да.

– Таъсирчан чиқмайди, – деди овозини чиқариб Остап.

Шундагина у қоровул боядан бери ўзича валаклаётганини сезди. Маълум бўлишича, қоровул собиқ хўжайинини эслаётган экан.

Полицмейстер ҳам қўл қовуштириб туради-я... Мисол учун, сенга айтсан, Янги йил билан табриклаб қўйсанг, уч сўм қистиради... Пасхада, сенга айтсан, яна уч бола. Хўш, сенга айтсан, авлиё кунлари билан ҳам табриклаб қўясан. Қарабсанки, табрикнинг ўзидан бир йилда ўн беш сўмгача йифилиб қолади... Менга ҳатто нишон ҳам олиб бермоқчи бўлган. «Мендақа одамнинг қоровулиям нишон тақиб юриши керак», дерди нукул. «Нишон қўлимда деявер, Тихон», деб айтган ўзи.

– Хўш, беришдими?

– Тек тур... «Менга нишон тақмаган қоровулнинг кераги йўқ», дерди. Нишон олиб бермоқчи бўлиб Санкт-Петербурггаям бориб келди. Бирин-

чи боришида, сенга айтсам, иш юришмади. Жаноб тұралар рози бўлмапти. «Подшо чет элга кетган, ҳозир иложи йўқ», дейишибди. Хўжайин сабр қиласан, деди. «Сен сабр қил, Тихон, нишон албатта тегади», деб айтди.

– Хўжайнингга нима бўлган, думини тугишиганми? – тўсатдан сўраб қолди Остап.

– Ҳеч ким думини тутгани йўқ. Ўзи кетворди. Куни шу саллотларга қолсинмиди... Қоровулчилликка ҳозир нишон тегармикин?

– Тегади. Олиб беришим мумкин.

Қоровул меҳри ошиб, Бендерга бир қараб қўйди.

– Менга нишон жудаям керак. Хизматим шунаقا.

– Хўжайнинг қаёққа кетган ўзи?

– Ким билади дейсан! Парижга кетибди, деб юришувди.

– Э!.. Шоҳнинг қули, муҳожирнинг пули дегин...

Демак, муҳожир экан-да?

– Ўзинг муҳожир... Парижга кетган, дейишиди. Уйини бўлса кампиршолар эгаллаб ётибди... Кунда табрикласанг ҳам булардан сариқ чақаям унмайди!.. Эҳ, хўжайин зўр эди-да!..

Шу пайт эшик тепасидаги занг босган қўнғироқ силкинди. Қоровул инқиллаб-синқиллаб эшикка юрди, лекин очиши билан бир чайқалиб, орқасига тисарилди.

Юқори пиллапояда мўйлови билан соchlари тимкора Ипполит Матвеевич Воробъяников куринди. Унинг пенсне остига яширинган кўзлари урушдан олдингидай порларди.

– Хўжайин! – деб бўкириб юборди Тихон. – Париждан!

Стол четидан бинафшаранг товонга кўзи тушиб, қоровулхонада бегона одам борлигини сезган Ипполит Матвеевич саросимада орқасига

қайтмоқчи бўлган ҳам эдики, Остап Бендер сапчиб ўрнидан турди-да, Ипполит Матвеевичга икки букилиб таъзим қилди.

– Гарчи Парижга ўхшатмасалар ҳам фақирона кулбамизга марҳамат қилгайлар.

– Омонмисан, Тихон, – деб сўрашди Ипполит Матвеевич бошқа иложи қолмагач, – мен ҳечам Париждан келганим йўқ. Қаёқдан олдинг бу гапни?

Бироқ ўткир бурни ёғлиқ нарсанинг исини сезди-ю, Остап Бендер қоровулни оғиз очиргани қўймади.

– Жуда соз, – деди у аланглаб, – Париждан келмабсиз. Сиз, албатта, Кологридан келгансиз, раҳматли бувингизни кўриб ўтмоқчисиз.

Гап орасида у гангид қолган қоровулни бағрига босиб, секингина ташқарига чиқариб юборди. Қоровул бундоқ ўзига келиб қараса, чап қўлида бир сўмлик қофоз пулни фижимлаганича ташқарида турибди, Париждан келган хўжайини эса ичкарида қолган.

Бендер қоровулни чиқариб юбориб, эшикни ичкаридан ҳафсала билан қулфлаб олгач, орқасига ўгирилди, хонанинг ўртасида бақрайиб турган Воробъяновга қараб:

– Тинчланинг, ҳаммаси жойида, – деди. – Менинг фамилиям Бендер. Балки эшитгандирсиз?

– Эшитганман, – деди асабийлашиб Ипполит Матвеевич.

– Ҳа, дарвоқе, Остап Бендерни Париждагилар қаёқдан билсин? Париж қалай, иссиқми? Яхши шаҳар. Холаваччам ўша ерда турмушга чиққан. Яқинда хатга солиб шоҳи рўмолча юборибди менга...

– Қанақа бемаънилик бу! – ўшқирди Ипполит Матвеевич. – Рўмолчаси нимаси? Мен Париждан келганим йўқ, мен...

— Тасанно, тасанно Моршанскан келдим, деяверинг.

Ипполит Матвеевич бунақа шаддод йигитни умрида күрмаган эди, шунинг учун беҳуд бўлди.

— Хўп, мен борай бўлмаса, — деди у.

— Қаёққа? Шошиб нима қиласиз?

Ипполит Матвеевич нима дейишини билмай қолди, духобаси ейилган ёқали пальтосининг тугмасини ечиб, ўриндиққа чўкди-да, Бендерга олай-иб қаради.

— Гапингизга тушунолмадим, — деди у хаста овоз билан.

— Зарари йўқ, ҳозир тушунасиз. Бир дақиқа.

Остап яланг оёғига сариқ сандалини илиб, у ёқдан бу ёққа одимлади. Кейин гапини бошлиди:

— Қайси чегарадан ўтдингиз? Польшами? Финляндиями? Руминиями? Ўтишнинг ўзи бўлмаса керак. Менинг бир танишим яқинда чегарадан ўтди. Ўзи Славутда туради, бизнинг томонда. Хотинининг ота-онаси эса нариги томонда. Бир куни хотини билан жиқиллашиб қопти, у ҳам сиркаси сув кўтармайдиганлардан экан. Эрининг бетига тупуриб, ота-онасиникига қочиб кетибди. Танишим уч кунгача чидабди, қараса аҳвол чатоқ, иссиқ овқатдан дарак йўқ, уй бесаранжом. Шундан кейин у хотини билан ярашмоқчи бўлти. Ярим кечада уйдан чиқиб, қайнотасиникига жўнабди. Чегарачилар ғиппа ёқасидан олиб, авахтага тикишибди. Олти ойга кесилиб кетди, бояқишини қасба уюшмасидан ҳам ўчиришди. Каллаварам хотини энди қайтиб келганмиш, эри бўлса авахтада ётибди. Ҳар куни эрига овқат таширкан... Сиз ҳам Польша чегарасидан ўтиб келдингизми?

— Худо ҳақи, — деди Ипполит Матвеевич жавоҳир йўлида тўғаноқ бўлиб турган гапдон йигитга нисбатан кўнглида қандайдир тобелик сезиб, —

Худо ҳақи, мен Россия фуқаросиман. Керак бўлса, паспортимни кўрсатишим мумкин...

– Фарбда матбаа жуда тараққий этган, паспорт ясаш шунчалик осонлашиб кетганки, буни гапириб ўтиришнинг ўзи кулгили... Менинг бир танишм бор, ўша, денг, бир куни қарасам, доллар ясаяпти. Америка долларини ўхшатиб ясаш қанчалик қийин эканлигини биласизми? Долларнинг қофози жуда ғалати, гулли, тарам-тарам. Техниканинг тилини билиш керак. Ўша танишим ўзи ясаган долларларни Москванинг чайқов бозорида лойлабди, кейин билсак, буваси катта чайқовчи экан, ўша долларнинг барини Киевда сотиб олиб, роса чув тушибди. Ҳаммаси қалбаки-да. Кўрдингизми, сиз ҳам паспортингизни пеш қила-верманг, панд еб қолишингиз мумкин.

Шу тобда жавоҳирни тезроқ топиш ўрнига сассиқ қоровулхонага тиқилиб, манави сурбет йигитнинг таниш-билишлари қандай қинфир ишлар қилганини эшитиб ўтиргани учун хуноби ошган Ипполит Матвеевич кетишга журъят этолмас эди. Кимлиги номаълум бу йигит собиқ сардор келибди, деб шаҳарга жар солиши мумкин. Шуни ўйлаб, Ипполит Матвеевични муздай тер босди. Ҳа, агар шу гап тарқалса борми, бутун умидлари чиппакка чиқади, балки қамалиши ҳам мумкин.

– Ҳар ҳолда мени кўрганингизни бировга айта кўрманг, – деди ялиниб Ипполит Матвеевич, – эшитган қулоққа ёмон, мени ростакамига муҳожирга чиқариб қўйишлари мумкин.

– Қойил! Қойил! Мана буниси зўриддин! Аввал ишнинг ижобий томонини олайлик. Бир муҳожир ўзи туғилиб-ўсган шаҳарга қайтиб келади. Энди салбий томони: у милициянинг қўлига тушишдан қўрқади.

- Минг марта айтдим-ку сизга, мұхожир эмасман, деб.
- Бұлмаса кимсиз? Бу томонларда нима қилиб юрибсиз?
- Ҳалиги, бир иш билан Эски шаҳардан келдім.
- Қанақа иш билан?
- Ҳалиги, шахсий иш билан.
- Шунча гапдан кейин яна мұхожир эмасман дейсиз-а?.. Менинг бир танишим ҳам яқында...

Бендернинг таниш-билишларини әшитаверіб жони ҳалқумига келган Ипполит Матвеевич бу одамға бас келолмаслигини тушунгач, тақдирға тан берди.

- Яхши, - деб жавоб берди, - сизга ҳаммасини бир бошдан тушунтириб бераман.

«Ҳарқалай, бир үзим ёлғизлик қилиб қолишим мүмкін, ёнимда шеригим бұлғани маъқул, - күнглидан үтказди Ипполит Матвеевич, - үзиям фирмуттаҳамга ўхшайди. Асқатиб қолиши мүмкін».

Олтинчи боб

ЖАВОХИР ЖИЛОСИ

Ипполит Матвеевич хол-хол мовут шляпасини бошидан олиб, мүйловига тароқ урган эди, чар-силлаб электр учқуни отиади, кейин томоғини бир қириб олғач, умрида биринчи марта юзма-юз рүпара келган лүттибоз одамға, яъни Остап Бендерга қайнонасиянинг жавоҳир хусусидаги васијитини гапириб берди.

У бұлған воқеани гапириб бераётганида, Остап беш-олти марта ўрнидан туриб кетди, азбараойи ҳовлиққанидан чүян печкага қараб:

– Муз кўчди, жаноби маслаҳатчи тўралар! Муз кўчди, – деб қичқириб юборди.

Орадан бирор соат ҳам ўтмаган эдики, лиқиллаб турган стол ёнида иккови каллани каллага тираб, бир вақтлар қайнонанинг бармоқлари, бўйни, қулоқлари, кўкраги ҳамда соchlарини беzagан дуру жавоқир рўйхатини ҳижжалаб ўқий бошлади. Ипполит Матвеевич дам-бадам бурнидаги пенснени тўғрилаб, кўпириб дерди:

– Уч шода маржон... Жуда яхши эсимда бор. Иккитаси қирқ донадан, каттаси юз ўн дона. Яна битта гавҳар тошли жевак... Клавдия Ивановна бу ноёб буюм турт минг туради, деб айтган...

Навбат узукларга келди: никоҳ куни бериладиган бемаъни, қўпол на арzon узуклар эмас, балки ёқут кўзли, жилвагар эди улар; мана, хотин-халажнинг жажжи қулоғида минг хил товланиб турдиган залварли зираклар; мана, илондан нусха олиб ишланган зумрад билагузуклар; мана, беш юз ботмон ҳосил пулига келган қимматбаҳо тўғнафич; мана, энг зўр оперетта артистларнинг кучи етадиган марварид шодаси; мана, қирқ минг сўмлик тиллақош – заргарлик ҳунарининг тожи.

Ипполит Матвеевич бир зум атрофига разм солиб қаради. Исқирт қоровулхонанинг нимқорони гўшаларида кўклам шуъласи зумраддай товланиди. Жавоқирдай ялтироқ жило, шифтда муаллақ. Шу тоб шода-шода маржонлар стол устида йўиноқлаб, ерга сакради. Уй ичини жавоқир жилоси чулғаб олди.

Юраги ҳапқириб кетган Ипполит Матвеевич Остапнинг овозини эшитиб, ўзига келди.

– Анча дуруст. Тош танлашга уста экан, кўриниб турибди. Бу даҳмазани пулга чақса қанча бўлади?

– Етмиш-етмиш беш минг атрофида.

- Ҳм... Ҳозир юз эллик минг деяверинг.
 - Наҳотки шунча турса? – суюниб кетди Воробъянинов.
 - Бундан кам эмас. Лекин сўлагингизни оқизмасангиз ҳам бўлади, Париждан келган қадрли ўртоқ.
 - Нега энди?
 - Шундоқ, сиз ҳозир тарихий эски тузум давридасиз, – деди Остап. – Бундан бир иш чиқишига кўзим етмай турибди.
 - Нима учун?
 - Шунинг учун. Стуллар қанча эди?
 - Ўн икки дона. Мехмонхона мебеллар тўплами.
 - Ўша жиҳозларни аллақачон ўтин қилиб ёқиб юборишган бўлса керак.
- Азбаройи қўрқиб кетганидан Воробъянинов ўтирган жойида бир сапчиб тушди.
- Ўпкангизни босинг. Бу ишни мен ўз зиммамга оламан. Мажлис давом этади. Ҳа, айтмоқчи, икковимиз битта шартномача тузиб олишимиз керак.
- Нафаси бўғзига тиқилган Ипполит Матвеевич бош иргаб, розилик берди. Шундан кейин Остап Бендер битим шартларига ўтди.
- Хазина қўлга кирган тақдирда мен ширкатнинг бевосита аъзоси ва амалий саркори сифатида олтмиш фоиз оламан, ижтимоий сугуртага муҳтож эмасман, тўламасангиз ҳам бўлади.
- Ипполит Матвеевич бўзариб кетди.
- Куппа-кундуз куни шиляпсиз-ку мени.
 - Ҳўш, қанча бермоқчийдингиз?
 - Н-н-нари борса, беш; боринг-чи, ўн фоизини. Ўзингиз ўйлаб кўринг, ўн беш минг сўм деган гап-а, бу!
 - Кўнгиллари яна нимани хоҳлайди?
 - Ҳ-ҳеч нарсани.

— Мени текин ҳаммолдай ишлатмоқчи бўлиб-дилар-да ёки тилла кўмилган уй калитини бериб қўяйми, кўнгиллари суст кетдими шунга?

— Ундей бўлса, кечирасиз, — деди Воробъяников тўнғиллаб, — ўзимнинг ишимни ўзим уdda-лайман, бунга аниқ қўзим етади.

— А-ҳа! Ундей бўлса узр, — дарҳол ёпиштириди закий Остап, — бу иш менинг ҳам қўлимдан кела-ди. Энди, Таккернинг таъбири билан айтганда, бунга тўла имоним комил.

— Қаллоб! — чинқириб юборди Ипполит Матвеевич дағ-дағ титраб.

Остап пинагини бузмади.

— Ҳўв, Париждан келган жаноб, шуни билиб қўйингки, гавҳарларингиз нақ чангалимда турибди! Бинобарин, сизга раҳмим келганидан ўзимга шерик қилмоқчиман, қариганда қийналиб қолманг, деб.

Ипполит Матвеевич қанчалик зўр сиртмоқقا тушиб қолганини шундагина фаҳмлади.

— Йигирма фоиз, — деди у хўмрайиб.

— Масаллиги бизданми? — пичинг қилди Остап.

— Йигирма беш.

— Уй калитиям ичидами?

— Ўттиз етти ярим минг-а!

— Майда гапнинг нима кераги бор? Хўп, бўпти, эмлик фоиз. Ярми сизга, ярми бизга.

Савдолашиш давом этди. Остап яна ён босди. У Воробъяниковни азбаройи ҳурмат қилганидан қирқ фоизга рози эканини айтди.

— Эсиз олтмиш мингим! — бўкириб юборди Воробъяников.

— Жуда бачканада одам экансиз, — узиб олди Остап, — намунча пул деса, ўзингизни томдан ташламасангиз!

– Ҳа, ўзингиз-чи, пулни ёмон кўрасизми? – сурнайдай чийиллаб сўради Ипполит Матвеевич.

- Мутлақо.
- Бўлмаса олтмиш мингни нима қиласиз?

– Кўнглим суст кетди-да, бир!

Ипполит Матвеевич хўрсишиб қўйди.

– Хўш, қалай, бор барака топми? – яна ҳамлага ўтди Остап.

Воробъянинов бир пишиллаб, итоаткорона деди:

- Бор барака топ.

– Мана энди қўлни ташланг, пандавақилар сардори! Муз кўчди! Муз кўчди, жаноби маслаҳатчи тўралар!

«Пандавақилар сардори» деган ибора Ипполит Матвеевич нафсониятига оғир ботгани учун у Остапдан кечирим сўрашни талаб қилди, шундан кейин Остап узрини келтириб, узундан-узоқ нутқ сўзлади, гап орасида Ипполит Матвеевични фельдмаршал деб атади. Ана шундан кейин ҳар икки томон бўлажак жанг режаларини тузишга киришиди.

Ярим кечада қоровул Тихон йўл-йўлакай четанларга ёпишиб, симёғочларни қучиб, ертўлага қараб келарди. Аксига олиб, осмонда бир тилим ой сузуб юрарди.

– Ў, ақдий меҳнат ишчиси! Супурги бандаси! – деди Остап қадди камондай эгилган қоровулни кўриб.

Ҳожатхонадаги чаноқ ярим кечада баъзан ўзидан-ўзи вишиллаб, бирдан шов этиб қолади – ҳозир қоровул бўғзидан чиққан овоз ҳам шунга ўхшаб кетди,

– Зўриддин! – деди Остап Ипполит Матвеевичга юzlаниб, – аммо лекин қоровулингиз фирт бемаъни одам экан. Бир сўмгаям шунчалик ичадими?

– Б-бўлади, – деб қолди кутилмагандага қоровул.
– Менга қара, Тихон, – уни гапга солмоқчи
бўлди Ипполит Матвеевич, – жиҳозларим нима
бўлган, ошна, хабаринг борми?

Остап бўғзидан чиққан гапи тузукроқ эшитил-
син, деган мақсаддада Тихонни хиёл энгаштириб
турди. Ипполит Матвеевич бетоқат бўлиб, унинг
оғзини пойлади. Аммо қоровулнинг бири тушиб,
бири қолган тишлари орасидан ҳайқириқ отилиб
чиқди:

– Дор-ор-ил-амон за-м-м-онларда... Қоровулхонада
бир зумда тўс-тўйполон кўтарилди. Қоровул
бирорта сўзни ҳам тушириб қолдирмасликка ун-
наб, зур бериб хиргойи қиласарди. У қоровулхонада
кезиб гоҳ стол тагига шўнғиб, гоҳ девордаги соат-
нинг мис тошига бошини ураг, гоҳ эса бир оёғи-
да ерга чўккалаб, тўхтовсиз бўкирарди. Эси оғиб
қолган одамдай ўзида йўқ хурсанд эди.

Ипполит Матвеевич нима қиласарини билмай,
каловланиб турди.

– Гувоҳларни эртага сўроқ қиласиганга ўхшай-
миз, – деди Остап. – Ётайлик энди.

Тирракдай қотган зил-замбил қоровулни бир
амаллаб ўриндиққа ётқизиши.

Воробъяников билан Остап иккови қоровулнинг
каравотида тунайдиган бўлишди. Остап устида-
ги камзулни ечган эди, ичидан қайтарма ёқали,
қизил-қора катак гулли кўйлаги кўринди. Бошқа
ҳеч вақо йўқ.

Ипполит Матвеевич эса пишиқроқ экан: ки-
тобхонга маълум ялтироқ нимчаси қўшалоқ бўлиб
чиқди – тагидан яна битта тўқ ҳаворанг, жун ним-
ча кўринди.

– Сотса сотгудай нимча экан, – деди Бендер
кўзи ўнаб, – менга лойик бўлса керак. Сота
қолинг.

Янги орттирган шеригига, қолаверса, ўзлари тузган ширкатнинг бевосита аъзоси ва амалий саркори бўлмиш Остапга йўқ дегани Ипполит Матвеевичнинг кўнгли қабул қилмади.

У бирпас пешонасини тириштириб тургач, нимчани ўз баҳосига, яъни саккиз сўмга сотишга рози эканини айтди.

– Пулини хазина қўлга киргандан кейин оласиз, – деди Бендер Воробъяновдан илиққина нимчани қабул қилиб олар экан.

– Йўқ, буниси бизга тўғри келмайди, – деди Ипполит Матвеевич қизариб. – Бу ёққа олинг нимчани, илтимос.

Нозиктаъб Остап тутақиб кетди.

– Чайқовчилик-ку, бу! – ўшқирди у. – Юз эллик минг турганда саккиз сўм нима деган гап ахир! Шунгаям ота гўри қозихонами! Феълни кенг қилишга ўрганинг!

Ипполит Матвеевич баттар қизариб кетди, сўнгра ёнидан кичкинагина дафтарча олиб, ҳуснihat билан битиб қўйди:

25/IV – 27 й.

Берилди ўр. Бендерга – 8 с.

Остап дафтарчага кўз қирини ташлади.

– Шунақами! Модомики, биз билан ҳисоб-китобни бошлаган бўлсалар, бундоқ қоидасини келтириб ёзинлар, кирим билан чиқимни алоҳида қайд этиб боринг. Мендан олтмиш минг қарзсиз, шу пулни киримга ёзib қўйинг, чиқим қисмига эса нимчани қайд этинг. Қолдиги бизнинг фойдага. Эллик тўққиз минг тўққиз юз тўқсон икки сўм. Борига барака.

Шундан кейин Остап ёш боладай донг қотиб ухлаб қолди. Ипполит Матвеевич жун билакбори

били олифта этигини ечиб, қирқ ямоқ ич күйлакда қолгач, кўрпанинг остига кирди. Шу тобда унинг аҳволи фоят танг эди. Нега деганда, бир томондан, курпадан чиқиб қолган жойлари жунжикса, иккинчи томондан, ёнида ётган буюк мудаббирнинг томирида минг хил фикр жўш уриб турган навқирон бадани ўтдай ёндиради.

Қоровулхонадагиларнинг учови ҳам туш кўриб ётарди.

Воробъянов ёмон туш кўрди: тушига ҳар хил микроблар, жиноят қидирув бўлими, духоба пўстинлар, смокинг¹ кийган, соқоли ўсиб кетган тобутсоз уста Безенчук кириб чиқди.

Остап эса Фудзияма вулқонини, ёғ-мой трести-нинг мудирини ва негадир Днепрострой кўринишиларини сотиб юрган Тарас Бульбани туш курди.

Қоровулнинг тушида отхонадан битта от йўқолганмиш. Эрталабгача роса қидирибди-ю, лекин тополмабди. Шунинг учун у юраги ғаш бўлиб ўрнидан турди. Каравотида ётган одамларга узоқ тикилиб, роса ҳайрон бўлди. Нимага булар бу ерда ётганига ақди етмай, супургисини олиб, ўзининг асосий юмушини бажаргани – от қумалогини териб, худойихонадаги кампирларга дағдаға қилгани кўчага чиқиб кетди.

Еттинчи боб

«ТИТАНИК» АСОРАТИ

Ипполит Матвеевич одатдагидай эрта билан соат етти яримда уйғонгач, «гуд морген», деб фўлдираб қўйди-да, ювингани кетди. У зўр ҳафсалада

¹ Смокинг – қора мовутдан қилинган, қайтарма ёқали костюм.

билин ювинди: гоҳ пишқирап, гоҳ ғингшир, гоҳ эса қулоғига кирган сувни туширмоқчи бўлиб ҳадеб калласини лиқиллатар эди. Шундан кейин у мириқиб артинди, артинди-ю, сочиқни кўриб ҳанг-манг бўлди: не кўз билан кўрсинки, кечагина гажак мўйловига ярашиб турган зулукдай қора бўёқ сочиққа ёпишиб чиқибди. Ипполит Матвеевичнинг юраги зирқираб кетди. Жон ҳолатда чўнтағидан ойнакчани олиб қараган эди, бесўнақай бурни билан худди майса ўтга ўхшаб қолган кўм-кўк мўйловининг чап қаноти кўзига тушди. Ипполит Матвеевич шоша-пиша ойнакни ўнгга олди. Мўйловининг ўнг томониям ўшандай хунук, яшил рангда эди. Кўзгуга калла қилмоқчи бўлгандай шартта эгилиб қараса, ҳурпайган соchlарининг ўртаси зулукдай қора-ю, аммо четига бирор яна ўша майсадан экиб ташлагандай кўринди.

Ипполит Матвеевич қаттиқ инграб юборди, буни эшитиб Остап Бендер уйғониб кетди.

– Эсингиз жойидами! – деб жеркиди Бендер ва шу заҳотиёқ яна кўзини юмиб олди.

– Ўртоқ Бендер, – нажот сўрагандай пичирлаб деди «Титаник» курбони.

Остап роса туртиб, хўп ялиниб-ёлворганидан кейингина у уйғонди. Остап Ипполит Матвеевичга тикилиб қаради-ю, бирдан хаҳолаб кулиб юборди. Ширкатнинг бош саркори ва амалий директори ташаббускор директорга орқасини ўгириб олганича қотиб-қотиб кулар, дам-бадам каравот суюнчиғига ёпишиб, «Вой ўламан!» – деб қичқирап, энди тинчий деб қолганида яна жазаваси тутиб, баттар қичқиради.

– Ву ишиңгиз яхши эмас, ўртоқ Бендер, – деди Ипполит Матвеевич кўм-кўк кўкариб кетган мўйловини асабий ўйнатиб.

Холдан тойган Остапга яна жон кирди. У яна ўн дақиқача ичаги узилгудай бўлиб қуади. Шундан кейин анча ўзига келиб, яна жиддийлашди.

– Тошбақа тухумига термилгандай нега бақрајасиз? Турқингизга бир қаранг.

– Дорихоначи ранги зулукдай қора бўлади, деган эди. Иннайкейин совуқ ва иссиқ сувгаям, совун кўпиги билан керосингаям чидайди, ҳечам ўчмайди, девди... Четнинг моли экан, бекитиб сотишаркан.

– Четнинг моли? Шуни билиб қўйингки, чет молларининг ҳаммаси Одессадан, Кичик Арнаут кўчасидан чиқади. Қани, шишани бу ёқقا олингчи... Мана, кўрдингизми? Нима деб ёзилганини ўқидингизми?

– Ўқиган эдим.

– Бунисини-чи, майда ҳарф билан ёзилганини? Мана, кўрга ҳассадай қилиб ёзиб қўйибди: иссиқ ёки совуқ сув, совун кўпиги ёки керосин билан ювгандан кейин офтобда ёки бўлмаса примусда¹ қуритиш керак... Нега қуритмадингиз? Кўкариб кетган чўлтоқ супурги билан қаёққа борасиз энди?

Ипполит Матвеевичнинг юраги хун бўлиб кетди. Шу пайт Тихон кириб қолди. У хўжайниннинг кўкариб кетган мўйловини кўриб бир чўқиниб олди-да, бош оғрифига пул сўради.

– Меҳнат қаҳрамонига бир сўм узатворинг, – таклиф қилди Остап, – илтимос қиласман, менинг ҳисобимдан бўлмасин. Собиқ хизматкорингиз билан ўзингизнинг шахсий ишингиз бу... Отахон, сен кетмай тур, озроқ гап бор.

¹ Примус – рўзгорда овқат пишириш, сув иситишга мўлжалланган, керосинни горелкага ҳайдаб берувчи насосли асбоб.

Остап қоровулни гапга солиб, хўжайинининг жиҳозларини суриштириди, орадан беш дақиқа ҳам ўтмаган эдики, ширкат аъзолари ҳамма нарсани билиб олишди. Жиҳозларни 1919 йилда уйжой бўлимига олиб кетишган экан, ўшандада меҳмонхонадаги стуллардан биттаси Тихонда қолган экан, кейинчалик ижтимоий таъминотга қарашли 2-уйнинг хўжалик мудири буни ҳам кўтариб кетибди.

– Демак, ўша стул ҳозир шу уйда экан-да?

– Шу уйда.

– Менга қара, ошна, – деди Воробъянов жон ҳолатда, – курсини олиб қолганингда ҳалигидай... ўт-бетига кўл урмовмидинг?

– Кўл уриб нима қиласман. Илгариги замонда ҳамма иш пишиқ бўларди. Бунаقا стул яна ўттиз йил чидаб бериши мумкин.

– Хўп, ошна, боравер, манави бир сўмни ҳам ол, лекин келганимни бирорвга айтиб қўйма.

– Гум, ўртоқ Воробъянов.

Остап Бендер қоровулни ташқарига чиқариб юборгач, «Муз кўчди», деб бақирди-да, яна Ипполит Матвеевичнинг мўйловига қайтди:

– Яна бир бор бўяшга тўғри келади. Пулдан чўзинг, дориҳонага бориб келаман. «Титаник» деганингиз ҳеч балога ярамайди, фақат итнинг жунини бўяшга арзиса керак. Илгарилари хўп антиқа бўёқдар бўларди-да!.. Пойгашунос бир профессор менга бир ғалати воқеани айтиб берган эди. Ҳечам пойгага қизиқсанмисиз? Йўқми? Афсус. Кўп ғалати нарса. Бўлмаса гапни эшитинг... Граф Друцкий деган машҳур найрангбоз ўтган. Пойгада беш юз мингни бой берибди. Асл қиморбоз-да! Қулоғигача қарзга ботиб, ёнида сариқ чақаям қолмагандан кейин нариги дунёни кўзлаб турган экан, устаси фаранглардан бири эллик сўм

эвазига унга ажойиб маслаҳат берибди. Граф қаёққадир ғойиб бўлибди ва бир йилдан кейин Орловдан бир дўнон отни етаклаб келибди. Ана ўшандан кейин граф ҳамма пулини қайтариб олибди, бунинг устига яна уч юз мингча ютибди ҳам. «Маклер»¹ деган ўша дўнони маррага биринчи бўлиб келаверибди, бу ёгини сўрасангиз, расмий ҳужжатлари ҳам бопта экан. Ўша дўнон пойгода «Мак-Магон»дан бир от бўйи ўзиб кетибди. Бўпти қиёмат, бўпти қиёмат!.. Аммо Курочкин деган бир одам (балки уни эшигандирсиз) бундоқ разм солиб қараса, Орловдан чиқсан ҳамма бедовлар рангини ўзгартирамишу «Маклер» қилт этмасмиш! Кўз кўриб қулоқ эшифтмаган жанжал кўтаришибди! Граф уч йилга қамалибди! Кейин маълум бўлишича, «Маклер»нинг зоти бошқа экан, қони чатишгани учун уни бўяб келишган экан. Биласиз, чатишган отлар Орлов отларидан чопқирроқ бўлади, бегона отни асло яқинига йўлатмайди. Хўш, қалай?.. Мана буни асл бўёқ деса бўлади! Мўйловингиздан ўргилдим!..

– Расмий ҳужжат-чи? Ҳаммаси жойида эканку.

– Ўзингиз мақтаган «Титаник»ка ўхшаб бу ҳам қалбаки экан! Қани, пулдан чўзинг!

Остап янги дори олиб келди.

– «Наяда», «Титаник»дан ўлса ўлиги ортиқ. Камзулни ечинг.

Соч-соқолни қайта бўяш маросими бошланди. Бироқ сочни майин ҳамда юмшоқ қиладиган ажойиб қўнфиранг дори кўқимтири «Титаник»ка қўшилгач, Ипполит Матвеевичнинг соч-соқоли ҳафтиранг камалак тусини олди.

¹ Маклер – даллол.

Эрталабдан бери туз тотмаган Воробъянинов барча атир-упа заводларини – давлатга қараш-лиларини ҳам, Одессадаги Кичик Арнаут күчасида яширингандарини ҳам роса бўралаб сўкди.

– Бунақа антиқа мўйловни ҳатто Аристид Брианд тушида ҳам кўрмаган бўлса керак, – деб кесатди Остап, – аммо-лекин бунақа тўқ бинафшаранг соч билан Россияда яшаб бўлмайди, олдиришга тўғри келади.

– Қандоқ олдираман, – деди Ипполит Матвеевич мунгайиб, – бунинг иложи йўқ.

– Ҳа, мўйлов бирорни эслатиб турадими?

– Иложим йўқ, – яна қайтарди Воробъянинов бошини ҳам қилиб.

– Ундай бўлса қоровулхонага тиқилиб ўтираверинг, стулларни ўзим излаб топаман. Дарвоқе, шулардан биттаси тепада кутиб турибди.

– Қирқинг!

Бендер дарҳол қайчи топиб келиб, соқолни шартта қирқиб ташлади. Саркор директор худди шу тарзда унинг сочини ҳам қирқиб ташлагач, чўнтағидан сарғайган «Жиллет» соқол асбобини, ҳамёнидан эса асрар қўйган бир дона пискани олиб, йиғламсираб турган Ипполит Матвеевичнинг сочсоқолини қира бошлиди.

– Асрар юрган эдим, сизга ишлатяпман. Эсингида бўлсин, соч-соқолингизни олганим учун кирим дафтаримга икки сўм ёзиб қўясиз.

– Сизники намунча қиммат? Ҳамма жойда қирқ тийин-ку! – деди боядан бери войвойлаб ўтирган Ипполит Матвеевич.

– Бу иш енг ичида бўлаётгани учун, ўртоқ фельдмаршал, – деб дарҳол гапни ёпиштириди Бендер.

Соқол асбобда соч олдириш қанчалик азоб эканини Ипполит Матвеевич бошидаёқ билган эди.

Бироқ ҳар нарсанинг охири бўлганидек, бу иш ҳам ниҳоясига етди.

– Тамом. Мажлис давом этади! Асаби чатоқлар четга ўгирилсин! Мана энди донғи чиққан лапарчи Боборикиннинг худди ўзи бўлдингиз.

Ипполит Матвеевич яқиндагина кўрк бериб турган оппоқ соч толаларини бошидан сидириб ташлагач, ювениб олди, териси ачишаётганини сезиб, яна бир марта ойнакка қаради. Қаради-ю, ўзидан хурсанд бўлиб кетди. Ойнадан унга театрларда шартномасиз ишлаб юрадиган актёрларга ўхшаган одамнинг изтиробли, лекин ёш чеҳраси тикилиб турарди.

– Қани, олға труба¹ йўлга чорлайди! – деб қичқирди Остап. – Мен уй-жой бўлимига ёки аниқроқ қилиб айтганда, илгари уй-жой бўлими турган бинога қараб кетдим, сиз – кампирлар ҳузурига!

– Мен у ёққа боролмайман, – деди Ипполит Матвеевич, – ўз уйимга яна қадам босишга юрагим бетламайди.

– Ҳа-я!.. Жуда ғаройиб воқеа! Қувфинга учраган барон! Майли. Сиз уй-жой бўлимига бора қолинг, бу ёғини ўзим эплайман. Қоровулхонада учрашамиз. Қани, кетдик!

Саккизинчи боб

УЯТЧАН ЎФРИ

Ижтимоий таъминот бўлимига қарашли 2-уйнинг хўжалик мудири қўли эгри бўлса ҳам андиша бобида унинг олдига тушадигани йўқ. У ўфрилик-ку қиласар, кейин уялиб юрар эди. У қўлига

Труба – карнайсимон мусиқа асбоби.

илинган нарсани ўмариб кетаверади, натижада ҳамиша ўзи ич-этини еб юрарди, шунинг учун бўлса керак, қиртишлаб олинган сип-силиқ икки бети истиҳола, андиша ва хижолатдан доим қизариб турарди. Хўжалик мудирининг исм-шарифи Александр Яковлевич, хотининики эса Александр Яковлевна. Хотинчасини у Сашхен деб чақира-са, жуфти ҳалоли уни Альхен деб атайди. Александр Яковлевичдай фоят андишли ўғри дунёда битта бўлса керак.

Уни фақат хўжалик мудири эмас, умуман, мудир деса ҳам бўлади. Нега деганда, олдинги мудир боқимхонадагиларга қўпол муомалада бўлгани учун ишдан олиниб, симфоник оркестрга раҳбар қилиб юборилган, Альхен ўша тарбиясиз бошлиққа тариқча ўхшамайди. Иш кунидан яна ҳам унумлироқ фойдаланиш мақсадида у мудирилик вазифасиниям зиммасига олди, уйда муҳим ислоҳотлар ўтказиб, янги тартиб-қоидаларни амалга оширди, нафақаҳўр кампирлар билан ҳам муомалани йўлга қўйди.

Остап Бендер илгари Воробъяников турган шуданрилама уйнинг оғир дуб эшигини тортиб, вестибюлга кирди. Шу заҳоти таги олган бўтқа ҳиди димоfiga урилди. Юқоридаги уйлардан олағовур эшитилди. Атрофда тирик жон кўринмайди. Тепага қараб икки қанот дуб зинапоя кетган. Бўёғи кўчган пиллапояларда ёлғиз ҳалқачалар қолибди, бир вақтлари гилам пойандозларни қисиб турган мис чивиқлар гумдон бўлибди.

«Пандавақилар сардори роса пул топиб, ақл топмаган бефаросатлардан экан», – кўнглидан ўтказди Остап зинадан чиқаётib.

У дуч келган хона эшигини очиб мўралади, ёрургина, кенг бир хонада сурранг бўз кўйлак кийган ўн беш нафарча кампир давра олиб ўтириб-

ди. Кампирлар норгул эркак томон бўйинларини чўзиб, ашула айтишмоқда!

Узоқларда эшитилар шақилдоқ саси,
Елдирмоқдадир ўша таниш уч отли извош...
Оқ кафандай оппоқ қорнинг оқиши пардаси
Поёни йўқ иироқларга қўйган эди бош!..

Кампирлар хорини бошқараётган эркак эгнида ҳам бўздан тикилган бурма кўйлак билан шим. У куйга мослаб кафтларини бир-бирига уриб қўяди-да, турган жойида гир айланиб ўшқиради:

– Хўв овози ингичкалар, секинроқ! Кокушкина, баланд кетма!

У Остапни кўришга кўрди-ю, аммо қўл ҳарачатларини тўхтатолмай ўқрайиб қаради-да, яна дирижёргигини қиласкерди. Кўрпа тагидан чиққандай, яна хорнинг нолиши эшитилди:

Ла-ла-ла, ла-ла-ла, ла-ла-ла,
Ла-ла-ла, лу-лу-лум, лу-лу-лум.

– Менга қаранг, ўртоқ хўжалик мудирини қаердан топсам бўлади? – ашулачилар сўлиш олиши билан гап қотди Остап.

– Нима ишингиз бор эди, ўртоқ?

Остап дирижёрга қўлини чўзиб, кўнгил сўраган бўлди:

– Халқ қўшиқларими? Жуда соз. Мен ўт ўчириш инспекториман.

Хўжалик мудири хижолат чекди.

– Ҳа, ҳа, – деди уялиб, – айни муддао. Ўзим ҳам шу тўғрида ёзмоқчи бўлиб юрган эдим.

– Бу ёғидан хотиржам бўлинг, – унинг кўнглини кўтариб деди Остап, – ёзишни менга қўйиб бераверинг. Қани, бинони бир текшириб чиқайлик-чи.

Альхеннинг ишораси билан хор жойидан қўзғалиди, кампирлар бедана юриш қилиб бир зумда шодон тарқаб кетишиди.

— Марҳамат қилиб орқамдан юринг, — таклиф қилди хўжалик мудири.

Остап нарироқ юришдан олдин анжомларга разм солди. Хонада бир дона стол, боғларда турадиган чўян оёқли икки ўриндиқ (шулардан бирининг суюнчиғига аллаким «Коля» деб ўйиб ёзибди) ҳамда бир дона ола-була фисгармониядан бошқа нарса кўринмади.

— Бу ерда примус ёқилмайдими? Вақтинча ўрнатилган печкалар йўқми?

— Йўқ, йўқ. Хонани тўгаракларга ажратиб берганмиз: хор, драма, тасвирий санъат ва мусиқа тўгараклари...

Александр Яковлевич «мусиқа» деб оғиз жуфтлаши билан лавлагидек қизариб кетди. Олдинига даҳани, ундан кейин пешонаси билан ёноқлари ловиллади. Альхен қилмишидан қаттиқ уялиб кетди. Зеро, духовой капеллага¹ тегишли ҳамма асбобларни у аллақачон сув қилган. Қолаверса, бунақа чолғу асбобларига кампиршоларнинг нозик ўпкаси ҳечам дош беролмасди, нуқул чийиллагани чийиллаган. Ахир уюм-уюм металнинг бекор ётиши кулгили-ку. Альхен капеллани гумдон қилмай иложи йўқ эди. Мана энди бўлса ўзининг қилган ишидан ўзи хижолат бўлиб ўтирибди.

Сурранг бўзни бир-бирига улаб, деворга каттакон шиор осиб қўйишибди. Икки деразани қоплаган шиорга шу сўзлар битилган:

«Духовой оркестр, жамоа ижод йўлидир».

¹ Капелла — хор билан мусиқачиларнинг биргаликдаги жамоаси.

– Жуда яхши, – деди Остап, – тўгараклар маш-гулот ўтказадиган бу хона ёнгин чиқишидан мутлақо бехавотир экан. Қани, кетдик.

Остап Воробъянов уйининг олд томонида жойлашган кўпгина хоналарга бир-бир кириб чиқсан бўлса ҳам, лекин устига гулли инглиз чити қопланган букри оёқ стулга кўзи тушмади. Худди мармарга ўхшаб силлиқ тарашланган деворларга Ижтимоий таъминот бўлимининг 2-уйига тааллуқли буйруқларни ёпиштириб қўйишибди. Остап буйруқлардан кўзини узмаган ҳолда гоҳгоҳ сўраб қўярди: «Мўрилар вақтида тозалаб туриладими? Печкалар жойидами? Хўжалик мудиридан мукаммал жавоб олгач, яна йўлида давом этарди».

Ўт ўчириш инспектори шунча урингани билан уйдан бирорта иштал тополмади. Қолаверса, қидиув ишлари ҳам пучга чиқай деб турибди. Остап ётоқхоналарга кириб чиқди. Кампирлар уни ўринларидан туриб, таъзим билан кутиб олишди. Ҳамма каравотларга пахмоқ кўрпа тўшалган: кўрпаси тушмагур ҳам худди итнинг жунидан тўқилганга ўхшайди. Кўрпанинг бир томонига «Оёқ» деб ёзиб қўйишибди, фабрикадан шундоқ келган бўлса керак. Аскарча одатни яхши кўрадиган Александр Яковлевичнинг ташабbusи билан хонадаги сандиқчаларнинг роса учдан бир қисми каравот тагидан чиқиб турибди.

2-уидаги барча анжомлар: собиқ Александр, ҳозирги ишчилар шанбаликлари хиёбонидан келтирилган ўриндиқлардан иборат жиҳозлар ҳам, керосин чироқлари-ю, «Оёқ» деб тамфа босилган ваҳимали кўрпалар ҳам – ҳамма-ҳаммасида одимилик бор эди. Бу уйда фақат бир нарса ихлос билан пишиқ ишланган – у ҳам бўлса эшиклардаги пружиналар.

Эшик асбобларига Александр Яковлевичнинг суяги йўқ. У кўп азият чекиб, уйдаги ҳамма эшикларга ранг-баранг пружиналар ўрнатиб чиққан. Буларнинг орасида оддийлари ҳам, насосли мис цилиндрли пружиналар ҳам бор. Зилдек питра халтача ўрнатилган антиқа чиғир пружиналарни айтмайсизми? Эшиклардаги бир хил асбобларни куриб, ҳатто ижтимоий таъминот чилангари-нинг ҳам оғзи очилиб қолган. Ҳар хил цилиндрлар, пружина ва посангиларнинг қудрати ниҳоятда зўр. Бу эшиклар қопқонга ўхшаб қарс этиб ёпилади. Уларнинг шовқинидан бутун уй ларзага келди. Кампирлар чинқиришиб зарбага чап бермоқчи бўлишади, аммо кўпинча қочиб қутулишомайди. Эшик қоқмоқчи бўлган кампирнинг елкасига туширади, тепадан тушган посанги эса замбарак ўқидай вишиллаб, қулоқни ялаб ўтади.

Бендер хўжалик мудири билан хоналарни айланиб юрар экан, эшиклар қарсиллаб уларни кутлагандай бўларди.

Аммо уйдаги мана шу серҳашам безакларнинг таги пучга ўхшайди – стулдан дарак йўқ. Ёнрин чиқишига сабаб бўлиши мумкин бўлган иллатни излаб, инспектор ошхонага кирди. Кир қайнайдиган каттакон қозонда бўтқа биқиллаб турган экан; буюк мудаббир бунинг исини даҳлиздаёқ сезган эди. Шунинг учун ҳам у бурнини жийириб сўради:

– Нима бало, машина мойи ишлатяпсизларми?
– Худо ҳақи, тоза сариёғ солганмиз, – деди Альхен йифламоқдан бери бўлиб. – Фермадан сотиб оламиз.

Шу тобда у хижолатдан ўзини кўярга жой тополмай қолди.

– Дарвоқе, бунинг ёнфинга сира алоқаси йўқ, – деб қўйди Остап.

Ошхонадаям стул йўқ эди. Ҳалигидака бўздан пешбанд тақиб, қалпоқ кийган ошпаз тагида биттагина курси кўринди, холос.

– Нимага кийим-кечаклар бир хил, ҳаммасининг ранги ўчган, докалар ҳам ойна артишдан бўлакка ярамай қопти?

Уятчан Алъхен баттар хижолат бўлди.

– Маблағ етишмайди, жуда кам ажратишади. Хўжалик мудири ўзидан жирканиб кетди.

Остап шубҳа билан унга бир қараб қўйгач:

– Мен ўт ўчириш идорасининг вакилиман, бунинг менга алоқаси йўқ, – деб унинг гапини бўлди.

Алъхен қўрқиб кетди.

– Ёнфинга қарши ҳамма чоралар кўрилган, – деди у шоша-пиша, – «Эклер» деган асбобимиз ҳам бор, ўт чиқса, ўзи ўчиради.

Инспектор дуч келган қазноққа бошини суқиб, ўт ўчирадиган асбобга яқинлашиб бораверди. Хонадонда ёнгин балосидан сақлайдиган ягона қурол шу бўлишига қарамай, инспектор узунчоқ қизил тунука идишни кўриши билан тутақиб кетди.

– Чайқов бозоридан олганмисизлар?

Тўқмоқдай бошга тушган савол зарбидан гангиди қолган Александр Яковлевичнинг жавобини ҳам кутиб ўтирмай, у занг босган михдан «Эклер»ни юлқиб олди-да, капсюлини бир уриб синдиригач, дарров учини тепага қаратди. Бироқ кўпикли сув отиш ўрнига ўт ўчиргичдан қадимги диний ашула оҳангига ўхшаб писиллаган товуш чиқди.

– Ҳай, чайқов бозоридан олингани кўриниб турибди, – деди Остап ўзининг фикрини тасдиқлаб, кейин ҳамон писиллаб турган асбобни жойига илиб қўйди.

Ўт ўчиргич уларни чийиллаб кузатиб қолди.

«Қаерда бўлиши мумкин? – хаёлидан ўтказди Остап. – Бу машмаша менга ёқмай турибди». У

сирни билиб олмагунча бу даргоҳдан жилмаслик-ка қарор қилди.

Инспектор билан хўжалик мудири ёнфинга қарши кўрилган чораларни, мўриларнинг ҳолатини обдан текшириб, чердакма-чердак роса изғиб юришган бир пайтда Ижтимоий таъминот бўлимига қарашли 2-уйда ҳаёт ҳар кундагидек давом этар эди.

Тушлик овқат тайёр бўлди. Таги олган бўтқа ҳиди уй ичидағи жами қўланса исларни босиб тушди. Даҳлизларда шипиллаган овозлар эшитилди. Тунука тогорачани икки қўллари билан ушлаганча ошхонадан атайлаб бўтқа олиб чиқсан кампирлар, ошхона деворларига осилган шиорларга қарамасликка уриниб умумий стол ёнига ўтиришди. Александр Яковлевичнинг шахсан ўзи тўқиб, Александра Яковлевна бадиий жило берган шиорлар бундай эди:

«ОВҚАТ – САЛОМАТЛИК МАНБАИ»
«БИР ДОНА ТУХУМ ТАРКИБИДАГИ МОЙ
БИР ҚАДОҚ ГЎШТГА ТЕНГ КЕЛАДИ»
«ОВҚАТНИ ҚАНЧАЛИК КЎП ЧАЙНАСАНГ
ЖАМИЯТГА ШУНЧАЛИК ФОЙДА КЕАТИРА-
САН» ИННАЙКЕЙИН: «ГЎШТ – ЗАРАР»

Ана шу пурҳикмат сўзларни ўқиб, боёқиш кампирлар инқилобдан олдиноқ тўкилиб кетган тишлигини, тахминан уша пайтларда номи ўчган тухумларни, жиққа мой бобида тухумдан орқада қолган гўшtlарни, қолаверса, овқатни чайнаб, жамиятга фойда келтириш имконидан маҳрум бўлганликларини эслаб қолишса нима бўлади, ахир.

Дастурхон атрофида кампирлардан ташқари яна бир талай Яковлевичлар – Исидор Яковлевич,

Афанасий Яковлевич, Кирилл Яковлевич, Олег Яковлевич ва Паша Эмильевич ўтиришибди. Ижтимоий таъминот олдида турган талабларга бу азаматларнинг ёшиям, жинсиям мос эмас, лекин тўрттала Яковлевич Альхенга укача, Паша Эмильевич эса Александра Яковлевнага жиянча бўлади. Паша Эмильевичнинг ёши ўттиз иккида, буларнинг ичидаги энг каттаси шу. Йигитлар Ижтимоий таъминот уйини ўзлариники қилиб олишган, бундан асло хижолат чекишмайди. Ҳамма нарсани кампирлар билан баҳам кўришади, буларга ҳам «Оёқ» деб тамға босилган кўрпа билан тўшак берилган, кампирларга ўхшаб уларнинг эгнида ҳам сурранг бўз кўйлак, лекин шуниси ҳам борки, навқиронлик ва билакдаги куч важидан овқатнинг сархили шуларники. Альхен улгурмаган нарсаларни булар ўмаридекетишади. Паша Эмильевич бўлса бир ўтиришда икки кило майда балиқни паққос туширади, ҳатто бир куни мечкайлигини кўрсатмоқчи бўлиб, ҳаммани оч қўйган ҳам.

Кампирлар бўтқага энди қошиқ уришган ҳам эдик, тогорачани бўшатиб қўйган Яковлевичлар билан Эмильевич кекириб ўринларидан туришди-да, яна қорин фамида ошхонага қараб юришди.

Тушлик овқат давом этарди. Кампирларчувилаша кетди:

– Энди қоринни қаппайтириб олиб, яна бўкиришга тушишади!

– Паша Эмильевич бўлса бугун эрталаб қизил бурчакда турган стулни сотди, чайқовчига орқа эшикдан чиқариб берди.

– Ҳали кўрасизлар, қийшайиб келади...

Тўсатдан кампирларнинг гапи бўлинди: бир бурчакда турган карнайдан хириллаган овоз чи-

қиб, ўт ўчиргичнинг нафаси эшитилмай қолди.
Карнай маврагандай бўлди:

– ...фиёт...

Тоғорачага эгилган кампирлар хўл паркет бурчакдаги радиокарнайга қайрилиб қарашмади ҳам, яна ўзи тинчидан қолар, деган умидда овқатларини сяверишиди. Аммо радиокарнай бурро давом этди:

– Қарсаррахх сарматиб... зўр кашфиёт. Мурманск темир йўлининг устаси ўртоқ Сокуцкий, – Самарқанд, Ойниса, Карбало, Усмон, Царицин, Карим, Иброҳим, Йўлчи, – Со-куц-кий...

Карнай бир пишқириб, яна пўнғиллаб давом этди:

– ...қор тозалайдиган машинага ўрнатиладиган чироқ кашф этди. Кашфиётни Доризул¹ маъқумлади. Қайтараман, Доризул – Дурди, Олим, Раъно...

Кампирлар бедана юриш қилиб, жой-жойларига кириб кетишиди. Ўзининг овозидан ўзи ларзага келган карнай бўш хонани бошига кўтарди:

– ...Эндиғи навбат Новгород лапарларига...

Қайсиям гўрда, ернинг қоқ киндигида аллаким балалайка торини чертди ва ерлик хашаки Батистини қўшиқ бошлиб юборди:

*Девор узра ястаниб
Кунда яйрайди канда.
Солиқчини у таниб
Шартта қочвороди яна...*

Бу терма бирдан авжига минди. Карнай қаттиқ гувиллади. Гулдурос қарсаклар садосими ёки вулкон портладими, тўс-туплон бўлиб кетди.

¹ Доризул – кашфиётлар ва такомиллаштиришлар бўйича йўл идораси.

Таъби тирриқ бўлган ўт ўчириш инспектори орқаси билан чордоқ зинасидан тушиб, яна ошхонага кириб қолди. Бундоқ қараса, бояги бешта азамат бочкага қўлини тиқиб, оғзига ҳовучлаб нордон карам тиқяпти. Азбаройи иштаҳанинг зўрлигидан бирортасидан садо чиқмайди. Ёлғиз Паша Эмильевич мўйловига илашган карам юқини сидириб ташлар экан, ҳузур билан бошини сарак-сарак қилиб:

– Эсиз карам, увол кетди-да, қани энди ароқ бўлганида, – деб ачиниб қўярди.

– Кампирлар кўпайишиб қоптими? – деб сўради Остап.

– Булар етим-есирлар, – жавоб берди Альхен кифти билан инспекторни ташқарига итариб. Айни чогда енг ичидаги етимларга муштини дўлайтириб қўйди.

– Волга бўйидан келтирилган болалар денг?

Альхен гап тополмай қолди.

– Чор тузумининг бадбин мероси, а?

Нима ҳам қилардик, кўргилик экан, демоқчи бўлгандай Альхен қўлларини ёйди.

– Икки жинс вакилларини янги усул бўйича қўшиб тарбиялаш, шундоқми?

Уятчан Александр Яковлевич ўт ўчириш инспекторини дарҳол бир пиёла чойга таклиф қилди.

Александр Яковлевичнинг шу бугунги бир пиёла чойи, буни қарангки, бир шиша зубровкадан, тузланган қўзиқорин, шўр балиқ, биринчи нав гўшт солинган украинча карам шўрва, гуручли товуқ гўшти-ю олма қоқидан тайёрланган шарбатдан иборат бўлиб чиқди.

– Сашхен, – хотинига мурожаат қилди Александр Яковлевич, – Ёнгин хавфсизлиги бошқармасидан келган ўртоқ билан танишиб қўй.

Остап уй бекасига артистлардек таъзим қилди ва унинг шаънига узундан-узоқ, тагдор хушомад сўзлари айтдики, охири гапининг бош-кетини тополмай қолди.

Подшо Николайникига ўхшашиб чакка соқоли ҳуснига доф бўлиб тушган новча жувон Сашхен аста илжайиб, эркаклар билан бирга ичди.

– Шу коммунал хўжаликларингиз учун! – қадаҳ кутарди Остап.

Овқат қувноқ вазиятда ўтди, шунинг учун ҳам Остап дастурхонга шарбат тортилгандан кейингина бу ёққа нима мақсадда келганини эслаб қолди.

– Сут-қатиқча берилиб, анжомларга қарамай қўйибсизлар-да? – деди Остап.

– Нега қарамас эканмиз, – жавоб берди Альхен ичидан зил кетиб, – фисгармониямиз-чи?

– Биламан, биламан, алсозу алнаво. Аммо-лекин бундоқ яйраб ўтирадиган нарсаларинг йўқ экан. Ҳаммаси расво.

– Қизил бурчакда антиқа бир стул бор, – ранжиган бўлди Альхен, – инглиз моли. Одамлар бойдан қолган дейишади.

– Ия, қизил бурчак эсдан чиқибди-ку. Ёнғин маъносида аҳволи қалай? Кейин бирор ишкал чиқмайдими? Шахсан текшириб кўрмасам, бўлмайдиганга ўхшайди.

– Бош устига, марҳамат.

Остап бекага миннатдорчилик билдириб, ўрнидан турди.

Қизил бурчакда примус ёқилмас экан, муваққат печкалар ҳам кўринмади, мўрилар ҳам жойида, вақтида тозалаб туришаркан. Лекин Альхен лол бўлиб қолди: стул турган жойида йўқ эди. Ҳамма ёқни афдар-тўнтар қилиб юборишиди. Каравотлару ўриндиқларнинг тагини кўришди, не-

гадир фисгармонияни жойидан құзғатиши. Паша Эмильевичга хавотирланиб қараб турган кампирлардан ҳам суриштириши. бироқ стулнинг дараги чиқмади.

Паша Эмильевич стол қидиришда жуда жонбозлик күрсатди. Ҳамма тақдирга тан берган, лекин фақат Паша Эмильевичгина ҳамон хонамахона кезар, графилар тагини қарап, тунука идишларни ўрнидан қўзғатар ва:

– Қаерга гумдон бўлдийкин-а? Бугун эрталаб турган эди, ўз қўзим билан кўрувдим! Қизиқ иш бўлди-ку, – деб фўлдиарди.

– Роса боплабсиз, ойимчалар, – деди кесатиб Остап.

– Қизиқ иш бўлди-ку, – яна сурбетларча гап қотди Паша Эмильевич.

Худди шу пайт «Эклер», писиллаш жонига тегди шекилли, бирдан овозини баланд пардага кўтарди, кейин жон ҳолатда бир пишқириб, ҳамма ёққа кўпик сачратиб юборди. Ўт ўчиригичнинг оғзидан пишқириб чиққан кўпик ўқдай шифтга отилди-да, ошпазнинг бўз қалпоғи бошидан учирив юборди. «Эклер» яна бир наъра тортган эди, балоғат ёшига етмаган Исидор Яковлевич гуппа ерга ағанади. Ўт ўчиригич талласага тушди.

Паша Эмильевич билан Алъхендан тортиб то омон қолган Яковлевичларгача – ҳамма тўполонни эшишиб, югуриб келди.

– Қойил! – ҳайқирди Остап. – Ўйлаб топганинг отасига раҳмат!

Бошлиқлар кетгач, Остап билан ёлғиз қолган кампирлар дарров арз-дод қила кетди:

– Укачаларига едириб ётибди. Мечкайлар.

– Чўчқа болаларини сутда боқиб, бизга бўтқа беради.

– Ўйдаги ҳамма нарсани сотиб еди.

— Қизишиманг, ойимчалар, — деди Остап орқасига тисарилиб, — бу гапларни меҳнат қўмитасидан одам келганда айтасиз. Бу тўғрида, менга сенат ваколат бермаган.

Кампирлар яна чувиллаб кетишиди.

— Пашка Мелентьевич бор-ку, ўша бугун стулни сотиб юборди. Ўзим кўрдим.

— Кимга сотди? — бақириб юборди Остап.

— Кимга бўлса ўшанга-да. Ҳатто менинг кўрпами ни ҳам сотмоқчи бўлди.

Йўлакда одамлар ҳамон ўт ўчиригич билан олишар эди. Охири инсон даҳоси устун келди, натижада Паша Эмильевичнинг забардаст оёқлари остида инграб ётган «Эклер» сўнгги марта оҳ уриб жон таслим қилди.

Кампирлар пол ювишга сафарбар қилинди. Ўт ўчириш инспектори бошини хиёл эгиб, лапангланича Паша Эмильевичга яқинлашди.

— Менинг бир танишим бўларди, ўшаем давлат буюмини сотиб юборган экан, — деди Остап дафдага қилиб. — Мана энди бурнига сув кириб, терговда ўтирибди.

— Таъналарингиз мутлақо асоссиз ва ноўрин, — жавоб қилди уст-бошидан гупиллаб кўпик ҳиди келиб турган Паша Эмильевич.

— Стулни кимга пулладинг? — пишқириб сўради Остап.

Табиатан фоят зийрак Паша Эмильевич бу одам ҳозир роса калтаклаб, ҳатто тепкилаши мумкинлигини дарҳол сезди.

— Бир чайқовчига, — жавоб қилди у.

— Уйи қаерда?

— Умримда биринчи кўришим уни.

— Биринчи кўришингми?

— Худо ҳақи.

— Ҳозир оғиз-бурнингни қора қонга белардиму, лекин Зардўштнинг юзидан ўтолмай турибман-

да, – деди Остап аламига чидаёлмай. – Йўқол кўзимдан, зангар.

Паша Эмильевич юмшоққина илжайиб, секин жойидан жилди.

– Хўв тўнка, менга қара, – ўшқириб берди Остап, гумдон бўлмасдан бердисини айтиб кет. Чайковчинг қанақа ўзи, қорами, маллами?

Паша Эмильевич ҳаммасини оқизмай-томизмай гапириб берди. Уни дикқат билан эшитиб ўтирган Остап мулоқотга якун ясади:

– Бу гапларнинг ёнғинга мутлақо алоқаси йўқ, албатта.

Бендер йўлак бўйлаб жўнаб кетаётган эди, сермулоҳаза Альхен югуриб келиб, битта ўнталик узатди.

– Бу ҳаракатингиз Жиноят кодексининг бир юз ўн тўртинчи моддасига киради, – деди Остап пинагини бузмай, – мансабдор шахс хизмат вазифасини ўтаётганида пора узатиш дегани бу.

Лекин шунга қарамай у пулни олди-да, Александр Яковлевич билан хайрлашиб ўтирмай эшикка қараб юрди. Бақувват пружина ўрнатилган эшик зўрга очилиб, Остапни ўтказиб юборди, лекин шу заҳотиёқ боплаб ундан дўнг олди.

– Зарба зўр бўлди, – деб юборди Остап лат еган жойини ҳафсала билан ишқаб туриб. – Мажлис давом этади.

Тўққизинчи боб

ИЯ, ЖАМАЛАКЛАРИ ҚАНИ?

Остап Ижтимоий таъминот бўлими қарамогидаги 2-йни кўздан кечираётганида Ипполит Матвеевич қоровулхонадан чиқиб, тақир боши совукдан ачишиб, қадрдон шаҳари кўчалари бўйлаб борарди.

Лойқа күклам суви күча ўртасидан айқириб оқади. Бино томларидан тушаётган томчилар пайдарпай тиқилларди. Чумчуқлар гүнг титарди. Жамики уйларнинг томларини офтоб чароғон этган. Сап-сариқ аравакаш отлар күчаларда атайлаб туёқларини тақиллатарди-да, қойил қилдимми, дегандай қулогини чимириб ўз туёғининг овозига қулоқ тутарди. Намиққан симёғочларда шўппайиб эълон қофозлари кўринади. Чаплашиб кетган ҳарфлар зўрга ўқилади: «Рақамлар усули билан гитара чалишга ўргатаман». «халқ консерваториясиға кирмоқчи бўлганларга ижтимоиётдан сабоқ бераман». Ана, бир взвод аскар Эски шаҳардаги дўкондан пештоқи гипсдан ясалган йўлбарслар, бошига гултоҷ кийган аёллару кўзойнакли илонлар билан безатилган бино этагига чўзилган каттакон халқобни кечиб ўтяпти.

Ипполит Матвеевич ўтган-кетганга қизиқиб қарайди. Сирасини айтганда, унинг бутун умри Россияда ўтди, инқиlobни ҳам бошидан кечирди, бинобарин, у турмуш қанчалик ўзгариб, янгилиниб бораётганини ўз кўзи билан кўрди. Бунга у кўнишиб қолган ҳам эди, энди маълум бўлишича, бунга у ер куррасининг фақат бир нуқтасида – Эски шаҳардагина кўнишиб юрган экан. Мана энди ўзи туғилиб-ўсган шаҳарга келиб ҳеч нарсага ақли етмай қолди. Ростакамига ҳозиргина Париждан қайтган мухожирдай жонсарак, ҳамма нарса кўзига ғалати кўринади. Илгарилари файтон миниб кўчага чиққудай бўлса, албатта бирорта қадрдонини ёки кўз таниш одамини учратиб қоларди. Энди-чи? Лена воқеалари кўчасидан тўрт квартал юрибди ҳамки, бирорта танишини учратмади. Ҳаммаси қаёққадир фойиб бўлибди. Балки булар қариганлари учун ёхуд

кийим-бошлари-ю, шляпаларини ўзгартиришгани учун уларни таниш қийин бўлиб қолгандир. Ёки бўлмаса таниш-билишларнинг оёқ олиши бошқача бўлиб қолганмикан. Ҳарқалай, бирорта таниш учрамади.

Ипполит Матвеевичнинг қути ўчиб, боши гангиди, баданига совуқ тер чиқди. Уй-жой бўлимни излаб кетаётгани ҳам ёдидан кўтарилди. Гоҳ у йўлкадан-бу йўлкага ўтиб, дуч келган тор кўчаларга шўнғир, ҳали бетидаги муз батамом эриб, қиши чилласидан чиқмаган бу тор кўчаларда эса аравакаш отлар баттар талтайиб, тарақа-турукни авжига чиқаарди. Умуман, шаҳар ўзгариб қопти. Илгариги ҳаворанг уйлар яшил, сариқла-ри эса кулранг тусга кирибди, баланд минорадаги занглардан ҳам дарак йўқ, минорадан юрадиган ўт ўчирувчи кўринмайди, қолаверса, кўчалар ҳам олдингидан анча сершовқин.

Катта Пушкин кўчасига етганда Ипполит Матвеевич трамвай изларини ҳамда сим тортилган ёғочларни қуриб, оғзи очилиб қолди: Старгородда бунақа нарсаларни энди кўриши. Ипполит Матвеевич газета ўқимасди, шунинг учун у байрамга қадар Эски шаҳарда иккита трамвай йўли ишга тушиши лозимлигидан бехабар эди. Ипполит Матвеевич қизиқ аҳволга тушиб қолди: назарида, гоҳ Эски шаҳардан остона ҳатлаб четта чиқмаганга ўхшаса, гоҳ Эски шаҳар мутлақо бегона шаҳардай туюларди.

Ана шундай хаёллар оғушида у кейинги кўчага етиб келди. Тўсатдан ёш боладай энтикиб кетди: рўпарадаги мана шу узун айвонли, кўшқават бинонинг орқасидан бирор таниши лоп этиб чиқиб келаётгандай туюлди. Ипполит Матвеевич шу илинжда қадамини секинлатиб, кейин таққа тўхтади. Аммо таниш одамдан дарак бўлмади.

Муюлишдан олдинига елкасига ойна ортган ойнаничи чиқиб қолди. Кейин эса зарғалдоқ хом теридан тикилган соябонини кўз-кўз қилиб, юмшоқ чарм шапкали олифта кўринди. Китоб-дафтари ни камарига қистириб олган бир гала биринчи босқич мактаб ўқувчиси қувлашиб ўтди.

Шу тобда бирдан Ипполит Матвеевичнинг кафталари ловиллаб, юраги орзиқиб тушди. Не кўз билан кўрсинки, истараси иссиққина бир нотаниш кимса ликонглатиб қўлига стул кўтариб келяпти. Тўсатдан ҳиқичноқ тутган Ипполит Матвеевич дарров стулни таниди. Худди ўшанинг ўзи! Бу – Гамбс ширкатидан чиқсан ўша стулнинг ўзгинаси, устидаги инглиз чити инқилоб суронларида анчагина қорайибди, холос. Ёнроқ дараҳтдан қилинган ўша букри оёқ стули шу-да, ахир. Замбаракдан бирор ўқ узгандай Ипполит Матвеевичнинг қулоғи шанғиллаб кетди.

– Қайчи-пичноқ чархлайман, устарани боплайман! – нақ биқинида туриб чинқирди кимдир.

Шу пайт унга чийиллаган овоз қўшилди:

– Қалайлайман!
– Ойна тузатаман!
– Маскоп газети «Азвестия», «Кулағон» журнали, «Қизил ер», кеп қолинг!..

Қаердадир юқорида ойна чил-чил синди. Тегирмон қурилиши Тегқурга қарашли юқ машинаси шаҳарни гумбурлатиб ўтди. Милиция ходими чуриллатиб хуштак чалди. Ҳаёт биқирлаб қайнаб турибди, тошса тошгудай важоҳати бор. Вақтни бой бериш ярамайди.

Ипполит Матвеевич қоплон юриш қилиб ўша бадкирдор нотаниш кимсага яқинлашди-да, индамай стулга қўлини чўзиб, қаттиқ силтаб тортди. Нотаниш кимса стулга маҳкамроқ ёпишди. Буни кўрган Ипполит Матвеевич чап қўли билан

стулнинг оёғига ёпишиб, ўнг қўли билан бегона одамнинг йўғон бармоқларини бўшатмоқчи бўлди.

– Дод, мени тунамоқчи, – деб пичирлади нотаниш кимса стулга жон-жаҳди билан ёпишиб.

– Кечиргайлар, кечиргайлар, – фўлдираб дерди Ипполит Матвеевич нотаниш кимсанинг стулга елимдай ёпишган бармоқларини ёзишга тиришар экан.

Одамлар йифила бошлади. Шу яқин орада турган уч-тўрт киши можаро нима билан тугашини қизиқиб кутарди.

Оломон тўпланаётганини кўриб, иккови ҳам кўрқа-писа орқа-ўнгига бир қараб олди-ю, худди ҳеч нарса бўлмагандай олдинга юриб кетишиди. Иккаласи ҳам бир-бирига қайрилиб қарамаган ҳолда стулга маҳкам ёпишганича кўча бўйлаб кетиб боришарди.

«Бу қанақаси бўлди?» – жон аччиғида ўйлаб борарди Ипполит Матвеевич.

Нотаниш одам шу тобда нимани ўйлаб кетаётганини билиш қийину, аммо у ҳам дадил қадам ташлаб борарди.

Салдан кейин қадамлари тезлашди, охири жинкўчага етиб, майда-чуйда фишт бўлаклари билан қурилиш материаллари ивирсиб ётган ташландик жойга кўзлари тушиши билан иккови амри фармон олгандай, ўша томонга бурилди. Шу тобда Ипполит Матвеевичнинг кучига куч қўшилгандай бўлди.

– Бу ёғига узр энди! – ўшқирди у пинагини бузмай.

– Ёрдам бе-ринг! – овози зўрга чиқиб додлади нотаниш кимса.

Икковининг ҳам қўли стул билан банд бўлгани учун оёқлар ишга тушиб кетди. Нотаниш кимса этигига нағал қоқтирган экан, олдинига Иппо-

лит Матвеевич кўп азият чекди. Бироқ кейинчалик у бунинг иложини топди, натижада худди ўйинга тушган одамдай рақибининг тепкиларига чап бериб, гоҳ ўнгга, гоҳ сўлга ирғишлади, айни пайтда ўзи душманинг қорни мўлжалга олмоқчи бўлар, аммо стул пана қилиб тургани учун зарба нишонга тегмай қоларди. Ҳар ҳолда Ипполит Матвеевич пайтини пойлаб рақибининг тиззасига бир тепган эди, у шўринг қургурнинг ўнг оёғи ишдан чиқиб, бир оёқда қолди.

– Ё Парвардигор! – пицирлади нотаниш кимса.

Ипполит Матвеевич ногаҳон разм солиб қараганди, стулни ўмарган бу нотаниш муттаҳам Фролова Лавр черковининг попи ҳазрати Фёдор Востриков экан. Ипполит Матвеевич ҳанг-манг бўлиб қолди.

– Ия, отахон! – деб юборди у азбаройи таажжубга тушганидан стулни қўйиб юбориб.

Ҳазрати Востриков шафақдай қизариб, стулга ёпишган бармоқлари шалвираб қолди. Муаллақ қолган стул шу ондаёқ гуп этиб ғиштга тушди.

– Мўйловингиз қани, муҳтарам Ипполит Матвеевич? – имкони борича кесатиб деди руҳоний.

– Ўзларининг жамалаклари қани? Илгарилари жамалаклари бўларди шекилли?

Ипполит Матвеевичнинг гапидан дув-дув нафрат ёғилиб туарди. Шунга қарамай у ҳазрати Фёдорга ҳиммат билан бир қараб қўйди-да, курсини қўлтиғига қисиб, аста жилмоқ учун орқасига ўгирилди. Аммо хижолат асоратидан қутулиб олган ҳазрати Фёдор Воробъяниновнинг осонгина муддаога эришишига йўл қўймади. У: «Йўқ, ўзлари рухсат этгайлар», деб чинқирганича жон ҳолатда стулга ёпишиб олди. Шундан кейин рақиблар яна аввалги ҳолатга ўтиб олишди. Курсига чанг солган иккала рақиб худди мушукка ёки

боксчига ўхшаб бир-бирига олайиб ва гоҳ ўнгга, гоҳ чапга иргишиларди.

Одам юрагини эзib юборадиган танаффус бир лаҳза давом этди.

— Мол-мулкимга куз олайтириб юрган экансизда, ҳазратим, — тишини фижирлатиб деди Ипполит Матвеевич.

Айни чорда у ҳазратнинг биқинига зарб билан тепди.

Ҳазрати Фёдор ҳам зарбага чап бериб, пешвонинг чотига ўхшатиб бир тепган эди, боёқиш мункайиб қолди.

- Бу сизнинг мулкингиз эмас.
- Бўлмаса кимники?
- Сизники эмас.
- Хўш, кимники экан?
- Сизники эмас, сизники эмас.
- Бўлмаса кимники, кимники?
- Сизники эмас.

Иккаласи шу тарзда хириллашиб, астойдил тепишиб туришди.

— Қани, айтинг бўлмаса, бунинг эгаси ким? — деб бўкирди пешво ҳазратнинг билқиллаган қорнини мўлжалга олиб.

Ҳазрат тишини-тишига қўйиб бунга ҳам чидади-да:

— Бу мусодара қилинган нарса, — деди бўш келмай.

- Мусодара қилинган, дейсизми?
- Ҳа, шундоқ, мусодара қилинган.

Улар бидирлаб гапирганидан сўзлар чала-чулпа эшитиларди.

- Ким мусодара қилган экан?
- Ҳукумат!
- Қанақа ҳукумат?
- Меҳнаткашлар ҳукумати.

- А-а-а!.. - деди Ипполит Матвеевич ичидан зил кетиб. - Ишчи-дәжқонлар ҳукумати денг?
- Шундок!
- Ҳм-м-м!.. Үндөк бўлса ҳазрат фирмага ҳам ўтгандирлар?
- Б-бўлса бордир!

Шу жойга келганда Ипполит Матвеевичнинг сабр косаси тўлди, у: «Бўлса бордир денг?» - деб бўкирганича ҳазрати Фёдорнинг ёқимтой чеҳрасига ўхшатиб тупурди. Ҳазрати Фёдор ҳам Ипполит Матвеевичнинг юзини пойлаб бир тупурган эди, тупуги мўлжалга тегди. Ҳар икковининг қўли стул билан банд бўлгани учун бетларидағи тупукни артиб олишолмади. Шундан кейин Ипполит Матвеевич бўғзидан чийиллаган овоз чиқди ва у қўлидаги стулни зарб билан бир итарган эди, душман ерга ағдарилиб тушди. Бироқ рақиби нафси бўғзига тиқилган Воробъяниковни ўзини ҳам тортиб қулатди. Энди ётиб олиша бошлишди.

Шу пайт қарс этган овоз чиқиб, стулнинг олдинги иккала оёғи синиб тушди. Ҳозиргина жиққамушт бўлиб турган рақиблар бир-бирини эсдан чиқариб, апил-тапил ёнғоқ стулнинг ўтиргичини кавлаштира кетди. Мисоли чағалайдай мунгли чирқираб, гулдор инглиз чити парча-парча бўлди. Зарбанинг зўрлигидан стулнинг суюнчиғи бир газ нарига учеб кетди! Хазина қидирувчилар мис тутмачалари ялтираб турган чиптани йиртиб ташлаб, пружина бармоқларини тилиб юборганига қарамай ўриндиқ тагидаги жунни титкилай кетишиди. Тинчлиги бузилган пружиналар чийиллади. Беш дақиқага қолмай стулнинг абжағи чиқди. Пружиналар боши оқдан томонга думалаб кетди. Могор босган жунни шамол тўзитиб юборди. Букри оёқлар ўрага тушди. Лекин жавоҳирларнинг изи кўринмади.

– Хүш, қалай, қидирган нарсангизни топдин-гизми? – ҳансираб деди Ипполит Матвеевич.

Уст-боши патга беланган ҳазрати Фёдор пишил-лаб нафас оларди.

– Ўта лўттибоз экансиз! – бақирди Ипполит Матвеевич. – Тумшуғингизни ёриб қўяман, ҳазрати Фёдор!

– Қўлингиз қисқалик қилади, – шартта ёпиши-тирди отахон.

– Ҳамма ёғингиз жун-ку, энди нима қиласиз?

– Нима ишингиз бор?

– Уят, отахон! Фирт ўғри экансиз.

– Нима, киссангизга тушдимми?

– Хўш, буни қаердан билдингиз? Қавмингиз имон келтириб айтган сирини нафсга қурбон қилибсиз-да? Жуда соз! Фоят гўзал!

Фазаби қайнаган Ипполит Матвеевич пуф деди-да, шартта орқасига бурилиб, йўл-йўлакай енгини тозалаганча уйига қараб равона бўлди. Воробъянов Лена воқеалари кўчаси билан Еро-фей кўчаси туташган жойга етганида дафъатан шеригини кўриб қолди. Қидиув ишларининг амалий директори ва бош саркори бўлмиш шериги чап оёғини кўтарганича бир томонга қий-шайиб турарди, у оёғидаги сандалини оч сарик рангга бўятиш билан овора эди. Ипполит Матвеевич чопқиллаб олдига келди. Директор завқ билан «Шимми» деган қўшиқни хиргойи қилиб турган экан:

Авваллари туяларнинг иши эди бу,

Авваллари бунга унча ўйнашмасди-ю,

Энди эса бутун жаҳон Шиммига ўйнар...

– Қани, хўш, уй-жой бўлимида ишлар қалай? – сўради у дарҳол амалий ишга кўчиб. Кейин эса

күшиб кўйди: – Ўзингизни босинг, ҳозир гапираманг, ҳаяжондасиз, нафасингизни ростлаб олинг.

Остап этик мойловчига етти тийин узатиб, Воробъяниковни қўлтиғидан олди-да, нари судраб кетди. У Ипполит Матвеевичнинг оғзидан чиққан гапларни жон қулоғи билан эшитиб турди.

– А-ҳа, бир тутам қора соқолиям бор-а! Тўппатуғри! Қоракўл ёқали пальто кийганми? Тушунарли. Худойихонадаги стул ўша бўлади. Бугун эрталаб уч сўмга олинган.

– Бу ёғини эшитсангиз-чи, ахир...

Шундан кейин Ипполит Матвеевич ҳазрати Фёдорнинг бутун қўнғир ишларини бош саркорга оқизмай-томизмай гапириб берди.

Остапнинг пешонаси тиришди.

– Латта иси келяпти, – деди у охири. – Худди Лейхтвейс горининг ўзи. Сирли рақиб. Отни олдинроқ қамчиламасак бўлмайдиганга ўхшайди. Тумшуқ масаласига келсак, бир кунмас бир кун боплаб ишқаб қўярмиз.

Икки улфат «Стенька Разин» пивохонасига кириб, тамадди қилишди, Остап уй-жой бўлими илгари қайси бинода жойлашганини, ҳозир ўша ерда қанақа муассаса борлигини суриштириб билди. Шу билан бугунги кун ҳам тамом бўлди.

Тилларанг аравакаш отлар яна аслига қайтиб, қўнғир тусга кирди. Жавоҳир томчилар ерга тушгунча яхлаб қола бошлади. Пивохоналарда ва «Феникс» ресторанида пиво нархи кўтарили: қош қорайиб қолган эди, Катта Пушкин кўчасида электр чироқлари ёқилди, биринчи марта баҳор сайрига чиққан ёшлар тапир-тупур қилиб, уйларига қайта бошладилар.

Давлат идорасига қарашли йўлбарслар, ғолибиялару кўзойнакли илонлар шаҳар осмонида кўринган ой ёғдусида ажиб товланиб кетди.

Ипполит Матвеевич оғзига толқон солиб олган Остап ёнида борар экан, бино олдиғаги йўлбарслар билан илонларга бир қараб қўйди. Эски пайтларда бу бинода давлатнинг ер маҳкамаси бўларди, қолаверса, шаҳар халқи мана шу илонлар билан жуда-жуда фахрланар, буларни Эски шаҳарнинг кўрки деб биларди.

«Топмасдан қўймайман», кўнглидан ўтказди Ипполит Матвеевич гипсдан ясалган ғолибияга тикилиб туриб.

Йўлбарслар думини ликиллатиб, кўзойнакли илонлар эса секин-аста кичрая борган сари Ипполит Матвеевичнинг кўнгли тоғдай кўтарилиб, ишончига ишонч қўшилиб борарди.

Ўнинчи боб

ЧИЛАНГАР, ТЎТИ ВА ФОЛБИН

Перелешинск тор кўчасига қараган 7-ий Эски шаҳарнинг олд иморатларидан саналмайди. Бинонинг иккинчи империя услубида қурилган икки қавати кемтиқ арслон каллалари билан нақшланган. Булар бир пайтлари номи чиққан ёзувчи Арцибашевнинг калласига ўхшайди. Шу туфайли тор кўчага қараган саккизта деразадан саккиз нафар Арцибашев тиржайиб турганга ўхшайди.

Бинога савлат бериб турган яна икки нарса бор, аммо икковиям тижорат хизматига бел боғлаган. Иморатнинг бир биқинида:

**Одесса ион артели
МОСКВА ТЕШИККУЛЧАЛАРИ**

деган зангори эълон лавҳаси кўзга ташланади. Лавҳага французча калта шим кийиб, бўйнига галстук таққан йигитчанинг сурати туширилган. Йигит қийшиқ чизилган қўлида мўл-кўлчилик рамзи сифатида афсонавий мугузни ушлаб олган. Мугузнинг оғзидан қип-қизил Москва тешик-кулчалари булоқдай қайнаб чиқяпти. Аслида-ку, булар Одессаникига қараганда ўн чандон майда-я, лекин нарх-навода унинг ўрнини босиб кетаверади. Бунинг устига суратдаги йигитча мамнун ишшаяди. Имаратнинг иккинчи қанотига қўндирилган думалоқ зарҳал ёзувли, қоп-қора эълон тахтаси эса «Жадалтой» деган бир маҳкамама муҳтарам мижозларининг истаган нарсасини ўраб, лозим бўлса, тойлаб беришга ҳозири нозир эканидан огоҳ қиласди.

Иккала корхона номи бошқа-бошқа, айланиб турган дастмояларида ҳам талай фарқ бор, лекин шунга қарамай икковиям бир хил ишни бажаради, ҳар иккаласи газмолфурушлик қиласди, юпқа газламами, қалин газламами, ип газламали, бунинг фарқи йўқ, олиб сотоверишади, мабодо, чиройли гулли, тоза ипак мато учраб қолгудай бўлса, бундан ҳам қайтишмайди, борига барака қилишади.

Ҳамиша сув босиб, фордай зимиston бўлиб ётадиган дарвозадан ўтиб, ўнг томонга, цемент қудукли ҳовлига бурилсангиз, ҳовлининг ўткир тошига тақалган, олди очиқ бир жуфт эшикка кўзингиз тушиши мумкин. Ўнг томондаги эшикка қоқилган хира мис тахтачага ҳусниҳат билан:

В. М. ПОЛЕСОВ

деб ёзиб қўйилган.

Чапдаги эшикка эса:

УРФ ВА ШЛЯПАЛАР

деган оқ тунукача осилган.

Аслида бунисиям хўжакўрсинга қилинган.

Урф ва шляпалар масканида на андаза оладиган нусхалару на жимжимадор безаклар, на зобитлардай савлат тўкиб тургувчи бошсиз қўғирчоқ одамлару на хонимларнинг нозик шляпаларини ўлчаб берадиган бош қолиплари кўринади. Уч хонали бу уйда бунаقا ипирисқи нарсаларга жой йўқ, бу ерда қизил иштон кийган, қордай беғубор тўти яшайди. Тўтиқушга бурга деган касофат кун бермайди, лекин нима қилсин, бировга айтай деса, одамзот тилини билмаса. Кун бўйи писта чақиб, пўчоғини темир қафас панжарасидан гиламга тупуради.

Бордию унга гармонь бериб, оёғига янги фирчиллама калиш кийдириб қўйилса борми, ёлғиз бошига кўчада тараллабедод қилиб юрган олифтанинг ўзи бўлади-қўяди. Хона деразаларига шокилали, тўқ жигарранг парда тутилган. Умуман, бу хонадонда шу рангга мойиллик сезилади. Пианинонинг тепасида сурат осиғлиқ – Беклиннинг «Ўликлар ороли» асаридан кўчирилган бу нусха суратни эман ёғочидан ишланган сип-силиқ, тўқ зангори ромга жойлаб, устидан ойна бостиришган. Ойнанинг бир бўлаги қачонлардир учеб тушган бўлса ҳам суратнинг очилиб қолган жойини пашшалар билинтиrmай суваб қўйишибди. Шу важдан ҳам ўликлар оролининг бу дунёсида нима бўлаётганини энди сираманглаб бўлмайди.

Ётоқхонадаги каравотда шу хонадоннинг бекаси ўтирибди – у устига қадимий исқирт дастурхон ёпилган саккиз рахли курсига тирсагини

тираб карта сузаётибди. Унинг рўпарасида эса елкасига майин шол рўмол ташлаб олган бева аёл Грицацуева ўтиради.

– Эсим борида айтиб қўяй, ойимқиз, бир қўл фолим камида эллик тийин туради, – деди мезбон.

Янги ёр васлига етишмоқ учун ҳар нарсага тайёр турган бева айтилган нархга рози бўлди.

– Кейин нима бўлади, шуниям айтиб берсангиз, илтимос, – дилхасталик билан ялиниб деди у.

– Сизга чиллининг моткасини очаман.

Бева эътиroz билдириди:

– Мен ҳамиша қарғанинг моткасида юрганман.

Менга бари бир, дегандай мезбон картани чийлай бошлади. Тул хотиннинг тақдири азали ҳашпаш дегунча, хомаки ромга тушди. Маълум бўлишича, беванинг бошида анча-мунча савдолар бор экан, унинг жигаридан урган чилли қиролни фиштин мотка ўзига оғдириб олибди.

Росмана ром кафтдан бошланди. Бева Грицацуеванинг кафтидаги чизиқлар аниқ эди. Умр чизифи дегани тасмадай чўзилиб, томир билан тулашиб кетибди, бинобарин, унинг гувоҳлиги инобатга ўтса, бева қиёмат-қойимгача ўлмай юравераркан. Фаросат ва нафосат чизифи эса бева олиб-сотарликни ташлаб, санъат, илм-фан ёки ижтимоият бобида инсониятга тенгсиз шоҳ асарлар ҳадя қиласхагидан далолат бериб турган экан. Дўнг тепаликка ўхшаб кетадиган муҳаббат чизифининг шаҳодат беришига қараганда, севги ва назокат бобида бева хотиннинг ҳали қўл урилмаган имкониятлари ошиб-тошиб ётган эмиш.

Фолбин хотин дуохон, мунажжим ҳамда от жаллоблари ишлатадиган гап-сўзларни тўкиб солиб, бевага шуларни айтиб берди.

— Вой, кам бўлманг-ей, тасаддуқ, — деди охири бева хотин, — чилли қирол кимлигини билиб олдим энди.

Гиштин мотканиям жуда яхши танийман. Қирол менга мойилми ўзи?

— Мойил, ойимқиз.

Кўнгли тоғдай кўтарилган бева уйига чиқиб кетди. Фолбин эса карталарни қутига солгач, элликда элаги тешилган оғзини очиб ҳомуза тортида-да, ошхонага қараб юрди. Ошхонада у «Герц» керосинкасида иситаётган овқатига қараган бўлди, кейин оқсоч хотинардай пешбандига қўлини артгач, сири кўчган чеълакни олиб, ҳовлига сувга чиқди.

У товони ясси оёқларини базўр ташлаб, ҳовлида лапанглаб борарди. Шалвиллаб қолган кўкси бўялган кофта ичида суст селкиллайди. Бошидаги оқиши сочи худди чўлтоқ супургининг ўзи. Кампир бўлиб қолган, ўзи исқирт, ҳаммага шубҳа билан қарайдиган бу хотин ширинликка ўч эди. Мабодо Ипполит Матвеевич шу тобда уни кўриб қолса борми, бир пайтлари суд котиби шаънига шеър битиб, «дудофига бўса керак, асли пари бўлса керак», деб мақтовини келтирган эски жазмани Елена Лоур шу кампир эканлигига сира ишонмаган бўларди. Лоур хоним қудукқа яқинлашган ҳам эдики, бензин идишда сув олаётган чилангурдан чиққан зиёли қўшниси Виктор Михайлович Полесов сўрашиб қолди. Полесовнинг афт-ангари опера саҳнасига қоракуя суртиб чиққан иблисга ўхшаб кетарди.

Салом-аликдан кейин иккала қўшни Эски шаҳардаги дув-дув гапга ўтишди.

— Қандоқ замонга қолдик, ҳайронман, — деди заҳарханда қилиб Полесов, — кечакун бўйи шаҳарни айланиб, учу саккиз дюймли тахта топол-

масам-а. Қирон кептими, дейман. Трамвайга бало борми шу тобда.

Леонардо да Винчи номли рақс түгарагига қатнаб турган бирор ойимча сузма мураббодан қилинади деб, зироатдан қанчалик бохабар бўлса, Елена Станиславовна ҳам учу саккиз дюймли тахта бобида шунчалик зўр эди. Лекин шунга қарамай тасалли берган бўлди!

– Нимасини айтасиз, дўконнинг номи бору ўзи йўқ, ҳозир. Одамлар тирбанд нуқул. Топган отлариym ўзларидан совуқ. Эски шаҳардаги бош ижро қўмитаси эмиш-а!..

– Буям майли-я, Елена Станиславовна! Мен сизга айтсан, «Ялпи электр ширкати»дан тўртта мошин мерос қолган буларга. Шалоги чиққану, лекин амалласа бўлади. Ойнада резинкаси йўқ. Ўз кўзим билан кўрдим. Бир дириллаб берса борми... Даҳшат! Қолган мошинлар Харьковдан чиқибди. Расвойи жаҳон. Бир чақиримга чидаб берсаям катта гап. Ўзим бориб кўрдим...

Чилангар асабий ҳолда жим бўлди. Қоп-қора башараси офтобда ярқираб кўринди. Кўзнинг оқи сариқ эди. Эски шаҳарда машинага ишқибоз ҳаваскорлар кўп бўлиб, буларнинг ичидаги энг нoshуди, энг омади юришмагани шу Виктор Михайлович Полесов эди. Ҳамма бало унинг ғайрати ичига сифмай юришида эди. Ўзи аслида бир жойда тек туролмайдиган, доим кўпириб юрадиган ландавур эди. Уни Перелешинск тор кўча 7-уйнинг орқа ҳовлисидаги устахонасидан сираям топиб бўлмасди. Деворлари тошдан тикланган омбор ичига тешик камералар, «Учбурчак» исмли йиртиқ протекторлар, шаҳар дарвозасига ярашиб тушадиган залварли занг қулфлар, устига «Indian» ва «Wanderer» деб ёзилган, ёнилғи солишга мўлжалланган юмшоқ идишлар, болаларнинг арава-

часи, овози тамоман ўчган радиокарнай, сийқаси чиққан жилвир қофоз, чириган қайишлар, мой шимдирилган каноп, Австрия найзаси-ю? яна аллақандай синик, қийшиқ, бало-баттарлар сочилиб ётар, ўртада эса олови ўчган күчма құра якка ўзи шумшайиб турарди. Буюртмачиларга Виктор Михайлович этагини тутқазмасди. Виктор Михайлович бирор ерда корчалонлик қилаётганды бўлиб чиқарди. Юмуш қиласай деса, қўли тегмасди. Бирор юк арава ўзи турган ҳовлига ёки қўни-қўшниларникига кириб келаётганини кўрса, жини қўзиб кетар, чопқиллаб ҳовлига чиқиб, қўлини орқасига қўйганича аравакашнинг ҳаракатини нафрат билан кузатиб турарди. Охири тоқати тоқ бўлиб кетарди.

– Ҳўв, расво қилдинг-ку, арава минганимисан ўзи? – деб ўшқиради у жон ҳолатда. – Қайтар орқага!

Ўтакаси ёрилган аравакаш орқага тисарилмоқчи бўларди.

– Аравани шунақа қайтарадими, шўртумшуқ!
– дерди жони ачишиб Виктор Михайлович отнинг ёнига югуриб келиб.

– Илгари замон бўлганида шу ицинг учун калтакдан шишган бўлардинг, кўрардинг ўшанда арава қайтариш қанақа бўлишини.

Полесов яна ярим соатча буйруқбозлик қилиб, чала қолган велосипед насосини тузатиш учун энди устахонасига қайтмоқчи бўлиб турганида яна шаҳарда бирор воқеа рўй бериб, осойишталик бузиларди. Гоҳ кўчада кетаётган араваларнинг ўқи чатишиб, Виктор Михайлович қандоқ қилса буни тезроқ ва созроқ ажратиш мумкинигини айтиб турар, гоҳ телеграф сими тортилган ёғочларни янгиламоқчи бўлишар, шунда у устахонадан физиллаб шокулини олиб чиқиб, симёғоч

қанчалик тик ўрнатилганини ўлчаб берар, гоҳида ўт ўчирувчилар кўчадан ўтиб қолгудай бўлса, карнай овозидан завқи тошиб, юрагига фулгула тушиб, уларнинг кетидан югуриб қоларди.

Лекин Виктор Михайловичнинг баъзан енг шимариб ишга шўнғиб кетган пайтлари ҳам бўларди. Шундай кезларда у устахонасига қамалиб олиб, бир неча кунгача овозини чиқармай ишларди. Виктор Михайлович иш билан банд бўлгани учун болалар ҳовлини бошларига кўтариб яирашар, аравакашлар ҳам ўз билганларича ҳовлида юраверишар, кўча-кўйда аравалар умуман тўқнаш келмай, ўт ўчирувчилар карвони ҳам ёлғиз ўзи шўппайиб ёнғинга шошиларди. Навбатдаги чилласи тугагач, бир куни у қўчқорни шохидан етаклагандай ҳовлига мотоциклини судраб чиқди. Автомобиль, ўт ўчиргич, велосипед ҳамда ёзув машинкаларнинг хилма-хил бўлагидан дунёга келган мотоцикл жониворга бир ярим кучга эга Вандерер мотори билан Давидсон фидираклари ўрнатилган, бўлак қисмлари эса сийқаланиб, аллақачон эгасининг муҳрини йўқотиб қўйган эди.

«Синаш» деган сўз ёзилган картон қофозини эгарга каноп билан боғлаб қўйибди. Оломон тўпланди, Виктор Михайлович пинагини бузмай қўли билан педални айлантириб кўрди. Мотор ўн дақиқача ўт олмай турди. Кейин бирдан тарилаган овоз чиқариб, асбобни титроқ босди, қопқора тутунга кўмилди. Виктор Михайлович ўзини эгарга отиши ҳамоно мотоцикл ақл бовар қилмайдиган тезлик билан туннелдан учиб ўтиб, эгасини кўчанинг ўртасига олиб чиқди ва ўқ еган кушдай таппа жон берди. Виктор Михайлович энди пастга тушиб, бу гаройиб мўъжизани бир текшириб кўрмоқчи бўлиб турган эди, машинага тўсатдан жон кириб, орқага тисарила кетди ва эгаси-

ни яна ўша туннелдан олиб учиб, бояги жойига келиб тұхтади, тұхтади-ю, бир пишқириб, ҳовли-нинг қоқ ўртасида пақиллади. Виктор Михайловични Худо бир ўлимдан сақлаб қолди. Яна бир чиллага ўтирганида мотоциклнинг соғ қолган ашқолларидан битта доимий двигатель тиклаб олди. Буниси ростакам двигателга ўхшасаям ишламасди.

Ёнидаги 5-үйнинг дарвозаси билан бўлган ҳангома чилангардан чиққан бу зиёлининг оламшумул фаолиятида сўнгти нуқта ҳисобланади. Унинг маъмурияти Виктор Михайлович билан шартнома тузди. Шартномага кўра Полесов шу үйнинг темир дарвозасини яхшилаб тузатиб, ўзининг дидига ёққан, лекин кирчимолроқ рангга бўяб бериши лозим эди. Битим шартлари бўйича маъмурият маҳсус ҳайъат ишни қабул қилиб олгандан сўнг В.М.Полесовга йигирма бир сўм етмиш беш тийин ҳақ тўлаш мажбуриятини олди. Келишувга мувофиқ бож пулини устанинг ўзи тўлайдиган бўлди.

Афсонадаги пахлавонларга ўхшаб дарвозани Виктор Ивановичнинг якка ўзи ортмоқлаб кетди. Устахонага етиб олгач, енг шимариб ишга киришиди. Икки кун деганда дарвозани уланган еридан бузиб, саранжомлаб қўйди. Чўян безакларни болаларнинг аравачасига тиқди, дарвозанинг темир ўқи билан найзаларини дастгоҳ тагига жойлади. Яна уч-тўрт кун ўз ишлари билан банд бўлди. Кейин кутилмаганда, шаҳарда катта фалокат юз берди: Тахтачи кўчасидаги водопровод қувури ёрилиб, Виктор Михайловичнинг қолган вақти шунга кетди. У бахтсиз ҳодисанинг тепасида туриб, дам киши билмас тиржайиб қўяр, дам ишчиларга ўдағайлаб, тез-тез ўранинг ҳолидан хабар олиб қўярди.

Виктор Михайловичнинг ташкилотчилик қони анча совиб, ўзи ҳовурдан тушгач, яна дарвозага қўл урмоқчи бўлган эди, қарасаки, вақтни бой берибди: ҳовлидаги чурваقا болалар 5-уйнинг дарвазасидан тўкилган жимжима безаклар билан найзаларни ўйнаб юришибди. Қони қайнаган чилангарни кўриб, болакайлар тирақайлаб қочишиди. Ташлаб қочган темир-терсаклари кам чиқди, жимжима безакларнинг қоқ ярми топилмади. Шу воқеадан кейин Виктор Михайлович дарвозага қарамай қўйди.

Дарвозадан ажраб, ланг очилиб қолган 5-үйда эса хунук савдолар рўй бера бошлади. Олдинига чордоқдаги кирларни ўмаришди, бир куни ҳатто қайнаб турган самоварниям кўтариб қочишиди. Самовар ўғрисини қувлаш маросимида Виктор Михайловичнинг шахсан ўзи иштирок этди, аммо карнайидан ўт пуркаб турган самоварни кўтариб қочаётган ўғри дам-бадам орқасига ўгирилиб, олонбоши Виктор Михайловични куракда турмайдиган сўзлар билан бўралатиб сўкарди. Лекин ҳаммадан ҳам 5-уйнинг қоровулига жабр бўлди. У тунги чойчақадан ажраб қолди: дарвоза бўлмагандан кейин у боёқиши ниманиям очиб-ёпади-ю, кеч қайтган ўйинқароқ уй эгалари қайси хизматлари учун унга ширинкома узатишади. Қоровул олдинига дарвоза қачон битишини сўраб юрди, кейин ялиниб-ёлворишга тушди, охири дўқ-пўтиса қилишга ўтди. Уй маъмуриятидан Виктор Михайлович номига ёзма равишда эслатма жатлари келди. Энди иш судга оширилиши ҳам мумкин. Вазият тобора жиддийлашиб борарди.

Кудук бошида турган фолбин билан сергайрат чилангарнинг ҳамон жафи тинмасди.

– Трамвай йўлига мойланмаган ёғоч ётқизилса, – ҳовлинини бошига кўтариб шанғиллади Вик-

тор Михайлович, – трамвай бошга битган бало бўлади!

– Қачон тугаркин шу машмашалар! – деб қўйди Елена Станиславовна. – Шўримиз курсин.

– Ҳеч қачон тугамайди... Ҳа-я! Биласизми, бугун кимни кўрдим? Воробъяниковни.

Елена Станиславовна сув тўла чеълакни азот кўтарганча, қудук лабига суюниб қолди.

– Боя коммунал хўжалик бўлимига борувдим, устахонанинг ижара муддатини чўзиш учун. Йўлакда кетаётсам, рўпарамдан иккита одам чиқиб қолди. Бундоқ разм солиб қарасам, танишга ўҳшади. Хаёлимга Воробъяников келди. «Шу бино илгари қайси ташкилотга қараган, билмайсизми?» – деб сўрашди. Илгари қизлар гимназияси бўлган, кейин уй-жой бўлими кўчиб кирган, деб айтдим. Нега сўраяпсиз, деб сабабиниям суриштиридим, «раҳмат», деганича иккаласи жўнаб қолди. Биттасини шунда аниқ танидим, Воробъяниковнинг ўзгинаси, лекин мўйлови йўқ. Қайси шамол учирдийкин? Ёнидаги шериги басавлат, келишган йигит. Собиқ офицерлардан бўлса керак. Дарров хаёлимга...

Шу пайт Виктор Михайлович кўнгиласиз воқеа рўй бериши мумкинлигини сезиб қолди. Дарҳол бидонини кўтара ўзини ахлат кутининг панасига олди. Гапиям бўғзида чала қолди. Ҳовлига лапанглаб 5-уйнинг қоровули кириб келаётган эди. У қудуққа яқинлашиб тўхтади, ҳовлидаги иморатларга олазарак тикилиб қаради. Виктор Михайловичнинг қораси кўринмагач, таъби тирриқ бўлиб кетди.

– Витъка, чиланггар яна йўқми? – деб сўради у Елена Станиславовнадан.

– Вой, хабарим йўқ, – жавоб берди фолбин хотин, – ҳечам хабарим йўқ.

Юрагига қаттиқ ғулғула тушган фолбин йўл-йўлакай чељакдаги сувини сачратиб, шошилганича уйига кириб кетди.

Қоровул цемент қудукни сийпалаб кўргач, устахонага қараб юрди.

Чилангарлик устахонасига кириш жойи

деган ёзуводан ўтиб, икки қадам юргач,

Чилангарлик устахонаси ва примуслар таъмири

деган тахтacha кўринди. Тахтачанинг тагида от-нинг калласидай қулф осиғлиқ турарди. Қоровул қулфни бир тепиб, алам билан:

– Ҳўв, гўрсўхта! – деб сўкинди.

Қоровул устахонанинг эшигига бир нафас гижиниб тургач, гумбурлатиб тахтачани суғуриб олди-да, ташқарига чиқиб, уни оёғи билан деп-сий бошлади, кейин бутун ҳовлини бошига кўта-риб, аламини тўкиб солди.

– Еттинчи уй уй эмас, ўғриларнинг макони экан! – деб бақирди қоровул. – Аблаҳлар! Ҳўв, қора илон! Лаънат ўша ўрта маълумотингга!.. Ўрта маъ-лумотингдан қўрқмайман... газанда!..

Ўрта маълумотли қора илон шу тобда ваҳимага тушиб ахлат қутининг орқасида яшириниб ўтирган эди.

Дераза ромлари тарақлаб, хушчақчақ одам-лар ойнадан мўралашди. Текин томоша шина-вандалари бирпастда ҳовлига тўпланди. Шунча халойиқни кўриб, қоровулнинг баттар жазава-си тутди.

– Тагин бу кишим механик чилангар эмишлар!
– бўкириб берди қоровул. – Уйинг куйгур оқсусяк!

Қоровул оғзидан боди кириб, шоди чиқиб, беадаб сўзларни бот-бот ишлатар, юқоридаги деразаларга пашшадай ёпишган заифалар ичларида уни қарғасалар ҳам жойларидан жилишмасди.

– Тумшуфингни ёриб қўяман! – бўкирди қоровул. – Ҳе, олим бўлган!..

Жанжал авжига чиққан ҳам эдики, бир милиция ходими келиб жанжалкашни идорага судраб кетди. «Жадалтой»даги азаматлар унга қарашворган бўлди.

Ювош тортган қоровул милиция ходимини бўйнидан ачомлаб, ҳунграб йифлаб юборди.

Хатар йўқолди.

Шундагина ахлат қутининг орқасида ўтиравер-риб толикқан Виктор Михайлович жойидан чиқди. Оломон ўртасида гала-ғовур кўтарилиди.

– Сурбет! – деди Виктор Михайлович қотилнинг орқасидан қичқириб. – Сурбет! Кўрсатиб қўяман сенга! Ярамас!

Кўзидан шашқатор ёш оқизиб, бирорларнинг қўлида милиция бўлимига кетаётган қоровул бу гапни эшиитмади. «Чилангарлик устахонаси ва примус таъмири» деган тахтачани ашёвий далил сифатида у билан бирга олиб кетишиди.

Виктор Михайлович анчагача хезланиб турди.

– Вой итваччалар-ей, – деди у текин томоша шинавандаларига юзланиб, – энди одам бўп қолишибди-да. Сурбетлар!

– Қўйинг энди, Виктор Михайлович! – деразадан қичқирди Елена Станиславовна. – Бу ёққа бирров кириб кетинг.

Аёл Виктор Михайлович олдига шарбат келтириб қўйгач, хона ичида юриб уни сўроққа тутди.

– Боя айтдим-ку, худди ўзи деб, лекин мўйлови йўқ эди, – одати бўйича шанғимлаб деди Виктор Михайлович, – ўлдимми энди уни танимасам! Воробъяниновнинг ўзгинаси!

– Секироқ гапирсангиз-чи,вой Худойим-эй!
Ву ёққа нимага келганикин, а?

Виктор Михайловичнинг қора чеҳрасида киноя жилва қилди.

– Хўш, сиз нима деб ўйлайсиз?

У яна ҳам заҳархандалироқ кулимсиради.

– Нима, унга хавф-хатар борми?

Сўнгги ўн йил ичиди Виктор Михайлович таъна-кесатиқлар конига айланиб қолган эди. Мана, ҳозир ҳам кинояли табассум камалаги чеҳрасини ёришириб юборди.

– Россияда ҳамманинг ҳаёти хавф остида, айниқса, Воробъяниновга ўхшаганларнинг. Ҳеч ким бекордан-бекорга мўйловини қириб ташламайди, Елена Станиславовна.

– Хориждан юборишганмикин? – нафаси бўғизга тиқилиб сўради Елена Станиславовна.

– Шубҳасиз, – деб жавоб берди донишманд чилангар.

– Нима юмуш билан келганикин?

– Ёш болалик қилманг.

– Менга бари бир. Уни кўришим керак.

– Ўзингизга жабр бўлади, биласизми шуни?

– Менга бари бир дедим-ку. Вир-бирилизни кўрмаганимизга ўн йил бўлди. Ипполит Матвеевичнинг дийдорига бир тўйй энди.

Шу тобда назарида бир пайтлари чиндан ҳам иккови бир-бирини севгану фалакнинг гардиши билан ораларига айрилиқ тушгандай туюлиб кетди.

– Ўтиниб сўрайман, топиб беринг уни! Қаердалигини билиб келинг! Сизга ҳамманинг эшиги

очиқ! Кўлингиздан келади! Сиз билан учрашмоқчи, деб айтинг. Эшитяпсизми?

Кўндоқда мудроқ босган қизил иштонли тўти шовқиндан чўчиб тушди, турган жойида калласи билан пастга бир шўнғиб, ҳайкалдай қотиб қолди.

– Елена Станиславовна, – деди механик чилангар ўрнидан тургач, қўлини кўксига қўйиб, – қаердалигини билиб, албатта гаплашиб келаман.

– Яна озроқ шарбат қўйиб берайми? – деб сўради фолбин ўпкаси тўлиб.

Виктор Михайлович шаробни ичиб бўлгач, тўти-нинг қафаси нотўғри ясалибди, деб аччиқ таъналар қилди, кейин Елена Станиславовна билан хайр-маъзур қиласар экан, бўлиб ўтган гаплар ҳақида бирорвга чурқ этиб оғиз очмасликни тайинлади.

Ўн биринчи боб

«ҲАЁТ КЎЗГУСИ» АЛИФБОСИ

Ҳамтовоқлар иккинчи куни бундоқ ўйлаб қарашса, қоровулхонада қолишининг ортиқ иложи йўқ. Дастлабига хўжайинининг мўйлови қорайиб қолганини, кейин негадир кўкариб, охири мутлақо ғойиб бўлганини кўриб ўтакаси ёрилган Тихон пўнғиллайдиган одат чиқарди. Ётишгаям жой йўқ. Тихоннинг оёғидаги янги пийма қоровулхонани чириган гўнг ҳидига тўлдириб юборди. Бир чеккада ётган эски пиймасиям ҳавони бузса бузадики, асло тозаламайди.

– Ширин хотираларга баришланган кечани ёпиқ деб эълон қиласман, – деди Остап, – меҳмонхонага кўчмасак бўлмайди.

Ипполит Матвеевич ичидан зил кетди.

– Бунинг иложи йўқ.

- Сабаб?
- Келган-кетган қайд этилади у ерда.
- Паспортлари чатоқми?
- Йўқ, паспорт-ку, жойида-я, аммо-лекин фамилиямни бутун шаҳар билади. Гап чувалашади. Хазинатопарлар ўйланиб қолишиди.
- Михельсон деган фамилия ёқадими сизга? – тұсатдан сұраб қолди фаросати зүр Остап.
- Қанақа Михельсон? Сенаторни айтяпсизми?
- Йўқ. Савдо ходимлар уюшмасининг аъзоси.
- Гапингизга тушунолмадим.
- Амалий малакангиз йўқ, шунинг учун тушунмайсиз. Аммамнинг бузогига ўхшайверманг ҳадеб.

Бендер яшил камзулининг чўнтагидан касаба уюшмаси дафтарчасини олиб, Ипполит Матвеевичга узатди.

– Конрад Карлович Михельсон, ёши қирқ саккизда, партиясиз, бўйдоқ, минг тўққиз юз йигирма биринчи йилдан касаба уюшма аъзоси, олий даражада ахлоқли одам, ўзи яқин танишим бўлади, янгишмасам, болажон ҳам... Аекин сиз болапарварлик қиласангиз ҳам бўлади, милиция сиздан буни талаб қилмайди.

Ипполит Матвеевич хижолат тортди.

– Қандоқ бўларкин?

– Гарчи бу ҳаракат жиноятлар мажмуасида назарда тутилган бўлса ҳам, лекин ҳар ҳолда биз қидираётган хазина олдидা болаларнинг мушук-сичқон ўйинидай гап.

Бу гапни эшишиб Воробъяновнинг дами ичига тушиб кетди.

– Ношукр banda экансиз, Кондрат Карлович. Омад кеп қолди, шукр қиласангиз-чи, Папа-Христозопуло ёки Зловунов дегани чекингизга тушиб қолганда нима қиласардингиз.

Хазинатопарлар бирпасда келишиб олишди-ю, Тихон билан хайр-маъзурни насия қилиб, кўчага чиқишиди.

Улар «Сорбонна»нинг шинамгина хоналаридан жой олишди. Остап меҳмонхонадаги саноқли хизматчиларнинг барини оёқقا турғизди. Оддинига у етти сўмлик хоналарни айланиб чиқди, лекин жиҳозидан кўнгли тўлмади. Беш сўмлик хоналар анча маъқул тушган эди-ю, кўсқи ва бадбўй гиламлари ёқмади. Уч сўмлик хоналар болта кўринган бўлса ҳам девордаги расмлар фашига тегди.

— Мен табиат манзаралари билан бир уйда туролмайман, — деди Остап.

Охири бир сўм саксон тийин турадиган хонадан жой олишди. Хона табиат манзаралари-ю, гиламлардан холи бўлиб, жиҳозлари ҳам оддий эди: бир жуфт каравоту бир дона тунги столча.

— Тош асрининг услубида экан, — деди Остап хонадан кўнгли тўлиб. — Ҳа, айтмоқчи, кўрпатўшакларда ҳашарот-пашарот деган нарса йўқми?

— Буниси мавсумга боғлиқ — деб жавоб берди муғамбир хизматчи, — масалан айтайлик, губерния миқёсида бирор йиғин бўлса, кўринмай қолишади, нега деганда, кўп одам келади-да, шунинг учун оддин ҳамма ёқ яхшигина тозалаб чиқилади. Бошқа пайтлари учраб туради. Кўшни «Ливадия» меҳмонхонасининг хоналаридан ўрмалаб чиқади.

Хазинатопарлар ўша куниёқ Эски шаҳар коммунал-хўжалик бўлими — шаҳар коммунал хўжалигига бориб, керакли нарсаларни билиб олишди. Уй-жой бўлими 1921 йилда тугатилгани, унинг бутун бошли архиви бошқа шаҳарга ўтиб кетгани маълум бўлди.

Буюк мудаббирнинг ўзи ишга киришиб кетди. Собиқ шаҳар ҳокими маҳкамасининг мансабдо-

ри, ҳозир эса идора хизматчиси бўлмиш архив мудири Варфоломей Коробейников қаерда туришидан хазинатопарлар кечга яқин огоҳ бўлишди.

Остап жун нимчасини кийиб, камзулини каравот суюнчиғига яхшилаб қоққач, Ипполит Матвеевичдан майда харажатлар учун бир сўм йигирма тийинни ундириб, архивчининг уйига жўнаб кетди. «Сорбонна»да ёлғиз қолган Ипполит Матвеевич юраги ҳаприқиб, икки каравот орлиғидаги тор йўлкадан орқа-олдига юра бошлади. Шу кўкимтири, совуқ кечада улар бошлаган ишнинг тақдири ҳал бўлиши керак. Воробъяни новлар хонадонидан мусодара қилинган жиҳозлар кимларга тарқатилганини тасдиқловчи ижозат қоғозлари – ордерларнинг нусхалари топилса борми, ишнинг эллик фоизи ҳал бўлди, деявериш мумкин. Кейин ҳам ҳазилакам қийинчиликлар учрамайди албатта, лекин ҳар ҳолда калаванинг учи қўлда бўлади-ку.

– Ишқилиб ордер топилсин-да, – пичирлади Ипполит Матвеевич ўринга чўзилиб, – ордер топилса бўлди!

Шалоги чиққан тўшакнинг пружиналари танасини бурга тиққандай узуб олар, лекин у буни сезмасди. Ордер қўлга киргандан кейин нима қилиш лозимлигини шу тобда аниқ билмаса ҳам у тақдирда ишлар хамирдан қил суғургандай осонгина юришиб кетишига имони комил эди. «Қилни қирқ ёрганга нима етсин», деган гап неғадир миясида тинмай чарх уради.

Қилни қирқ ёриш орзусида Ипполит Матвеевич каравотда у ёнбошидан-бу ёнбошига ағдарилаар, тагидаги пружиналар эса чийиллаб овоз чиқаради.

Остап шаҳарни у бошидан бу бошигача кесиб ўтди. Коробейников Эски шаҳарнинг бир чекка-

сида Гусишче деган жойда истиқомат қилас экан. Гусищеда асосан темирйўлчилар туришарди. Пастдаги уйлардан юпқа бетон девор билан ажратилган кутарма йўлдан пишиллаганича баъзан паровозлар орқаси билан ўтиб қолар, шунда ўтхоналаридағи шафақ нуридан уйларнинг томи бир зум ёришиб кетарди. Гоҳида бўш вагонлар ўтса, гоҳида бирор хатар аломати бўлмиш снарядлар гумбурлаб қўярди. Ҳали сувоги қуримаган фиштин уйлар бу ердаги кулбалару омонат бараклар ўртасида маржондай тизилиб ётарди.

Остап темирйўлчилар клуби бўлмиш нурафшон оролни четлаб ўтгач, қўлидаги қофозга яна бир қараб олди-да, архивчининг уйи олдида тўхтади. Шундан кейин у катта-катта ҳарфлар билан «Илтимос, бураб чалинг», деб ёзилган маслаҳатга амал қилиб, эшикдаги қўнғироқни буради.

Ким керак, нимага қабилидаги узундан-узоқ сўроқдан сўнг эшик очилиб, Остап жавонларга тўла қоронги даҳлизга кирди. Остап қоронгидан кимнингдир нафасини сезиб турган бўлса ҳам ҳеч кимдан садо чиқмади.

– Коробейников шу ердами? – деб сўради Бендер.

Бояги нафас эгаси Остапнинг қўлидан етаклаб, керосин чироқ осилган ошхонага бошлиб кирди. Остап олдида турган кичкинагина, ниҳоятда озода, қўл-оёғи чаққон чолга кўзи тушди. Коробейников шу чол эканига ҳечам шубҳа қолмаган эди, Остап такаллуф кутмай курсини олдига тортиб ўтириб олди.

Қария бу беандиша йигитдан ҳайиқмай, жимгина қараб турди. Остапнинг ўзи илтифот юзасидан гап бошлади:

– Олдингизга бир иш билан келдим. Сиз шаҳар комунал хўжалик архивида ишлайсиз, шундайми?

Кўл-оёғи чаққон чол ҳаракатга келиб, бу гапни тасдиқлагандай қаддини дол қиласди.

– Бундан олдин уй-жой бўлимида хизмат қилгансиз, а?

– Мен кўп ерларда хизмат қилганман, – деб жавоб берди қария чеҳраси ёришиб.

– Ҳатто шаҳар ҳокимининг маҳкамасидаямми?
– латиф табассум билан сўради Остап.

Кўп тебранишлардан кейин чол гавдаси бир вазиятда муҳим тўхтади. Бу вазият «шаҳар ҳокимининг маҳкамасида ишлаган бўлсан ишлагандирман, орадан қанча вақт ўтди, ҳаммаси эсда туравермайди», деган маънони билдиради.

– Хўш, бизни йўқлаб келганларига сабаб нима, билсак бўладими? – деб сўради уй эгаси меҳмонга мароқ билан тикилиб.

– Бўлганда қандоқ, – деб жавоб берди меҳмон.
– Мен Воробъяниковнинг ўғли бўламан.

– Қайси Воробъяниковни айтяпсиз? Сардорними?

– Ўшани.
– Ўзи қалай, омонми?
– Қазо қилганлар, ўртоқ Коробейников. Оламдан ўтганлар.

– Эсиз, – деб қўйди чол ортиқча куюнмай, – ёмон бўпти. Янглишмасам, у кишининг болачаси йўқ эди шекилли?

– Ҳа, тўғри, – деб бажонидил жавоб берди Остап.

– Бу ёғи қандоқ бўлди унда?
– Шундоқ. Падарнинг пинҳоний никоҳлари ҳам бўлган экан, шундан таваллуд топганмиз.

– Елена Станиславовнанинг фарзандлари бўлманг тағин?

– Худди шундай, топдингиз.
– Онагиз сиҳат-саломатмилар?

- Волидани аллақачон тупроқقا топширганмиз.
- Шундайми, күп чакки иш бўпти-да!

Гарчи чол Елена Станиславовнани шу бугун бозорда, гўшт қаторлари олдида кўрган бўлса ҳам анча вақтгача Остапга йигламсираб қараб турди.

- Улим ҳамманинг бошида бор, – деди у. – Қани, меҳмон, бизга нима хизматлари бор, кечирасиз, исмингизни билолмай турибман...

- Вольдемар, – ҳозиржавоблик билан деди Остап.

- Владимир Ипполитович денг? Жуда соз. Хўш. Кулогим сизда, Владимир Ипполитович.

Чол устига гулдор мато ёпиленган столга яқинроқ ўтириб, Остапнинг кўзига тикка қаради...

Остап баландпарвоз гаплардан келтириб, отонасини эслаган бўлди. Кейин эса муҳтарам архивчининг ошёнига бемаҳалда қадам босиб, бу зотни катта ташвишга қўйганини, архивчи ҳазратлари бетакалуф меҳмон нима мақсадда йўқлаб келганини эшитсалар, бир қошиқ қонидан кечишлари мумкинлигини айтди.

- Падарнинг қўллари теккан анжомлардан бирортасини топсам, ҳар кўрганда у кишини эслаб юрсам, девдим, – деди охири Остап фарзандлик меҳри жўшиб. – Падарнинг уйларидағи жиҳозлар кимларга ўтган, шундан хабарингиз борми?

- Қийин гап бу, – деди чол ўйланиб, – бунинг учун бел бақувват бўлиши керак... Кечирасиз, ўzlари нима хизмат қиладилар!

- Бизники эркин касб. Самарада шерикчиликка күшхона очиб қўйганман.

Чол Воробъяновнинг яшил кийим-бошдаги фарзандига ишонқирамай қараб қўйди-ю, лекин эътиroz билдирамади.

«Эпчил йигит экан», деб қўйди ичида.

Боядан бери Коробейниковни зимдан кузатиб турган Остап «ўтакетган палид чол экан», деган хulosага келди.

- Гап шу, - деди Остап.
- Гап шу, - деди архивчи, - қийин масала, лекин иложини топса бўлади...
- Чиқими борми? - гапини оғзидан олди кушхона соҳиби.
- Озроқ чақаси бор...
- Танага яқинроқ келинг, деган экан Мопассан. Хизмат ҳақингизни оласиз.
- Хўп, яхши, етмиш сўм чўзасиз.
- Намунча? Қимматчилик йили туғилганмисиз, нима бало?

Чол елкаларини ўйнатиб, аста жилпанглаб қўйди.

- Ҳазил қиляптиларми, дейман...
- Биз рози, отахон... Ордерни бериб, пулини оласиз. Қачон келай?
- Пул ёнингиздами?

Остап бажонидил чўнтагини шапатилаб кўрсатди.

- Ундей бўлса ҳозироқ марҳамат қилишингиз мумкин, - деди Коробейников такаллуф билан.

У шам ёққач, Остапни қўшни хонага бошлаб кирди. Хонада битта каравотдан ташқари (афтидан, уй эгаси шунда ётиб юрса керак) устида ҳисоб-китоб дафтарлари қалашиб ётган ёзув стили билан тортмалари очиқ узун идора шкафи кўринди. Тортма биқинига А, Б, В дан бошлаб то рус алифбосининг кенжатойи Я га қадар ҳамма ҳарфлар босма нусхада ёпиштирилган. Жамики тортмалардаги ордерлар дасталаб, каноп билан боғлаб қўйилибди.

- Оҳо! - завқи келиб деди Остап, - уй тўла архив-ку.

– Тұлаликка тұла, – деб жавоб берди архивчи ийманиб. – Ҳар әхтимолға қарши сақлаб юрибман-да, билсангиз... Коммунал хўжалик бўлимига бунинг кераги йўқ, менга эса қариган чоғимда асқатиб қолиши мумкин. Азбаройи лағча чўғнинг устида ўтирганга ўхшаймиз, билсангиз. Эртага нима бўлишини ким билади, дейсиз... Қарабсизки, ҳамма ўзининг анжомини қидириб қолади, хўш, қани ўша анжом? Мана улар! Шкафда! Буларни ким асраб қолди? Коробейников. Ана ўшанда муҳтарам зотлар мендек бир гариф чолга раҳматлар айтиб, қариган чоғимда қуруқ қўйишмайди... Мен кўп сўрамайман – ҳар битта ордерга ўн сўлкавойдан беришса бўлди. Шунгаям шукр қиламан... Қани, бирортаси ўзича эплаб кўрсин-чи, ғалвирига сув чиқармикин. Менсиз эплашолмайди!

Остап ҳавас билан чолга тикилди.

– Антиқа жой қипсиз, – деди у, – ҳамма нарса механизациялашган. Бориб турган меҳнат қаҳрамони экансиз!

Мақтовдан эриб кетган архивчи меҳмонни суйганинг ҳунарининг сирлари билан танишира бошлади. У ҳисобот ва тақсимотга тутилган қалин дафтарларни бир-бир очиб кўрсатди.

– Ҳаммаси шу ерда, – деди у, – бутун Эски шашар аҳли шу ерда! Жамики жиҳозлар! Кимдан қачон олингану кимга қачон берилган. Мана буниси эса алифбо тартибидаги дафтар, ҳаёт кўзгуси! Кимнинг жиҳозларини кўрмоқчисиз? Биринчи гильдия савдогари Ангеловни хоҳлайсизми? Марҳа-мат. А ҳарфига қаранг. А ҳарфини очди, Ак, Ал, Ан. Ангелов... Тартиб рақами қанақа экан? Мана! 82742. Энди ҳисобот дафтарини оламиз. 142-бет. Қани Ангелов? Мана Ангелов. 1918 йил 18 декабрда Ангеловнинг уйидан қуийдагилар

олинди: 97012 рақамли «Беккер» рояли, рояль ёнида турадиган юмшоқ курсича, икки дона ёзув столи, түртта гардероб (иккитаси сифатли ёғочдан ишланган), бир дона шифонъер ва ҳоказо... Хўш, булар кимга берилган? Тақсимот дафтари ни олиб кўрамиз. Бояги 82742 рақами... Берилди... Шифонъер – шаҳар ҳарбий комиссарлигига, уч дона гардероб «Тўргай» номли болалар етимхонасига... Яна битта гардероб эса – Эски шаҳар озиқ-овқат қўмитасининг котибига берилибди, шахсий ихтиёрига. Ия, рояли қаерга кетдийкин? Ҳа, ижтимоий таъминот бўлимига, 2-уйга жўнатилган экан. Ҳозирам ўша ерда турибди...

«Рояль-пояль деган нарсани кўрмадим-ов у ерда», кўнглидан ўтказди Остап Алхеннинг иболи турқини эслаб.

– Ёки бўлмаса, шаҳар маҳкамаси идорасининг мудири Муринни олиб кўрайлик... Демак, М ҳарфини қараш керак бўлади. Ҳаммаси бор. Бутун шаҳар бўйича, Рояллар дейсизми, кичкина кушеткалар¹, ойналар, курси ва диванлар, қандиллар... Ҳаттоқи идиш-товоқлар ҳам рўйхатда бор...

– Қаранг-а, – деди Остап, – сизга қўл билан тиклаб бўлмайдиган ҳайкал қўйиш керак экан. Ҳай, амалий ишга ўтайлик. Масалан, В ҳарфи.

– Б ҳарфими, ҳозир-да, – кўнгилхушилик билан жавоб берди Коробейников. – Мана Вм, Вн. Ворицкий, 48 238 рақамлиги Воробъянинов бўлади. Ипполит Матвеевич, падари бузрукворингиз, Худо раҳмат қилгур кўп шинаванда одам эди-да... 54 809 рақамли «Беккер рояли», чинни гулдонлар, тамғалигидан тўртта, Франциянинг «Севр» заводидан чиққан, палос гиламдан саккизта, ҳажми

¹ Кушетка – орқа суюнчиғи йўқ диван.

ҳар хил, деворга қоқиладиган «Подачи аёл» гила-
мидан битта, яна бир дона «Подачи» гилами, икки
дона туркман гилами, битта Хуресон гилами, идиш
күтарган айиқ тулупи – бир дона, ётоқхона гар-
нитури – ўн икки кишилик, ошхона мебеллар жам-
ланмаси – ўн олти кишилик, меҳмонхона гарни-
тури – ўн тўрт кишилик, ёнғоқ дараҳтидан иш-
ланган, уста Гамбс тайёрлаган.

– Кимларга берилган экан? – ҳовлиқиб сўради
Остап.

– Ҳозир биламиз. Идиш күтарган айиқ тулупи –
иккитаси тумани милициясига, «Подачи» гила-
ми – бадиий буюмлар фондига, «Подачи аёл» ги-
лами сув ходимлари клубига. Палослар, туркман
ва Хуресон гиламлари – ташқи савдо ҳалқ комис-
сарлигига, ётоқхона мебеллар жамланмаси – ов-
чилар уюшмасига, ошхона мебеллар жамланма-
си – чой саноати бош бошқармасининг Эски ша-
ҳар бўлимига. Ёнғоқ дараҳтидан ишланган меҳ-
монхона мебеллар жамланмаси айрим-айрим бе-
риб юборилган. Думалоқ стол билан бир дона стул
– ижтимоий таъминот бўлимининг 2-уйига, яssi
суянчиқли диван – уй-жой бўлими ихтиёрига
(ҳалигача даҳлизда ётибди, жилдининг яғирини
чиқаришибди абллаҳлар); яна битта курси ўртоқ –
Грицацуевга, уруш ногирони бўлгани учун, ари-
заси бор, уй-жой бўлимининг мудири ўртоқ Бур-
кин инқилоб қўйган. Ўнта стул Москвага, жиҳоз
маҳорати музейига юборилган, ҳалқ маориф ко-
миссарлигининг кўрсатма хатига биноан.. Чин-
ни гулдонлар, тамғали...

– Офарин! – деди Остап ўзида йўқ хурсанд
бўлиб, – зўр иш бўпти. Ордерниям бир кўрсак яхши
бўларди.

– Ҳозир, ҳозир ордерларгаям навбат келади.
Рақам 48 238, В ҳарфи.

Архивчи жавонга яқинлашди, бўйнини чўзиб, керакли жилдни олди.

– Мана, падари бузрукворингизнинг жамики анжомлари шу ерда. Ҳамма ордер керакми?

– Нима қиласман ҳаммасини... Шунчаки... болаликдан хотирда қолган меҳмонхона мебеллар жамланмаси... эсимда, меҳмонхонада Хурсон гиламида шўхлик қилиб, девордаги «Подачи аёл»-дан кўзимни узмасдим... Зап даврлар эди, болалик – пошшолик экан. Хуллас, отахон меҳмонхона мебеллар жамланмаси билан чеклансак.

Архивчи қўлидаги бир даста қўкимтирир қофоз парчаларини завқ билан титкилаб, керакли ордерларни қидиришга тушди. Коробейников шуларнинг ичидан бешта ордерни ажратиб олди. Булардан бири ўнта стулга, иккитаси икки дона стулга, биттаси думалоқ столга ва охиргиси «Подачи аёл» гиламига берилган ордерлар эди.

– Кўриб қўйсинлар. Ҳаммаси жойида. Аниқ қилиб ёзилган. Манзилиям бор, олган одамнинг қўлиям. Бир нима бўлса тониб кўрсин-чи. Бир генералнинг хотини бўларди, Попова деган, ё ўшанинг жиҳозларини кўрасизми? Жуда яхши мол. Буям Гамбснинг қўлидан чиқсан.

Ёлғиз ота-онасининг арвоҳини хурсанд қилмоқчи бўлган Остап бу таклифни қабул этмади, у ордерни юлқиб олгач, ён чўнтағига зичлаб жойлади.

– Тилхатни ёзаверайми? – деб сўради архивчи чаққонгина энгашиб.

– Ҳа, ёзаверинг, роя бандаси, – илтифот қилди Бендер.

– Ёзсан ёза қолай.

– Ясайверинг!

Илк кирилган хонага ўтишди. Коробейников равон хусниҳат билан тилхатни битиб кулибгина

меҳмонга узатди. Бош хазинатопар катта назо-
кат-ла қоғозни ўнг кўлининг икки бармоги билан
қисиб олгач, бебаҳо ордерлар мунтазир ётган
чўнтағига солиб кўйди.

— Хўп, кўришгунча, — деди у кўзлари қисилиб,
— сизни анча безовта қилдим шекилли. Ортиқ вақ-
тингизни олишга ҳаққим йўқ. Кўлни ташланг, маҳ-
кама сардори.

Ҳанг-манг бўлиб қолган архивчи бўшашибги-
на унинг кўлини қисди.

— Яна кўришгунча, — қайта такрорлади Остап.
У эшикка қараб юрди.

Коробейников ҳеч нимага тушунмади. Меҳмон
пулни қолдириб кетган бўлса керак, деган хаёlda
столгаям кўз ташлади, аммо кўринмади. Шундан
кейин архивчи секингина:

— Ҳақи-чи? — деб сўради.

— Қанақа ҳақ? — деди Остап кўча эшигини оча
туриб. — Бир ниманинг ҳақини сўрагандай бўлди-
ларми?

— Ҳа, бўлмасам-чи? Жихоз ҳақи! Ордер ҳақи!

— Садағангиз кетай, — деди Остап товушини
ипакдай мулоийим қилиб, — раҳматли падари буз-
рукворимнинг арвоҳи шоҳид, Худо ҳақи. Жон деб
берардиму, лекин иложим йўқ, банкдан олиш эс-
дан чиқибди.

Чолни олдин титроқ босди, кейин нимжон
кўллари билан тунги меҳмоннинг йўлини тўсмоқ-
чи бўлди.

— Секин, аҳмоқ, — деди Остап пишқириб, — айт-
дим-ку сенга, эртага оласан деб, бўлди-да. Хўп,
кўришгунча. Хат ёзиб туинг!..

Эшик тарақлаб ёпилади. Коробейников эшикни
қайта очиб, югуриб кўчага чиққанида Остап
кўздан фойиб бўлган эди. У осма кўприк ёнидан
тез-тез ўтиб борарди. Шу пайт кўприк устида

кўринган паровоз уни бир зум ёритиб, тутунга белаб кетди.

– Муз кўчди! – деб бақирди Остап ҳайдовчига қараб. – Муз кўчди, жаноби маслаҳатчи тўралар!

Ҳайдовчи унинг гапини эшитмади, қўлини сил-киб қўя қолди, пўлат билакларнинг ҳаракати кучайиб, фидираклар шитоб билан чарх урди ва паровоз шамолдек елиб кетди.

Коробейников икки дақиқача изғиринда туриб қолгач, қаттиқ сўкиниб уйчасига кирди. Унга жудаям алам қилди. Хонанинг ўртасида турвониб жон-жаҳди билан столни тепа кетди. Ичига қизил ҳарфлар билан «Учбурчак» деб ёзиб қўйилгувчи калиш шаклида ишланган кулдан бир сакраб, стакан графин билан чўқишиб олди. Варфоломей Коробейников умрида биринчи марта пандейиши эди.

Истаган одамига ўзи фириб бериши мумкин, лекин бу гал панд еди, зўр фаросат билан, аммо соддагина қилиб ясалган қармоқча илинди, мана энди шунинг аламига чидаёлмай боядан бери столнинг семиз оёқларини гурсиллатиб тепкиларди.

Гусищеда Коробейниковни катта-ю кичик Варфоломеич деб чақирарди. Одамлар бўлак иложлари қолмаган тақдирдагина унинг остонасига бош эгиб келишарди. Варфоломеич буюмларини гаровга олиб, кафангадо қилувчи фоизлар қўярди. У бир неча йилдан бери шу зайлда судхўрлик қилиб келаётган бўлса ҳам ҳали бирор марта қўлга тушмаган эди. Мана энди бўлса кўзининг оқуқорасидай кўрган, катта фойдалар олиб, бу ёғига пиру бадавлат яшашига қаттиқ ишонган суюкли корхонасидан куйиб ўтириби.

– Шунақами?! – деб ўкирди у қўлдан чиққан ордерлари эсига тушиб. – Бундан буён энди олдин пулини оламан. Мени нима жин уриб овсар-

лик қилдим-а? Меҳмонхона жиҳозларини икки кўллаб топширибман-а!.. «Подачи аёл» гиламининг ўзи фалон пул туради! Кўлда тўқилган эди-я!..

«Бураб чалинг» қўнғирофини кимнингдир ношуд кўли анчадан бери бураб-бураб қўярди. Варфоломеич эшик очиқ қолганини энди эслаб турган ҳам эдики, даҳлизда бир нима қаттиқ гумбурлаб, жавонлар гирдобида қолган аллакимнинг:

– Бу уйнинг эшиги қаёқда? – деган нидоси эшитилди.

Варфоломеич даҳлизга чиқиб, кимнидир пальтосидан тортди-да (қўлига қаттиқ ботди, яхши мовутдан экан), ошхонага ҳазрати Фёдорни етаклаб кирди.

– Минбаъд кечиргайлар, – деди ҳазрати Фёдор.

Икки томон ўртасида ўн дақиқача давом этган шама ва даромадлардан кейин шу нарса аён бўлдики, ўртоқ Коробейников чиндан ҳам Воробъяниковнинг жиҳозлари ҳақида баъзи маълумотларга эга, ҳазрати Фёдор эса ана шу маълумотларни ҳақ тўлаб олишга рози. Яна бунинг устига меҳмон собиқ сардорнинг туғишган акаси бўлиб чиқди. У ҳар кўрганда укасини эслаб юриш учун меҳмонхона мебеллар жамланмасини сотиб олиш ниятида экан. Воробъяниковнинг акаси учун бу жиҳозлар ўсмирлик даврининг ширин хотиралари билан боғлиқ эмиш. Шу гапларни эшитиб, архивчи танига сифмай кетди.

Варфоломеич юз сўм сўради. Меҳмон укасининг арвоҳини камроқقا, масалан, ўттиз сўмга хурсанд қилимоқчи бўлган экан. Эллик сўмга байлашишди.

– Олдин пулини тўласангиз, – деди архивчи, – одатим шунаقا.

– Мендаги тилла ўнталик, бўлаверадими? – шоша-пиша сўради ҳазрати Фёдор камзулининг астарини сўка туриб.

– Ҳозирги нархда оламан. Түккиз яримдан.

Востриков ичак турвадан бешта тилла суғуриб олди-да, ёнига икки ярим сўмлик кумуш танга қушиб, барини архивчининг олдига суриб қўйди. Варфоломеич тангаларни икки марта санаб чиққач, ҳовучига сидириб олди, кейин меҳмондан бир дақиқа узр сўраб, ордерларни олиб келгани кетди. Варфоломеич яширин маҳкамасига киргач, узоқ ўйлаб ўтирумай, ҳаёт қўзгуси бўлмиш алиф-бонинг П ҳарфини очди, дарров керакли рақами топиб, токчадан генералнинг хотини Попова номига ёзилган бир даста ордерни олди. Кейин у ордерларни титкилаб, ичидан биттасини суғурди. Бу – Узумзор кўча, 34-ўйда истиқомат қилувчи ўртоқ Брунсга Гамбс фабрикасида ёнғоқ дарахтидан ишланган ўн икки дона курсини олиш учун берилган ордер эди. Архивчи ўзининг қувлиги ва топқирлигидан ўзи завқланиб, кулиб қўйди, кейин ордерни харидорга чиқариб берди.

– Ҳаммаси шундами? – энтикиб сўради харидор.

– Бўлмаса-чи? Ҳаммаси ичиди. Ажойиб жиҳозлар. Оғзингиз очилиб қолади. Дарвоқе, сизга мақтаб нима қиласман! Ўзингизга маълум-ку!

Ҳазрати Фёдор курсанд бўлганидан анчагача архивчининг қўлини қисиб силтаб турди, сўнг даҳлиздаги жавонларга урилиб-сурилиб, тун қоронғисида фойиб бўлди.

Варфоломеич боплаб қўлга туширган харидорининг кетидан роса мириқиб кулди. Кейин тилла тангаларни столга қаторлаштириб қўйиб ялтироқ тангаларга анчагача уйқусираб қараб ўтирди.

«Нимага булар Воробъяниковнинг жиҳозларига ўч бўлиб қолиши? – кўнглидан ўтказди у. – Эсларини еб қўйишибди».

У ечинди, ҳафсаласизлик билан чўқинди, қиз боланикдай торгина ўрнига кириб, хаёл оғушида уйқуга кетди.

Ўн иккинчи боб

ШОИР ОРЗУ ҚИЛГАН ОТАШ ЖУВОН

Тунда совуқ барҳам топди. Ҳаво исиб, наҳорги йўловчиларнинг илиги сирқиллади. Чумчуқлар чулчутча чуфурини бошлади. Ошхонадан чиқиб, меҳмонхона ҳовлисига ўтган товуққаям қувват кирди шекилли, учишга хезланиб, бир сапчиб қўйди. Осмонни увада булат қоплаган, ахлат қутидан бинафша деҳқонча шўрва ҳиди анқийди. Шамол бўғотлар тагида елади. Томда ястаниб ётган мушуклар эринибгина кўзини очиб, ҳовлига қарашади ва елкасига бир талай кир ортмоқлаган меҳмонхона хизматчиси Александрнинг елиб-югуришини томоша қилишади.

«Сорбонна» йўлаклари гала-ғовур. Трамвай очишига уездлардан делегатлар келган. «Сорбонна» деган лавҳа осиб қўйилган маҳсус аравадан шуларнинг бир галаси тушди.

Офтоб жазавага келди. Дўконларнинг тарамтарам темир пардалари баланд кўтарилди. Пахталиқ пальтода ишга борган идора хизматчилари кўклам хуружидан нафаслари қисилиб, тугмаларини ечишди.

Кооператив кўчасида ун комбинати қурилиши – Ункомқурга қарашли юқ машинасининг рессори синиб, воқеа содир бўлган жойга етиб келган Виктор Михайлович Полесов йўл-йўриқ кўрсатиб турибди.

Батартиб жиҳозланган (иккита каравоту бир дона стол) хонада отнинг пишқириши ва кишна-

гани эшитилди: Ипполит Матвеевич зўр иштача билан юз-қўлини ювиб, бурнини тозалаётган эди. Буюк мудаббир ётган жойида сандалининг йиртиқ ерларини кўздан кечирмоқда эди.

— Айтмоқчи, — деди у, — илтимос, қарзингизни узиб қўйсангиз.

Ипполит Матвеевич юзидан сочиқни олиб, пенснесиз бақа кузларини шеригига қадади.

— Тошбақа тухумига термилгандай нега бақрая-сиз? Нимага ҳайрон бўляпсиз? Қарз деганимга-ми? Ҳа. Мендан қарзингиз бор. Кеча айтаман деб эсимдан чиқибди, берган ваколатингизга биноан ордерга етмиш сўм тўладим. Мана тилхат. Ўттиз беш сўмни бу ёқقا чўзинг. Билишимча, шерик дегани харажатниям ярмини кўтариши керак, шундайми?

Ипполит Матвеевич пенснени тақиб, хатни ўқиб чиққач, юраги уюшибина пулни узатди. Аммо чиқимдор бўлганига қарамай ҳамон унинг кайфи чоғ эди. Ҳазина нақд бўлиб қолди. Тоғ-тоғ ўюлиб ётган жавоҳир ёғдусида ўттиз беш сўм мисоли хасдай кўринмай кетди.

Лабларига шодон табассум қўнган Ипполит Матвеевич йўлакка чиқиб, айланиб юрди. Жавоҳир заминида қад кўтарадиган янги ҳаёт кошонаси уни сармаст қилган эди. «Ҳазрат-чи, ҳазрат? — ичида кулди у. — Бузоқнинг юргани сомонхонагача. Стулни энди тушида куряди. Соқоли билан бирга».

Йўлак охирига боргач, Воробъянинов орқасига ўгирилди. Шу пайт 13-раҳамли, пўст ташлаган оқ эшик очилиб, ҳазрати Фёдор пешвоз чиқиб келди. Эгнига тик ёқали кўк кўйлак кийиб, устидан гажак попукли, қора эски чилвир боғлаб олган ҳазратнинг мулоим чеҳраси баҳтиёрликдан порлар эди. У ҳам оёқнинг чигилини ёзгани чиққан

эди. Рақиблар бир неча дафъа тўқнаш келиб, бир-бирлариға кибру ҳаво билан қараб қўйишди. Ҳар гал йўлка тугаб, яна орқага қайтишар, яна кўз кўзга тушарди... Ипполит Матвеевичнинг машқи баланд эди. Ҳазрати Фёдорнинг кайфияти ҳам аъло даражада. Икковиям кураги ерга теккан рақибиға раҳм-шафқат қилгиси келарди. Охири сайдининг бешинчи маротабасида Ипполит Матвеевичнинг сабри тугади.

– Салом бердик, тақсир, – деди у ўта ширинсұханлик билан.

Ҳазрати Фёдор Худо иноят қилган заҳар наштарини тиғлаб:

– Саломатмилар, Ипполит Матвеевич! – деб жавоб айлади.

Ҳарифлар ажралишди. Кейинги гал тўқнаш келишганида Воробъянинов луқма ташлади:

– Сўнгги учрашганимизда жанобларига озор бериб қўйганим йўқми?

– Йўғ-а, нега энди, яхши бўлди учрашганимиз,
– деб жавоб берди ҳазрати Фёдор қувончини яширмай.

Яна турли томонга йўрғалаб кетишли. Ҳазрати Фёдорнинг турқини кўриб, Ипполит Матвеевичнинг қони қайнай бошлади.

– Ибодат қилмай қўйгандирсиз, а? – деб сўради у яна тўқнаш келиб.

– Ибодат қолдими! Қавмлар шаҳарма-шахар изғиб юрибди, бойлик қидириб.

– Билиб қўйинг, қидирса ўзиникини қидиради! Ҳа, ўзиникини!

– Кимникилигини билмадиму, лекин излашашётгани рост.

Ипполит Матвеевич бир узиб олмоқчи бўлиб, оғиз жуфтлаган ҳам эди-ю, лекин тилига дурустроқ гап келмагани учун жаҳл ичida хонасига ки-

риб кетди. Орадан бирор лаҳза ўтмаган ҳам эдик, устига мовий нимча кийиб, оёғидаги пойабзалининг ипларини судраганича ўша эшикдан турк фуқаросининг ўғли Остап Бендер чиқди ва Востриковга қараб юрди. Ҳазрати Фёдорнинг анордай қип-қизил юзлари сўлиб, докадай оқариб кетди.

– Эски-тускига харидор бўптилар-да? – деди Остап дағдаға қилиб. – Стул керак бўлдими? Ичакчавоқ-чи? Мой қутига тоблари қалай?

– Мендан нима истайдилар? – аранг овоз чиқариб сўради ҳазрати Фёдор.

– Истагим шуки, сизга эски шимимни сотмоқчиман.

Рӯхоний ич-ичидан зил кетиб, четроққа тисарилиди.

– Черковга кирган соқовдай нега индамайсиз?

Ҳазрати Фёдор секингина хонасига қараб силжиди.

– Эски-туски оламан, янгисини шиламан! – унинг орқасидан қичқирди Остап.

Востриков калласини ичига тортиб, эшигининг олдида тўхтади. Остап яна пичинг қиади:

– Иштон масаласи нима бўлди, тақсирим? Оладиган бўлдингизми? Менда яна нимчага енг, осмонга устун бор, ўлган бузоқнинг кўзиям бор. Кўтара савдо, арzonга бераман. Меники нақд, стулга тикмаганман, овора бўлмайсиз! Хўш?!

Тақсирининг ортидан эшик ёпилиди.

Остап кўнгли тўлиб, пойабзал ипини шитирлатганича орқасига қайтди. Унинг азamat гавдаси хийла узоқлашган ҳам эдики, ҳазрати Фёдор эшикдан калласини чиқарди-да, ичидаги қамалиб ётган аламини тўкиб:

– Ўзинг аҳмоқ! – деб чийиллади.

– Нима? – деб бақирди Остап изига қайтиб. Лекин эшик аллақачон ичидан ёпилгани учун кулфнинг шарақлаган овози келди, холос.

Остап эшик тирқишига эгилиб, қўлини оғзига карнай қилди-да, дона-дона қилиб:

– Халқ учун афюннинг нархи қалай? – деб сўради.

Эшик ортидан жавоб бўлмади.

– Бачканा одам экансиз, отам! – деди овозини баралла қўйиб Остап.

Шу ондаёқ эшик тирқишида қалам кўриниб, лик-лик айланга кетди – ҳазрати Фёдор қаламининг учини рақибига суқиб олмоқчи бўлган эди. Хазинатопар вақтида ўзини четга олиб, қаламга ёпишди. Эшикнинг икки томонида турган ғанимлар бир-бирининг қўлидан қаламни тортиб олишга уринди. Ёшлиқ ролиб келди, қалам этга кирган зиратчага ўхшаб тирқишдан зўрга сирғалиб чиқди. Ўлжани қўлга туширган Остап хонага кирди. Шериклар қотиб-қотиб кулишди.

– Душман қочди, биз қувдик, биз қувдик! – хиргойи қилди Остап.

Шундан кейин у қаламнинг биқинига қаламтарош билан уятли сўзни ўйиб ёзди-да, югуриб йўлакка чиқиб, қаламни эшикнинг калит соладиган тешигига ташлаб, шу заҳоти қайтиб келди.

Иккала дўст кўкимтир ордер қофозларини қўлга олиб, қунт билан кўздан кечира бошлашди.

– «Подачи аёл» гиламига берилган ордер, – деди Ипполит Матвеевич хаёли қочиб. – Шу гиламни Петербургда бир атиқачидан олган эдим.

– Подачига бало борми! – деб ўшқирди Остап ордерни нимта-нимта қилиб.

– Думалоқ стол... Мебеллар жамланмасиники бўлса керак...

– Бу ёққа олинг столни. Столиям бошида қолсин!

Ҳаммаси бўлиб иккита ордер қолди, бири Москвадаги жиҳоз маҳорати музейига топширилган ўнта стулники бўлиб, иккинчиси Эски шаҳар, Плеханов кўчаси, 15-йдаги истиқомат қилувчи ўртоқ Грицацуевга битта стул олиш учун берилган эди.

– Пулни тайёр қилиб туринг, – деди Остап, – Москваға борсак ажаб эмас.

– Шу ердаям бор-ку, битта стул?

– Тўққиз кўпми, бирми? Ҳисобни билиш керак. Қолаверса, ўртоқ Грицацуев уни печкага қала-ворган бўлишиям мумкин.

– Нафасингизни иссиқ қилинг.

– Бўпти, бўпти, либер фатер Конрад Карлович Михельсон, топамиз! Вазифамиз улуф! Оёққа шойи пайтава ўраб, Марго кремидан еб юрамиз.

– Назаримда негадир бутун гавҳарлар шу стулда турганга ўхшайди, – деб сўз қотди Ипполит Матвеевич.

– Шунақа денг? Назарингизда-я? Назарлари яна нимага тушди? Ҳеч нимагами? Ҳай, майли, бошқачасига иш тутамиз. Қушлар осмонда учеб юраверсин, биз стуллар билан бўлайлик. Уруш ногирони ўртоқ Грицацуев билан тезроқ дийдор кўришиш иштиёқида ёниб турибман. Плеханов кўчаси, уй ўн беш. Орқада қолманг, Конрад Карлович. Режани йўлда тузамиз.

Турк фуқаросининг кекчи ўғли ҳазрати Фёдор-нинг хонаси ёнидан ўтаётуб эшикни бир тепди. Ичкаридан аламзада рақибнинг бўғиқ хириллаши эшитилди.

– Ортимииздан етиб келмаса бўлгани! – хавотирланиб деди Ипполит Матвеевич.

— Вазирларнинг бугун яхтадаги учрашувидан сўнг яқинлашиш түфрисида сўз бўлиши мумкин эмас. У мендан қўрқади.

Дўстлар қош қорайгандагина қайтиб келишиди. Ипполит Матвеевичнинг машқи паст бўлса, Остап ўзида йўқ хурсанд кўринарди. Оёғида пошнасига думалоқ резина қоплама солинган тўқ қизил бошмоғу катаклари қора билан яшилга бўялган шахматнусха калта пайпоқ, бошида оч сариқ кепка, бўйнида эса ярим ипакли руминча бўйинбог.

— Борликка бор-а, — деди Ипполит Матвеевич бева Грицацуеванинг уйига борганини эслаб, — лекин стулни қандоқ олиш мумкин? Сотиб олсакмикин?

— Асло, — эътиroz қилди Остап, — ўринсиз харажатнинг кераги йўқ, ундан ташқари гап-сўз кўпайиши мумкин. Нега энди битта стулга харидор бўлишяпти, нима учун келиб-келиб шу стулни танлашибди, деган майдада гаплар чиқади.

— Бўлмаса нима қилиш керак?

Остап янги бошмоғининг дастагига завқ билан қараб қўйди.

— Бопта эканми, — деди у. — Нима қилиш керак, дейсизми? Кўнгилни тўқ қилинг, раис, ўзим болайман. Бунақа пойабзал олдидага мингта стулнинг ранги ўчиб кетади.

— Биласизми, Грицацуева хоним билан сув тошқини ҳақида гаплашиб турганингизда стулимизга бир ўтириб кўрдим, — деди ҳаяжонланиб Ипполит Матвеевич, — ўшанда, азбаройи Худо, бир нима қаттиқ ботгандай бўлди. Ўша ерда улар, Худо ҳақи. Аниқ сездим, Худо урсин.

— Ўпкани босинг, ўртоқ Михельсон.

— Кечаси ўғирлаш керак! Худо ҳақи, ўғирлаш керак!

— Бунақа паст кетманг, ким айтади сизни дворянлар сардори деб. Тишингиз ўтадими ўзи бу-

нақа ишга? Ё жомадонингизда қулф очадиган асбобларингиз борми? Бу бемаъни фикрни хаёлингизгаям келтирманг. Бир шўринг қурғур бева хотинни тунаш инсофдан эмас.

Ипполит Матвеевич хушёр тортди.

– Тезроқ бўла қолсин девдим-да, – деди у ёлворгудай бўлиб.

– Шошилган қиз эрга ёлчимайди, – насиҳатомуз деди Остап. – Мен унга уйланаман.

– Кимга?

– Грицацуева хонимга-да.

– Нечук?

– Стулни тинчгина текшириб кўриш учун.

– Қўл-оёғингизни бир умрга кишанлаб қўясиш-ку!

– Ишимизнинг ривожи учун бундан баттаригаям тайёрман!

– Бир умрга-я! – пичирлаб деди Ипполит Матвеевич.

Ипполит Матвеевич ниҳоят даражада ҳайратга тушиб, қўлларини ёйди. Унинг силлиқ тарашланган юзида тиржайиш аломатлари намоён бўлди. Шаҳардан чиққанидан бери тозаланмаган тишлари кўкариб кўринди.

– Бир умрга-я! – деди пичирлаб Ипполит Матвеевич. – Катта фидойилик бу.

– Ҳаёт фидойилик! – деди Остап. – Ҳаёт нима, фидойилик нима, сиз қаердан биласиз? Нима, уйжойингиздан ҳайдаб чиқаришган бўлса, ҳаётни биламан деб ўйлайсизми? Ё бўлмаса қалбаки хитой гулдонидан ажраган билан фидойилик қўчасига кирган бўласизми? Ҳаёт фоят мураккаб нарса, жаноби маслаҳатчи тўралар, лекин мураккаб бўлгани билан сандиқ каби осонгина очилади. Фақат калитини топа билиш керак. Кимки кали-

тини тополмаса, нобуд бўлади. Тарки дунё қилган гусар ҳақида ҳеч нима эшитганмисиз?

Ипполит Матвеевич эшитмаган эди.

— Булановни-я! Эшитмаганмисиз? Петербург асилзодаларининг қаҳрамонини-я? Ҳозир эшитасиз.

Шундан кейин Остап Бендер Ипполит Матвеевичга бир воқеани сўзлаб берди. Ажойиб ибтидоси Петербург асилзодалари ўртасида қанчалик шов-шувга сабаб бўлган бўлса, ундан ҳам фаройиброқ интиҳоси одамларнинг кўзидан йироқда, имижимида кечган воқеа эди бу.

Тарки дунё қилган гусар қиссаси

Бендер айтганидек, ажойиб гусар, граф Алексей Буланов чиндан ҳам Петербург асилзодаларининг қаҳрамони бўлган. Бу ажойиб чавандоз ва майшатпараст одамнинг номи Англия дарёси бўйидаги кўчага жойлашган қасрларнинг такаббур соҳиблари тилидан ҳамда газета устунларидан тушмасди. Расмли журнал саҳифаларида хушбичим гусарнинг фотосурати тез-тез босилиб турар, бинобарин, унинг қоракўл жиякли зарбоф камзули-ю ияккача тушган чакка соchlari билан тутмачадек бурни ҳаммага ёд бўлиб кетган эди. Кўпларнинг ёстигини қуритган яширин дуэллар, энг барно, энг димоғдор кибор хонимлар билан ишқий алоқалар, жамиятнинг бообрў зотларига тентакларча хуруж қилишлар, дўндиқларни савалаш билан тугайдиган оромбахш айшу ишратлар бобида граф Булановга тенг келадигани йўқ эди.

Граф ишқ-муҳаббатда, карта ўйинида ҳамда мерос масаласида омади келган хушбичим, бой йигит эди. Гусарнинг қавм-қариндошлари тез-тез

ўлиб тургани учун ётиб еган билан тугамайдиган мол-мулки ўн чандон ортиб борарди.

У шижаатли, довюрак йигит эди. У ҳабаш султони Менеликка италияликлар устига қўшин тортганида унга ёрдамга келган. Ҳабашистон осмонида юлдузлар тиник чараклаб турганида оқ матога ўралиб, уч чақиримли харитадан бошини кўтартмаган. Оёқ томонида эса унинг янги орттирган дўсти, Васька деган ҳабаш бола ўтирганди.

Граф Италия қиролининг қўшиларини тор-мор қилгач, ҳабаш Васька билан Петербургга қайтиб келади. Петербург қаҳрамонни гуллару шампан-винолари билан кутиб олади. Граф Алексей, кибор романларида айтилганидек, яна айш-ишрат гирдобига шўнғиб кетади. Номи яна тилларда достон бўлади, аёллар унинг ишқида ёнади, эркакларнинг боши ҳасаддан чиқмай қолади. Граф тушган извош Миллион кўчасидан ўқдай учиб ўтган кезлари извош орқасида қаққайиб турган қоп-қора, нозик-ниҳол ҳабашни кўриб, одамлар анграйиб қолишарди.

Тўсатдан кутилмаган воқеа рўй берди. Граф Алексей Буланов фойиб бўлди. Графнинг охирги жазмани бўлмиш княгиня Белорусско-Балтийская доғда қолди. Графнинг бирдан йўқолиб қолиши катта шов-шувга сабаб бўлди. Газеталар тахминга тўлди. Айғоқчиларнинг қидирмаган жойи қолмади. Лекин бирор нафи бўлмади. Графдан дарак чиқмади.

Шов-шув бир оз босилиб қолган ҳам эдики, Аверкий саҳросидан бир хат келиб, ҳамма нарса ошкор бўлди. Петербург киборларининг қаҳрамони, XIX аср Валтасари бўлмиш ажойиб граф тарки дунё қилган экан. Шундан кейин ҳар хил гап-сўзлар ўрмалаб қолди. Бирор у деса, бирор бу деди.

Рухонийликка чиққан граф баданига қанчаям ботмон кишан солиб, риёзат чекаётганмиш, ўзи ўрганган нозик француз таомларидан воз кечиб, энди картошка пүчоғини еб юрганмиш, деган гаплар ҳам чиқди. Тахминларнинг саноғи бўлмай қолди. Граф онасининг арвоҳини туш кўриб, шу ишни қипти, дегувчилар ҳам бўлди. Хонимлар аза очди. Княгиня Белорусско-Балтийскаяяниг уйи олди извошларга тўлиб кетди. Княгиня билан эридан кўнгил сўраганлар кўп бўлди. Янги-янги мишмишлар тарқалди. Граф қайтиб келармиш, дейишиди. Баъзи бировлар динга берилиб кетиб, эси оғиб қолган, яна тузалиб қолса ажаб эмас, деб умид қилишди. Айримлари граф қарзларидан қочиб, шу ишни қилган, деб юрди. Граф ишқ йўлида қурбон бўлди, дегувчилар ҳам топилди.

Аслида эса гусар ҳаётнинг маъносини идрок қилиш мақсадида руҳонийликни қабул этган эди. У шаҳарга қайтиб бормади. Уни унута бошлишди. Княгиня Балтийская италиялик қўшиқчи билан топишиб олди, ҳабаш Васькаям юртига жўнаб кетди.

Евпл лақабини олган граф Алексей Буланов хилватгоҳда риёзат чекиши билан овора эди. У чиндан ҳам баданига кишан соглан, лекин ҳаётнинг сир-асорини билиш учун бу ҳам камлик қилаётгандай эди. Шундан кейин у ўзига алоҳида кийим-бош ўйлаб топди: юз-кўзини тўсисб турадиган узун кулоҳ кийиб, қимирилашга асти имкон бермайдиган торгина жуббага чирмashiб олди. Пиридан оқ фотиҳа олгач, шу либосда юрди. Бироқ бундан ҳам қўнгли тўлмади. Такаббурлиги тутиб, ўрмондан ертўла қазиди, эмандан тобут ясаб, ичиға тушишиб ётди.

Тарки дунё қилган Евплининг жасорати шерикларини ҳайратга солди. У фақат қотган нон би-

лан тирикчилик қиласы, шундаям уч ойда бир мартагина ҳолидан хабар олиб туришар эди.

Шу тариқа орадан йигирма йил вақт ўтди. Евпл ҳаётни оқылу одил, деб билар, энг түғриси ҳам шу экан, деб ўйлар эди. Бинобарин ҳаёти енгил күчиб, фикрлари пиёз пўстидай нозик тортди. У ҳаётнинг асл маъносини билиб олди, бошқача яшаш мумкин эмаслигига тушунди.

Кунлардан бир куни бундоқ қараса, йигирма йилдан бери шериклари унга атаб қотган нон қўйиб кетадиган жойда ҳеч вақо йўқ. Тўрт кунгача туз totmай юрди. Бешинчи куни чорифини судраб, ёнига нотаниш бир чол келди. Ўша чол бир вақтлар роҳибларни ҳайдаб чиқариб, сўнг хилватгоҳда совхоз қуришганини айтиб берди. У қотган нонидан озроғини қолдириб, йифлай-йифлай жўнаб кетди. Тарки дунё қилган граф чолга ҳайрон бўлди. Ҳамма ёғидан нур ёғилиб, тобутда беозоргина ётган роҳиб ҳаётни идрок этганидан хурсанд эди. Дехқон чол унга қотган нон ташиб турди.

Орадан яна анча йиллар ўтди, уни ҳеч ким безовта қилмади.

Кунлардан бир кун ертўланинг эшиги очилди-ю, беш-олти нафар одам энгашиб ичкари кирди. Ҳаммалари тобутга яқин келиб, жимгина қарияга тикилишди. Булар шпорли этик, кенг галифе шим кийиб, белдаги силлиқ тахта қутига маузер таққан барваста одамлар эди. Икки қўли икки ёнида, тобут ичидаги чўзилиб ётган қария нигоҳидан нур ёғилиб, уларга кўз ташлади. Оппоқ оқарган узун соқоли тобутнинг ярмини қоплаб турарди. Нотаниш меҳмонлар шпорларини жаранглатиб, елка қисишлишди, кейин секингина эшикни ёпиб, гойиб бўлишди.

Вақт ўта борди. Тарки дунё қилган одам ҳаёт жомини тўла сипқариб, лаззатлардан беадад баҳ-

раманд эди. У онги ёришиб кетганини тушунган кунининг эртасига, ярим кечада тўсатдан уйғониб кетди. Ўзиям бунга ҳайрон бўлди, илгарилари бунақа одати йўқ эди-да. Нега уйғониб кетганини сабабини ўйлаб ётиб, яна ухлаб қолди ва шу заҳотиёқ кураги қаттиқ ачишиб, кўзини очди. Нега кураги ачишаётганини фикр қилиб, ухламоқчи бўлди-ю, лекин эпломади. Бир нима тўсқинлик қилаётгандай бўлди. Эрталабгача мижжа қоқмай чиқди. Шу куни кечаси яна алланимадан уйғониб кетди. Эрталабгача ётган жойида ағанаб, оҳ-воҳ қилди, ўзи ҳам сезмаган ҳолда қўлларини қашиди. Кундузи ўрнидан тургач, тасодифан тобуттга кўзи тушиб қолди. Шунда ҳамма нарса аён бўлди: бундоқ қараса, зах босган ётоғининг бурчакларида олчаранг қандалалар ўрмалаб юрибди. Тарки дунё қилган қариянинг кўнгли бехузур бўлиб кетди.

Ўша куниёқ қотган нон кўтариб, чол келди. Шунда йигирма беш йил гунг бўлиб ётган зоҳид тилга кирди. У озроқ лампамой топиб беришни илтимос қилди. Бирорга овозини эшииттирмасликка қасам ичган роҳиби аълодан садо чиққанини кўриб дехқон чўчиб тушди. Лекин қисиниб-қимтиниб бўлса ҳам шишида лампамой келтириб берди. Чол кетиши биланоқ зоҳид қўли қалтираб тобутнинг ҳамма ёриқ-тирқишларини мойлаб чиқди. Уч кундан бери ороми йўқолган Евпл шу кечаси мириқиб ухлади. Ҳеч ким унга озор бермади. Бошқа кунлариям тобуттга лампамой суртиб юрди. Орадан икки ой ўтгач, лампамой қандалаларга бас келолмаслигини тушунди. Кечалари тез-тез тўлғаниб, дуойибадлар қилди, лекин бу дуойибадлари лампамойга ўхшаб қандалаларга кор қилмади.

Зоҳид шу алпозда ярим йил қаттиқ жабр тортгач, яна чолга мурожаат қилди. Унинг янги илтимоси чолни баттар таажжубга солди. Зоҳид ша-

ҳарга тушиб, қандалакуш «Арагац» кукунидан келтириб беришни сўради. Бироқ «Арагац» ҳам фойда бермади. Қандалалар лак-лак урчиб кетди. Йигирма беш йил тарки дунё қилиб, саломатлигига заррача путур етмаган Евплининг ҳоли хароб бўла борди. Унинг учун жонсарак, машъум ҳаёт бошланди. Зоҳиднинг кўзига тобут қабиҳ ва жирканч бўлиб кўринди. Деҳқон буванинг маслаҳати билан тунлари қандалани шамда куйдирди. Қандалалар ўлса ўлдики, лекин таслим бўлмади.

Кейин охирги чорани: ака-ука Гликларнинг маҳсулотини ишга солди. «Қандалин» деб номланган ва оғули шафтоли ҳиди келадиган бу пуштиранг суюқлик ҳам ожизлик қилди. Аҳвол яна чатоқлашди. Зўр жанг жадаллар билан кечган икки йиллик муддатдан сўнг роҳиб бир куни бундоқ қараса, кечаю кундуз қандала ови билан бўлиб, ҳаётнинг туб маъносини идрок этмай қўйибди.

Шунда у қаттиқ янгишганини тушунибди. Ҳаёт бундан йигирма беш йил муқаддам қанчалик мужмал, қанчалик сирли бўлган бўлса, ҳозир ҳам шундайлигини сезибди. Дунё ташвишларидан қочиб қутулиб бўлмас экан. Жисман ерда қолиб, руҳан осмони фалакда учиб юришнинг сира иложи йўқлиги маълум бўлди.

Шундан кейин қария ўрнидан туриб, тезда ертўладан чиқибди. Атрофида яшил ўрмон қорайиб кўринаркан. Эрта куз фасли, ҳаво қуруқ. Ертўланинг шундоқ ёнгинасидан бир тўп оқ қўзиқорин бодраб чиққан. Аллақандай қушча дараҳт шоҳида ёлғиз бошига хониш қиласди. Шу тобда атрофни ларзага солиб поезд ўтди. Ер гувранди. Ҳаёт гўзал эди. Қария орқасигаям қайрилиб қарамай, тўғри юра кетибди.

Ҳозир у Москва коммунал хўжалигига қарашли отхонада аравакашлик қилаётган эмиш.

Остап ана шу фоят ибратли воқеани Ипполит Матвеевичга гапириб бергач, камзуллининг енги билан тўқ қизил бошмоини тозалаб артди-да, кувноқ бир куйни хиргойи қилганича жўнаб қолди. Эрталабга яқин у хонага кириб келди, тўқ қизил пойабзалини столчага ечиб қўйгач, ялтироқ тумшугини оҳиста силаб:

– Менинг жажжи дўстларим, – деб эркалаб қўйди.

– Қаерларда юрибсиз? – деб сўради Ипполит Матвеевич уйқу аралаш.

– Беваникода, – секингина жавоб берди Остап.

– Хўш?

Ипполит Матвеевич бошини кўтариб, тирсагига суюниб олди.

– Уйланиш фикридан қайтмадингизми?

Остапнинг кўзлари чақнаб кетди.

– Инсоф юзасидан айтганда энди уйланмай иложим йўқ.

Ипполит Матвеевич хижолатомуз хириллаб қўйди.

– Шоир орзу қилган оташ жувон, – деди Остап.

– Қишлоқи соддалигиям бор. Марказда бунақа ноёб молни топиш қийин, аллақачон тухуми қуриган, лекин чекка жойларда ҳалиям учраб туради.

– Хўш, тўй қачон?

– Индинга. Эртага иложи йўқ: байрам, ҳамма ёқ ёпик.

– Ишимиз нима бўлади унда? Уйланиб қўйсангиз... Эҳтимол, Москвага боришимизга тўғри келар.

– Ҳа, нима қипти, нега ташвиш қиласиз? Мажлис давом этаверади.

– Хотинингиз-чи?

– Хотинимми? Гавҳарли бевани айтяпсизми? Эвини қиласиз! Тўсатдан марказдан чақириб

қолишади. Хайр-маъзур қилиб, қовурилган жўжа оламиз. Маза қилиб жунаймиз. Ухлайверинг. Эртага қиладиган иш йўқ, бўшмиз.

Ўн учинчи боб

ЧУҚУРРОҚ НАФАС ОЛИНГ: ҲАЯЖОНДАСИЗ!

Бўш қолди дегунча ичини ит тирнайдиган Виктор Михайлович Полесов байрам куни эрта билан кўчага чиқиб, марказ томонга югурди. Ҳали ҳалойиқ йиғилиб улгурмагани ҳамда отлик милиция ходимлари ҳимоясидаги байрам минбарлари бўш бўлгани учун унинг серкірра қобилияти олдинига буровини топмай турди. Лекин соат тўққизларга бориб шаҳарнинг турли томонида оркестрлар олдинига тинғиллаб, кейин ванғиллай кетди. Дарвозалардан уй бекалари югуриб чиқишиди.

Темирийўлчилар қаторига суқилиб кириб қолган бир саф юмшоқ қайтарма ёқали мусиқа ходимлари умумий ҳаракатни бузган ҳолда туртиниб-суртиниб боришарди. «Шч» туркумидаги яшил фанер паровознинг ичига тушиб олган юқ машинаси икки қадамда бир мусиқа ходимларини орқадан келиб уради. Шундаям шўринг қурғур соандаларга паровознинг ичидан туриб:

– Бошлиқларинг қани? Қизил қўшин кўчасидан юринглар, деб ким айтди сизларга?! Мана, ҳамма ёқни расво қилдиларинг! – деб бақириб-чақиришарди.

Мусиқа ходимларининг яна омади келмади – ишга Виктор Иванович аралашди.

– Тўғри, тўғри, бу ёқقا, манави тор кўчага кириб туришларинг керак! Байрамниям байрамдай ўтказишмайди булар! – дерди Полесов бўғилиб. – Бу ёқقا! Ана бемазагарчилик!

Шаҳар комунал хўжалигига қарашли юк машиналарига болалар ортилган. Кичкинтойлар четроқда, ўртада эса ёши каттароқлари жойлашиб ўтирибди. Балорат ёшига етмаган аскарзодалар қофоз байроқчаларни ҳилпиратиб, тўс-тўполон кўтарган ҳолда шодон боришарди.

Мўйлови чиқмаган йигитчалар кўкрагини кериб, баравар қадам ташламоқчи бўлади. Чор атроф тиқилинч, шовқин ва диққинафас. Ҳар лаҳзада одамлар тўдалашиб, яна тарқалишади, Улар тўдалашган кезлари бекорчиликдан чоллар билан фаолларни осмонга иргитишади. Чоллар чийиллаб минфирилашади, фаоллар индашмайди, ўзларини сипо тутишади. Кўчанинг нариги бетига ўтмоқчи бўлган Виктор Михайловичниям қайси бир шўх даврада бошлиқда йўйиб, осмонга отишди. Масхарабозларга ўхшаб Полесовнинг оёғи ҳавода диконглаб кетди.

Инглиз вазири Чемберленнинг тулупини кўтариб ўтишди. Мушаклари рисоладагидай бўртиб чиққан бир ишчи қўлидаги картон тўқмоқ билан дам-бадам унинг бошига туширади. Устига фрак, қўлига оппоқ қўлқоп кийиб олган учта йигит машинада ўтиб қолди. Учовиям оломонга ийманиб қаرارди.

– Васька! – деб бақиришди йўл чеккасида турганлар. – Шимнинг тасмасини чўз!

Қизлар қўшиқ айтишади. Ижтимоий таъминот хизматчилари тўдасида кетаётган Альхен қўксига қизил латтача тақиб олган. У паришенхотир минфиllandи:

*Тайгадан то Британия уммони қадар,
Барчасидан бизнинг қўшин зўрдир бехатар!..*

Спортчилар ҳар замон-ҳар замонда буйруқقا кўра алланималар деб қичқиришади.

Кўчалардаги одам ва машиналар оқими янги трамвай депосига қараб йўл олган. Кундузи соат бир деганда шу деподан Эски шаҳар тарихида илк дафъя электр трамвай чиқиши керак.

Эски шаҳарда трамвай йўли қачон қурила бошлиганини ҳеч ким аниқ айтиб беролмайди.

Шанбаликлар расмий тус олган йигирманчи йилда бўлса керак, бир куни депочилар билан арқонсозлар мусиқа чалиб Гусишче томонга боришиди ва кун бўйи эринмай ўра қазишиди.

Оғзи кенг, таги чуқур ўралардан анча-мунчасини қотириб ташлашди.

Муҳандисча фуражка кийган бир ўртоқ ҳашарчилар орасида елиб-югурад, ола-була таёқли ўнбoshилар эса, унинг кетидан лўкиллашарди. Келаси шанба куниям ўша жойда ҳашар қилишиди. Иккита ўра нобоп топилиб, дарҳол кўмиб ташланди. Муҳандисча фуражка кийган ўртоқ ўнбошиларга дағдаға қилиб, кўзини очирмай қўйди. Янги ўралар яна ҳам кенг, яна ҳам чуқур бўлди.

Кейин фишт олиб келишиди, ростакам бинокор ишчилар ҳам пайдо бўлди. Улар пойдевор қуришга киришиб кетди. Иннайкейин иш таққа тўхтади. Муҳандисча фуражка кийган ўртоқ ҳувиллаб қолган қурилиш майдончасига гоҳида қадам ранжида қилиб, фиштдан ишлаб чиқилган ўра ичидагламаҳалгача тентираб юрди ва:

– Хўжалик ҳисоби, – деб пўнфиллади.

Шундан кейин у таёқчаси билан пойдеворни тапиллатиб ураг, совқотган қулоқларини кафтлари билан яшириб уйига, шаҳарга қараб зинфиллаб қоларди.

Муҳандиснинг исм-шарифи Треухов эди.

Ҳозир пойдевори чала қолган шунақа бир трамвай идораси қуришни Треухов 1912 йилдаёқ аллақачон ўйлаб қўйган, лекин ўшандада шаҳар маҳкамаси унинг лойиҳасини рад этган эди. Орадан икки йил ўтгач, Треухов яна шаҳар маҳкамасига танда қўйди, аммо бу орада уруш бошланиб қолди. Урушдан кейин инқилоб бўлди. Мана энди хўжалик ҳисоби, ўзини-ўзи оқлаш деган нарсалар ишнинг белига тепиб турибди. Пойдевор ёзда чечакларга тўлса, қишида болалар унга сув сепиб, чана учишади.

Треухов бирор каттароқ иш қилишга орзуманд эди. Шаҳар комунал хўжалигининг ободончилик бўлимида ишлаш, йўл чеккаларини тузатиб, эълон тахталарига қозик қоқиши учун кетадиган сарфиётни ҳисоблаб юриш жонига теккан эди. Лекин илож қанча, каттароқ ишдан ҳам дарак йўқ. Треухов трамвай йўли лойиҳасини яна муҳокамага топширган эди, лойиҳа юқори губерния ташкилотларида ҳамон сарсон, гоҳ уни маъқуллашади, гоҳ маъқуллашмайди, баъзан марказга йўллашади, аммо маъқулланса ёки маъқулланмасаям чанг босиб ётаверади, нега деганда ҳар икки тақдирдаям қурилишга пул ажратишмайди.

– Фирт ёввойилик бу! – деб ўшқиради Треухов хотинига қараб. – Пул йўқми? Аравага мол босиб, станцияга қатнайдиган киракашларга пул топилади, а? Эски шаҳардаги киракашлар етти қават терингниям шилиб олади! Ўзи хон, кўланкаси майдон, айтгани айтган, дегани деган буларнинг! Қўлида юзи билан қайси азамат беш чақирим жойга яёв боради. Олти йилда трамвай ўзини оқлади!

Бундай пайтларда рангпар мўйлови ғазабдан шалпайиб, қаншари паст юзини титроқ босарди.

Шунда у кўқимтири қоғозга туширилган чизма нусхаларини тортмадан олиб, сон мингингич мартага хотинига жаҳл билан кўрсатарди. Булар трамвай идораси, депо ҳамда ўн икки нафар трамвай йўлининг ҳисоб-китоблари эди.

– Ўн иккита бўлмаса, бўлмасин, майли. Кейинроқ қурилар қолгани. Лекин учта йўл ниҳоятда зарур! Акс ҳолда Эски шаҳар расво бўлади.

Треухов пўнгимлаганича ўтин арралагани ошхонага йўл оларди.

Уйда рўзгор ишларини ўзи қиласди. Бир куни ҳатто боласига беланчак ясад, кир ювадиган машина ихтиро қилди. Дастребки пайтлари кир-чирни ўзи ювиб, хотинига машинанинг сирларини ўргатиб юрди. Умуман, Треухов маошининг камида бешдан бир бўлагини хорижда чиқадиган техникавий китобларга сарфларди.

Тириклиги оғирлашиб, чекишниям ташлади.

Кунлардан бирида у Самарқанддан шаҳар коммунал хўжалигига янги мудир бўлиб ўтган Гаврилин отлиқ ўртоқнинг олдига лойиҳасини кўтариб борди. Туркистон офтобида қорайган янги мудир анчагача Треуховни лоқайд эшитиб турди, чизмаларини шунчаки кўздан кечирган бўлди-да, охири:

– Мен сизга айтсан, Самарқандда трамвайнинг сирайм ҳожати йўқ экан, – деди. – У томонларда ҳамма эшак миниб юаркан. Нархиям арzon, уч сўм. Лекин ўн пуд юк кўтаради!.. Кичкинагина ўзи, кўрсангиз ишонмайсиз!

– Бозорда уч сўм тургани билан йилига ўттиз сўмлик овқат ейди, – фижиниб деди Треухов.

– Хўш, ўша трамвайнингизда ўттиз сўмга қанча юрасиз? Уч юз марта. Бир йилда кунига биттадангаям тўғри келмайди.

– Бўпти, эшагингизни миниб юраверинг! – деб бақирди Треухов ва эшикни қарсилатиб ёпиб чиқиб кетди.

Ушандан бўён янги мудир Треуховни кўрди де-гунча пичингга ўтади:

– Хўш, қалай, эшак олдириб келамизми ё трам-вай қурамизми?

Гаврилиннинг башараси турпдай силлиқ тортиб, кўзлари айёrona боқарди.

Орадан икки ойча вақт ўтган ҳам эдики: итти-фоқо у муҳандисни ҳузурига чақириб, жиддий гап қилди.

– Миямга бир режа келди. Биламан, пул йўқ, трамвай эшак эмас, уч сўм билан иш битмайди. Демак, моддий негизни пухталаш керак. Бунинг учун нима керак? Ҳиссадор ширкат керак! Яна-чи? Заём¹ чиқариш керак! Ҳиссадорлик заёми! Трамвай ишга тушгандан кейин неча йилда харажати қопланади?

– Биринчи навбатдаги учта йўли ишга тушган кундан бошлаб олти йилда.

– Ҳай, ўн йилда, дейлик. Энди ҳиссадор ширкат масаласига келсак. Кимлар аъзо бўлади? Озиқ-овқат трести, ёғ-мой трести. Арқонсозларга трамвай керакми? Керак! Вокзалгача юк вагонлари қатнайди-ку, ахир. Демак, арқонсозлар! Алоқа йўллари халқ комиссарлигиям қарашворса керак. Хўш, губижроқўм пича узатади. Турган гап бу. Ишни бошлаб юборганимиздан кейин Давлат банки, Коммунал банк қарз очади. Боя айтган ре-жам шу. Жума куни губижроқўм президиумида гаплашиб оламиз. Агар маъқул топсак, ҳаракатни бошлайверасиз.

¹ Заём – қарзга олинган пул.

Треухов ярим кечагача ўзида йўқ хурсанд бўлиб кир ювди, трамвай от-уловдан қанчалик афзал эканини хотинига эринмай тушунтириди.

Жума куни масала ижобий ҳал бўлди. Бинобарин азоб-уқубатлар бошланди. Ширкат масаласида катта тифизликлар рўй берди. Алоқа йўллари ҳалқ комиссарлиги гоҳ ширкатга аъзо бўлиб кирса, гоҳ бундан бўйин товлади. Озиқ-овқат трести икки оёғини бир этикка тиқиб, ширкатнинг ўн беш эмас, ўн фоизини қўтараман, деб туриб олди. Ниҳоят, ширкат тузилди-ю, аммо кетидан ғалва чиқди. Тазийқ ўтказгани учун Гаврилинни губерния назорат комиссиясига чақириб қолишиди. Хайрият, буям осон кўчди. Энди қурилишни бошлаш қолган эди.

— Хўш, бошлайвер энди, ўртоқ Треухов, — деди Гаврилин. — Қуришга кўзинг етадими? Гап бундоқ бўпти. Бу сенга эшак савдоси эмас.

Треухов ишга шўнғиб кетди. Узоқ йиллардан бери орзу қилган буюк фаолият даври бошланди. Харажат рўйхатлари тузилди, қурилиш лойиҳаси белгиланди, буюртмалар қилинди. Энг кутилмаган жойда қийинчиликлар турилди. Шаҳарда бетон қорадиган мутахассислар топилмагач, бошқа шаҳардан чақиришиди. Гаврилин заводларни қанчалик шоширишига қарамай, трамвайлар бир ярим йилдан кейингина тайёр бўлиши аниқланди. Ваҳоланки, кўпи билан бир йил вақт қолган. Бўлмаса чет элга буюрамиз, дейилгандан кейингина заводлар чўчиб, ишни тезлаштириб юборишиди. Кейин бўлса ҳар хил икир-чикир номаъкуличиклар бошланди. Гоҳ маълум ўлчовдаги бир хил темир бўлаги топилмас, гоҳ мойли шпал¹ ўрнига

¹ Шпал – темир йўлда рельсларнинг тагига ётқизиладиган ёроч ёки темир-бетон тўсиқ.

мойсизини тиқиширишарди. Охири талаб қилинганини бермоқчи бўлишувди, Треуховнинг ўзи шпалга мой сингдирадиган заводга бориб, маҳсулотнинг 60 фоизини яроқсизга чиқариб келди. Шпалнинг чўян қисми кемтик чиқибди. Келаётган ёғочлар хўл эди. Трамвай изларининг сифати яхши бўлгани билан бир ойлаб кечикиб қоларди. Гаврилин хириллаган эски «фиат» машинасида идора қурилишидан тез-тез хабар олиб турар, ҳар келганида Треухов билан жиққамушт бўлиб, изига қайтарди.

Трамвайга қарашли идора ва депо бинолари аста қад кўтараётган бўлса ҳам эски шаҳарликлар қурилишни нуқул пичинг қилишарди.

«Эски шаҳар ҳақиқати» газетасида илгарилари Дониё қироли деб имзо қўядиган, энди бўлса «Фидирак» тахаллусини танлаган машҳур фельетончи трамвай қурилиши масаласини ўз кўлига олди. «Фидирак» ҳафтасига камида уч марта қурилиш ҳақида каттагина майший очерк билан чиқадиган бўлди. Газетанинг учинчи саҳифасида илгарилари «Ўгай клуб», «Оч биқинига», «Ҳа, деган туяга мадор», «Бирни кўриб фикр қил, бирни кўриб шукр қил», «Яххиси у, ёмони бу», «Маориф зааркунандаларининг танобини тортиб қўяйлик», «Қоғозбозлик – кони зарар» деган сўник сарлавҳалар остида ҳар хил хабарлар чиқиб турган бўлса, мана энди фидиракнинг очерклари босилиб, «Қурилишда бурилиш», «Паҳлавон ҳадемай наъра тортади», «Камтар бинокор» қабилицадаги оташнафас, бурро сарлавҳалар газетхонлар дилини хушнуд қилиб юборди. Треухов қўли қалтираб газета саҳифаларини очар, ёзувчи биродарларига нисбатан нафрати қўзғаган ҳолда ўзи ҳақида битилган жўшқин сатрларни ўқиб чиқарди:

«...Истарапилга ошиқаман. Шамол қулогимни ялаб ўтади.

Тепада ўша одамга кўзим тушади. Қудратли трамвай даргоҳимизни бунёд этаётган бу кўримсизгина, озгиндан келган, бурни пучук одам бошига болгачали одми фуражка кийиб олган экан.

Шоир айтганидек, «Ўйга чўмган у денгиз пойида туриб, хаёл отин бемалол соҳилга суреб».

Яқин бораман. Тик этган шамол йўқ. Истарапил қумир этмайди.

– Ҳорманг, топшириқлар қалай кетяпти? – сўрайман ундан.

Қурувчи мұхандис Треуховнинг дагал юзлари ёришиб кетади...

У киши қўлимни қисадилар. Кейин менга қараб:

– Бор бўлинг. Топшириқнинг етмиш фоизи бажарилди, дейдилар».

Мақола бундай тугарди:

«Хайрлаша туриб у киши яна қўлимни қисди-лар... Ортимда Истарапил гувиллаб қолди.

Ишчиларнинг қўли қўлига тегмайди.

Ишчилар қурилишида рўй бераётган мана шу жонбозликни, қурувчимизнинг кўримсиз гавдасини ким ҳам эсдан чиқаради, дейсиз! **ФИЛДИРАК**».

Треухов жонига ора кирган нарса шу эдики, газета ўқишига вақт тополмагани учун ўртоқ Филдиракнинг айрим асаларидан баъзан ғофил қоларди.

Бир куни ғазаби қайнаган Треухов жумласини келишишириб, роса пичингдан қўшиб, раддия ёзди.

«Шубҳасиз, – деб ёзди у, – мурватни цилиндр деб аташ ҳам мумкин, лекин қурилишдан мутлақо бехабар бўлган одамнинг иши бу. Ўртоқ Филдирак-

ка яна шуниям эслатиб қўймоқчиманки, бино қулаш арафасида турганидагина Истарапил гувиллаши мумкин. Истарапилни гувиллайди, дейши гижжак болалайди, деган билан баробардир. Шу важдан...»

Беҳаловат шаҳзода шундан кейин қурилишда кўринмай қолган бўлса ҳам майший очерклари газетанинг учинчи саҳифасини безаб турди. «15 минг сўм занглаб ётибди», «Уй-жойдаги пала-партишилклар», «Эсиз пуллар», «Ҳам куласан, ҳам ийфлайсан» деган оддий гаплар ёнида бу очеркларнинг ўлса ўлиги ортиқ эди.

Қурилиш охирлаб қолди. Термит билан пайванд қилинган изларнинг бир қисми вокзалдан кушхонага, иккинчиси эса ёймабозордан то қабристонга қадар равон чўзилди.

Олдинига трамвай йўлини байрамлардан бирiga бағишлиб очмоқчи бўлиб туришган эди, вагонсозлик заводи «ускуна» йўқлигини баҳона қилиб, вагонларни ўз вақтида етказиб беролмади. Маросимни кейинги байрам кунига қолдиришга тўғри келди. Шу куни эса ҳамма нарса тахт эди.

Хазинатопарлар намойиш қатнашчилари орасида сайр қилиб, Гусишчега етиб олишди. Бутун Эски шаҳар шу ерга тўпланган. Янги депо биносини дараҳт шоҳлари чирмаб ташлаган, байроқлар ҳилпираб, шиорлар шамолда силкинади. Отлик милиция ходими трамвайчилар қуршовидаги бўш майдонга нима жин уриб кириб қолган илак музқаймоқчининг ортидан йўргалайди. Депонинг ҳар икки дарвозаси оралиғида ёнида овозни кучайтирадиган микрофони билан бир минбар шўппайиб турибди. Делегатлар минбар томон келишяпти. Коммунал ҳўжалик ходимлари билан

арқонсозлардан тузилган терма оркестр кучаниб машқ қылмоқда. Барабан ерда ётибди.

701 дан то 710 га қадар рақамлар битилган пистоқи вагонлар депонинг ёруғ залида қаторлашиб турибди. Тукли шапка кийган москвалик мұхбир ҳам шу ерда үралашып юрибди. Дам-бадам у хавотирланиб, бүйнидаги ойнакчага қараб күяди. Унинг фикр-зикри бош муҳандисни топиб, трамвай мавзууда уч-түртта савол бериш билан банд. Гарчи мұхбир трамвай йўлининг очилиш маросимида сўзланадиган нутқларни хомаки тайёрлаб, ушбу тантана ҳақидаги очеркини калласида пишириб қўйган бўлса ҳам нимадир етишмайдандай типирчилар, лекин қидирган буфетини тополмай гаранг эди.

Трамвайга мунтазир одамлар ашула айтишар, бақириб-чақиришар, айни замонда пистани эрмак қилишарди.

Дониё қироли фўлдираб-сўлдираб ҳамкасабасини гапга тутди. Москвадан кинохроникачиларнинг келиши маълум бўлди.

– Ўртоқлар! – деб бошлиди Гаврилин. – Эски шаҳарда трамвай йўли очилишига багишланган тантанали митингни очиқ деб эълон қилишга рухсат этгайсизлар.

Мис карнайлар ҳаракатга келиб, чуқур сўлиш олгач, уч марта кетма-кет «Интернационал» чалинди.

– Маъруза учун сўз ўртоқ Гаврилинга берилади! – деб хитоб қилди Гаврилин.

Дониё қироли – Фидирак билан Москвадан келган меҳмон иккови ён дафтарларига барава-рига ёзиб қўйишиді:

«Тантанали митинг шаҳар коммунал хўжалигининг раиси ўртоқ Гаврилин маърузаси билан бошланди. Халойиқ қимир этмай тинглай бошлади».

Иккала мұхбір иккі тоифадаги одамлар зди. Москвалик мәжмөн бүйдөң ва ёш бўлса, Шаҳзода-Фидирак аллақачон қирқда қирови тўкилган, жўжабирдек жон зди. Бири туғилганидан бери Москвада турса, иккинчиси ҳечам Москвада бўлмаган. Москвалик пивосиз туролмаса, Фидирак-Шаҳзода ароқдан бўлагини тан олмайди. Ёш, феъл-атвор, одат ҳамда тарбия бобида иккала журналист ўртасида шу хил фарқлар бўлишига қарамай, икковининг таассуротлари ҳам бирорларнинг чўнтагидан тушиб қолган, меъдага теккан, сийқа гаплар шаклида бир хил намоён бўларди. Қўлларидағи қалам қитирлаб, дафтарчада янги ёзув пайдо бўлди: «Байрам куни Эски шаҳар кўчаларига одам сиғмай кетди...»

Гаврилин нутқини лўнда ва соз бошлиди:

– Трамвай савдоси, – деди у, – эшак савдоси эмас.

Оломон ичида турган Остап Бендер қиқирлаб кулиб юборди. Бу гап унга жуда маъқул келди. Халойикқа манзур бўларли гап қилганидан астойдил курсанд бўлган Гаврилин ўзини тўхтатолмай тўғридан-тўғри халқаро аҳволга ўтди. Бир неча дафъа маърузани трамвай изига солмоқчи ҳам бўлди-ю, лекин уддасидан чиқолмади. Жилов нотиқнинг қўлида бўлишига қарамай, оғзидан чиққан гаплари халқаро аҳамият касб этиб бораверди. Чемберлен дегани Гаврилиннинг ярим соатча вактини ўғирлагач, Америка сенатори Бора халқаро майдонга чиқди. Одамлар шалвайиб қолди. Мұхбирлар дарров қайд этишди: «Нотиқ Иттифоқимизнинг халқаро аҳволини образли ифодаларда чизиб берди...» Кўпиринб кетган Гаврилин румин боярларини роса савалаб, кейин Муссолинига ўтди. Нутқнинг туби кўриниб қолгандагина у

табиатидаги иккинчи мойилликни енгиб, бевосита амалий ишга кўчди.

— Яна шуни айтайки, ўртоқлар, ҳозир деподан трамвай чиқади, ҳа, чиқади, хўш, шу трамвай деганимиз кимларнинг меҳнат шарофатидан? Албатта, сизларнинг меҳнат шарофатингиздан, ўртоқлар, жонини жабборга бериб ҳалол ишлаган ҳамма ишчиларнинг меҳнат шарофатидан, ўртоқлар. Қолаверса, ўртоқлар, ҳалол мутахассис бош муҳандис Треуховнинг меҳнати шарофатидандир. У кишигаям раҳматлар деймиз!

Треуховни қидириб топишолмади. Марказдан, ёғ-мой бошқармасидан келган вакил боядан бери тили қичиб турган эди, минбарга яқин келиб, қўли билан ҳавони чўрт кесди-да, ҳалқаро аҳволдан ваъз бошлиди. Унинг нутқи тугаши билан иккала мухбир яkkам-дуккам чапакларга қулоқ тутиб, дарров шу сатрни битишиди: «Кучли қарсаклар гулдурос олқишиларга уланди...»

Кейин «гулдурос олқишиларга уланди» деб ошириб юбормадикмикин, деган мулоҳазага боришиди. Москвалик меҳмон гулдурос олқишиларни ўчириб ташлади. Фидирак бир хўрсиниб, рози бўлди.

Қуёш уфқقا ёнбошлиди. Минбардан кетма-кет табриклар янгради. Оркестр нотиқларни қутлаб турди. Қош қорайиб қолди ҳамки, митинг давом этарди. Митинг чўзилиб кетиб, иш пачава бўлганини, иложи борича тезроқ трамвай масаласига қайтиш лозимлигини сўзловчилар ҳам, эшитувчилар ҳам аллақачон сезишган эди. Аммо ҳамма гапдон бўлиб кетгани учун бирортасиям ўзини тўхтатолмасди.

Ниҳоят, Треуховни топиб келишиди. Унинг юзкўлига қараб бўлмасди, шунинг учун минбарга чиқищдан оддин идорага кириб, обдан ювинди.

– Сўз бош муҳандис ўртоқ Треуховга берилади!
– яйраб эълон қилди Гаврилин. – Қани, ўзинг гапир, меники қовушмади, чамаси, – деб шивирлади кейин.

Треухов дилидаги гапларни тўкиб солмоқчи бўлди. Шанбаликлар ҳақида, меҳнатнинг оғирлиги ҳақида, умуман, қилинган ва қилиниши лозим бўлган ишлар тўғрисида гапиришга жазм қилди. Қилиниши лозим бўлган ишлар эса беҳисоб: шаҳарни исқирант ёймабозордан халос этиб, усти ёпиқ ойнабанд расталар қуриш, ҳар йили кўкламда дарё музлари юваб кетадиган осма қўприкдан кечиб, пишиқ-пухта кўприк солиш ва ниҳоят, ёнида музхонаси билан каттагина кушхона қуриш мумкин.

Треухов шулар ҳақида гапирмоқчи бўлиб энди оғиз жуфтлаган ҳам эдикни, тили фўлдираб, кутилмаган сўзлар отилиб чиқди:

– Ўртоқлар! Давлатимизнинг халқаро аҳволи...

Сўнгра у шунақаям сафсата сотдикни, бугун олтинчи марта халқаро аҳволдан маъруза тинглаётган халойиқнинг нафаси ичига тушиб кетди. Треухов гапини тутатгач, трамвай хусусида ломмим демаганини сезди...

«Ўлгудай гапга нўноқмиз-да, – хаёлидан ўтказди у, – алам қиларкан».

Шу пайт Москвадаги аллақандай йифилишда бир француз фуқаросининг нутқини эшитгани ёдига тушиди. Француз матбуоти ҳақида гапириб, «бу муаллақчи қаламкашлар, бу уста кўзбўямачилар, ротация машиналари урчитган бу чиябўрилар...» деб роса боплаган эди. Нутқининг биринчи бўлагини паст оҳангда бошлаб, иккинчисини ўртacha олган ва охирида авжга чиққан эди. Кўл ҳаракатлари сўзига мос, ёқимли эди.

«Биз бўлсак, гапниям беланги қиламиз, – дилидан ўтказди Треухов фикрини якунлаб, – бунаقا гапиргандан умуман гапирмаган маъкул».

Раис депони тўсиб турган қизил тасмачани қайчи билан қирқаётганида аллақачон қоронғи тушган эди. Ишчилару жамоат ташкилотларининг вакиллари шовқин кўтариб, вагонларга чиқиб олишди. Қўнғироқ жиринглаб, Треуховнинг ўзи ҳайдаётган биринчи трамвай деподан чиққанида қий-чув кўтарилди, оркестр чийиллаб берди. Ёп-ёруғ вагонлар офтоб нуридан ўткирроқ эди. Жуфт вагонли трамвайлар Гусищени сайр қилгач, темир йўл кўпригининг тагидан осонгина шаҳарга чиқиб олди-да, Катта Пушкин кўчасига бурилди. Иккинчи трамвайдага кетаётган оркестр карнайини деразадан чиқариб, Будённий маршини сайратиб турди. Кондукторларнинг калта камзулини кийиб, бўйнига тўрва осиб олган Гаврилин юзида майин табассум билан трамвайдан трамвайга хатлар, bemavrid қўнғироқ чалиб, йўловчиларга таклифнома улашарди. Таклифнома эса шу мазмунда эди:

Хизматчилар клубида

ТАНТАНАЛИ КЕЧА

бўлади. Кеча тартиботи:

Ўртоқ Мосин маъruzаси

- Хизматчилар касабасининг ёрликларини топшириш маросими*
- Норасмий бўлим: катта концерт ва овқатхонаси билан оиласвий ўтириш*

Нима сабабданdir фахрий меҳмонлар қаторига қўшилиб қолган Виктор Михайлович энг четдаги трамвай майдончасида мотордан кўзини уз-

май турарди. Моторнинг куриниши чакки эмас, бинойидай ишласа керак – Полесовни фоят тааж-жубга соглан жиҳат шу бўлди. Вагон ойналариям дирилламаяпти. Виктор Михайлович чуқурроқ разм солиб қараса, дераза зихларига ҳар ҳолда резина ўрнатилган эди.

Ҳайдовчига бир-икки дакки берганини эштиб, одамлар уни Фарб трамвайи бўйича ўткир мутахассисга чиқариб қўйишиди.

– Ҳаво тормозининг мазаси йўқроқ экан, – Полесов «бопладимми» дегандай йўловчиларга кўз қирини ташлади, – тортмаяпти-ку!

– Сендан сўраб тортармиди, – деб жавоб берди ҳайдовчи, – ҳушига келса тортаверади.

Бари вагонлар шаҳарни бир айланиб чиққач, депога қайтди. Депо олдида муентазир турган тумонат одам Треуховни азот кўтариб, электр чироқла-ри ёруғида осмонга иргитди. Гаврилинниям қўярда-қўймай қўл-оёғидан кўтаришган эди-ю, лекин тоши олти пудча бўлганидан баландроқ иргитишолмасди, шунинг учун уни ерга туширишиди. Ўроқ Мосинни, техниклар ҳамда ишчиларни осмонга итқи-тишиди. Виктор Михайлович шу бугуннинг ўзида иккинчи марта қўлга тушди. Энди у ҳадеб оёғини силтаб тортмас, тун қоронғисида осмонга ҳар сап-чиганида чароғон юлдузларга ўта жиҳдий тикиларди. Полесов охирги кўтарилишида бундоқ разм солиб қараса, собиқ сардор Ипполит Матвеевич Воробъянинов унинг оёғидан ушлаб, ҳиринг-ҳиринг кулиб турибди. Полесов одамлар қўлидан тушиб, четроққа чиқди-да, сардордан кўзини узмай турди. Бир пайт Ипполит Матвеевич билан ёнидаги нотаниш шериги аста жилганини кўриб, Виктор Михайлович ҳам сездирмай уларнинг изига тушди.

Ҳамма нарса тугаб, Гаврилин одамларга сўнгги фармойишларини бериб бўлиши билан Треухов-

ни бинафшаранг «фиат»ида клубга олиб кетмоқчи бўлиб турган ҳам эдики, ярим енгил форд машинаси бир гала кинохроникачилар билан депо дарвозаси ёнида такқа тўхтади.

Ўн икки бурчакли мугуз кўзойнак таққан, енгиз кўк чакмонли олифта бир киши ҳаммадан олдин машинадан енгилгина сакраб тушди. Унинг узун чўққи соқоли нақ ҳиқилдоғидан ўсиб чиқканга ўхшарди. Остап Бендернинг таъбири билан айтганда, «антиқа» бўйинбўғи ерда осилиб юрган иккинчи эркак киноаппарат кўтариб келди. Шундан кейин машинадан асистентлар, юпитер прожекторлари, қизлар чиқишиди.

Ҳаммаси қий-чув кўтариб, ўзини депога урди.

– Диққат! – деб қичқирди соқолдор чакмонли олифта. – Коля! Юпитерни ёқ!

Треухов қизариб-бўзариб тунги меҳмонларга яқинлашди.

– Киноданмисизлар? – деб сўради у. – Нега кундузи келмадиларинг?

– Очилиш маросими қачонга белгиланган?

– Аллақачон ўтиб кетди.

– Шу, шу, озроқ ушланиб қолдик. Яхшигина манзара учраб қолди. Иш кўп. Кунботар пайт! Ҳечқиси йўқ, буниям эплаштирамиз. Коля! Чироқни ёқ! Айланаётган фидирак! Йирик планда! Кўчада кетаётган одамларнинг оёғи – йирик планда. Аюда! Азизам! Юринглар! Коля, бошладик! Бошладик. Ўтаверинглар! Кетяпсиз, кетяпсиз, кетяпсиз... Тамом. Раҳмат. Энди қурувчини суратга оламиз. Ўртоқ Треухов дейсизми? Марҳамат қилинг, ўртоқ Треухов. Йўқ, ундей эмас. Тўртдан учига... Мана бундай, яхши чиқади, узоқда трамвай... Коля! Бошладик! Бир нима деб туринг!..

– Нимаям дердим, менга қолса...

– Офарин!.. Яхши!.. Яна гапиринг!.. Энди трамвайга биринчи чиққан йўловчи билан гаплашиб турган бўласиз... Люда! Чегарадан чиқманг! Дуруст. Чуқурроқ нафас олинг! Ҳаяжондасиз! Коля! Оёқ йирик планда бўлсин! Бошладик! Яхши, яхши... Катта раҳмат... Тамом!..

Гаврилин боядан бери вағиллаб турган «фиат»-дан инқиллаб тушгач, бедарак йўқолмиш дўстини қидириб келди. Ҳиқилдоғидан соч чиққан режиссёр типирчилаб қолди.

– Коля! Бу ёқقا! Ажойиб образ! Ишчи! Трамвай йўловчиси! Чуқурроқ нафас олинг. Ҳаяжондасиз! Чунки илгари ҳечам трамвайга тушмагансиз. Бошладик! Нафас олинг!

Гаврилин ғазаб билан пишиллаб қўйди.

– Жуда соз!.. Азизам! Бу ёқقا кел! Чуқурроқ нафас олинг. Ҳаяжондасиз... Яхши... Жуда соз... Коля, тамом.

– Трамвайнинг ўзини суратга олмайсизларми? – ботинқирамай сўради Треухов.

– Биласизми, чироқнинг мазаси йўқроқ, – фўлдираб деди режиссёр. – Москвада олишга тўғри келади. Саломат бўлсинлар!

Кинохроника бир зумда гойиб бўлди.

– Кетдикми, ошна, – деди Гаврилин. – Бир дам олайлик. Ҳа, чеквордингми?

– Чеквордим, – тан олди Треухов, – чидаб турумладим.

Оч қоринга боплаб тамаки жойлаган Треухов оиласвий ўтиришда уч қадаҳ ароқдан кейин алжираб қолди. Дуч келганни ўпиди, ўзиям роса ўптириди. Хотинига икки оғиз ширин гап қиласмоқчи бўлган эди, тиржайишдан нари ўтолмади. Кейин роса Гаврилиннинг қўлини силтаб, насиҳат қилди:

– Дарвишсан, дарвиш! Сен темир йўлга кўприк солишини ўрганиб олишинг керак! Зўр илм бу. Энг

муҳими, жудаям осон. Гудзон устидан боплаб күпrik қурсанг...

Ярим соатга етмай суроби түғри бўлиб қолгач, буржуа матбуотини дуойибад қилишга ўтди:

– Бу муаллақчи кўзбўямачилар, бу қаламкаш бўрилар! Ротация машиналари урчитган бу усталилар! – деб роса бақириб-чақирди.

Хотини аранг извошга босиб, уйига олиб кетди.

– Трамвайга тушгим келяпти, – деди у йўл-йўлакай хотинига, – шуниям тушунмайсанми, а? Трамвай бўлгандан кейин тушиш керак-да!.. Биласанми, нимага? Биринчидан, арzon...

Полесов ҳамтовоқлар кетидан анчагача қорама-қора борди, тишини-тишига қўйиб узоқ пойлади, охири ўзлари ёлғиз қолганини кўриб, Воробъяниновга яқинлашди.

– Омонмисиз, жаноби Ипполит Матвеевич! – деди у тавозе билан.

Воробъянинов ичидан зил кетди.

– Танимай турибман, – деди у бўшашиб.

Остап якка кифт бўлиб, зиёли чилангар олдига келди.

– Хўш, хўш, – деди у, – оғайнимда нима гаплари бор эди?

– Сира хавотир бўлманг, – деб шивирлади Полесов ён-верига олазарак қараб олгач. – Мени Елена Станиславовна юбордилар.

– Ия? Шу ердами у?

– Шу ердалар. Сиз билан кўришмоқ ниятлари бор.

– Сабаб? – сўради Остап. – Ўзингиз ким бўласиз?

– Мен... Менга ишонаверинг, Ипполит Матвеевич. Сиз мени танимайсиз, лекин сизни мен жуда яхши биламан.

- Елена Станиславовнани бир күриб ўтай бўлмаса, - деди Воробъянов унчалик кўнгли чопмай.
 - У киши қаттиқ илатимос қилдилар.
 - Хўш, бу ердалигимни қаердан билибди?
 - Сизни йўлакда кўриб, бу одам танишга ўхшайди, ким бўлдийкин деб роса ўйладим. Кейин эсимга тушди. Ҳеч нарсадан хавотир олманг, Ипполит Матвеевич! Ёпиглиқ қозон ёпиглигича қолаверади.
 - Таниш, жувонми? - амалий ишга кўча қолди Остап.
 - Ҳм, эски танишлардан.
 - Ундей бўлса эски танишниги кириб, озроқ тамадди қилиб олмаймизми? Шахсан менинг қорним карнай чаляпти, борадиган бошқа жой йўқ, ҳамма ёқ бекилган.
 - Борсак бораверамиз.
 - Кетдик бўлмаса. Қани, йўл бошланг, нотаниш хуфия!
- Виктор Михайлович ширкатчиларни кўчадан эмас, ҳовлилардан олиб юрди, ҳар қадамда орқасига аланглаб, охири фолбин хотиннинг Перелешинск тор кўчасидаги уйига бошлаб келди.

Ўн тўртинчи боб

«ҚИЛИЧ ВА ОМОЧ» БИРЛАШМАСИ

Хотин киши қариса, бошига анча-мунча кўргиликлар тушиши мумкин: тиши тушиб, сочи оқаради, тўкила бошлайди, нафаси сиқади, гоҳ гумбаздек семириб, гоҳида чўпдай озиб кетади. Лекин овози сира-сира ўзгармайди. Гимназияда ўқиб юрганида, келин бўлиб тушганида ёки би-

рорта енгилтак билан топишиб олганида қандок бўлса, ўшандоқлигича қолаверади.

Шунинг учун ҳам Полесов эшикни тақијлатганида ичкаридан Елена Станиславовнанинг «Ким?» деган овози эштийиди-ю, Воробъянинов бир сесканиб тушди. Маъшуқасининг овози ўша-ўша, тўқсон тўққизинчи йилда, Париж кўргазмаси очи-лишидан олдин қандай бўлса, ҳозир ҳам шундай эди. Лекин Ипполит Матвеевич чироқ нуридан кўзи қамашиб, ичкари кирди-ю, тарвузи қўлтиғидан тушди: боёқишининг илгариги ҳуснидан асар ҳам қолмабди.

– Жудаям ўзгариб кетибсиз-ку! – деб юборди у беихтиёр.

Кампир ўзини унинг бўйнига отди.

– Раҳмат, – миннатдорчилик билдириди кампир, – мени кўриш учун ҳаётингизни нечоғлик хатарга қўйгансиз, биламан. Илгаридан мард одамсиз. Нима иш билан Париждан келганингизни сўраб ўтирумайман. Кўряпсиз, гап кавлаштиришни ёмон кўраман.

– Ҳечам, Париждан келганим йўқ, – деди Воробъянинов талмовсираб.

– Ҳамкасаба билан биз Берлиндан келдик, – дарҳол гап қистирди Остап Ипполит Матвеевичнинг тирсагини омбурдай қисиб, – буни ошкор қилмаган маъқул.

– Вой, сизларни кўриб бирам хурсанд бўлдимики! – сайдай кетди фолбин. – Манави хонага кириб туинглар... Виктор Михайлович, кечирасиз, яrim соатлардан кейин бир хабар олсангиз, майлими?

– Ў! – сўз қотди Остап. – Висол дамлари! Ҳижрон алами! Рухсатлари билан мен ҳам ғойиб бўлай. Сизга ҳамроҳ бўлсам, йўқ демайсизми, муҳтарам Виктор Михайлович?

Чилангар азбаройи суюниб кетганидан баданида титроқ турди. Иккови Полесовнинг уйига йўл олишди. Перелешинск тор қўчасидаги 5-бино дарвозасининг бир парчаси устида ўтирган Остап ватанин халос қилиш масаласида лофт уриб, темир-терсак шайдосини бирпасда гангитиб қўйди.

Улар бир соатдан кейин хонага қайтиб киришганида чол-кампир бир-бирига сузилишиб ўтирган эди.

– Эсингиздами, Елена Станиславовна! – дерди Ипполит Матвеевич.

– Эсингиздами, Ипполит Матвеевич? – дерди Елена Станиславовна.

«Авжи тамадди қилиб оладиган пайт келганга ўхшайди», кўнглидан ўтказди Остап ва шу заҳотиёқ шаҳар маҳкамасида ўтказилган сайловни эсга олган Ипполит Матвеевичнинг гапини бўлди.

– Берлинда фалати бир одат бор, – деди тагдор қилиб, – у ерда жудаям кеч овқатланишади, бу чўзилиб кетган тушликми ёки кечки овқатми, ҳечам тушуниб бўлмайди.

Елена Станиславовна типирчилаб қолди, Ипполит Матвеевичдан нигоҳини олиб, ошхона томонга сургалиб кетди.

– Мана энди ишни бошлаш керак, ҳа, бошлаш керак! – деди Остап пичирлаб.

Кейин Полесовни қўлидан ушлади.

– Кампир гуллаб қўймайдими? Ишонса бўладими унга?

Полесов ибодат қилаётгандек қўлларини кўксига қўйди.

– Сиёсий ақидангиз?

– Ҳар қачон! – жўшиб деди Полесов.

- Кирилловец¹ бўлсангиз керак албатта?
- Худди шундай.
- Полесов таёқдай қотиб қолди.
- Россия сизни унутмаяжак, - деб қичқирди
Остап.

Бир қўлида ширин пирог ушлаган Ипполит Матвеевич ҳайрон бўлиб Остапга тикилди. Остапнинг жазаваси тутган эди. Буюк мудаббирнинг шу тобда илҳоми қайнаган, семизроқ ов илинжида аъзойи бадани бўшашиб, юрагини ширин бир ҳаяжон чулғаб олган эди. У қоплон юриш қилиб хонани бир айланиб чиқди.

Шу пайт қўлида самовар билан ошхонадан инқиллаб-синқиллаб Елена Станиславовна чиқиб қолди. Остап югуриб бориб, одоб билан қўлидан самоварни олгач, столга келтириб қўйди. Самовар ҳуштак чалди. Остап амалий ишга ўтишни лозим топди.

- Хоним, - деди у, - шу мўътабар хонадон бекаси бўлмиш сиздек...

Елена Станиславовнани кимга қиёс қилишни билмай турди. Кейин яна бошидан бошлади. Чор тузуми даврида одат бўлган баландпарвоз гаплардан фақат биттаси эсига тушди: «Амри маъруф қилдилар». Лекин ҳозир бунинг жойи эмас. Ўйлаб-ўйлаб охири бошқа йўл топди.

- Фоят махфий! Давлат сири! - деди Остап сирли шивирлаб.

Кейин қўли билан Воробьяниновни кўрсатди.

- Қаршингизда ўтирган мана шу қудратли чол ким, биласизми? Овора бўлманг, ҳечам билмай-

¹ Қадим славянларда кириллица ва глаголица деган икки хил алифбо бўлган. Кириллица рус ва қатор бошқа славян халқлари алифбосига асос бўлган. Бу ерда Остап «кириллица»дан ўзича сўз ясад, Полесовнинг юрагига ғулғула соляпти. (Тарж.)

сиз. Қилни қирқ ёрадиган донишманд, рус демократиясининг отахони, императорнинг муқарраби шу киши бўладилар.

Ипполит Матвеевич хушбичим қадди-бастини ғоз тутиб, ўрнидан турди-да, жавдираб атрофига қаради. Ўзи нима гап бўлаётганини тушунмаса ҳам Остап Бендер бир оғиз сўзниям бекорга айтмаслигини тажрибада кўп синаб кўргани учун индамай тураверди. Полесовни бу ҳол ларзага солди. У худди шаҳдам қадам ташлаб юришга чоғланган одамдай иягини шифтга кўтарди. Елена Станиславовна курсига чўкиб, Остапга мўлтираб қаради.

– Бизнинг одамлар кўпчиликми шаҳарда? – дабдурустдан сўради Остап. – Кайфият қалай?

– Имкон мумкин бўлмагандан кейин, – деди Виктор Михайлович ва бошига тушган савдоларни тутила-тутила гапира кетди. 5-уйнинг бурни кўтарилиган шаллаки қоровули дейсизми, тўқсон даражали гўния дейсизми, трамвай дейсизми – ҳаммаси аралаш-қураш бўлиб кетди.

– Яхши! – ўшқирди Остап. – Елена Станиславовна! Сизнинг кўмагингизда шаҳарнинг энг бообру одамлари билан алоқа ўрнатиш ниятидамиз. Пешона экан, яшириниб юришибди, биламиз. Кимларни таклиф қилишингиз мумкин?

– Кимларни дейсизми? Максим Петровични чақирсақмикин, хотини билан?

– Хотинлар бўлмасин, – тузатиш киритди Остап, – биттаям! Сиз учун бажонидил истисно қилалими. Яна кимлар бор?

Виктор Михайлович ҳам фаол иштирок этган муҳокама давомида шу нарса маълум бўлдики, боятилга олинган Максим Петровични – илгари шаҳар думасига аъзо бўлган Чарушниковни, «Жадалтой» хўжайини Дядьевни, «Одесса нон артели – Москва тешиккулчалари» раиси Кислярскийни ва

яна исм-шарифи номаълум бўлгани билан ўзи мутлақо ишончга сазовор икки йигитни чақирса бўлар экан.

– У тақдирда буларни ҳозироқ чақиришишни илтимос қиласман. Кичкина мажлисча ўтказиб оламиз. Фоят махфий сақлансин.

Полесов сўз олди:

– Мен Максим Петрович, Никеша ҳамда Владаларни топиб келаман. Елена Станиславовна, марҳамат қилиб «Жадалтой» билан Кислярскийни бўйнингизга олсангиз.

Полесов бир зумда фойиб бўлди. Фолбин ҳам Ипполит Матвеевичга маҳлиё бўлиб бир қараб қўйгач, ўрнидан туриб кетди.

– Буни қандоқ тушунса бўлади? – деб сўради Ипполит Матвеевич.

– Қолоқ одам экансиз, – жавоб қилди Остап, – буни шундоқ тушунса бўлади!

– Нега?

– Шунга! Бачканалик қилаётган бўлсам узр: қанча пулингиз бор?

– Қанақа пул?

– Ҳар қанақаси, танга-чақаси билан.

– Ўттиз беш сўм.

– Хўш, шу пул ширкатимизнинг бутун харажатларига етади, деб ўйлайсизми?

Ипполит Матвеевич индамади.

– Гап бундоқ, хўжайинжон. Мени тушуниб турганга ўхшайсиз. Бирор соат донишманд, императорнинг муқарраби бўлиб туришингизга тўгри келади.

– Мақсад нима?

– Мақсад шуки, бизга озроқ дастмоя керак. Эртага менинг тўйим. Камина гадойвачча эмасман. Ана шундай улуғ кунда биз ҳам бир ўйнаб қолайлик.

– Хўш, мен нима қилишим керак? – зорланиб сўради Ипполит Матвеевич.

– Индамай ўтираверинг. Савлат учун ўқтин-ўқтин аунжингизни шишириб қўйсангиз бас.

– Ахир бу... кўзбўямачилик-ку!

– Гапирдиларми? Граф Толстойдан эшитяпманми бу гапни! Ё Дарвинданми? Йўғ-э. Кечагина Грицацуеванинг молига кўз олайтириб, тунда бир бева бечоранинг уйига ўғирлика тушмоқчи бўлган одамнинг гапи эмасми бу? Ўлаб ўтирунг. Жим. Лунжни шишириш эсдан чиқмасин.

– Бунақа хатарли ишнинг нима кераги бор? Бориб чақишлари мумкин.

– Бунисидан хавотир олманг. Мен сувни кўриб, этик ечадиганларданман. Хамирдан қил суғургандай бўлади, ҳеч ким ҳеч нарсани сезмай қолади. Қани, чойдан ичайлик.

Ширкатчилар еб-ичиб, тўтиқуш эса қирсиллатиб писта чақиб турган эди, бирин-кетин уйга меҳмонлар кириб келишди.

Полесов Никеша билан Владяни бошлиб кирди. Виктор Михайлович донишманд билан йигитларни таниширишга ийманди. Улар бир бурчакда яхна гўшт тамадди қилаётган рус демократиясининг отахонидан кўз узмай ўтиришди. Никеша билан Владя иккови ёши ўттизга бориб қолган етук овсарлар эди. Мажлисга чақиришганидан икковиям талтайиб ўтиради.

Шаҳар думасининг собиқ аъзоси бўлмиш Чарушников деган бақалоқ чол Ипполит Матвеевичнинг қўлини анчагача силаб, нуқул кўзига тикилиб турди. Ҳамشاҳарлар Остапнинг назорати остида ўтган-кетгандан гаплашиб ўтиришди. Сухбат авжи қизиган ҳам эдики, Остап Чарушниковга ўгирилди:

– Сиз қайси полкда хизмат қилгансиз?

Чарушников энтикиб кетди.

— Мен... мен, сирасини айтганда, умуман, хизмат қилмаганман, нега десангиз, жамоат ишончига мушарраф бўлиб, сайланиб келганман.

— Дворянмисиз?

— Ҳа. Дворян эдим.

— Ҳозир ҳам шундайсиз, тўғрими? Бардам бўлинг. Бизга ёрдамингиз керак бўлади, Полесов гапириб бердими? Чет эл ёрдам беради. Афкор оммага қараб туришибди. Ташкилотимиз ўта маҳфий. Диққат!

Остап Никеша билан Владяниг ёнидан Полесовни четлатиб, қовоғини уйди:

— Қайси полкда хизмат қилгансизлар? Ватанга хизмат қилиш лозим бўлади. Дворянмисизлар? Жуда соз. Фарб ёрдам беради бизга. Бардам бўлинглар. Иона, яъни ташкилот ўта маҳфий. Диққат!

Остап ҳовлиқиб қолди. Мақсад амалга ошаётгандай эди, Елена Станиславовна Остапни «Жадалтой» эгаси билан таништиргач, Остап уни четга тортиб, бардам бўлишни маслаҳат берди, кейин қайси полкда хизмат қилганини суриштиргач, чет элдан ёрдам кутишаётганини, ташкилот ўта маҳфий эканини гапирди. Буни эшитиб, «Жадалтой» соҳиби исёнчиларнинг уйидан тезроқ қочиб қолишини мўлжаллаб қўйди. Ўзининг фирмасини у анча нуфузли деб билгани учун бўлар-бўлмасга бошини ғалвага қўйишни хоҳламасди. Лекин Остапнинг келишган бўй-бастини кўриб, иккиланиб қолди, кейин ўзича ўйлади: «Бирдан омад кеп қолса-чи!.. Дарвоқе, бу нарса қанақа қофозга ўраб тортилишига боғлиқ».

Дастурхон атрофидаги дўстона сухбатга жон кирди. Маҳфий сирдан воқиф бўлганлар уни муқаддас билиб, шаҳар янгиликларидан гаплашиб ўтиришди.

Кислярский ҳаммадан кейин келди. Дворян бўлмагани ва гвардиячи полкларда мутлақо хизмат қилмагани ҳолда у Остап билан икки оғиз гаплашибоқ вазиятни дарҳол тушунди.

– Бардам бўлинг, – насиҳат қилди Остап.

Кислярский рози бўлди.

– Сиз хусусий сармоя вакилисиз, бинобарин, ватан нажот тилаб турганида ўзингизни четга олмасангиз керак.

Кислярский тушундим, дегандай хомуш тортди.

– Анави ўтирган одамни танийсизми? – деб сўради Остап Ипполит Матвеевичга ишора қилиб.

– Таниганда қандоқ, – жавоб берди Кислярский, – жаноби Воробъяников-да.

– Донишманд, рус демократиясининг отахони, императорнинг муқарраби шу киши бўлади, – деди Остап.

«Камида икки йил беришади, қаттиқ режимлигидан, – деб кўнглидан ўтказди Кислярский қалтироқ босиб. – Нима фафлат босиб келдим-а?»

– Яширин қилич ва омоч иттифоқи! – вишиллади Остап.

«Ўн йилга кетдим!» – деб ўйлади Кислярский.

– Кетишингиз ҳам мумкин, лекин айтиб қўяй, биз билан ўйнаша кўрманг, қўлимиз узун!

«Кўрсатиб қўяман кетишини, итвачча, – дилидан ўтказди Остап. – Камида юз сўм ташламасанг, овора бўласан».

Кислярский девордай оқариб кетди. Яқиндагина у даҳшатли «Қилич ва омоч» бирлашмаси борлигидан мутлақо бехабар, товуқ думгазаси еб, нўхат шўрва ичиб бирам роҳатланиб овқат қилган эди-я. Уйдан чиқиб кетолмади: «узун қўл» таъбини хира қилди.

– Ўртоқлар! – деди мажлисни оча туриб Остап.

– Ҳаётнинг ўз қонунлари бор, темир қонунлари.

Ушбу мажлисни чақиришдан мақсад нима, буни ўзларинг яхши биласизлар, мен гапириб ўтирумайман. Мақсадимиз олижаноб мақсад. Чор атрофдан дод-фарёд эшитилмоқда. Бепоён мамлакатимизнинг турли бурчакларидан илтижо қилган овозлар келмоқда. Биз ёрдам қўлини чўзмоғимиз даркор ва чўзамиз ҳам. Ораларингизда бирор хизматга кириб, пичоги мой устида бўлганлар ҳам чакана ишларга берилиб, тансиқ овқатлардан кейин кекириб юрганлар ҳам бор. Ҳар иккала тоифадагиларнинг ётса ётгудай ўлан тўшаги, ёпса ёпгудай иссиқ кўрпаси бор. Аммо-лекин ёш болалар, етим болалар ўз ҳолича юрибди. Мана шу кўча гулларини, ақлий меҳнат йўқсилларининг таъбири билан айтганда, цементда битган гулларни ҳар қанча ардоқласак арзийди. Жаноби маслаҳатчи тўралар, биз шуларга ёрдам бермоғимиз керак. Бинобарин, ёрдам берамиз ҳам, жаноби маслаҳатчи тўралар.

Буюк мудаббирнинг нутқини ҳар ким ҳар нарсага йўйди.

Полесов янги дўсти – ёш гвардиячининг гапларига тушунмади.

«Қанақа болалар? – деб ўйлади у. – Болалар нима қилиб юрибди?»

Ипполит Матвеевич бўлса тушунишни хаёлига келтирганиям йўқ. У аллақачон қўлини ювиб қўлтиққа ургани учун жимгина лунжини шишириб ўтиради.

Елена Станиславовна маъюс тортди.

Никеша билан Владя Остапнинг эгнидаги ҳаворанг нимчага бақа бўлиб тикилиб ўтиришарди.

«Жадалтой»нинг эгаси ич-ичидан яйраб кетди.

«Чоки яхши босилибди, билинмайди, – ўзича мулоҳаза қилди у, – чиройли қофозга ўралгандан кейин пулдан қочмаса ҳам бўлади. Иш ўнгидан

келса, иззат-обрў бизники. Чатоги чиқса – ўн ол-тинчи модда. Болаларга ёрдам бердим, дейман, вассалом».

Чарушников маъноли қилиб Дядьев билан кўз уриштириб олди, кейин маърузачининг сир сақлаш қобилиятига таҳсиллар ўқиб, столдаги нондан золдир ясашга тушди.

Кислярскийнинг ниҳоятда димоғи чоғ эди.

«Ана ақлу мана ақд», – деб ўйлади у. Назарида боқимсиз болаларга ҳеч қачон шу бугундагидай меҳри товланмаган эди.

– Ўртоқлар! – деди сўзида давом этиб Остап. – Зудлик билан ёрдам қўлини чўзишимиз керак. Биз болаларни кўча чангалидан тортиб олишимиз лозим ва тортиб оламиз ҳам. Ёрдам қилайлик болаларга. Болалар – ҳаёт гуллари эканини унутмайлик. Мен ҳаммаларингни ҳозироқ иона қилиб, болаларга ёрдам қўлини чўзишта таклиф этаман. Ёрдам фақат болаларга кетади, бошқа бировга эмас. Мени тушунгандирсизлар?

Остап орқа чўнтағидан тўлов дафтарчасини олди.

– Ионани бошланглар, илтимос. Ипполит Матвеевич ваколатимни тасдиқлаши мумкин.

Ипполит Матвеевич лунжини шишириб, бoshини ҳам қилди. Шунда бефаросат Никеша билан Владядан тортиб жонсарак чилангартгача – ҳамма Остапнинг гапларидаги пинҳоний сирни тушунди.

– Ёшга қараб бўлсин, жаноблар, – деди Остап, – муҳтарам Максим Петрович бошлаб бера қолсинлар.

Максим Петрович ўтирган жойида бир талпиниб, зўрга ўттиз беш сўм чиқариб берди.

– Дориламон замонлар келса, кўпроққаям тайёрман! – деб қўйди у.

– Ҳадемай келади дориламон замонлар, – жавоб қилди Остап, – дарвоқе, мени мутасадди қилган етим болаларга бунинг алоқаси йўқ.

Никеша билан Владядан саккиз сўм унди.

– Оз-ку, йигитлар.

Йигитлар қизариб кетишиди.

Полесов югуриб бориб уйидан эллик сўм олиб келди.

– Баракалла, гусар! – хитоб қилди Остап. – Сўққабош гусар учун ҳозирча етади шу. Савдо аҳлидан эшитамизми?

Дядьев билан Кислярский соликлардан нолиб, узоқ савдолашишиди. Остап оёғини тираб туриб олди:

– Ипполит Матвеевичдай улуғ одамнинг одида бунаقا бачкана гаплар бўлмаслиги керак.

Ипполит Матвеевич бошини қуи солди. Савдогарлар болакайларга атаб икки юз сўмдан иона беришиди.

– Ҳаммаси бўлиб тўрт юз саксон саккиз сўм бўпти, – хитоб қилди Остап. – Эҳ! Ҳисоб тўғри бўлиши учун яна ўн икки сўм етмай турибди-да.

Боядан бери анқовсираб ўтирган Елена Станиславовна ноилож ўрнидан турди, ётоқхонасидан ҳамёнини олиб чиқиб, айтилган ўн икки сўмни узатди.

Мажлиснинг қолган қисми руҳсиз, шавқ-завқсиз ўтди, Остап шўхлигини бошлади. Елена Станиславовна сулайиб қолди. Меҳмонлар ташкилотчилар билан қуюқ хайрлашиб, бирин-кетин тарқала бошлашди.

– Кейинги мажлис қачон бўлишини ўзингизга алоҳида хабар қиласиз, – уқтириди Остап ҳар бир меҳмон билан хайрлаша туриб, – ўта маҳфий. Болаларга ёрдам бераганимиз сир сақланиши керак... Дарвоқе, бу ўзларингга фойда.

Шу тобда Кислярскийга қолса яна эллик сүм бериб, бунақа мажлисга иккинчи қадам босмагани маъқул эди-я. Шундай қилмоқчи ҳам бўлди-ю, лекин ўзға ўзини тўхтатиб қолди.

– Қани, қимиirlадик бўлмаса, – деди Остап. – Ипполит Матвеевич, менимча, Елена Станиславовнинг кўнглини ранжитмай, шу ерда қолганингиз маъқул бўлса керак. Қолаверса, шубҳа тудирмаслик учун вақтинча ажралишганимиз ҳам дуруст. Мен кетдим.

Ипполит Матвеевич жон ҳолатда Остапга кўз қисди, лекин у ўзини сезмаганга олиб, индамай жўнаворди.

Остап беш-ўн уй юриб қўйган ҳам эдики, чунтагида ҳалол ишлаб топган беш юз сўм пули борлиги эсига тушди.

– Извошчи! – бақирди у. – «Феникс»га элтиб қўй!
– Бўпти-да, – деб жавоб берди извошчи.

У Остапни ёпиқ ресторанга бамайлихотир элтиб қўйди.

– Ия, бу нимаси? Ёпиқми?
– Байрам бўлгани учун.
– Эҳ, жин урсин. Ҳамён тўла пул бўлса-ю, ўйнаб кулолмасанг! Бўлмаса Плеханов кўчасига ҳайдар. Биласанми?

Остап қайлигиникига бормоқчи бўлди.

– Илгариги оти қанақа эди? – деб сўради извошчи.

– Билмадим.

– Қаёқقا юрай бўлмаса? Менам билмайман.

Остап нима бўлсаям ўша кўчани қидириб тошишни буюрди.

Иккови дуч келган қоровул билан милиция ходимидан суриштириб, бўм-бўш шаҳар кўчаларида роса бир ярим соат сарсон бўлишди. Бир милиция ходими пешанасини тоза тириштириб, охи-

ри илгариги Губернатор кўчаси шу бўлса керак, деб тусмоллади.

– Ҳа-да, Губернатор кўчаси! Яхши биламан бу кўчани. Йигирма беш йилдан бери Губернаторга қатнайман.

– Билсанг, ҳайдамайсанми?

Манзилга етиб келиб қарашса, Губернатор кўчаси Плеханов эмас, Карл Маркс номида экан.

Остап қони қайнаб, яна Плеханов номли кўчани қидиришга тушди. Лекин минг урингани билан тополмади.

Тонг ёришиб, шу кечаси бари бир хумордан чиқолмаган бечора бойваччанинг сўлғин чехраси кўринди.

– «Сорбонна»га ҳайда! – ўшқирди у. – Ўргилдим сендақа извошчидан! Плехановни билмайди-я!

Бева хоним Грицацуеванинг қасри олийлари кўзни қамаштиради. Тўй дастурхонининг тўрида ваъда қилинган қирол – турк фуқаросининг ўғли ўтирибди. Кўриниши башанг, кайфи тароқ. Мехмонлар чуғурлашади.

Келинболанинг ёши келинликдан анча ўтиб қолган. Камида ўттиз бешга борган. Табиат уни ҳеч нарсадан сиқмаган, тантилик қилган. Ҳар биттаси тарвуздай келадиган қўшкўкрак, ўроқдай бурун, олмадек ёноғу йўғон бўйин ато этган. У янги эрининг соясига кўрпача солар, айни пайтда ундан жудаям ҳайиқарди. Шунинг учун ҳам эрини отини айтиб чақирмас (боёқиши унинг исмшарифини умуман билолмай қолди), қисқагина қилиб, ўртоқ Бендер дерди.

Ипполит Матвеевич яна орзиқиб кутган стулига ўтириди. Тўй кечаси давомида у бир нима тагимда қаттиқ ботармикин, деган умидда неча маротаба иргишлади. Баъзан кутгани бўлди. Шу-

нақа пайтларда ўтирганларга меҳри товланиб кетар ва ҳадеб «горько» деб қичқиради.

Нутқ, табрик сўзлари ва алёрдан Остапнинг жағи тинмади. Ўзбекистонда халқ маорифи ҳамда суғориш ишларининг равнақи учун қадаҳ кўта-ришди. Шундан кейин мәҳмонлар бирин-кетин тура бошлишди. Ипполит Матвеевич даҳлизга чикқанида нафасини ростламоқчидай бўлиб, Бендерга шипшиди:

– Чўзиб ўтируманг. Ўша ерда экан.

– Тамагир одам экансиз, – деб жавоб берди кай-фи ошган Остап, – мени мәҳмонхонада кутинг. Ҳеч қаёқقا жилмай ўтиринг. Бирдан бориб қоли-шим мумкин. Мәҳмонхонадаги қарзларни тўлаб қўйинг. Ҳамма нарса шай бўлсин. Адъё¹, фельдмаршал! Менга хайрли тун тилаб қолсинглар.

Ипполит Матвеевич хайрли тун тилагач, «Сорбонна»га жўнади.

Эрта билан соат бешларда стул кўтариб Остап кириб келди. Ипполит Матвеевич ҳушидан кетаёзди. Остап хонанинг ўртасига стулни қўйиб ўтиреди.

– Қандай эпладингиз? – деди ниҳоят Воробья-ников зўрға тилга кириб.

– Шуям иш бўлтими, бир оиласиз-ку. Бева боё-киш ширин туш кўриб ётувди. Уйғотгани кўзим қиймади. «Ноз уйқудан уйғотмагил». Афсус! Маҳбубамга хат ёзиб қолдирдим. «Маъруза ўқигани кетяпман. Тушлик овқатга мени кутма. Сенинг юмронқозигинг», деган мазмунда. Стулни ошхондан топдим. Эрта-метан трамвай юрмайди, йўл-йўлакай стулда дам олиб келдим.

Ипполит Матвеевич бир пишқириб, ўзини стулга ташлади.

¹ Адъё (фр.) – хайр.

– Секин, – деди Остап, – бир иш қилаётганды шовқын күттармаслик керак.

Чүнтагидан омбур олиб, ўзи ишга киришиб кетди.

– Эшикни қулфлаганмисиз? – деб сўраб қолди Остап.

Остап бесабр Воробъяниковни нари суриб, гулдор инглиз читини эҳтиёт қилган ҳолда авайлаб ишга кириши.

– Бунаقا мато ҳозир топилмайди, эҳтиёт қилиш керак. Матолар анқонинг уруғи, илож қанча.

У имиллаган сари Ипполит Матвеевичнинг жони ҳалқумига келарди.

– Тамом, – деб пичирлади Остап.

У стулнинг устидаги қопламани кўтариб, иккала қўлини тиқди-да, шоша-пиша пружиналарни титкилай бошлади. Ба шу он чакка томирлари бўртиб чиқди.

– Хўш? – сўради Ипполит Матвеевич тоқатсизланиб. – Хўш? Хўш?

Унинг сўроқ пардалари ҳар хил тебранарди.

– Хўш, хўш, – деди Остап жиғибийрон бўлиб, – ўн бири турганда бирига ёпишувдик. Шу бириям...

Стул тагини яхшилаб кавлаштиргач, қўшиб кўйди:

– Шу бириям бизга насиб қилмай турибди.

У тик туриб, тиззасини қоқишига тушди. Ипполит Матвеевич стулга отилди.

Жавоҳир чиқмади. Ипполит Матвеевич шалвираб қолди. Лекин Остап ҳамон тетик эди.

– Эндиғи умид қолганларидан.

У хонада бир оз юрди.

– Зарари йўқ! Бу стул биздан кўра бевага кўпроқча тушди.

Остап ён чўнтагидан бир дона тилла тўғнағиҷ, тилла билагузук, олти дона тилла қошиқча билан

чойнак түмшүғига боғлаб қўйиладиган симтўр олиб кўрсатди.

Ипполит Матвеевич шунчаки оддий ўғрига шерик бўлиб қолганини алам устида пайқамади.

– Фирт расвогарчилик, – деб қўйди Остап, – лекин ўзимдан бирор эсадалик қолдирмай, севган ёрни ташлаб кетишга қандоқ кўзим қияди, тўғрими? Лекин вақтни бой бермаслик керак. Ҳали муқаддимаси бу. Хотимаси Москвада бўлади. Айтиб кўяй, жиҳозлар музейи – бу сизга бева хотин деган гап эмас; у ерда ишлар мушкулроқ бўлади!

Ширкатчилар абжари чиққан стулни каравотнинг тагига тиқиб, ёnlаридаги пулни санаб олишгач (болаларга берилган ионалар билан беш юз ўттиз беш сўм чиқди), Москва поездига ўтириш учун вокзалга жўнаб кетишиди.

Извошда шаҳарни кесиб ўтишиди.

Кооператив кўчасига етганда ҳуркак кийикка ўхшаб шаталоқ отиб қочаётган Полесовга кўзла-ри тушди. Перелешинск тор кўчасидаги 5-уйнинг қоровули уни қувлаб борарди. Ҳамтовоқлар муюлишга энди бурилишган ҳам эдики, қоровул Виктор Михайловичга етиб олиб, дўпослай кетди. Полесов дам «Ёрдам беринг!» деб, дам «Сурбет!» деб чинқиради.

Бева маъшуқадан хавотирланиб, поезд кетгунча ҳожатхонага кириб ўтишиди.

Поезд икки дўстни олиб, сершовқин марказ сари жилди. Дўстлар ойнага ёпирилишиди.

Вагонлар Гусищенинг юқорисидан ўтиб борарди.

Остап тўсатдан наъра тортиб, Воробъяниновнинг мушагига чанг солди.

– Қаранг, қаранг! – деб қичқирди у. – Тезроқ! Алъхен, х-хумпар!

Ипполит Матвеевич пастга қараб, Малла фисгармония билан бешта дераза ромини замбилағалтакка босиб, аранг судраб кетаётган мүйловли полвонни күрди. Юзидан истиҳола ёғилиб турган, кенг күйлакли бир киши замбилағалтакни орқадан итариб борарди.

Булат ортидан офтоб күринди. Черков қуббасидаги салблар ярқираб кетди.

Остап хохолаб деразадан калласини чиқарди-да:

– Пашка! Чайқов бозорига кетяпсанми? – деб бақирди.

Паша Эмильевич бошини күтариб қараган эди, энг охирги вагон думидан бошқа нарса күрина-ди. Шундан кейин у қадамини тезлатди.

– Күрдингизми? – қувониб деди Остап. Ажойиб-а. Тан бериш керак! Одамларга тараф йўғ-а!

Остап маъюс тортган Воробьяниновни елкасига қоқиб қўиди.

– Парво қилманг, отахон! Сира сиқилманг! Мажлис давом этади. Эртага кечқурун Москвада бўламиз!

ИККИНЧИ ҚИСМ

МОСКВАДА

Ўн бешинчи боб

TOF-TOF СТУЛ

Статистиканинг билмаган нарсаси йўқ.

Давлатда қанча экин майдони борлиги, шундан қанчаси қора тупроғу қанчаси сариқ ва соз тупроқ эканлиги аниқ ҳисобга олинган. Ҳар иккала жинсга мансуб фуқаролар Ипполит Матвеевич Воробъяниновнинг қалин дафтарларига - никоҳ битикларига яхшилаб қайд этилган. Республикада истиқомат қилувчи ўртача фуқаролар бир йилда ўрта ҳисобда нима овқат тановул қилиши аён. Ана шу ўртача фуқаро ўрта ҳисобда қанча ароқ ичиб, тахминан қанақа газакка қўл ургани ҳаммамизга маълум. Мамлакатда овчиларнинг, раққосаларнинг, тўппонча ясадиган станокларнинг, ҳар хил зотдаги итларнинг, ҳайкалларнинг, қизларнинг маёғу тикув машиналарининг қанчалиги бизга маълум.

Статистика жадвалларига бир қиё боқсангиз, куч-гайрат ва эҳтироси жўшиб, тафаккур чироги ёниб турган озмунча тирик жонни курасизми!

Кўкрагига сочиқ тутиб, стол устидаги қайнок, таомларни паққос тушираётган анор юзли бу шахс ким бўлдийкин? Ён-верида жимит ҳўқизлар ётибди. Семиз чўчқалар жадвалнинг бир бурчагига сиқилишган. Махсус статистика ҳовузида тангабалиқ, елимбалиқ, чўртанбалиқлар сузид юрибди. Бояги шахснинг икки елкаси, қўллари ва бошида

товуқлар ғужғон ўйнайди. Құлда боқылған фоз, ўрдак, куркалар пат түзонаиди сузади. Уфқда бүрсилдоқ нондан тикланған әхрому қуббалар күзга ташланади. Мураббодан ясалған мүъжазгина қалъани сут дарёси ювиб ўтган. Узоқда Пизано минорасига тенг бодринг күринади. Туз ва қалампир истеҗкомлари ортида шароб, ароқ, мусалласлар саф тортиб кетяпти. Нарзан ва лимонаддан, сим тұrvага солинган сифондан иборат мажрух алкогиз ичимликлар тұдаси энг орқада судралиб боради.

Хүш, анор юзли бу шахс аслида ким ўзи – мечкайми, ароқхүрми ё ширихүрми? Дипсадлар қироли Гаргантюамикин? Паҳлавон Фоссми ё? Афсонавий солдат Яшка қызыл күйлакми? Мабодо Лукулл әмасмикин?

Йўқ, бу Лукулл әмас. Бу Иван Иванович Сидоров ё бўлмаса Сидор Сидорович Иванов; ўзи ўртамиёна фуқаро, жадвалда кўрсатилған нарсаларни бутун умри давомида ўртача тановул қиласди. Калория ва витаминларни орқасидан қувмай, меъёрида истеъмол этувчи беозоргина сўққабош, ёши қирқда, ўзи давлатга қарашли атторлик ва трикотаж дўконида хизмат қиласди.

Статистикадан қочиб қутулоғмайсан. Тиш врачлари, колбаса дўконлари, шприц, қоровул, кинорежиссер, фохиша, қамиш том, бева хотин, извошчи-ю бутхона қўнғироғи у ёқда турсин, ҳатто мамлакатда қанча нафар статистика ходими борлигиям беш қўлдай маълум унга.

Фақат бир нарсани билмайди.

Статистика давлатда қанча стул борлигидан бехабар.

Ваҳоланки, стулнинг уруғи кўп. Охирги аҳоли рўйхатига қараганда иттифоқдош республикаларда бир юз қирқ уч миллион киши истиқомат қиласар

экан. Харрак, сўри ёки супачада, Шарқда эса қўсқи гилам ёки шолчада ўтиришга одатланган тўқсон миллион деҳқон чегириб ташланса, эллик миллион одам қолади. Булар уйида стул бўлмаса туролмайди. Ҳисоб-китобда андак чатоқлик кетган бўлиши мумкинлигини, иттифоқдаги айрим инсонлар тагига биратўла иккита стул қўйиб ўтиришини эътиборга олиб, бу рақамни ҳар эҳтимолга қарши икки марта қисқартириб ташласак, мамлакатда ками билан йигирма олти ярим миллион стул нақд турғанлиги маълум бўлади. Боринг, олти ярим миллиониям кетсин. Соф йигирма миллион қолдими? Демак, энг камида шунча стул бор экан. Мана энди роман қаҳрамонлари баъзиси ёнғоқ, эман, шумтол, қайрағоч дарахтидан, Каrellия оққайинию қизил ёғочдан, яна бир хили арча билан қарағай таналаридан тарашланган тоғтоғ стул орасидан, Петухова хонимнинг дуру гавҳарларини чит гулли қорнига яширган букри оёқ Гамбс стулини излаб топишлари керак.

Поезд аста Ока дарёсидан ўтиб, яна шитоб билан Москвага яқинлашиб келаётганида ширкатчилар тепадаги ўринларида ҳамон ухлаб ётишарди.

Ўн олтинчи боб

РОХИБ БЕРТОЛЬД ШВАРЦ НОМИДАГИ ЁТОҚХОНА

Ипполит Матвеевич билан Остап ўзлари тушган қаттиқ вагонда, кўтармадан имиллаб қаралайзорларга тушаётган сигирларни, қишлоқлардаги таҳтали платформаларни томоша қилиб боришаради.

Сафар латифалари аллақачон тугаб бўлган. «Эски шаҳар ҳақиқати»нинг сесанба сони эълон-

ларга қадар ўқиб бўлинган, ҳамма ёғи доғ-доғ бўлиб ётибди. Жўжалар, тухум ва зайдунларни еб битиришган.

Йўлнинг энг толиқарли бўлаги бошланган – Москвагача бир соат вақт қолган.

Сийрак ўрмончалару чакалакзорлар орасида дам-бадам бежирим чорбоғлар лишилаб ўтади. Булар ичида ойналари ярқираган айвони-ю, янги бўёқдан чиқсан тунука томли ёғоч уйлар ҳам, де-воридан шапалоқдай дарча очилган тахта кулбалар ҳам (чорбоғчиларни домига олгучи ҳақиқий тузоқ шу-да) учраб туради.

Йўловчилар бир нарсани қойил қиласиган одамдай олис томонларга нигоҳ ташлаб, Калка бўйидаги жанг тўғрисида эшитган-билганларини, ёнига қўшиб-чатган ҳолда далил келтиришадида, бир-бирларига Москванинг кечмиши-ю ҳозиридан нақл қилишади. Ипполит Матвеевичнинг бўлса хаёли бўлак нарсада – у жиҳозлар музейини кўз олдига келтирмоқчи бўлади. Унинг назарида музей бош-кети йўқ узун йўлакдан иборат бўлиб, йўлакнинг ҳар икки томонида стуллар қатор саф тортиб турибди. Воробъянов шу стуллар орасидан тез-тез ўтиб кетаётгандай бўлди.

– Жиҳоз музейи нима бўлиши номаълум ҳали. Ишимиз ўнгидан келармикин? – хавотирланиб сўради у.

– Электр билан бир даволансангиз бўлармиди, сардор. Тўйдан олдин нофора чалиб нима қиласиз. Ўзингизни ушлолмасангиз, тишни-тишга босинг, дамингиз чиқмасин.

Поезд кўрсаткичларни тақирилатиб ўтади. Поездни кўргач, семафорлар анграйишиб қолади. Катта темир йўл узели яқинлашиб қолгани учун излар сероблашади. Майса-гиёҳлар йўқолиб, тошқолга навбат келади. Маневрчи паровозлар пиш-

қиради. Күрсатувчилар ҳуштак чалади. Бирдан шовқин кучаяди. Бүш таркиблар орасидаги йўлакка кирган поезд вагонлар ёнидан лип-лип қилиб ўта бошлади.

Излар яна бўлинди.

Поезд йўлкадан чиқиб олди. Офтоб чараклади. Жажжи болтасимон кўрсаткич фонуслари ерга қапишганича қолаверди. Тутун буруқсади. Паровоз пишиллаганича икки ёнига паға-паға буғ пуркади. Муюлишда қий-чув кўтарилди. Депочилар паровозни оғилга ҳайдаб киритмоқчи бўлишди.

Қаттиқ тормоздан поезднинг аъзойи бадани зирқираб кетди. Ҳамма ёқдан чийиллаган овоз тарқаб, Ипполит Матвеевич ўзини тиши оғриётганлар орасига тушиб қолгандай сезди. Поезд асфальт перронга ёндаши.

Бу – Москва эди. Бу – Москва вокзаларининг энг кўрками, энг навқирони – Рязань вокзали эди.

Москвадаги қолган саккизта вокзалнинг бирортасида ҳам Рязань вокзалидагидай бағри кенг, баланд иморатлар йўқ. Бутун бошли Ярославль вокзали – тепасида қўнқайиб турган сохта рус тожларию товуқ-повуги билан Рязань вокзалининг биттагина ресторанига жо бўлиши мумкин.

Москва вокзаллари – шаҳар дарвозалари. Бу дарвозалардан ҳар куни ўттиз минг нафар йўловчи кириб чиқади. Оёғида таги каучукли пойабзал, эгнида эса голфбоп кийими билан (шалварнинг почаси қалин жун пайпоқقا қистирилган) чет эллик меҳмон Александр вокзали орқали Москвага кириб келади. Қўй терисидан жигарранг телпак кийган кавказлик билан Волга бўйларидан келган пахмоқ соқол меҳмон Курск вокзалидан ўтишади. Чўчқа терисидан тикилган антиқа портфелини кўтариб, Октябрь вокзалидан яrim масъул ходим кириб келади. Бир нималар-

ни келишиб олиш, ҳал этиш ва амалга ошириш илинжида у Санкт-Петербургдан йўлга чиққан. Киев ва Одесса вакиллари пойтахтга Брянск вокзалидан липиллаб киришади. Киевликлар Тихон яланглиги станциясини кўрибоқ мийифида кулиб қўяди. Зотан дунёда Крещатикка тенг келадиган кўча йўқлигини улар жуда яхши билишади-да.

Одессаликлар япасқи қутиларга дудланган скумбрия балигини жойлаб, ҳар хил саватлар кўтариб олишган. Ер юзидағи энг кўркам кўча қайси десангиз улар дарров айтиб беришади. Лекин улар, албатта, Крещатикни эмас, балки Лас-сель кўчасини, илгариги Дерибаса кўчасини тилга олишади. Саратов, Аткарск, Тамбов, Ртишчев ва Козлов томонлардан Москвага одамлар Павелецк вокзали орқали келишади. Москвадаги вокзаллар ичидаги тинчроғи Савелов вокзали ҳисобланади. Талдомлик бошмоқчилар, Дмитров шахрининг табаалари, Яхромадаги газлама корхоналарининг ишчилари ёки бўлмаса қишин-ёзин Хлебниково станциясидаги маконидан айрилмайдиган эринчоқ чорбоғчилар шу вокзални обод қилишади. Йўл ҳам унчалик узоқ эмас; жуда кўп юрдим, деган одам узоги билан юз ўттиз чақирим йўл босади. Владивосток, Хабаровск, Чита сингари узоқ ва йирик шаҳарлардан сафарга чиққан одамлар пойтахтга Ярославль вокзалидан кириб келишади.

Бироқ йўловчиларнинг гаройиблиги жиҳатидан ҳаммаси Рязань вокзалидан ўтаверсин. Бу ерда оппоқ салла ўраб, анвойи тўн кийган ўзбекларни, қизил соқолли тоҷиклар, туркманлар, киевлик ва бухороликларни кўриш мумкин. Буларнинг республикалари узра қуёш абадий нур сочиб турибди.

Ҳамтовоқлар бир амаллаб Каланча майдонига чиқиб олишди. Ўнг томонда Ярославль вокзали тепасидаги товуқчалар кўринди. Нақ рўпарада мойли бўёқ билан икки хил рангга бўялган Октябрь вокзали хира тортиброқ намоён бўлди. Соатига қарашса, ўндан беш дақиқа ўтибди. Ярославль вокзалидаги соат роппа-роса ўн. Иккала сайёҳ Рязань вокзалининг тепасига қараб, ўн икки бурж тасвири туширилган нафармон соатни кўришсаки, вақт беш дақиқа кам ўн.

– Қизларга ваъда берадиган жой экан! – деб кўйди Остап. – Ўн дақиқа сийлови бор, кечиксанг гап тегмайди.

Извошли ўпич олгандай лабларини чўлпиллатиб қўйди. Сайёҳлар кўприк тагидан ўтишлари билан кўз ўнгларида пойтахт шаҳарнинг улуғвор манзараси намоён бўлди.

– Қаёққа кетяпмиз ўзи? – деб сўради Ипполит Матвеевич.

– Яхши одамларнинг олдига, – жавоб берди Остап, – Москвада бунаقا одамларнинг сонсанофи йўқ. Ҳаммаси менинг қадрдонларим.

– Ўшаларникига тушамиزمи?

– Ётоқхона у. Бири бўлмаса, бошқаси бор, жой топилади.

Кўчма қаторда тўс-тўполон экан. Рухсатнома олмаган олиб-сотарлар саватини бошига қўйиб, товуқдай тумтарақай қочяпти. Бир милиция ходими лапанглаганича хўжакўрсинга қувиб кетяпти. Асфальт биқирлаб турган қозонни ўраб олган боқимсиз болалар маза қилиб қайноқ мумни ҳидлаб ўтиришибди.

Извош Арбат майдонига етгач, Пречистенский бульваридан ўтиб ўнгга бурилди-да, Сивцевий Вражек деган жойда тўхтади.

– Қанақа жой бу? – деб сўради Ипполит Матвеевич.

Остап пастак болохонали пуштиранг бинога бир қараб қўйгач:

– Роҳиб Бертолъд Шварц номидаги кимёгар талабалар ётоқхонаси шу бўлади, – деб жавоб берди.

– Наҳотки роҳиб номида бўлса?

– Ҳазил, ҳазил. Семашко номига қўйилган.

Москвадаги одми ётоқхоналарнинг ҳаммасида аҳвол бир хил. Кимёгар талабаларнинг уйи ҳам шулар қатори. Бу ерда кўпдан бери кимё кўчасидан ўтмаган одамлар туришади. Талабалар тўзғиб кетган. Уларнинг бир қисми ўқишини битириб, иш жойига кетган бўлса, яна бир тоифаси уқувсизлиги учун институтдан ҳайдалган. Шу тоифа вакиллари, йилдан-йилга улғайиб пуштиранг уйни бегона йўламайдиган мустаҳкам қўрғонга айлантиришади. Янги талабалар ётоқхонага жойлашаман, деб обдан уриниб кўришади. Аммо собиқ кимёгарлар бутун ҳунарларини ишга солиб, уйга кўз олайтирган фанимларни даф қилишади. Шундан кейин бу бино билан ҳеч кимнинг иши бўлмай қолади. У якка тартибда, рухсатсиз қурилганга чиқарилиб, МКМБ¹ рўйхатларидан учирив ташланади. Қарабсизки, бунақа бинонинг ўзи йўқ. Ваҳоланки, у аслида мавжуд, ичида бемалол одамлар яшаб келяпти.

Ҳамтовоқлар зинадан иккинчи қаватга кўтарилиб, қоп-қоронги йўлакка бурилишди.

– Нур ва ҳаво, – деди Остап.

Тўсатдан Ипполит Матвеевичнинг шундоққина биқинида кимдир пишиллаб қолди.

¹ МКМБ – Москва кўчмас мулклар бошқармаси.

– Кўрқманг, – деди далда бериб Остап, – йўлакда эмас, деворнинг нарёғида. Физикадан маълум, фанер овозни яхши ўтказади. Эҳтиёт бўлинг! Орқамдан юринг. Шу ўртада пўлат сандиқ бўлиши керак.

Шу ондаёқ кўкраги темир қиррага қаттиқ урилиб, Воробъянов чирқиллаб қолди. Сандиқ чиндан ҳам шу атрофда эканлиги маълум бўлди.

– Ҳа, қаттиқ тегдими? – деб сўради Остап. – Буниси ҳолва ҳали. Эт-бетингиз кўкаради, холос. Илгариги руҳий азобларни кўрсангиз эди. Войвой-вой. Манави ерда скелет туарди, Иванопуло деган талабанинг хусусий мулки. Сухаревкадаги чайқов бозоридан сотиб олган. Олишга олгани, лекин уйида ушлашга қўрқарди. Натижада келган меҳмонлар олдин сандиққа урилиб, кейин скелетнинг тагида қоларди. Ҳомиладор хотинлар бундан қаттиқ норози эди.

Ҳамтовоқлар бурама зина орқали болохонага чиқишиди. Юқоридаги битта катта хона эни икки газча келадиган майдада-чуйда каталакка бўлиниб, фанер билан тўсилган эди. Бу каталаклар **худди** қаламдонга ўхшарди. Фарқи шундаки, бу хоналарда қалам билан ручкадан ташқари одамлар ва примуслар ҳам бор эди.

– Коля, уйдамисан? – секингина сўради Остап ўртадаги эшикка яқинлашиб.

Бешала қаламдонга жон кириб, ғала-ғовур бошлиди.

– Уйда, – деган жавоб келди ичкаридан.

Чап томондаги энг охирги қаламдондан хотин кишининг пичирлаган овози эшитилди:

– Каллайи саҳардан яна меҳмони келди бу овсарнинг!

– Ухлагани қўясизларми, йўқми? – тўнғиллади 2-қаламдон.

Учинчи қаламдондагилар хурсанд чирқиллади:

– Колькага милиция келди. Кеча ойнани син-диргани учун.

Бешинчи қаламдондан садо чиқмади. У ерда-гилар примусни вағиллатиб, ўпишиш билан банд эди.

Остап бир тепиб эшикни очди. Фанер хона-дон ларзага келди. Хазинатопарлар Кольканинг каталагига киришди. Шу чоғ Остапнинг кўз ўнги-да сиртдан қараганда беғубор, аслида эса ғоят даҳшатли бир манзара намоён бўлди. Хона ичи шипшийдам, тагига тўртта фишт қаланган йўл-йўл қизил тўшакдан бўлак ҳеч вақо йўқ. Остап Кольканинг уйида нима бору нима йўқлигини яхши билади, шунинг учун уни таажжубга солган нарса бу эмас. Тўшакда оёғини чалиштириб ўтирган Колькани кўриб ҳам сира ҳайрон бўлмади. Лекин унинг ёнидаги моҳипайкарга кўзи туши-ши биланоқ Остапнинг дили бузилиб кетди. Бу-нақа жононлар шунчаки таниш-билишликка увол кетади, уларнинг кўм-кўк кўзлари, оппоқ бўйин-лари бор. Булар фақат маъшуқаликка ёки бўлма-са, чаториям шундаки, хотинликка ярайди. Бу-нақалар суюкли хотин бўлади. Дарҳақиқат, Коля бу моҳипайкарни Лиза деб чақиравар, сенсиравар, икки бармогини боши узра шоҳ қилиб, кулдириб ўтиради.

Ипполит Матвеевич мовут шляпасини боши-дан олди. Остап Коляни йўлакка имлаб чақирди. Иккови йўлақда анчагача пичирлашиб туришди.

– Ҳавонинг ажойиблигини қаранг, хоним, – деди Ипполит Матвеевич.

Кўк кўз хоним шарақлаб кулди-да, Ипполит Матвеевичнинг гапига сирам алоқаси бўлмаган ҳолда қўшни қаламдондаги тентаклардан сўз очди.

– Атайлаб примус ёқиб қўйишади, ўпишса эши-тилмас эмиш. Мен сизга айтсам, фирт бемаънилик бу. Ҳаммасини эшишиб турамиз. Тўғрисини айтсам, примус ўзларига халақит беради, ҳеч балони эшишишмайди. Ҳозир исботлаб берайми? Мана, кўринг!

Колянинг рафиқаси примус сирини қанчалик ўзлаштириб олганини дарҳол исботламоқчи бўлиб:

– Зверевлар аҳмоқ, – деб чинқирди.

Девор нарёғидан примуснинг оташ пуркагани-ю, лабларнинг чўлпиллагани эшитилди.

– Кўрдингизми? Ҳеч балони эшишишмайди. Зверевлар аҳмоқ, овсар, жинни. Ана, кўрдингизми!..

– Ҳа, кўрдим, – деб жавоб берди Ипполит Матвеевич.

– Биз бўлсак примус тутмаймиз. Нима кераги бор? Ўзим гўштсиз овқатни ёқтирумасам ҳам Коля икковимиз нуқул этемаслар ошхонасига бориб овқатланамиз. Оила қурганимизда Коля шунаقا ошхонага бирга қатнаймиз, деб орзу қилган эди. Мана энди ҳар куни борамиз. Ўзим этни жудаям яхши кўраман. У ерда бўлса хамирдан котлет қилишади. Лекин, илтимос, Коляга гапириб ўтируманг буни...

Шу пайт Коля билан Остап иккови кириб келишди.

– Ҳа, майли, сеникида ҳечам иложи бўлмаса, Пантелейникига борамиз.

– Тўғри фикр, йигитлар! – деб қичқирди Коля.

– Иванопулонинг олдига бораверинглар. Михдай бола.

– Келиб туринглар, – деди Колянинг хотини, – эр-хотин хизматда бўламиз.

– Яна меҳмон чақиришяпти! – деди чапдан энг охирги қаламдон хуноб бўлиб. – Нуқул меҳмон, меҳмон!

– Сенларнинг нима ишинг бор, аҳмоқлар, овсарлар, жиннилар! – деб ёпиштириди Колянинг хотини овозини пасайтириб.

– Эшитяпсанми, Иван Андреевич, – деди жигибийрон бўлиб энг охирги қаламдон, – хотинингни ҳақорат қилишсаям миқ этмайсан-а.

Бўлак қаламдонлардаги фалвачилар ҳам гапга аралашишди. Даҳанаки жанг қизиб кетди. Ҳамтовоқлар пастга, Иванопулонинг олдига тушишди.

Талаба уйида йўқ экан. Ипполит Матвеевич гугурт чақди. Эшикка қистирилган хатни ўқишиди: «Соат 9 гача келаман. Пантелей».

– Зарари йўқ, – деди Остап, – калит қаердалигини биламан.

У пўлат сандиқнинг тагини пайпаслаб калитни топди-да, эшикни очди.

Иванопулонинг ҳужраси Колянига айнан ўхжасаям, бурчакда бўлгани учун деворининг бир томони фиштин эди. Талаба бунга ниҳоятда хурсанд эди. Ипполит Матвеевич талабанинг уйида ҳатто тўшак ҳам йўқлигини айтиб, афсус билдириди.

– Бемалол сифишамиз, – деди Остап, – Москва шароитида бунаقا зўр жой топиш қийин. Учовимиз ерда ётсак, яна бир кишилик жой ҳам қолади. Лекин Пантелей фирт итвачча экан. Қизиқ, тўшакни нима қилдийкин-а?

Хона деразаси тор кўчага қараган экан. Кўчада милиционер юрибди. Рўпарада готик услубда минора шаклида қурилган уйчада тарикдай бир давлатнинг элчихонаси жойлашган. Темир панжара ортида теннис ўйнашяпти. Оппоқ коптот ўртада сарсон. Узук-юлуқ гаплар эшитилади.

– Аут, – деди Остап, – ўйин савияси пастроқ экан. Қани, бир дам олайлик бўлмаса.

Ҳамтоворлар полга газета түшашди. Ипполит Матвеевич доим ёнида юрадиган шапарак болишини олди.

Остап телеграммалар устига чўзилиб пинакка кетди. Ипполит Матвеевич аллақачон донг қотиб ухлаб қолган эди.

Ўн еттинчи боб

ТҮШАКНИ АРДОҚЛАНГ, ЎРТОҚЛАР!

- Лиза, овқатга кетдикми?
- Егим келмаяпти. Кеча овқатландым-ку.
- Галингга тушунолмадим.
- Ёлғондакам қуён гўшти жонимга тегди.
- Бу нима бемаънилик!
- Сабзавот сосискани кўрсам, кўнглим айнийди.
- Бугун шарлотка¹ ерсан.
- Буниям егим йўқ.
- Секироқ гапир. Ҳамма эшитяпти.

Ёш келин-куёв асабий ҳолда шивир-шивирга ўтишди. Орадан икки дақиқа ўтмаган ҳам эдики, севган ёри сабзи, картошка ҳамда нўхат солиб тайёрланган сосискани ўзичалик хуш кўрмаслиги уч ойлик куёв бўлмиш Коляга бугун биринчи марта аён бўлди.

- Бундан чиқди, сенга парҳез овқатдан кўра ит гўшти маъқул экан-да? - деб бақирди жаҳл устида Коля қулоғи диккайган қўшниларигаям парво қилмай.

- Секироқ бақир! - ундан баттар чинқириб деди Лиза. - Яна мени назар-писанд қилмайсан. Ҳа! Гўшт егим келади! Баъзан. Бунинг нимаси ёмон?

¹ Шарлотка - гўшт ўрнига олма солиб пиширилган сомса.

Колянинг ҳайратдан оғзи очилиб қолди. Бунақа бўлишини у кутмаган эди. Гўшт дегани рўзгор пулига катта рахна солиши мумкин. Икки юзи ловиллаган Лиза тўшакда гужанак бўлиб ўтирас, қирчиллама куёв эса унинг атрофида юриб, астайдил ҳисоб-китоб қиласади.

Коля Качалов «Технокуч» чизмачилик бюросида қанчалик жонини жабборга бериб шаффофф қофозда нусха кўчирмасин, қўпи билан бир ойда қирқ сўм туширади. Уйга ижара ҳақи тўлашмайди. Зотан, бу чекка қўргонда уй-жой бошқармаси деган нарса бўлмагани учун ижара ҳақи мавхум тушунча бўлиб қолган. Лиза қурилиш техникумига тенг имтиёзли бичиш-тикиш курсида ўқигани учун ойига ўн сўм беришади. «Ўғирлама» деб аталган вегетариан ошхонасида иккови ҳар куни ҳалол тенг иккига бўлиб ейдиган тушлик овқат (монастирча боршчдан иборат битта биринчи-ю, ёлғондакам қуён ёхуд ростакам угра деб номланган битта иккинчи таом) рўзгордан ойига ўн уч сўм пулни ўмарид қолади. **Ҳўш**, қолган пул қани? Коляни дикқат қилган нарсаям шу. «Қаёқقا кетяпти шунча пул?» – дейди хаёл суриб қўлидаги рейсфедер билан ҳаворанг қоғоз бетига узунасига ингичка чизиқ тортар экан. Бунақада гўштхўрлик оилани адойи тамом қиласади-я. Шунга кўра Коля қизишиб гапира кетди:

– Бу қанақа гап, ўлган жониворларнинг жасадини хомталаш қилишади-я! Маданий одамхўрликнинг ўзи-ку! Жамики касаллик гўштдан бошланади.

– Нимасини айтасан, – луқма ташлади Лиза аста киноя қилиб, – масалан, томоқ оғрифиям.

– Ҳа, ҳа, томоқ оғрифиям. Шуниям билмайсанми? Нуқул гўшт истеъмол қилган организм заифлашиб, макруҳ зотига бас келолмай қолади.

- Қандай бемаънилик!
- Бемаънилик эмиш-а. Фирт бемаъни деб кўпроқ витамин ейиш ўрнига бўлар-бўлмас нарсани қоринга тиққан одамга айтилади.

Коля бирдан жимиб қолди. Маза-матрасиз, чучмал уграялар, бўтқа-ю картошкали хўраклар секин-аста фойиб бўлиб, кўз ўнгида чўчқа гўштидан қилинган билқиллама котлет намоён бўлди. Котлет ҳозиргина товадан тушгандай жизиллаб, кўпириб, ажиг ҳид таратиб туради. Котлетга тиқилган устухон рақибнинг қўлидаги тўппончага ўхшаб кураш майдонига даъват қиласарди.

- Тушунсанг-чи, ахир, – деди жон ҳолатда бўғилиб Коля, – аллақандай чўчқа котлети бир ҳафталик умрнинг заволи-я!

- Нима бўпти! – деб жавоб берди Лиза. – Ёлғондакам қуён ярим йил умрни қақшатади. Кеча сабзи димлама еб ўтирганимизда бирам ёмон бўлдимки. Сенга айтмай кўя қолдим.

- Нега айтмас экансан?

- Мажолим келмади. Сал қолди йиглаб юборишимга, шундан қўрқдим.

- Энди қўрқмайсанми?

- Энди менга бари бир.

Аиза пиқиллаб йиглай бошлади.

- Лев Толстой ҳам гўшт емаган, – деди Коля овози қалтираб.

- Шунақами, – жавоб берди Лиза ҳиқиллаб, – граф сарсабил еб турган.

- Сарсабил қаёқда-ю, гўшт қаёқда.

- «Уруш ва тинчлик»ни ёзаётганида-чи? Гўшт еган! Еган, еган, еган! «Анна Каренина»ни ёзаётганидаям гўштни паққос урган, урган, урган!

- Ўчир овозингни!

- Урган дедим, урган! Урган!

– Хүш, «Крейцер сонатаси»ни ёзаётганида-чи, ундаям урганми гүштни? – заҳарханда билан сўради Коля.

– «Крейцер сонатаси» кичкина нарса. Карам сосискадан боши чиқмай, «Уруш ва тинчлик»ни ёзиб курсин-чи!

– Ўша Толстойинг билан намунча менга осилиб қолдинг?

– Толстой билан осилиб қолдимми сенга? Мен а? Сизга осилиб қолдикми ҳали?

Коля ҳам уни сизлашга ўтди. Қўшни қаламдон-дагилар суюниб кетгани овозидан маълум бўлди. Лиза қўлда тўқилган ҳаворанг қалпоқчасини бостириб кийиб олди.

– Қаёққа кетяпсан?

– Гапирма менга. Ишим бор!

Лиза югуриб чиқиб кетди.

«Қаёққа бориши мумкин?» – кўнглидан ўтказди Коля. Кейин қўшниларга қулоқ солиб турди.

– Хотин зотини эрка қилиб юборди-да, давлат ҳокимияти, – деган овоз келди чапдан охирги қаламдондан.

– Ўзини сувга ташлайди! – фикр билдириди учинчи қаламдон.

Бешинчи қаламдон примусини ёқиб, кундалик куйманчиғини – ўпишишни бошлади.

Лиза ўпкаси тўлиб кўчада чопқиллаб борарди.

Якшанба кунининг худди шу палласида бозордан тўшак олган баҳтиёрлар Арбатдан ўтади.

Пружинали тўшакнинг асосий харидорлари келин-куёвлару ўртаҳол кишилар. Улар тўшакни тик кўтариб, қучоқлаб ўтишади. Баҳт-саодат ваъда қилган, жимжима гулли, ҳаворанг тўшакни ким ҳам бағрига босмайди, дейсиз!

Ўртоқлар! Ҳам ҳаворанг, ҳам гулдор, ҳам пружинаси бор матрацларни эъзозланг! Оиланинг

гули, анжом сараси, уй ҳусни, мұжаббат чашмаси, примус падари шу түшак бўлади! Танти пружиналари фижирлаб турганда ухлашга нима етсин! Мовий түшакда ётганда одамнинг тушига нималар кирмайди, дейсиз? Түшак эгаларига тасанно айтамиз!

Тўшаксиз одам ипирисқига ўхшайди. Унинг боридан йўғи яхши. Солиқ тўламаса, хотин олмаган бўлса, таниш-билишлари чоршанбагача қарз бериб турмаса, такси ҳайдовчилари орқасидан сўкиб қолса, қизлар хаёлпараст экан деб майна қилса, шу ҳам тирикчилик бўлдими.

Тўшаксиз одам кўпинча шеър ёзади:

*Буре соат деворда, термиламан маҳлиё,
Қорда йўнар загчалар армоним олиб гўё.*

У телеграмма юбормоқчи бўлиб келган серташибиш тўшак соҳибларининг фашига тегиб, нақ телеграф конторкаси орқасида ўтириб ижод қиласди.

Тўшак – умрнинг згови. Унинг авра-астари-ю, пружиналарида шундай жозибадор куч борки, буни ҳали ҳеч ким тагига етолган эмас. Пружиналаридан ҳар овоз чиққанида одамлару буюмлар югуриб келишади. Молия вакили билан қизлар ҳамиша ҳозири нозир. Улар тўшак соҳиблари билан дўстона алоқа ўрнатмоқчи бўлишади. Молия вакили давлат манфаатини, яъни хазинани ўйлаб бу ишга кўл урса, қизлар мақсади бегараз бўлади, улар табиат қонунларига амал қилиб келишади.

Ёшлик чечак ёзади. Солигини ундирган молия вакили кўклам гулларидан пора олган асаларидай шодон визиллаб, бириктирилган уяси томон қанот қоқади. Орқага чекинган қизлар ўрнини

хотини эгаллаб, уйда «Ювель – № 1» примуси пайдо бўлади.

Тўшак худди юҳога ўхшайди. Доим унинг нафсига уриб туриш керак. Кечалари томдан тушган тарашадай бехос тиқирлаб кетади. Унга ҳали китоб жавони керак. Пружина ишга тушган сари у дераза парда, эшик парда, идиш-товоқ талаб қиласверади. У одам боласини ўз ҳолига қўймайди, ҳадеб:

- Бор! Кир тахта билан жўва олиб кел!
- Одам ҳам шунаقا бўладими? Ҳалигача гила-минг йўғ-а?

– Ишла! Яқинда бола-чақали бўласан! Болага йўргак керак, аравача керак, пул топ, – деб буйруқ бераверади.

Тўшакнинг хотираси зўр, нима қилишиниям ўзи яхши билади.

Ҳатто шоир ҳам кўпчиликнинг бошига тушган қисматдан қутулиб қоломмайди. Мана, шўрлик шоир бозордан тўшак қўтариб келяпти. Жон ҳолатда унинг юмшоқ қорнини бағрига босган.

– Кўпам тихирлик қиласверма, шоир! – дейди тўшак. – Энди телеграфга бориб шеър ёзмайсан. Умуман, шеър-пернинг нима кераги бор? Одамларга ўхшаб ишла сен ҳам! Кирим-чиқимдан қолгани ўзингга фойда. Хотинингни, бола-чақангни ўйласанг бўлмайдими?

– Уйланмаганман-ку ахир! – деб чинқиради шоир пружинали устозидан ҳуркиб.

– Уйланмаган бўлсанг, уйланасан. Дунёдаги энг кўҳлик қизни оласан, деб ваъда беролмайман. Феъл-атвори қанақа бўлади, униям билмайман. Пешонангдан кўрасан. Ували-жували бўласан.

- Болага тоқатим йўқ.
- Кўнишиб кетасан!
- Мени қўрқитвордингиз-ку, ўртоқ матрац!

– Жим, аҳмоқ! Кўпам ҳомлик қилаверма! Ҳали сен Мосдревдан¹ насияга жиҳоз оласан-а, билансми шуни?

– Сени нобуд қиласман, тўшак!

– Гўдак! Агар шу ишни қиласдиган бўлсанг, қўшниларинг дарҳол уй-жой бошқармасига етка-зишади.

Ана шу тарзда ҳар якшанба куни баҳтиёр одамлар қувноқ тўшак садолари остида Москва бўйлаб елиб-югуришади.

Москванинг якшанба кунларини безаб турган нарса фақат шу эмас, албатта. Якшанба – музейлар куни.

Москвада бир хил тоифадаги одамлар бор. Улар рассомчилик нималигини билишмайди, меъморчилик билан қизиқишмайди, осори атиқаларга қайрилиб қарашмайди. Бу тоифадаги одамларни музейнинг ўзи эмас, унинг чиройли биноси қизиқтиради. Улар чароғон залларда ҳузур қилиб кезишади, нақшинкор шифтларига ҳавас билан тикилишади, қўл теккизиш мумкин бўлмаган нарсаларни пайпаслаб кўришади-да, нуқул:

– Эҳ! Рона яшашни билган-да, одамлар! – деб оҳ уришади.

Деворларни бунчалик чиройли қилиб безаган рассом француз Пюви де Шаванн эканлиги билан уларнинг иши йўқ. Шу уйнинг собиқ хўжайини бунга қанча пул тўлаганини билишса, бас. Улар зинадан кўтарилиб, очиқ саҳналарга қўйилган мармар ҳайкалчалар ёнидан ўтишаётганда шу ерда қанча хизматкор турганини, буларнинг ҳар

¹ Мосдрев – Москва губернияси ёғочсозлик саноати корхоналари бирлашмаси (Объединение предприятий деревообрабатывающей промышленности Московской губернии).

бири қанча маош олиб, қанча чойчаңа ишлаши мүмкінлігіни дарров ҳомчұт қилиб чиқишиади. Үй ичидаги камин үчөң сопол чинни билан жило-ланган, лекин бу билан ишлари йүқ, камин дега-ни серхарж нарса экан, үтін күп кетаркан, деб үтиб кетаверишиади. Улар емақхонадаги зман па-нелларға, чиройли нақшларға қиё боқишимайди. Үйнинг згаси қанақа таомлар тановул қылгани-кин, ҳозирги бебарака пулга чаққанда бу қанча бўларкин, деган фикр мияларида тинмай чарх уради.

Бунақа одамларни истаган музейдан топиш мүмкін. Экскурсиячилар биридан иккінчисига үтиб, музейдаги ажабтовур мұғжизаларни томо-ша қылар экан, бу тоифадаги одам залнинг ўрта-сида бефарқ қаққайганича:

– Эҳ! Роса яшашни билган-да, одамлар! – дея пүнгиллаб зорланади.

Лиза алам ёшларини ичиға ютиб, күчада чопқи-лаб борарди. Ҳар хил хаёллар уни санжобға олган эди. У ўзининг бахтли ва қашшоқ ҳаётини ўйларди.

«Борди-ю, яна битта стол билан иккита стул олганимизда зўр бўларди-да. Примус ҳам керак рўзгорга, турмушни йўлга кўйиш керак бир амал-лаб».

Коля билан уришгани лоп этиб эсига тушди-ю, қадамини секинлатди. Бундан ташқари қорниям очиққан эди. Бирдан эри кўзига хунук кўриниб кетди.

– Ўтакетган бемаънилик бу! – деди у овозини чиқариб.

Қорни баттар таталаб кетди.

– Яхши, яхши. Нима қилишни ўзим биламан.

Лиза күчада савдо қилиб ўтирган аёлдан шартта бир дона колбасали бутерброд сотиб олди. Нафси

жакалак отаётганига қарамай күчада овқат ейиш-
га ийманди. Ҳарқалай, у түшак соҳибаси, турмуш-
нинг баланд-пастини яхши билади-да. Лиза орқа-
сига бир қараб олгач, икки қаватли бино дарвоза-
хонасига ўтди. Кейин зўр иштаҳа билан бутерброд-
ни ейишга тушибди. Колбаса қойилмақом экан. Бир
гала экскурсиячилар дарвозахонага киришибди. Улар
ўтиб кета туриб, Лизага қараб қўйишибди.

«Қараса қарайвермайдими!» – ўзича деди Лиза
аламзадалик билан.

Ўн саккизинчи боб
ЖИҲОЗЛАР МУЗЕЙИ

Лиза рўмолчаси билан оғзини артгач, кўйлаги-
даги увоқларни қоқиб ташлади. Кайфияти анча
тетиклашган эди. Ўзи эса:

ЖИҲОЗ МАҲОРАТИ МУЗЕЙИ

деган ёзувнинг олдида турарди.

Үйга қайтишни эп кўрмади. Биронникига бо-
рай деса, таниш-билиши йўқ. Ёнида йигирма
тийин пули бор. Шу тариқа Лиза мустақил ҳаёт-
ни музейдан бошлишга жазм қилди. Йўлини пай-
паслаб кўргач, вестибюлга қадам қўйди. Вести-
бюлга кириши билан исқирил соқолли бир одамга
дуч келди. Бу одам яшил тош билан сирланган
устунга олайиб қарап ва мўйлови тагидан ўқтин-
ўқтин:

– Хўп бойлар ўтган-да! – деб фудраниб қўярди.

Лиза меҳр билан устунга бир қараб олгач,
юқорига чиқди.

Шифти ниҳоятда паст бўлгани учун ҳар қан-
дай одамниям девдай баланд қилиб кўрсатувчи

мўъжаз хоналарда Лиза ўн дақиқача айланиб юрди.

Хоналар ҳайбатли ампир услубида безатилган, ноёб дараҳт ёғочи-ю Карелия оққайинидан ишланган жиҳозлар содда, кўркам, айни пайтда жангари. Ёзув столининг рўпарасида иккита чорқирра жавон. Жавоннинг ойнали эшикларида найзалар кесишиб турибди. Столнинг эса ҳадди-худуди йўқдай. Ёнида ўтирган одам нақ театр майдони рўпарасида кўриб тургандай бўлади. Қолаверса, майдондаги Катта театр ўзининг баҳайбат устунлари ҳамда Апполонни «Лолақизғалдоқ» премьерасига судраб кетаётган икки жуфт бронза тойчоги билан стол устидаги ёзув қуролларига ўхшаб кетади. Сабзини қуён гўшти ўрнида кўриб юрган Лизага шундай туюлган бўлиши ҳам мумкин. Девор тагига баланд суюнчиқли курсилар қўйилган бўлиб, суюнчиғининг тепаси худди қўчқорнинг шохига ўхшаб қайрилган. Курсиларнинг шафтоли жилдида нур ўйнайди.

Қанийди шунақа курсига ўтириб, бирроҳат қиласанг. Лекин ўтириш ман қилинган-да.

Лиза ҳайбатли ампир услубидаги бу ажойиб курсини хаёлан йўл-йўл қизил тўшаги билан сошлишириб, икковини ёнма-ён қўйди. Иккови йифлаб кўришгандай бўлди. Шундан кейин у девордаги таҳтачадан ҳайбатли ампир услуби ҳақидағи илмий ва ғоявий изоҳларни ўқиб олгач, шу саройдан Коля иккаласига биттаям хона насиб қилмаганига ич-ичидан афсусланиб, нари кетди. Кутимаганда у йўлакка чиқиб қолди.

Чап томонида ер бағирлаб ўрнатилган пастак, ярим доира деразалар кўринди. Ойнадан синчиклаб разм солган эди, пастда, оёғининг тагида деворига икки қатор дераза ўрнатилган, баланд устунли кенггина зал уй намоён бўлди. Бу зал уйда-

ям жиҳозлар бор экан. Томошибинлар айланиб юришибди. Лиза тұхтаб қолди. У шу пайтгача бирор марта оёгининг тагида зал уй күрмаган эди.

Хам энтикиб, ҳам ҳайрон бўлиб, анчагача пастга тикилиб турди. Шу пайт у одамлар орасида бутунги танишларини – Бендер билан унинг ўртонини ўша сипогина калбош чолни кўриб қолди. Иккови курсилар ёнидан ўтиб каттакон ёзув стодли томон кетишаётган экан.

– Жуда яхши бўлди-да! – деб юборди Лиза. – Ёлғиз ўзим зерикмайдиган бўлдим.

Азбаройи суюниб кетганидан пастга қараб югурди. Шу заҳотиёқ адашиб қолди. У қирқтacha ашё қўйилган пурвиқор меҳмонхонадан чиқиб қолди. Букри оёқ жиҳозларнинг ҳаммаси ёнғоқдан ишланган эди. Меҳмонхонадан чиқадиган жой кўринмади. Лиза яна орқасига қайтиб, гумбаз нусха хонадан ўтишга мажбур бўлди.

Бу хона деразалари шифтга яқин қурилган бўлиб, буюмлари фақат гулдор болишлардан иборатга ўшаб туюларди.

У италян Уйғониш давридаги зарбоф курсилар, голланд жавонлари, готик услубда ишланган, қора бурама устунларга ўрнатилган тахтиравонли каравотлар (бунинг ичига тушиб ётган одам чумолидай кўринмай кетса керак) ёнидан чоп-қиллаб ўтди.

Ниҳоят, унинг қулоғига экспурсиячиларнинг фала-ғовури эшитилди. Улар раҳбарларини бепарво тинглашар, марҳум император Екатерина II нинг Луи-Сез услубидаги жиҳозларга кўнгил қўйиб, мақсадларини ошкор қилгани ҳақида куйиб-пишиб айтаётган аччиқ гаплари у қулоқларидан кириб, бу қулоқларидан чиқиб кетарди.

Деворига икки қатор дераза ўрнатилган бояги кенг зал уй шу эди. Лиза уйнинг нариги бурчаги-

га ўтиб, кал-бош ҳамроҳи билан қизғин сұхбатлашиб турған танишига – ўртоқ Бендерга яқынлашды.

Лизанинг қулоғига янгроқ овоз чалинди:

– Бопта жиҳозлар экан. Лекин бизбопи булар бўлмаса керак.

– Шундай, ҳар ҳолда бошқа заллар ҳам борга ўхшайди. Ҳаммасини бир бошдан кўриб чиқишимиз керак.

– Яхшимисизлар, – деди Лиза.

Иккови қайрилиб қарашиб-ю, дарҳол афтлари бужмайиб кетди.

– Яхшимисиз, ўртоқ Бендер. Сизларни учратганим яхши бўлди. Бир ўзим зерикиб кетдим. Биргалашиб кўрайлик.

Хазинатопарлар бир-бирига қараб кўйди. Гарчи жавоҳирли стулларни излаб топишдек мушкул масалада Лиза ишнинг белига тепиши мумкинлигини тушуниб турған бўлса ҳам Ипполит Матвеевич қоматини ростлади.

– Биз-ку, гирт қишлоқилармиз-а, – деди Бендер гижиниб, – сиздек Москва одамини нима жин урди?

– Тасодифан кириб қолдим. Коля билан уришдик.

– Шунаقا денг? – луқма ташлади Ипполит Матвеевич.

– Кетдик бу ердан, – деди Остап.

– Мен ҳали ичини кўрганим йўқ-ку. Жудаям чиройли экан, – эътиroz билдириди Лиза.

– Бошланди! – деди Остап Ипполит Матвеевичнинг қулоғига шивирлаб. Кейин Лизага қараб, кўшиб кўйди: – Бу ерда кўрадиган нарсанинг ўзи йўқ. Инқироз даврига хос услуб. Керенский даври.

– Қаердадир шу ўртада уста Гамбснинг жиҳозлари бор, деб эшитувдим, – сўз қотди Ипполит Матвеевич, ўша ёққа бора қолайлик.

Лиза розилик билдириб, Воробъяниновнинг қўлтиғидан олди-да (унинг назарида Воробъянинов ёқимтой илм одамига ўшаб кетарди), эшикка қараб юрди. Гарчи вазият оғирлашган, хазинани қўлга киритиш масаласида энг нозик пайт бошланган бўлишига қарамай, Остап буларнинг қўлтиқлашиб кетаётганини кўриб, шўх кулди. Ошиқ ролига кирган пандавақилар сардори унинг кулгисини қистатган эди.

Лиза ҳамтовоқларга ҳаддан ортиқ халақит берәётган эди. Улар бирор хонага кирибоқ керакли жиҳоз бу ерда йўқлигини дарҳол сезиб, бошқа хонага тезроқ ўтмоқчи бўлишар, Лиза эса кирган жойида аллавақтгача қолиб кетарди. У жиҳозлар тўғрисида тахтачаларда айтилган томошабинларнинг жамики танқидий фикрларни баралла овозини чиқариб ўқир, ҳар бир хатти-ҳаракатини аёвсиз қамчилар, яна бунинг устига дуч келган нарсанинг олдида аллавақтгача серрайиб туради. Ўзи ҳам сезмаган ҳолда, файриихтиёрий равишда у кўрган жиҳозларини ўзининг уйига мўлжаллаб, имкониятларини чамалаб кўрарди. Готик каравот унга сирам ёқмади. Ҳаддан ташқари кенг экан. Худо ёрлақаб Коля уч квадрат саржинлик хона олган тақдирда ҳам бу ўрта аср ётоги уйларига сифлас экан. Шунга қарамай, Лиза каравотни обдан текшириб чиқди, эни билан бўйини қадамлаб кўрди. Лиза ўзида йўқ хурсанд эди. У йигитлик шаънига доф туширишни истамай уста Гамбснинг хонасига қочиб қолиш ҳаракатидан зўрға ўзини тийиб турган ҳамроҳлари қанчалик норози эканидан бехабар эди.

– Чидаймиз энди, – пицирлаб деди Остап, – жиҳозлар қочиб кетмас; менга қаранг, сардор, қизчани эзғиламанг ҳадеб. Рашқ қиласман.

Воробъянинов ялтоқланиб жилмайди.

Заллар имиллаб ўтар, ҳали-вери тугайдиганга ўхшамасди. Александр даврига мансуб жиҳозлар қалашиб ётарди. Булар анча бежирим ишланганини кўриб, Лиза суюниб кетди.

– Буни қаранг, буни қаранг! – ҳаяжонланиб деди у Воробъяновнинг енгидан тортиб. – Манави столни кўрятпсизми? Бизнинг уйимизга жудаям мос экан-да. Тўғрими?

– Ажойиб буюм! – тутакиб деди Остап. – Лекин инқирозга юз тутган.

– Бу ерни боя кўрувдим, – деди Лиза серҳашам меҳмонхонага кира солиб, энди кўрмасам ҳам бўлар, дейман.

Лиза не кўз билан кўрсинки, жиҳозларга хуши йўқ ҳамроҳлари остонаяда таёқдай қотиб туришибди.

– Нега турибсизлар? Кетдик. Мен чарчадим.

– Тўхтаб туринг, – деди Ипполит Матвеевич унинг қўлини аста бўшатиб, – бир дақиқа.

Кенг хонанинг ичи жиҳозга лиқ тўлган, Гамбс стуллари девор тагига ва стол теварагига териб қўйилган. Бурчакдаги диваннинг атрофидаям стуллар турибди. Стулларнинг букри оёқчалари-ю, шинам суюнчиқларини кўриб, Ипполит Матвеевич нинг кўзи ўйнаб кетди. Остап Ипполит Матвеевичга синовчан назар ташлади. Ипполит Матвеевич қизариб-бўзарди.

– Сизни чарчатиб қўйдик, ойимқиз, – деди Остап Лизага қараб, манави ерга ўтириб, бир дамингизни олинг, бизлар айланиб турдимиз. Анча қизиқарли залга ўхшайди.

Лиза кўрсатилган жойга ўтирди. Хазинатопарлар дераза ёнига боришли.

– Шуларми? – деб сўради Остап.

– Шуларга ўхшайди. Яхшироқ текшириб кўриш керак.

– Стуллар бутми?
– Ҳозир санаб кұраман. Тұхтанг-чи, тұхтанг...
Воробъяников жавдираганича стулларга тики-
либ қолди.

– Қанақаси бу, тилга кирди у ниҳоят, – йигир-
мата-ку. Бўлиши мумкин эмас. Ўнтадан ошмас-
лиги керак.

– Яхшилаб разм солинг-чи, балки булар бошқа
стуллардир.

Улар бир стулдан иккинчисига ўтиб, обдан тек-
шириб чиқишиди.

– Хўш? – тоқати тоқ бўлиб сўради Остап.

– Суянчиғи меникига ўхшамайроқ турибди. –
Демак, улар эмас. Шундайми?

– Шундай.

– Сиз билан ош-қатиқ бўлиб, чакки қилганга
ўхшайман.

Ипполит Матвеевич бутунлай гангид қолди.

– Ҳа, майли, – деди Остап, – мажлис давом эта-
ди. – Стул тош эмаски, сувга чўкиб йўқолса. То-
пилиб қолар. Қани, қоғозларни бу ерга олинг-чи.
Оёғим тортмаётган бўлсаям, музей маъмурияти-
га бир кўриниш беришга тўғри келади. Қизча-
нинг ёнида ўтира туриңг, мен дарров келаман.

– Нега хафа кўринасиз? – деб сўради Лиза.–
Чарчадингизми?

Ипполит Матвеевич индамай кўя қолди.

– Бошингиз оғрияптими?

– Ҳа, бир оз. Ташибиш кўп, биласиз. Ёнингда
мехрибон аёл бўлмагандан кейин турмушнинг
мазаси қочаркан.

Оденинига Лиза ҳайрон бўлди, кейин калбош ҳам-
роҳига синчиклаб разм согач, ич-ичидан унга раҳ-
ми келди. Воробъяниковнинг кўзлари киртайиб,
салқи қовоқлари пенсне тагидан аниқ кўриниб
турарди. Уездда тинчгина мудирлигини таш-

лаб, жавоҳир илинжида тиним билмай елиб-югуришлар, бунақа беҳаловат турмуш ташвишлари уни енгид қўйган эди. Ипполит Матвеевич жуда озиб кетган, бунинг устига жигаридан ҳам нолиб қолган эди. У Бендернинг қош-қовоғига қарайвериб ўзининг кимлигини унтиб қўйган, турк фуқароси фарзандининг зўр фаҳм-фаросати олдида бутунлай гангид қолган эди. Мана, энди у Калачовадек дилбар жувон билан бир лаҳза ёлғиз қолди-ю, бошига тушган бутун надомат ва ташвишларни тўкиб солмоқчи бўлди. Аммо бунга юраги дов бермади.

– Шунақа гаплар, деди у ёнидаги суҳбатдошига меҳр билан термилиб. – Хўш, ўзингиздан сўрасак, Елизавета.

– Петровна. Сизнинг исм-шарифингиз?

Исл-шарифлари маълум бўлди.

«Қайноқ мұҳабbat достони», деб хаёлидан ўтказди Ипполит Матвеевич Лизанинг бежиримгина чехрасига тикилиб. Шу тоб қари сардор турмушга маза киритадиган меҳрибон аёл тафтини шунақаям истаб кетди, натижада дарҳол Лизанинг қўлчаларини серажин кафтига босиб, Париждан сўз очди. Ипполит Матвеевич шу тобда пулдор, танти, басавлат бўлгиси келди. Қани энди аёллар оркестридан бирорта жононни илинтириб, алоҳида хонада у билан мусиқа садолари остида редерер ичишиб ўтирса. Редерер нималигини, аёллар оркестри нималигини умрида эшитмаган бу тўпори қиз билан нима ҳақдаям гаплашиш мумкин. Лекин ичи ёниб турган бўлса, сардор нима қилсин! Бинобарин, Ипполит Матвеевич Лизани оғзига қаратиб, Парижни кўпиртириб мақтай кетди.

– Илмий ходим бўлиб ишлайсизми? – деб сўради Лиза.

— Ҳа, маълум даражада, — деб жавоб берди Ипполит Матвеевич. У Бендер билан топишганидан бери яна асли ҳолига қайтиб, ёлғонни ямламай ютадиган бўлиб қолганини сезиб юрарди.

- Айбга буюрмайсиз, ёшиңгиз нечада?
- Мен мутасадди бўлиб турган илм-фанга бунинг аҳамияти йўқ.

Унинг ҳозиржавоблиги Лизага ёқиб тушди.

- Ҳар ҳолда нечадасиз? Ўттиз? Қирқ? Эллик?
- Шунга яқин. Ўттиз саккизга кирдим.
- Оҳо! Анча ёш кўринасиз.

Ипполит Матвеевичнинг кўнгли тоғдай кўтарилиб кетди.

- Сиз билан яна кўришиш баҳтига қачон мұясар бўламиз? — деб сўради Ипполит Матвеевич французча талаффуз билан димоқда сўзлаб.

Лиза қаттиқ хижолат тортди. Ўтирган ерида бетоқатланиб, юраги сиқилди.

- Ўртоқ Бендер нимага ҳаяллаб қолдийкин, а?
- деди у заифона.

— Хўш, қачон кўришамиз? — деб сўради Воробьевинов сабрсизланиб. — Қачон ва қаерда?

- Қайдам. Ўзингиз биласиз.
- Бугун бўладими?
- Бугун дейсизми?
- Ўтиниб сўрайман.

— Ҳа, майли. Бугун бўлса бугун. Уйга боринг.

— Йўқ, очиқ ҳавода учрашганимиз маъқул. Ҳозир ҳаво ажойиб. «Шўхлик қилиб бу сеҳргар май, еллигичин ўйнатар тинмай», деган экан бир шоир.

- Жаровнинг шеъри эмасми бу?
- Ҳм... Шунақа бўлса керак. Бугун-а, демак?

Хўш, қаерда?

- Фалати экансиз-ку! Хоҳлаган жойингизда. Пўлат сандиқнинг ёни маъқулми сизга? Биласизми? Коронғи тушгач...

Ипполит Матвеевич қоидасини келтириб, эндиғина Лизанинг қўлини уч карра ўпган ҳам эдик, Остап келиб қолди. Кўриниши фоят сипо эди.

– Кечирасиз, мадемуазель, – деди у бидирлаб, – оғайним икковимиз сизни кузатиб қўёлмаймиз. Гапиришга арзимайди-ю, лекин бағоят муҳим бир иш чиқиб қолди. Ҳозироқ иккаламиз бир жойга жўнашимиз керак.

Ипполит Матвеевичнинг юраги ҳаприқиб кетди.

– Яна кўришгунча, Елизавета Петровна, – деди ҳовлиқиб, – узр, узр, жудаям шошиб турибмиз.

Ҳамтовоқлар Гамбс жиҳозлари қалашиб ётган хонада Лизани ҳайрон қолдириб, чопганларича чиқиб кетишиди.

– Агар мен бўлмаганимда тушингизни сувга айтиб ўтирадингиз, – деди Остап икковлари зиндан тушиб келишаётгандарида. – Ҳақимга дуо қилинг! Дуо қилаверинг, қўрқманг, қўлингиз узилиб тушмайди! Қулоқ солинг! Жиҳозларингиз музей учун бир пақирга қиммат экан. Бунаقا нарсага музейда бало борми, жарима батальонининг казармасига қўйиш керак. Кўнгиллари жойига тушдими энди?

– Бу нима ҳақорат? – деб чийиллади Воробъяников ҳозиргина фаҳм-фаросати зўр турк фуқароси фарзандининг зуғумидан қутулай деб тургани эсига тушиб.

– Жим, – деди Остап пинагини бузмай, – нима гап бўлаётганидан хабарингиз йўқ. Буюмларни ҳозироқ қўлга киритмасак, иш пачава. Кейин бармоқ тишлиб қоламиз. Ҳозиргина шу тарихий чиқиндиҳонанинг мудири билан ширингина гаплашиб олдим.

– Хўш, нима бўлди? – ҳовлиқиб сўради Ипполит Матвеевич. – Мудир нима деди сизга?

– Бор тапни айтдим. Ўпкани босинг. Эски ша-
ҳардан сизларга қоғоз билан жүннатилган жиҳоз-
лар күринмаяпти, сабаб нима, айтиб беролмай-
сизми? – деб сўрадим. Табиий, жуда мулоим
қилиб ўртоқларча оҳангда сўрадим. Қанақа жи-
ҳозлар экан? – ҳайрон бўлди у, бизнинг музейда
бунақа ҳоллар бўлмайди. Дарров ордерни узатдим.
Китоб-дафттарга шўнгигб кетди. Ярим соатчадан
кейин кепқолди. Келиб нима деди денг? Қаерда
эмис жиҳозлар?

– Йўқолибдими? – аранг сўради Воробъянов.

– Буни қарангки, шунча тўс-тўполонда омон
қопти. Боя айтганимдай, музейга қўйишга арзи-
мас экан. Шунинг учун омборга тиқишибди. Бу
ёғини сўрасангиз, орадан етти йил ўтгач (омбор-
да роса етти йил ётибди-я), куни кеча ким ошди-
га чиқариб юборишибди. Главнаука¹нинг кимош-
ди савдосига. Мабодо кеча ёки бугун эрталаб со-
тилиб кетмаган бўлса, ишлар беш, деяверинг!
Кунгил жойига тушдими энди?

– Тезроқ! – деб бақириб юборди Ипполит Мат-
веевич.

– Извош! – деб қичқирди Остап.

Улар савдолашиб ўтирумай дарҳол извошга чи-
қишиди.

– Ҳақимга дуо қилинг! Бемалол дуо қилаверинг,
сардор! Шароблар, хотинлар, карталар бизга мун-
тазир. Кўк нимчанинг ҳисоб-китобиниям ўшанда
қиласиз.

Савдо зали Петровкадаги раастада эди. Ҳамто-
воқлар гижинглаган отдай пишқириб, залга ки-
риб келишиди.

¹ Главнаука – илмий, музей ва илмий-бадиий муассасалар
бош бошқармаси (главное управление научными, музейными
и научно-художественными учреждениями).

Дуч келган биринчи хонага кирибоқ иккови-
нинг кўзи ўйнаб кетди. Ипполит Матвеевичнинг
букри оёқ стуллари девор тагида ўн нафар бўлиб
тизилишиб турарди. Устидаги жилдиям ўша-ўша,
ҳечам эскирмабди, ранги кетиб, сарғаймабдиям.
Стулларнинг ўзиям ҳозиргина Клавдия Иванов-
нанинг саришта қўлларидан чиққандай гулдай
ёниб, ярақлаб турибди.

- Шуми? – деб сўради Остап.
- Вой, вой, – деди Ипполит Матвеевич ўзини ту-
толмай, – шу, шу. Худди ўзи. Бу галгиси аниқ энди.
- Ҳар ҳолда текшириб кўрган маъкул, – деди
Остап ўзини босишга интилиб.

У сотувчининг олдига келди:

- Менга қаранг, жиҳозлар музейидан келтирил-
ган стуллар шуми?
 - Ҳа, шу.
 - Сотиладими?
 - Сотилади.
 - Нархи қанақа?
 - Нархи номаълум ҳали. Кимошдига қўямиз.
 - Ҳа. Бугунми?
 - Йўқ. Бугун савдо тугади. Эртага соат бешдан
бўлади.
 - Ҳозир сотилмайдими?
 - Йўқ. Эртага соат бешдан.
- Стулларни дарров ташлаб кетишининг ҳечам
иложи бўлмади.
- Рухсат этинг, бир кўрайлик, – ялиниб деди
Ипполит Матвеевич. – Майлими?
- Хазинатоплар стулларни анчагача синчик-
лаб текширишди, устига ўтириб ҳам кўришди,
бошқа буюмларниям номига қараган бўлишди.
Воробъянинов пишиллаб, дам-бадам Остапни тир-
саги билан туртиб қўярди.
- Дуо қилинг мени! – деб пичирлади Остап, –
дуо қилинг, сардор.

Ипполит Матвеевич Остапни дуо қилиш у ёқда турсин, ҳатто олчаранг сандалининг тагини ўпишгаям мингдан-минг рози эди.

— Эртага, — дерди у ўзича, — эртага, эртага, эртага. Унинг куйлагиси келарди.

Ўн тўққизинчи боб

ЕВРОПАЧА САЙЛОВ

Ҳамтовоқлар маданий ҳаёт кечириб, музей-музей сандироқлаб, қизларга оғиз солиб юришганда Эски шаҳардаги Плеханов қўчасида истиқомат қилувчи семиз ва заифа бева Грицацуева хоним қўшниларини йигиб, роса маслаҳатлашди, сирлашди. Ҳаммалари бир бўлиб, Бендернинг ёзib қолдирган хатини синчиклаб текширишди, ҳатто ёруққаям солиб кўришди. Аммо бирор сирли белги кўринмади, мабодо шунаقا белги бўлган тақдирдаям фаросатли Остапнинг сирли ажи-бужу ёзувларидан бир нимани англаб олиш қийин эди.

Орадан уч кун ўтди. Тиқ этган товушнинг дарраги бўлмади. Бендер ҳам, симтўр ҳам, билагузук билан стул ҳам қулоғини ушлаганча кетди. Ушбу жонли ва жонсиз ашёлар сирли равишда ғойиб бўлган эди.

Шундан кейин бева енг шимариб қидиувга тушиб кетди. У «Эски шаҳар ҳақиқати» газетасининг идорасига борган эди, дарҳол битта эълон ясад беришди. Эълоннинг мазмуни шундай эди:

*Кўрган билганлардан
КАТТА ИЛТИМОС*

Ўртоқ Бендер уйдан чиқиб кетди, ёши 25–30 ларда, сариқ пойабзал, кўк нимчаси бор. Соchlари қоп-қора. Кўрганлар айтишини сўрайман.

*Каттагина ширинкома бор. Плеханов кўчаси,
15, Грицауева.*

– Ўфлингиз бўладими? – ачиниб сўрашди идорадагилар.

– Эрим бўлади! – деб жавоб берди жафокаш аёл рўмолни юзига тортиб.

– Э, эрингизми!

– Қонуний эрим. – Нимайди?

– Йўқ, шунчаки. Ҳар ҳолда милицияга мурожаат қиласангиз бўларди.

Бева қўрқиб кетди. Милиция деса лабига учук тошарди. Бева жўнаб қолди. Орқасидан ҳайрон бўлиб тикилиб қолишиди.

«Эски шаҳар ҳақиқати» саҳифаларидан учдафъа хитоб эшитилди. Лекин улуғ мамлакатнинг бирор бурчагидан садо чиқмади. Сариқ ботинкали буғдойранг одамни кўрган-билганлар топилмади. Яхшигина ширинкомага эга чиқмади. Кўшни хотинлар чакаги очилди.

Тул хотин манглайи тиришиб, бутунлай ҳаловатини йўқотиб қўйди. Лекин дунёнинг ишлари қизиқ экан: эри зим-зиё тунда машъаладай бир порлаб, рўзгорига бинойидай яраб турган стули-ю симтўр билан ўша куниёқ баравар ғойиб бўлган бўлса ҳам ҳамон уни севади. Хотин кишининг, айниқса, бева хотин қалбига сирайм тушуниб бўлмас экан-да.

Эски шаҳар аҳолиси трамвайга кўнишиб, энди ҳадиксирамайдиган бўлиб қолган. Кондукторлар ўқтин-ўқтин «жой йўқ» деб бақириб қўйишади-да, худди Владимир Зар Куёш замонидаям бу шаҳар трамвай билан ошно бўлгандай яна ҳамма нарса изига тушиб кетаверади. Ҳамма тоифадаги ногиронлар, болали аёллар ва Виктор Михайлович

Полесов трамвай олдиdan чиқишади. Полесов «Чипта олинглар», деган дағдағани әшитиб, ва-жоҳат билан ҳар сафар «Бизники бир йиллик!» деб қўяди-да, ҳайдовчи олдида серрайиб тураверади. Бир йиллик чипта нима қилсин унда.

Воробъянов билан буюк мудаббир шаҳарни алғов-далғов қилиб кетишган эди.

Исёнчилар ўзлари билган сирни авайлаб пинҳон тутишарди. Ҳатто Виктор Михайловичдай одам ҳам гум эди. Полесовнинг баъзида юраги тошар, маҳфий сирни бирортасига айтиб, ичини бўшатиб олгиси келарди-ю, лекин Остапнинг бақувват кифтлари эсига тушиши билан оғзини маҳкам юмиб оларди. Фолбин билан ҳангомалашиб ўтирган кезларидагина сал юрагини бўшатиб оларди.

– Сиз нима деб ўйлайсиз, Елена Станиславовна, – дерди у, – раҳбарларимиз нега кўринмай қолишидийкин?

Елена Станиславовнанинг ўзиям буни жуда билгиси келарди-ю, лекин иложи қанча.

– Сизнингча қалай, Елена Станиславовна, – деб яна гап қотарди жонсарак чилангар, – улар муҳим бир топшириқ билан юрган бўлишса-я?

Фолбиннинг бунга имони комил эди. Қизил иштонли тўтиқуш ҳам шу фикрда бўлса керакки, Полесовга ўйчан тикилган мунчоқдай қўзларида: «Менга писта чўзсанг, ҳаммасини айтиб бераман. Виктор, сен губернатор бўласан. Ҳамма чилангарлар измингда бўлади. 5-й қоровули шаллақи қоровуллигича қолаверади», деган маъно борга ўхшарди.

– Сизнингча қалай бўларкин, Елена Станиславовна, ишни давом эттирганимиз маъқул эмасми? Ҳар ҳолда қўл қовуштириб ўтириш яхши эмас!

Фолбин бунга рози бўлиб:

– Ипполит Матвеевич қаҳрамон одам экан! – деб қўшиб қўйди.

– Секинроқ айтасизми, Елена Станиславовна! Қаҳрамон бўлганда қандоқ. Ёнидаги жанговар офицер-чи? Ишнинг кузини биладиган одам экан! Нима десангиз денг, лекин ишни бунчалик ўз ҳолига ташлаб қўйиб бўлмайди, Елена Станиславовна. Сиräям бўлмайди.

Полесов ҳаракатни бошлаб юборди. Махфий «Қилич ва омоч» бирлашмасининг ҳамма аъзоларини бир-бир йўқлаб чиқадиган бўлди. «Одесса нон артели – Москва тешиккулчалари»нинг эҳтиёткор хўжайнини – ўртоқ Кислярский бундан айниқса безовта бўлди. Полесовни кўрса, Кислярскийнинг тиззаси қалтирайдиган бўлиб қолди. Амалий ишга ўтиш ҳақидаги гапларни эшлитиб, қуёнюрак новвойнинг эсхонаси чиқиб кетди.

Ҳафтанинг охирги куни ҳаммалари Елена Станиславовнанинг тўтили хонасига йиғилишди. Полесов кўпириб кетди.

– Кўпам бидирлайверма, Виктор, – деди унга қараб оғиркарвон Дядьев, – кун бўйи кўчама-кўча изғиганинг нимаси?

– Амалий ишга ўтиш керак! – деб қичқирди Полесов.

– Бу тўғри гап, лекин бақириш керак эмас. Мен бундоқ деб ўйлайман, жаноблар. Ипполит Матвеевич айтдими, бас, бу муқаддас иш. Билишимча, буёғиям оз қолганга ўхшайди. Қандоқ бўлади, қандоқ қўяди, бу билан бизнинг ишимиз йўқ, уни ҳарбийларнинг ўзи эплайди. Бизлар тинч аҳолимиз, шаҳар зиёлилари билан савдо аҳлининг вакилларимиз. Шундоқ экан, вазифамиз нима? Тайёр туриш. Хўш, тайёргарлик борми? Марказимиз борми? Йўқ. Шаҳарга ким бош бўлади? Ҳеч ким.

Аслида энг муҳими шу, жаноблар. Инглизлар биз билан энди пачакилашиб ўтирадиганга ўхшамайди, жаноблар. Биз учун биринчи белги шу. Аҳвол ўзгаради, жаноблар, тезда ўзгаради. Гапимга ишонаверинглар.

– Ҳа, бунга заррача шубҳамиз йўқ, – деди Чарушников виқор билан.

– Шубҳа бўлмаса, жуда соз. Сиз қандай фикрдасиз, жаноби Кислярский? Сизлар-чи, йигитлар?

Никеша билан Владяниг турқи-таровати аҳвол тез ўзгаришига қаттиқ ишонганидан далолат берарди. «Жадалтой» савдо фирмаси бошлигининг ҳозиргина айтган гап-сўзларини эшлитиб, шу қирғинбарот жангларда шахсан иштирок этиши шарт эмаслигини тушунган Кислярский хурсанд бўлиб ризолик билдириди.

– Ундай бўлса ҳозир нима қилишимиз керак? – сабрсизланиб сўради Виктор Михайлович.

– Шошилманг, – деб жавоб берди Дядьев, – жаноби Воробъяниковнинг ҳамроҳидан ибрат олсангиз бўлмайдими. Ана устомонлик! Ана эҳтиёткорлик! Гапни дарров боқимсиз болаларга бурганини кўрдингизми? Бизлар болаларга ёрдам беряпмиз, холос. Энди, жаноблар, номзодларга ўтсак!

– Ипполит Матвеевич Воробъяниковни дворянлар сардорлигига тавсия қиласиз! – ҳайқиришди Никеша билан Владя.

Чарушников жўрттага йўталиб қўйди.

– Паст кетвوردиларинг-ку! У киши камида министр бўлади. Ҳокими мутлақ бўлишгаям қурби келади!

– Бу қанақаси, жаноблар, – деди Дядьев, – сардорга бало борми шу тобда. Ҳозир сардорни эмас, губернаторни ўлашимиз керак. Ишни губернатордан бошлаймиз. Менимча...

– Жаноби Дядьев бўлсин! – жўшиб кетди Полесов. – Бутун губерния измини ундан бошқа ким ҳам ўз қўлига ола билади?

– Менга кўрсатилган ишонч учун фоят миннатдорман... – деб Дядьев гап бошлиган эди, лавлагидай қизариб, Чарушников сўз қотди.

– Жаноблар, бу масалани мубоҳаса қилиб кўриш керак, – деди у томоқ қириб.

У Дядьев ўтирган томонга қарамасликка ҳаракат қиласарди.

«Жадалтой»нинг соҳиби қипиқ ёпишган этиклидан қўзини олмай ўтиради.

– Мен қарши эмасман, – деди у ниҳоят, – майли, овозга қўяйлик.

– Яширин йўл биланми ё очиқ бўлсинми?

– Бизга бошқачаси керак эмас, – деди Чарушников алам билан, – европачасига, ҳалол бўлсин, яширин овоз берамиз.

Қоғозга рўйхат ёзиб, овоз беришди. Дядьевга тўрт киши, Чарушниковга икки киши овоз берибди. Кимдир бетараф қолибди. У Кислярский экани шундоқ юз-кўзидан маълум эди. Ким сайланнишидан қатъи назар, у бўлғуси губернатор билан ҳозирданоқ муносабати бузилиб қолишини истамасди.

Полесов европача ҳалол сайлов натижаларини титраб-қақшаб эълон қилаётганида хонага оғир жимлик чўкди. Ҳаммалари Чарушниковдан кўзларини олиб, қочишарди. Омади юришмаган губернаторликка номзод ит талаган мушукдай шумшайиб ўтиради.

Елена Станиславовнанинг юраги ачишиб кетди. Унга овоз берган ҳам ўзи эди.

Иккинчи овоз эса сайлов ишларида суюги қотган Чарушниковнинг ўзиники эди. Кўнгилчан Елена Станиславовна дарҳол сўз олди:

– Шаҳар ҳокими қилиб ҳар ҳолда мосъё Чарушниковни сайлашни таклиф қиласман.

– Нега энди ҳар ҳолда бўларкан? – деда луқма ташлади танти губернатор. – Ҳар ҳолда эмас, фақат шу кишининг ўзини сайлаймиз, бошқа ҳеч кимни эмас. Жаноби Чарушниковнинг ижтимоий фаолиятини ҳаммамиз яхши биламиз.

– Розилик берсинглар, розилик берсинглар, – деб чувиллади жамоат.

– Хўш, сайладик ҳисобми?

Шумшайиб ўтирган Чарушниковга бирдан жон кириб, овозиям чиқиб қолди:

– Йўқ, йўқ, жаноблар, овозга қўйишларингни илтимос қиласман. Губернатордан кўра ҳам кўпроқ шаҳар ҳокимига сайлов ўтказиш керак. Жаноблар, мени шу лавозимга лойиқ кўраётган экансиз, марҳамат қилиб овозга қўйинглар, ўтиниб сўрайман!

Бўш қанддон бир зумда қофозга тўлди.

– Олти киши ёқлаб овоз берибди, – эълон қилди Полесов, – бир киши бетараф.

– Табриклайман, жаноби ҳоким! – деди яна бетараф қолгани юз-кўзидан маълум бўлиб турган Кислярский. – Муборак бўлсин!

Чарушниковнинг чеҳраси ёришиб кетди.

– Қиттай-қиттай қилсак бўлар энди, жаноби олийлари, – деди у Дядьевга мурожаат қилиб. – Полесов, «Октябрь»га физимла. Пулинг борми?

Полесов қўли билан сирли бир ишора қилиб, юрганича чиқиб кетди. Сайлов маросими вақтинча тўхтатилди. Кечки овқат устида овоз беришлар яна давом этди.

Дворянлар гимназиясининг собиқ директори, ҳозир эса эски китоблар дўконида хизмат қилаётган Распоповни ўқув юртлари мутасаддилигига лозим топишиди. Ҳаммалари унинг мақтовини кел-

тиришди. Бироқ уч қадаҳ ароқ сипқорган Владя тўсатдан бунга қарши чиқди:

– Бу жойга лойик эмас у одам. Охирги имтиҳонда мантиқдан менга икки кўйган.

Владяга дарҳол дакки беришди.

– Бунақа қалтис пайтда ҳеч ким ўз манфаатини кўзламаслиги керак! – деб ўшқириб беришди.

– Ватанни ўйлаб иш тутинг.

Азбаройи дарров инсофга келганидан Владя золим устозини ёқлаб овоз берворди. Распопов бир киши бетараф қолган ҳолда яқдиллик билан сайланди.

Кислярскийга биржা қўмитасининг раислигини таклиф қилишди. Гарчи бунга ўзи эътиroz қилмаган бўлса ҳам овоз бериш пайтида ҳар эҳтимолга қарши бетараф қолди.

Таниш-билишлари ва қариндош-уруғларини бир-бир эслашиб, полицмейстер¹, олтин ва кумушлар пробасини² аниқлаш муассасининг мудири, солиқ тўлов ва саноат мубошири лавозимларига одам танлашди; округ прокурори, суд раиси, суд котиби ҳамда аъзоларининг ўрни тўлдирилди; земство³ ҳамда савдо маҳкамаларига, болалар мутасаддилигига ва ниҳоят, мешчанлар⁴ маҳкамасига раислар тайинланди. Елена Станиславовнани «Бир томчи сут» ҳамда «Оқ гул» жамиятларининг мутасаддиси қилиб сайлашди. Никеша билан Владя ҳали ёш бўлганлари учун губернаторнинг мах-

¹ Полицмейстер – катта шаҳарларда милиция бошлиғи.

² Проба – олтин, кумушларда софлик даражасини аниқлайдиган рақам.

Земство – Россияда инқилобдан бурун чекли ҳукуққа эга бўлган турли маҳаллий муассасалар номи.

Мешчан – ўша вақтларда Россияда шаҳар буржуазиясига мансуб қўйи табақадаги шахслар.

сус топшириғини бажарадиган амалдор лавозимда қолдирилди.

– Ма-анга қаранглар! – деб чийиллаб қолди бирдан Чарушников. – Губернаторда бутун бошли иккита амалдор бўладими? Менга қара?

– Максус топшириқ учун амалдор ушлаб туришга шаҳар ҳокимининг ҳаққи йўқ, – мулойимгина жавоб қилди губернатор.

– Бўлмаса котиб керак.

Дядьев рози бўлди. Елена Станиславовна типирчилаб қолди.

– Менинг бир танишим бор, – деди у хижолат бўлиб, – тарбия кўрган, эс-хушли йигит, иложи бўлармикан шуни? Мадам Черкесованинг ўғли... Жудаям эс-хушли, қобилиятли ўзи... Шу кунларда ишсиз юрибди. Меҳнат биржасида рўйхатда туради. Ҳатто чиптасиям бор. Яқинда аллақандай уюшмага жойлаштириб қўйишмоқчи... Шуни қанотингизга ололмайсизми? Онаси кўп курсанд бўларди.

– Олсак бўлар дейман, – илтифот қилиб деди Чарушников, – сизлар қандай фикрдасиз, жаноблар? Ҳай, бу ёғини бир амаллармиз.

– Бўпти бўлмаса, – деди Дядьев, – умуман, ҳамаси бўлди ҳисоб-а? Ҳеч нарса эсдан чиқмадими?

Ногаҳон қўнфироқдай ингичка, аламзада бир овоз янгради:

– Мен-чи?

Ҳамма ўгирилиб қаради. Полесов тўтиқушнинг ёнида бир бурчакка қисилиб, хор-зор бўлиб турарди. Виктор Михайловичнинг униқсан киприклирида ёш кўринди. Меҳмонларнинг юрак-бағри эзилиб кетди. Шу тобда Полесовнинг ароғини ичиб ўтиргани, умуман, у «Қилич ва омоч» бирлашмаси Эски шаҳар бўлимининг асосий ташкилотчила-ридан бири эканлиги бирдан эсларига тушди.

Елена Станиславовна икки чаккасини ғижимлаб, чинқириб юборди.

— Виктор Михайлович! — деб чувиллашди ҳаммалари бараварига. — Азизим! Жонгинам! Бу нимаси ўзи, уят эмасми? Нимага бир чеккада шумшайиб турибсиз? Қани, бу ёққа келинг-чи!

Полесов жойидан жилди. У қаттиқ изтироб чекар эди. Қиличдош-омочдош шериклари бунчалик тошбағирилик қилишини у кутмаган эди.

• Елена Станиславовна чидаб туролмади.

— Жуда хунук иш бўлди, жаноблар, — деди у. — Виктор Михайловичдай қадрдон дўстимизни қандоқ унутиш мумкин, а?

У жойидан қўзғалиб, аслзода чилангарнинг курум босган пешанасидан ўпид қўйди.

— Наҳотки Виктор Михайловичдай бир одам ўқув юртлари мутасаддилигига ёки полицмейстерликка лойиқ бўлмаса-я, жаноблар?

— Хўш, Виктор Михайлович? — деб сўради губернатор. — Мутасаддиликка розимисиз?

— Ҳа-да, албатта, бу кишидан ўткир, инсонпарвар мутасадди чиқади! — деб таклифни қувватлади шаҳар ҳокими оғзидаги қўзиқоринни зўрга ютиб.

— Распопов-чи? — зорланиб деди Виктор Михайлович. — Бу ўринга Распоповни тайин қилдиларинг-ку!

— Ҳа-я, дарвоқе, Распоповни нима қиласиз?

— Брандмейстер қилсакмикан?..

— Брандмейстерми? — ҳовлиқиб кетди Виктор Михайлович.

Шу ондаёқ кўз ўнгида ёнғин аравалари-ю, вишиллаган олов жонланиб, трубалар овози, барабаннинг гумбури янграб кетди. Болталар ярақлаб, машъаллар чараклади, ер ларзага келиб, зулукдай қоп-қора аждаҳо отлар уни ўт тушган шаҳар театри томон судраб кетди.

– Брандмейстерми? Брандмейстер мен бўла қолай.

– Ана бу бошқа гап! Табриклайман. Бугундан бошлаб брандмейстерсиз.

– Ўт ўчирувчилар гуруҳининг гуллаб-яшнаши учун! – пичинг қилди биржа қўмитасининг раиси. Шу гапи учун Кислярский балога қолди:

– Сиз ҳамиша сўлчи бўлиб келгансиз! Биламиз сизни!

– Жаноблар, мен нега сўлчи бўлай?

– Биламиз, биламиз!..

– Сўлчи!

– Яҳудийларнинг бари сўлчи бўлади.

– Худо ҳақи, жаноблар, бунақа ҳазилни кўтаромайман.

– Сўлчисиз, сўлчи, биздан яширманг!

– Кечалари тушимга Милюков кириб чиқади.

– Кадет! Кадет!

– Кадетлар Финляндияни сотиб юборишган, – деб бўкириб қолди Чарушников, – японлардан пул олишган! Шуларни деб ҳаммаёқни армани босиб кетган.

Кислярский маломат тошлирига дош бера олмади. Биржа қўмитасининг раиси ранги ўчиб, кўзи жавдираганича курсининг суянчигига ёпишида-да, чинқириб:

– Мен ҳамиша фидойи бўлганман ва шундай қоламан, – деди.

Ким қайси фирмә томонида эканини суриштира кетишиди.

– Энг аввало демократия бўлиши керак, жаноблар, – деди Чарушников, – шаҳар ҳокимияти демократияга асосланиши шарт. Лекин кадетпадетига ўрин йўқ. Ўн еттинчи йилда подани булғатганиям етар.

– Орамизда демократ дегани бўлмаса керак, а?

– заҳарханда қилди губернатор.

Мажлис аҳли ичида Кислярский тимсолидаги фидойилардан бошқа сүлчилар топилмади. Чарушников ўзини «марказ» деб эълон қилди. Ўнгдан энг охирги қаторда брандмейстер турарди. У шу даражада ўнгчи эдики, ҳатто қайси фирмага манублигиниям ўзи билмасди.

Урушдан гап очилди.

- Бугун-эрта бўп қолади, – деди Дядьев.
- Уруш бўлади, албатта бўлади.
- Вақт ғаниматида ул-булни ғамлаб қўйиш керак.
- Шунақами? – ташвишланиб сўради Кислярский.

– Ия, бўлмасам-чи? Уруш вақти бир нима тошиб бўлади, деб ўйлайсизми? Бозорда дарҳол уннинг қораси ўчади! Кумуш тангалар ин-инига кириб кетади, ҳар хил қофоз пул дейсизми, уннинг ўрнини босадиган почта маркалари дейсизми, яна алламбалолар босиб кетади.

- Уруш чиқиши аниқ.
- Сизларни билмадиму, лекин мен бор пулимни рўзгорга энг керакли нарсаларга ташлайман, – деб қўйди Дядьев.
- Баззозлик нима бўлади унда?
- Баззозлик ўз йўлига, ун билан шакар ўз йулига... Сизларгаям маслаҳатим шу. Мени айтди дерсизлар.

Полесов кулимсираб қўйди.

– Ҳаво флоти қани? Юқоридагиларнинг каттаси билан бир гаплашиб қолувдим, у қанча аэропланлари борлигини айтди. Биласизларми, қанча экан?

- Икки юзтacha бўлса керак.
- Икки юзта? Қаёқда, ўттиз иккита экан борйўфи! Франциянинг бир ўзида саксон мингта ҳарбий самолёт бор-а.

– Ҳа-а... Меҳмонлар тун ярмидан оққандагина тарқалишиди.

Губернатор шаҳар ҳокимини кузатиб қўймоқчи бўлди. Икковиям бамайлихотир бир меъёрда қадам ташлаб боришарди.

– Губернатор эмиш! – деди Чарушников. – Генерал унвонинг йўғу қанақасига губернатор бўласан?

– Мен ноҳарбий генерал бўламан, алам қиляптими? Истаган пайтимда сени авахтага тиқаман. Боплаб таъзирингни берайки.

– Мени қамаш мумкин эмас. Мени сайлашган, ваколатим бор.

– Экиб қўйдим ўша ваколатингни.

– Ба-ас қилинг майнабозчиликни! – деб бўкирди Чарушников бутун кўчани бошига кўтариб.

– Нимага бақирасан, аҳмоқ, – деб сўради губернатор. – Милицияга тушгинг келдими?

– Милицияга тушсам бўлмайди, – деб жавоб қилди шаҳар ҳокими, – мен хизматчиман...

Юлдузлар чараклаган. Сеҳрли тун. Иккинчи кўчага етиб келишганда губернатор билан шаҳар ҳокимининг баҳси авжга минди.

Йигирманчи боб

СЕВИЛЬЯДАН ГРЕНАДАГА ҚАДАР

Ия, ҳазрати Фёдор қанилар? Фрол ва Лавр черковининг тарашланган руҳонийси қани? У Брунсни излаб, Узумзор кўчасидаги 34-уйга бормоқчи эди, шекилли? Авлиё либосидаги бу хазинатопар, шу тобда қоронғи йўлакдаги пўлат сандик ёнида пусиб турган Ипполит Матвеевич

Воробьянинов бу ашаддий ғаними қаёққа гум-
дон бўлдийкин?

Ҳазрати Фёдор йўқолиб қолди. Уни Донецк
йўлидаги Попас станциясида кўрганлар бор эмиш.
Перронда чойнак кўтариб, доғ сув қидириб юр-
ганмиш...

Ҳазрати Фёдорнинг нафси ҳакалак отди. Бой
бўлгиси келди. Попова деган генерал ойимнинг
жиҳозлари (сирасини айтганда, ичида ҳеч вақо
йўқ) уни Россия бўйлаб дарбадар қилди.

Ҳазрат Россияни кезиб, хотинига номалар ёзив
турибди.

Ҳазрати Фёдорнинг номаси

*Харковда, вокзалда ёзилган,
шаҳарда яшовчи хотинига атаб
битилган.*

Меҳрибоним Катерина Александровна!

Олдингда фоят гуноҳкорман. Шундай пайтда
сен бечорани ёлғиз ташлаб кетдим.

Бор гапни айтиб бермоқчиман. Мени тушуна-
сан, бинобарин, шу ишни тўғри эканига иқор
бўласан, деб ўйлайман.

Мен ҳеч қанақа янги мазҳабга кирганим йўқ
албатта, буни ўйлаганим ҳам йўқ, Худо ўзи асрар-
син.

Энди бу ёғини диққат билан ўқи. Тез орада тур-
мушимиз ўзгариб кетади. Эсингдами, сенга шам
заводи ҳақида гапирган эдим. Шунақа заводи-
миз бўлади энди, яна бошқа нарсалар ҳам. Бун-
дан буён овқатни ўзинг пиширмайсан, хўранда-
лар ҳам бўлмайди энди. Самарага кўчиб кетамиз,
хизматкор оламиз.

Нозик бир гап бор, лекин қаттиқ сир тут, ҳеч кимга, ҳатто Марья Ивановнагаям айтиб қўйма. Мен хазина қидириб юрибман. Раҳматли Клавдия Ивановна эсингдами, Воробъяновнинг қайнаси-чи? Ўша Клавдия Ивановна жони узилаётганида менга ёрилиб қолди. Эски шаҳардаги уйида, меҳмонхонасидаги стулларнинг бирига (ҳаммаси ўн иккита) бутун жавоҳирини яшириб қўйган экан.

Катенька, мени ўғрилик кўчасига кирибди, деб ўйлама. Ушбу жавоҳирини менга ўзи васият қилди, золим куёвим Ипполит Матвеевичнинг кўлига тушмасин, деб қаттиқ тайинлади.

Сен бечорани ёлғиз ташлаб, тўсатдан жўнаб кетишимнинг асл сабаби шу.

Шунга кўра мендан норизо бўлиб юрмагил.

Эски шаҳарга келиб бундоқ қарасам, ўша қариб қуюлмаган хотинбоз ҳам шу ерда юрибди. У ҳам воқиф экан. Ўлим тўшагида ётган кампирни роса қийноққа соглан бўлса керак. Жуда ёмон одам! Ёнида бир жиноятчиям бор, каллакесарга ўхшайди, ёллаган кўринади. Иккови бир бўлиб менга ташланиб қолишиди, ниятлари ёмонга ўхшайди. Лекин мен ҳам анойи эмасман, ёмонга ёмонман, бўш келганим йўқ.

Олдинига хато йўлдан кетибман. Воробъяновнинг уйидан (ҳозир у ер худойихона экан) биттагина стул топдим; ўшани Сорбоннадаги гўшамга олиб кетаётган эдим, аллаким бирдан арслондай бўкириб менга ҳамла қилди, стулга маҳкам ёпишиб олди. Сал қолди муштлашишимизга. Мени шарманда қилмоқчи бўлишган экан. Кейин бундоқ разм солсам, Воробъяновнинг ўзи. Буни қара-я, соқол-мўйловини олиб ташлабди, бошида биттаям туки қолмабди, қариганда қармоққа илинибди бу фирибгар.

Стулни майда-майда қилдик, ҳеч нима чиқмади. Хато йўлга кириб қолганимни кейин тушундим. Лекин ўшанда роса алам қилди.

Алам устида у фосиқнинг ўзиниям боплаб тузладим.

«Бу қанақа бедодлик, – дедим, – қариганда бу қанақа шармандалик, – дедим. – Россия учун бу қанақа кўргиликки, дворянлар сардори ўз руҳонийсига арслон янглиғ ҳамла қилса, партияда йўқсан, деб юзига солса! Сиз пасткаш одамсиз, – дедим. Клавдия Ивановнани қийнаб ўлдирганини, бирорнинг бойлигига кўз олайтирганини, бу бойлик энди уники эмас, давлатники эканини айтдим».

Ўзиям роса уялиб кетди, кейин жўнаб қолди, ҳар ҳолда тўғри исловатхонага кетган бўлса керак.

Мен эса «Сорбонна»даги гўшамга бориб, бундан кейин нима қилиш даркорлигини ўйлаб кетдим. Шунда бу ялтирош овсар хаёлига келмайдиган бир фикр миямда чарх урди: мусодара қилинган жиҳозларни ким тарқатган, шу одамни топишга жазм қилдим. Буни қараки, Катенька, ҳуқуқшунослик факультетида бекорга таҳсил кўрмаган эканман. Ўша одамни изладим ва эртасига ёқ топдим. Варфоломеич деган фоят шинаванда чол экан. Кампир бувиси билан тураркан, қўл учida тирикчилик қиларкан. Ҳамма ҳужжатларни менга топиб берди. Хизматига ҳақ тўлашга тўғри келди, албатта. Пулим тугаб қолди (буни кейинроқ айтарман). Маълум бўлишича, Воробъяновлар хонадонидаги ўша ўн икки стулнинг ҳаммаси Узумзор кўчаси, 34-йда турувчи муҳандис Брунс деган одам қўлида экан. Омадни қараки, ҳаммаси битта жойда буни сираям кутмовдим (стуллар ҳар жойга бўлиниб кетади, деб қўркувдим). Буни эшитиб, ниҳоятда хурсанд бўлдим.

Мана шу «Сорбонна»да яңа аблас Воробьевинов билан учрашиб қолдим. Боплаб таъзирини бердим, ёнидаги калакесар дўстиниям аяб ўтирамадим. Сирим ошкор бўлмасайди, деб қаттиқ чўчидим, улар чиқиб кетгунга қадар меҳмонхонада бекиниб ўтирдим.

Брунс дегани хизмат юзасидан 1923 йилда Эски шаҳардан Харьковга кўчган экан. Қоровулидан суриштириб билсан, бутун кўч-кўронини ийғишишириб кетибди. Ўзи сипогина одам эмиш.

Ҳозир Харьков вокзалида ўтирибман, ушбу номани ёзишим важи бул турур. Бирламчи, сени қаттиқ севаман, ҳамиша дилимдасан, иккиламчиси шуки, Брунс бу атрофда йўқ, лекин бундан ўксима. Брунс ҳозир Ростовда, Новороссцементда хизмат қиласкан, менга шундоқ дейишиди. Пулдан сиқилиб қолдим. Бир соатдан кейин йўловчи поездиде жўнайман. Сендан илтимосим шулки, меҳрибоним, куёвга учраб, эллик сўм олгин-да (ўзи қарз мендан, бераман, девди), тўғри Ростовга, бош почтамтга юбор. Ўзим сўраб оламан.

Фёдор Иоаннович Востриковга деб ёзсанг бас. Почта орқали жўнатсанг, чиқими озроқ бўлади. Нархи ўттиз тийин.

Шаҳримизда нима гаплар бор? Қанақа янгиликлар?

Кондратьевна уйга келиб турибдими? Ҳазрати Кириллга мени холаси билан видолашгани Воронежга кетувди, яқинда келиб қолади, деб айт. Пулни тежаб харжла, Евстигнеев ҳалиям овқатга келиб турибдими? Мендан дуойи салом топшири. Холасиникига кетди, деб унгаям айт.

Об-ҳаво қалай? Харьковда бамисоли ёз. Фалавонур шаҳар экан, Украина жумҳуриятининг маркази-да. Вилоятдан келган одам худди хорижга бориб қолгандай бўларкан.

Қиладиган ишларинг: 1) ёзлик жуббамни тозалатиб қўй (янгисига сарфиёт қилгандан кўра З с.га тозалатган маъқул), 2) ўзингни уринтириб қўйма, 3) Гулењкага хат ёзсанг, Воронежга, холамникига кетганимни сўз орасида қистириб ўт.

Мендан ҳамма сўраганларга дуойи салом. Яқинда бориб қолишимни айт.

Сени меҳр билан ўпиб, ҳам кучиб, ҳам дуо қилиб қолувчи

заевжинг Федя

Эскартма: Воробъянов алҳол қаерларда изғиб юрганикин?

Ишқ-муҳаббат деган нарса одамни жингиртоб қилиб юборади. Жазаваси тутганда буқа бўкиради. Хўроз зир югуриб қолади. Дворянлар сардори эса иштаҳасини йўқотади.

Остап билан талаба Иванопуло икковини қовоқхонада қолдиргач, Ипполит Матвеевич пушти уйга етиб олди-да, пўлат сандиқ ёнида соқчиликка турди. Кастилия томонга йўл олган поездлар шовқинию кемаларнинг шалоп-шалопи қулоғига чалинди.

*Куёш ботди, Альпухара
Олтинланар бу диёр.*

Юраги соат капгиридай безовта бўлди. Қулоғи шанғиллаб кетди.

*Сас бергани он гитара,
Куттирмасдан чиққин ёр.*

Йўлак ваҳмга тўлди. Пўлат сандиқ ҳамон муз бўлиб турарди.

*Севильядан то Гренада
Түннинг пардаси аро...*

Қаламдонларда граммофон чийиллайди. При-
муслар асаларидаи гувиллайди.

*Эшитилар серенада,
Қиличлардай сас-садо...*

Хуллас, Ипполит Матвеевич Лиза Калачовага ошику бекарор бўлиб қолган эди.

Йўлакда Ипполит Матвеевичнинг ёнидан кўп одам ўтди, аммо буларда на тамаки, ё ароқ, ё дори, ё бўлмаса, ачиған карам ўйрва ҳиди келарди. Зим-зиё йўлакда туриб, ким ўтганини фақат ҳидидан ёки оёқ олишидан билса бўларди. Лиза ҳали ўтганича йўқ. Ипполит Матвеевичнинг бунга имони комил. Нега деганда Лиза чекмайди, ароқ ичмайди, темир нағал қоқилган этик киймайди. Ундан йод ёки қоқ балиқ ҳиди келиши асло мумкин эмас. Лиза юмшоққина шавланинг ёхуд қулинг ўргилсин қилиб тайёрланган кўкатларнинг муаттар ҳидини олиб келиши аниқ. Бир пайтлари Нордман Северова хоним ҳам Илья Репиндек машҳур рассомни анча вақт шунаقا кўкатлар билан боққан эди.

Шу пайт енгилгина оёқ товуши эшитилди. Кимдир силлиқ йўлак деворларини пайпаслаганича ширингина фўлдираб келаётган эди.

– Елизавета Петровна, бу сизмисиз? – деб сўради Ипполит Матвеевич тонгги сабодай майин товуш билан.

Эвазига дўриллаган овоз эшитилди:

– Менга қаранг, Пфеферкорнларнинг уйи қайси ўзи? Қоронфида ҳеч бало кўринмаяпти.

Ипполит Матвеевичнинг ўтакаси ёрилиб, дами ичига тушиб кетди. Пфеферкорнларни излаб келган кимса садо чиқармикин, деб бирпас кутиб тургач, яна йўлига равона бўлди.

Соат тўққизга яқинлашганда Лиза келди. Икковлари кўчага, қизғиши-яшил оқшом оғушига чиқишиди.

– Хўш, қаерларда сайр қиласми? – деб сўраб қолди Лиза.

Ипполит Матвеевич унинг сутдек оппоқ юзига тикилиб қаради-да, таваккалига: «Деразанг тагида, Инезилья, турибман интизор», – дейиш ўрнига Москвада анчадан бери бўлмагани, Париж ундан минг чандон афзал экани, Москва ҳар нима бўлгандаям тартибсиз қурилган йирик қишлоқдан бўлак нарса эмаслиги ҳақида узундан-узун ваъз айтди.

– Илгариги Москвани яхши эслайман, Елизавета Петровна. Ҳозир одамлар зиқна бўлиб кетишибди. Илгарилари биз пулни тўкиб ташлардик. «Дунёга бир марта келади одам», деган қўшиқ ҳам бор.

Тўғри Пречистенский хиёбонидан юриб, дарё бўйидаги нажоткор Христ ибодатхонаси олдидан чиқишиди.

Москворецк кўпригининг нарёғида қаторасига муаллақ тулки думлари кўринади. Шаҳар электр станциялари мўрисидан қорамтири тутун буруксийди. Кўприкдан фир- фирм трамвай ўтади. Дарёда қайиқчалар сузади. Гармондан маъюс куй тарапади.

Ипполит Матвеевичнинг қўлидан тутган Лиза бошига тушган савдоларни оқизмай-томизмай гапириб берди. Эри билан уришгани, беҳаловат турмуши, тиқ этса қулоғи диккайдиган собиқ кимёгар қўшнилари қанчалик жонга теккани, гўштсиз

овқатлар ниҳоятда меъдага ургани ҳақида куюниб сўзлади.

Ипполит Матвеевич жимгина тинглаб борар, айни пайтда миясида режалар тузарди. Ичидаги шайтон ғимирлаб қолди. Боплаб битта овқат қилиш керак. Бунақа қизлар кўзини ўйнатиб, эс-ҳушини олиб қўйган маъқул, деган фикрга келди.

– Театрга борамиз, юринг, – деб таклиф қилди Ипполит Матвеевич.

– Кино маъқулроқ эмасми, – деди Лиза, – ҳам арzonгина.

– Ў! Пулнинг нима алоқаси бор! Шундай ажойиб кеча бўлса-ю, яна пулдан гапирасиз-а.

Шайтон васваса қилиб, пулинни савдолашмасданоқ извошга ўтиришди ва «Аре» киносига боришиди. Ипполит Матвеевичнинг яна сахийлиги тутди. Билетнинг энг қимматидан олди. Лекин бари бир охиригача ўтиришолмади. Олд томондаги арzon жойларга ўрганиб қолган учун Лиза нархи баланд ўттиз тўртинчи қатордан яхши кўролмай тоза қийналди.

Икки ҳамтовоқлар эски шаҳарлик исёнчилардан йиғиб олган пулнинг қоқ ярми ҳозир Ипполит Матвеевичнинг чўнтағида эди. Пул совуришдан чиқиб қолган Воробьянинов учун озмунча эмас бу. Қизчани осонгина қўлга олиш мумкинлигини кўриб, питирлаб қолган Ипполит Матвеевич тантилиги билан уни ром қилмоқчи бўлди. Бу борада у ўзини зўр омилкор деб биларди. Бир пайлари гўзал Елена Боурни бирумда тўрга қандоқ илинтирганини завқ билан эслаб қўйди. Орқа-олдига қарамай, дабдаба билан пул сочиш қўлидан келади. Эски шаҳарда яхши тарбия кўрган одам, истаган хонимни оғзига қаратиб қўяди, деб бекорга ном чиқармаган. Турмушда ҳали ҳеч нар-

сани күрмаган ва билмаган кичкинагина шу қизалоқ күнглини оламан, деб қадимги назокатини ишлатиш унга фоят эриш туолди.

Сал тортишувдан кейин Ипполит Матвеевич Лизани «Прага» ресторанига боришига күндириди. «Прага» ММЖУ – Москва матлубот жамиятлари уюшмасининг намунали ошхонаси, Бендер ибораси билан айтганда, «Москвадаги энг сўлим жой» эди.

«Прага»да шунчалик кўп ойна, чироқ ва гул туваклари борлигини кўриб, Лизанинг оғзи очилиб қолди. Лизани тушунса бўлади: у бунаقا катта намунали тажриба ресторонларида биринчи бўлиши. Аммо ойнали зал бирданига Ипполит Матвеевичниям довдиратиб қўйди. Ҳаётдан орқада қолибди, ресторан таомилини унутибди. Чорқирра тумшуқли этиги, урушдан оддин расм бўлган олабайроқ шими-ю, кумушранг юлдузчали кўкимтири нимчаси кўзига хунук кўриниб кетди.

Иккови хижолат тортиб, қурама хўрандалар кўз ўнгидаги бир зум туриб қолишиди.

– Ҳув анави бурчакка ўтайлик, – деди Воробъяников гарчи «Баядерка» опереттасидан ҳаммабоп попуррини чийиллатиб турган оркестр ёнида бўш жой борлигини кўрса ҳам.

Одамлар қараб турганини сезиб, Лиза дарров кўна қолди. Киборлар етакчиси, аёл зотининг кушандаси бўлмиш Воробъяников пусибгина унинг ортидан юрди. Киборлар етакчиси азбаройи семириб кетганидан шимининг орқаси тўрвадай осилиб турарди. Аёл зотининг кушандаси букчайиб олди, хижолатпазлигини билдирамаслик учун пенснени кўзидан олиб, ҳадеб арта бошлиди.

Булардан ҳеч ким хабар олмади. Ипполит Матвеевичга бу малол келди. Бинобарин, ёнидаги хоним билан шакаргуфторлик қилиш ўрнига нафаси ичига тушди, бетоқат бўлди, кулдон билан стол-

ни зўраки тақиллатиб худа-бехудага йўталиб ўтириди. Лиза мароқ билан ён-верига разм солар, лекин ғалати бу сукунат ҳамон давом этарди. Ипполит Матвеевичнинг тили айланмай қолган, бунақа пайтларда гапни нимадан бошлаши лозимилиги буткул ёдидан кутарилган эди.

– Илтимос! – деб илтижо қиласарди у ёнидан чоп-қиллаб ўтиб кетаётган савдо касабаси ходимига.

– Бир дақиқа! – деб жавоб берарди официантлар йўлидан қолмай.

Ниҳоят, рўйхатни олиб келишди. Ипполит Матвеевич анча енгил тортиб, мутолаага киришди.

– Ғалати-я, – деди у фўлдираб, – бузоқ гўштидан котлет икки сўм йигирма тийин, биқин гўшти икки сўм йигирма беш тийин; ароқ беш сўм тураркан.

– Беш сўмга катта графинда берилади, – деб жавоб берди официант тоқатсизланиб.

«Менга нима бўлди? – хаёлидан ўтказди Ипполит Матвеевич ўзидан чўчиб. – Ёш болага ўхшайман-а».

– Мана, марҳамат, – кечикиброқ илтифот қилди у Лизага, – бирор нима танлайсизми? Кўнглингиз нимани тусайди?

Лиза хижолат тортди. Официант ҳамроҳига қушқараш қилганини, шериги алланарсада пандеганини сезиб ўтирган эди.

– Ҳеч нима егим йўқ, – деди у овози қалтираб.

– Ҳай, майли... Менга қаранг, ўртоқ, вегетарианча бирор нарса борми?

Официант эгарланган отдаи бетоқат бўлди.

– Вегетарианчаси бизда бўлмайди. Қоқ гўштили қуймоқ демасангиз...

– Гап бундоқ бўлмаса, – Ипполит Матвеевич қатъий қарорга келиб, – бизга сосиска бера қолинг. Сосиска бўлаверадими, Елизавета Петровна?

– Ҳа.

– Демак, сосиска. Мана бунисидан, бир сүм йигирма беш тийин. Ва бир шиша ароқ.

– Бизда графинда тортилади.

– Унақа бўлса, битта катта графин. Умумий овқатланиш ходими ожиза Лизага шафқат билан қараб қўйди.

– Ароққа қанақа газак берай? Янги икра? Сёмга балиғи? Варақи сомса?

Ипполит Матвеевич ФХДЁ мудирлигини эслаб:

– Кераги йўқ, – деди қўпoldан-қўпол қилиб.

– Тузланган бодринг қанча туради? Яхши, икки дона шундан.

Официант лишиллаб жўнаб қолгач, яна ўртага жимлик чўқди. Биринчи бўлиб Лиза гап бошлиди:

– Бу ерда ҳечам бўлмаганман. Яхшигина жой экан.

– Шундайми, – деб қўйди Ипполит Матвеевич ичида буларни хомчўт қилиб ўтиаркан.

«Майли, – хаёлидан ўтказди у, – ароқдан ичай, ўзимга кеп қоламан. Ҳар ҳолда ноқулай бўляпман».

Бироқ ароқдан ичиб, бодринг билан газак қилгандан кейин баттар қовоқ-тумшуғи осилиб кетди. Лиза ароқни оғзигаям олмади. Яна гап гапга қовушмади. Бунинг устига нотаниш бир одам Лизанинг олдига келиб, гул оласизларми, деб кўзига термилиб турибди.

Ипполит Матвеевич мўйловли гулчини сезмагандай ўтираверди, уям без бўлиб тураверди. Бегона одам олдида ширинроқ гап қилиб бўладими ахир.

Концерт жонга ора кирди. Эгнига калта камзул, оёғига амиркон туфли кийган бўрсилоқ бир киши супачага чиқди.

— Мана, омон-эсон яна дийдор кўришдик, —
деди у тантиқланиб. — Концертилизнинг кейин-
ги қисмини рус халқ қушиқларининг оламшумул
ижросига, Марьина Рошчада довруқ солган Вар-
вара Ивановна Голдевскаяга берамиз. Варвара
Ивановна! Марҳамат қилсинлар!

Ипполит Матвеевич ёлғиз ўзи ароқقا ружу
қилиб ўтиради. Аизага ёрдамлашиш ўрнига
ҳадеб кетаман, деб типирчилаб тургани учун гра-
финни тезроқ бўшатиши лозим эди.

Марьина Рошчада довруқ солган ашулачидан
кейин йўл-йўл духоба камзулли бир киши саҳна-
га чиқиб, лапар бошлаб юборди:

Тентираисиз,
Ҳар тешикка бир қарайсиз,
Тентираишдан тўқ бўлса керак,
Эҳтимолки, сизнинг кўричак.
Тентираисиз
Тра-ра-ра-ра...

Ипполит Матвеевичнинг анча кайфи ошиб
қолди, ўзи бундан атиги ярим соат бурун қўрс
муттаҳамлар, қурумсоқ каллакесарлар, деб сўкиб
ўтирган намунали ошхона ҳўрандаларига қўши-
лишиб чапак чалди ва хиргойи қила кетди:

Тентираисиз,
Тра -ра -ра -ра...

У дам-бадам сапчиб ўрнидан турар ва узрини
насия қилиб, ҳожатжонага йўрғалаб қоларди.
Қўшни столдагилар аллақачондан бери амакилаб,
уни пиво билан сийламоқчи бўлишар, лекин у
ёнларига йўламасди. Шу тобда унинг такаббур-
лиги тутиб, кўнглида қандайдир шубҳа туғилган
эди. Аиза шартта ўрнидан турди:

– Мен кетдим. Сиз қолаверинг. Ўзим етволаман.

– Йүқ, нега энди? Дворян сифатида бунга йүл күёлмайман! Сеньор! Ҳисоб! Сурбетлар!..

Ипполит Матвеевич оёғида зўрға чайқалиб, анчагача ҳисобга тикилиб турди.

– Тўққиз сўм йигирма тийин бўптими? – деб фўлдиради у. – Тилла кўмилган уйга тоблари қалай, калитини бериб қўяйми?

Хуллас, охирида Ипполит Матвеевични оҳиста қўлтиғидан олиб, пастга судраб кетишиди. Устки кийим рақами киборлар етакчисида бўлганидан Лиза қочиб қололмади.

Тор кўчага бурилишлари биланоқ Ипполит Матвеевич Лизага ёпишиб, уни юлқий бошлади. Лиза зўр бериб унинг қўлларидан кутулишга ҳаракат қилди.

– Бас қилинг! – дерди Лиза. – Бас қилинг! Бас қилинг!

– Хонамга кетдик! – деб тиқилинч қиласарди Ворбоянинов.

Лиза бир силкиниб унинг чангалидан қутулдида, мўлжаллаб ўтирмай хотин зотининг кушандасига мушт туширди. Бурунга теккан муштча зарбидан тилла бандоқ пенсне учиб тушди-да, чорқирра тумшуқли олифта этиги тагида қолиб, шу заҳотиёқ чил-чил бўлди.

*Тун ели гир-гир
Таратади сехр...*

Ўпкаси тўлиб, Лиза пиқиллаганича Серебряний тор кўчасидаги уйига югорди.

*Елар,
Келар
Гвадалквиевир.*

Кўзи хира тортган Ипполит Матвеевич кўчанинг нариги бетига йўрғалаб ўтди-да:

– Ўрини ушланглар! – деб бақирди.

Кейин у роса йиглади, йиглаб-сиқтаб бир кампирдан савати билан кўтарасига тешиккулча сотиб олди. Қоп-қоронги, танҳо Смоленск бозорига чиққач, уруғ сепган деҳқонга ўхшаб алламаҳалгача тешиккулчаларни ўнгу сўлига отиб юрди. Айни пайтда оҳангни бузиб:

*Тентирайсиз,
Ҳар тешикка бир қарайсиэ,
Тра-ра-ра-ра, –*

деб хиргойи ҳам қилди.

Шундан сўнг Ипполит Матвеевич бир учар извошли билан қаймоқлашиб қолиб, бутун дарду ҳасратларини тўкиб солди. Пойинтар-сойинтар қилиб жавоҳир тўғрисидаям сўзлади.

– Шўх бойвачча экансиз! – деб юборди у.

Чиндан ҳам Ипполит Матвеевичнинг шўхлиги тутиб кетган эди. Шўхлиги сал чегарадан чиққан экан шекилли, эрталаб соат ўн бирда кўзини очиб қараса, ички ишлар бўлимида ётибди. Шармандалил билан тугаган тунги вақтиголик қилгани унга қимматга тушди, юз сўм пулидан атиги ўн икки сўм қолибди.

Назарида жони ҳалқумига келганга ўхшарди. Бели санчиб, жигари сирқиллаб оғрир, бирор тўқмоқ билан ургандай боши тинмай лўқилларди. Энг алам қиласиган жойи шундаки, шунча катта пулни қаерда, нимага сарфлаганини сираям эслаёлмасди. Йўл-йўлакай устага учраб, пенснега янги ойнак солдиришга мажбур бўлди.

Остап бир қоп гўштдай шалвираб турган Ипполит Матвеевичга анчагача ҳайрон бўлиб тики-

либ турди-ю, лекин чурқ этмади. У жанг олдидан совитилган оттайдай сокин эди.

Йигирма биринчи боб

ЖАЗО

Кимошди савдоси соат бешда бошланади. Со-тиладиган буюмларни соат түртдан бошлаб күриш мүмкін. Ҳамтоворқлар соат учдаеқ келишганды. Улар шу атрофда очилған машинасозлик күргазмасыни бир соат томоша қилишди.

– Агар иш ўнгидан келса, шу паровозчани эртагаеқ сотиб олсак бүлади, – деди Остап. – Нархи күрсатылмагани чакки бүпти. Ўзингда паровоз бүлганига нима етсин.

Ипполит Матвеевич тоза қийналиб кетди. Унинг бутун дарди фикри стулда эди.

Эгнида катак шим, духоба ўрнига коверкотдан камзул кийиб, соқолини күксига туширган дал-лол минбарга чиқиши ҳамоноқ Ипполит Матвеевич стуллар ёнидан аста жилди.

Хазинатопарлар ўнгдан түртинчи қаторга бориб ўтиришди. Ипполит Матвеевичнинг юраги пүкиллаб кетди. Унинг назаридан стуллар дархол савдога чиқарылгудай эди. Лекин стуллар қирқ учинчи бўлиб навбат кутиб тургани учун аввалига ҳар хил ипириски нарсалар: тамға босилган битта-яримта идиш-товоқ, қайладон, стакан со-линадиган кумуш идиш, рассом Петунин чизган манзара, мунчоқли халтача, яп-янги примуснинг горелкаси Наполеоннинг мўъжаз ҳайкалчаси, сурп сийнабанд, «Ёввойи ўрдак отаётган овчи» деган нақшин гилам ва ҳоказолар сотувга чиқди.

Сабр-тоқат билан кутишдан бўлак илож йўқ. Стуллар муңтазир тургандан, шундоққина қўлинг-

ни чўзсанг, муддаога етиб олгудай бўлгандан кейин жимгина кутишнинг ўзи бўладими?!

«Манави пандавақилар стул тимсолида қанақа зўр нарса сотилишини билганда роса ур-йиқит бўларди-да», деб кўнглидан ўтказди Остап харидорларга назар ташлар экан.

– Адолат рамзи – ҳайкалча! – деб эълон қилди даллол. – Бронзадан ясалган. Беш сўм. Кимошди? Олти ярим, ўнгда, охирги қатор етти. Биринчи қатор, тўғрида саккиз сўм. Саккиз сўм, тўғрида, икки. Саккиз сўм, биринчи қатор тўғрида. Уч.

Пулни ундириш учун бир ойимча биринчи қатордаги одам олдига пилдираб кетди.

– Даллол қўлидаги болғача тиним билмай қолди. Саройда тутилган кулдон, билур ойна, чинни упадон пулга чақилди.

Вақт имиллаб ўтарди.

– Александр III нинг бронза ҳайкалчаси. Босма ўрнида ишлатса бўлади. Бошқа нарсага ярамаса керак. Александр III нинг ҳайкалчаси олдинги нархида қолади.

Ҳамма кулиб юборди.

– Олсангиз бўларди, сардор, – пичинг қилиб деди Остап, – бунақа нарсаларга суюгингиж йўқ эди-ку.

Ипполит Матвеевич стулларга тикилганича миқ этмай ўтиради.

– Харидор йўқми? Александр III нинг бронза ҳайкалчаси сотувдан олинади. Адолат рамзи ҳайкалча. Ҳозиргина сотилганинг шериги деса бўлади. Василий, жамоатга «Адолат»ни кўрсатинг. Беш сўм. Ким ошади?

Тўғридаги биринчи қатордан пишиллаган овоз эшитилди. Чамаси у кимса «Адолат» мажмуасига талабгор чиққан кўринади.

– Бронза «Адолат» – беш сүм!
– Олти, – дангал деди ўша харидор.
– Олти сүм түғрида. Етти. Түккиз сүм, охирги қатор, ўнг томон.

– Түккиз ярим, – зўрға овозини чиқариб деди «Адолат» шинавандаси қўлини кўтариб.

– Түккиз ярим, түғрида. Түккиз ярим, түғрида, икки. Түккиз ярим, уч.

Болғача урилди. Ойимқиз биринчи қаторда ўтирган харидор олдига югурди.

Талабгор пулинин тўлагач, бронзани олиш учун имиллабгина нариги хонага равона бўлди.

– Саройдан ўнта стул! – дабдурустдан эълон қилди даллол.

– Нимага саройдан бўларкан? – бифиллаб қолди Ипполит Матвеевич.

Остап жеркиб ташлади:

– Вой жин ургур-эй! Овозингизни ўчириб ўтирангиз-чи!

– Саройдан ўнта стул. Ёнғоқдан ишланган. Александр II даврига оид. Ҳамма ёғи бут. Гамбс устахонасидан чиқсан Василий, битта стулни ёруққа солинг.

Василий дегани стулга жон-жаҳди билан бир ёпишгани ҳамон, Ипполит Матвеевич ўрнидан туриб кетди.

– Вой расво бўлгур-эй, ўтирангиз-чи ахир, бошга битган бало бўлдингиз-ку! – пишқириб деди Остап. – Ўтиринг деяпман сизга!

Ипполит Матвеевичнинг пастки жағи қийшайиб қолди. Остап тик турди. Кўзларида ўт чақнади.

– Ўн дона ёнғоқ стул. Саксон сүм.

Залда жонланиш бошланди. Рўзғорбоп буюм савдога чиқсан эди-да. Бири олиб, бири қўйди. Остап аралашмади.

– Нимага ошмай турибсиз? – жиғибийрон бўлиб сўради Воробъянинов.

– Ўчир, касофат, – деди Остап зардаси қайнаб.

– Юз йигирма сўм, орқа қаторда. Юз ўттиз сўм, ўша жойда. Юз қирқ.

Остап минбарга орқасини ўгириб, рақиблари га кулибгина қараб турди.

Савдо авжига минди. Зал одамга тўлди. Остапнинг шундоққина орқасида ўтирган бир аёл эри билан, икки оғиз гаплашиб олгач («Жудаям ажойиб экан! Зур устага ўхшайди! Саня! Саройдан келган-а!»), қўлини кўтарди.

– Юз қирқ беш, ўнгдан бешинчи қатор. Бир.

Ҳамма жимиб қолди. Жуда қиммат-да.

– Юз қирқ беш. Икки.

Остап нақшин шифтга қараб анграйиб турар, Ипполит Матвеевич эса юрак ўйноғида мункайиб ўтиради.

– Юз қирқ беш. Уч.

Ялтироқ қора болгача фанер минбарга энди урилай деб турган ҳам эдики, Остап шартта орқасига ўгирилиб, қўлини кўтарди.

– Икки юз, – деди у бамайлихотир.

Ҳамма хазинатопларга ўгирилди. Анвойи бош кийимлар ҳаракатга келди. Даллол зерикибгина Остапга қаради.

– Икки юз бир, – деди у, – икки юз, ўнгдан тўртинчи қатор, икки. Ошадиган одам йўқми? Икки юз сўм, саройдан чиқсан ёнғоқ стуллар, ўн дона. Икки юз сўм, уч, ўнгдан тўртинчи қатор.

Болгача кўтарган қўл муаллақ туриб қолди.

– Вой-воей! – деб чинқириб юборди Ипполит Матвеевич.

Юзига қизил юргурган Остап хотиржам кулиб кўйди. Болгача қайтиб жойига тушди.

– Тамом, – деди даллол. – Ойимқиз! Ўнгдан түртінчі қатор.

– Хүш, раис, қойилми? – деди Остап шеригига қараб. Қизиқ, амалий саркор бўлмаганида нима қиласдингиз, а?

Ипполит Матвеевич азбаройи суюниб кетганидан ғўлдираб қўйди. Ойимқиз юрганича улар олдига келди.

– Стулларни сизлар олдингизми?

– Биз! – деб ҳайқирди боядан бери ичи тошиб ўтирган Ипполит Матвеевич. – Биз бўлмай ким бўлсин. – Қачон қўлга тегади?

– Қачон хоҳласангиз шунда. Ҳозироқ олишингиз мумкин.

«Тентирайсиз, ҳар тешикка бир қарайсиз» деган куй бирдан Ипполит Матвеевичнинг миясида жиннича ўйинга тушди. «Курслар ўзимизники, ўзимизники, ўзимизники!» Аъзойи баданидан шу тахлит чинқириқ эшитилди. «Ўзимизники!» – деб чийиллади жигари. «Ўзимизники!» –деди унга қўшилиб кўричаги.

Азбаройи ҳовлиқиб кетганидан йўқ жойдан томирлар ниш уриб чиқди. Кутимаган бу баҳт, кутимаган бу саодатдан бутун жисми ларзага келди. Сен Готард остонасига қадам қўйган поезд кўринди. Ана, оқ шим кийган Ипполит Матвеевич Воробъяников энг охирги вагоннинг очиқ майдончасида сигара тутатиб турибди. Яна симобий соchlар файз бағишлаб турган кўркам боши боғ чечаклари оғушида. У Боги Эрамга йўл олган.

– Ия, нима учун икки юз эмас, икки юз ўттиз?
– эшитиб қолди Ипполит Матвеевич.

Остап қўлидаги тўлов қофозига қараб ҳайрон бўлиб турган эди.

– Ўн беш фоиз ширинкома тўланади, шунинг учун, – деб жавоб берди ойимқиз.

– Ҳа, майли, илож қанча! Олинг оладиганин-
гизни!

Остап ёнидан ҳамённи олиб, икки юз сүм чи-
қарди-да:

– Ўттиз болани чўзсинлар, азизам, тезроқ, тез-
роқ, хоним кутиб қолмасинлар, Қани? – деди шир-
катнинг бош директорига ўтирилиб.

Ипполит Матвеевич бўзрайиб қолди.

– Ҳа? Тошбақа тухумига термилгандай бақрайиб
қопсиз? Ё мушкул осон бўлиб, мия айниб қолди-
ми?

– Менда пул йўқ, – деди охири ғўлдириб Иппо-
лит Матвеевич.

– Пул йўқ, кимда пул йўқ? – пиҷирлаб сўради
Остап.

– Менда.

– Икки юз қани?

– Й... йўқотиб қўйдим.

Остап Воробъяновга ялт этиб бир қаради-ю,
нимага фижим башараси кўкариб, қовоқлари сал-
қиб тушганини дарров сезди.

– Пулни олинг! – деб шивирлади у ғазаби қай-
наб. – Қари тўнғиз!

– Пулни тўлайсизми, йўқми? – сўради ойим-
қиз.

– Бир дақиқа, – чиройли табассум қилиб деди
Остап, – қиттай чаласи чиқиб қолди.

Озгина бўлса ҳам умид бор, балки кейинроқ
тўлаш мумкиндир?

Ипполит Матвеевич бирдан ўзига келиб, гапга
суқилди.

– Бу қанақаси! – оғзини кўпиртириб шангил-
лади у.

– Ширинкома нимаси? Умримизда эшитмаган-
миз! Олдинроқ айтиб қўйиш керак-да. Ортиқча
ўттиз сўм тўлайдиган аҳмоқ йўқ.

— Яхши, — деди ойимқиз юмшоққина қилиб, — ҳозир гаплашиб күраман.

Тұлов қофозини қайтариб олгач, ликонглаганича даллолга бориб бир нима деди. Даллол шу заҳотиёқ үрнидан турди. Машъаладай порлаб турған электр чирогида соқоли яна ҳам күркем тортди.

— Кимошди савдосидаги таомилга күра, — деди у баланд овоз билан, — сотилган буюмнинг нархи дархол бир йўла ундириб олинади. Кимки бош тортса, бу даргоҳдан чиқариб юборилади. Сотилган стуллар бекор қилинади.

Ҳамтовоқлар анграйиб қолишли.

— Марҳамат қилсинглар! — қўшиб қўйди даллол.

Оқибат ёмон бўлди. Ўтирганлар аччиқ киноя билан кула бошлади. Остапнинг туришга мадори келмади — кўпдан бери у бунақа изза бўлмаган эди. — Мар-ҳа-мат қилсинглар!

Даллол эътиrozга ўрин қолмайдиган оҳангда гапирди.

Бунинг устига кулгиям зўрайди.

Бинобарин, улар чиқиб кетишга мажбур бўлишиди. Бунақа шармандалик ҳар кимгаям насиб эта-вермайди. Эт битмаган равон елкаларини қисиб, одинда Воробьянинов борарди. Калта камзул, бемаъни олифта этикда у худди турнага ўхшар, орқасидаги буюк мудаббирнинг ўзига қадалган илиқ меҳрибон нигоҳини аниқ сезиб турар эди.

Ҳамтовоқлар савдо залига туташ хонада тўхташди. Ичкарида нима бўлаётганини энди улар фақат ойнабанд эшикдан қузатишлари мумкин, холос. У томонга йўл йўқ энди. Остап дўсто-на сукут сақлаб турди.

— Тартиб-қоидасини қаранг, — аранг юрак ютиб фўлдиради Ипполит Матвеевич, — фирт bemayni-y! Милицияга бориб айтиш керак буларни.

Остап чурқ этмади.

– Шаҳар бедарвоза эмас-ку, ахир! – баттар ту-тақди Воробъяников. – Мехнаткаш халқни талашгани талашган-а. Ё тавба!.. Шалори чиқсан аллақандай стулни икки юз ўттиз сўмга пулламоқчи-я. Соғни жинни қилади булар.

– Ҳа, – деди совуққина қилиб Остап.

– Тўғрими? – деб сўради Воробъяников. – Жинни қилиши аниқ-а!

– Аниқ.

Остап Воробъяновга яқинроқ келиб, ён-верига бир қараб қўйди-да, ҳеч ким сезмайдиган қилиб сардорнинг биқинига бир мушт туширди.

– Мана сенга милиция! Мана сенга бутун дунё меҳнаткашларини талаш! Мана сенга кечаси ойимчалар билан ишрат қилиш! Мана сенга оппоқ соқолинг ҳурмати! Мана бу оч биқинингга!

Ипполит Матвеевич бутун жазо давомида ринг демади.

Четдан қараган одам бир қобил ўғил отаси билан юракдан гаплашяпти-ю, аммо ота бир нимадан норози бўлиб, бошини чайқаб турибди, деб ўйлаши мумкин эди.

– Қани йўқол, бу ердан!

Остап ширкат директорига орқасини ўгириб, савдо залига тикилди. Бир нафасдан сўнг қайрилиб қаради.

– Ҳалиям шу ердамилар, йигитнинг гули? Йўқол! Қани?

– Ў-ўртоқ Бендер, ялиниб деди Воробъяников, – ўртоқ Бендер!

– Вор! Жуна! Иванопулониям уйига кела кўрма! Ҳайдаб чиқараман!

– Ў-ўртоқ Бендер!

Остап унга қайрилиб қарамади. Шу маҳал залда фалати бир воқеа рўй бердики, натижада Ос-

тап эшикни қия очиб, ичкарига қулоқ тутишга мажбур бўлди.

– Расво бўлди! – деди у ғудраниб.

– Нима расво бўлди? – тилёгламалик қилди Воробъяников.

– Стуларни битталаб сотишаپти, мана нима расво бўлди. Балки сотиб оларсиз? Марҳамат қилсинлар. Ушлаб турганим йўқ сизни. Зўр бўлсангиз, киринг ичкарига. Пулнинг чўфиям камроқмикин, деб кўрқаман.

Аслида воқеа бундай бўлган эди: залда ўтирганлардан бир йўла икки юз сўм чиқишига кўзи етмаган даллол (бунаقا хашакиларда шунча пул нима қилсин) шу маблағни чакана йўл билан йифиб олмоқчи бўлди. Стуллар бўлиб-бўлиб сотила бошлади.

– Саройдан чиққан тўртта стул. Ёнғодан ишланган. Юмшоқ Гамбснинг қўли теккан. Ўттиз сўм. Ким ошади?

Остапдаги тадбиркорлик ва фаросат дарҳол асл ҳолига қайтди.

– Менга қаранг, хонимларнинг эркатои, шу ерда қимир этмай турасиз. Беш дақиқада келаман. Ким нима олганига кўз-қулоқ бўлиб туринг. Биттаям стул йўқолмасин.

Бендернинг калласида дарҳол бир режа пишди. Икковининг бошига тушган бу мушкул вазиятда энг мақбули ҳам шу эди.

У югуриб Петровкага чиқди-да, мум қайнаётган катта қозон олдига бориб, боқимсиз болалар билан икки оғиз тиллашиб олди.

Ваъдасига кўра беш дақиқадан кейин Ипполит Матвеевич ёнига қайтиб келди. Боқимсиз болалар савдо зали олдида шай туришарди.

– Сотишаپти, сотишаپти, – дея пичирлади Ипполит Матвеевич, – тўрттаси, кейин яна иккита-си сотиб бўлинди.

— Хурсанд бўлинг, тантилик қилган ўзингиз-ку,
— деди Остап. — Ҳаммаси бизники эди, тушуна-
сизми, бизники. Фаросат етадими шунга?

Фақат даллол, чўталчи ва ойнасоз зотига таби-
ат ато қилгувчи чийилдоқ овоз залда баралла эши-
тиларди.

— Яна ярим сўм, чапда. Уч. Яна бир дона сарой
стули. Ёнғоқ дараҳтидан ишланган. Бекаму кўст.
Ярим сўм ошди, тўғрида. Ярим сўм ошди, тўғри-
да, бир.

Яна учта стул доналаб сотилди. Даллол охирги
стул нархини эълон қилди. Остапнинг қони қай-
наб кетди. Аламига чидаёлмай Воробъяниковнинг
гўрига роса фишт қалади. Қўйиб берса, Остап
шеригини янайм боплаб таъзирини бермоқчи
эди-ю, лекин лодзча жигарранг костюм кийган
бир киши унинг сўзини бўлди. У худди теннис
ўйнаётган одамдай гоҳ лўппи қўлларини силки-
тиб, таъзим билан эгилар, гоҳ эса бир сакраб, ён-
верига шох ташларди.

— Менга қаранг, — деб сўради у ҳовлиққанича
Остапдан, — кимошди шу ерда бўляптими ўзи?
Чинданми? Кимошди савдоси-я? Ҳар хил анжом-
лар шу ерда сотиляпти денг? Ажойиб?!

Нотаниш кимса оғзи қулоғига етиб, ён томонга
бир шох ташлаб, иргишилади.

— Анжом ростдан ҳам шу ерда сотиляптими?
Арzon-гаровга олиш мумкин экан-да, а? Зўр
бўпти-ку! Қойил, қойил! Оҳ-оҳ!..

Нотаниш кимса хазинатопарлар кўзини бақ-
райтириб, йўрғалаганича залга кириб кетди ва
ҳаш-паш дегунча охирги стулни сотиб олди. Буни
кўриб, Воробъяниковнинг томоги тақиллаб кет-
ди. Нотаниш кимса тўлов қофозини чангллагага-
нича пештахтага югурди.

– Менга қаранг, стулни ҳозир оламанми? Жуда соз!.. Ох-ох!..

Нотаниш кимса гоҳ эчкидай маъраб, гоҳ ир-гишлаб юриб, охири стулни извошга босди-да, тезгина жўнаб қолди. Боқимсиз бола унинг изига тушди.

Стулларнинг қолган янги эгалариям секин-аста тарқалиши. Остап ёллаган хуфия болакайлар уларга эргашди. Охири Остапнинг ўзиям жилворди. Ипполит Матвеевич қўрқа-писа унинг ортидан юрди. Бугун кун Ипполит Матвеевич учун даҳшатли тушдек бўлди. Ҳамма нарса бирдан юз берди, кутилган натижа бўлмади.

Сивцевий Вражекда рояль, мандолина ва гармонлар жўр бўлишиб кўкламни олқишлиарди. Деразалар ланг очиқ. Сопол тувак терилган дераза токчалари худди гулзорга ўхшайди. Шим тасмасини елкадан ўтказиб олган, кўкраги сержун, бақалоқ бир одам дераза ёнида зўр бериб хониш қиласди. Девор тагида аста мушук ўрмалайди. Озиқ-овқат дўкончаларида лампа чироқлар милтиллайди.

Пуштиранг уй ёнида Коля айланиб юрган эди. У олдинда келаётган Остапни кўргач, самимий сўрашди-да, Воробъяниковга яқинлашди. Ипполит Матвеевич юракдан чиқариб, унга салом берди.

– Яхшимисиз, – деди у қуруққина қилиб ва ўзини тутолмай қуличкашлаб туриб Ипполит Матвеевичнинг чаккасига бир туширди.

Колянинг тарсаки ёнига қўшиб айтган гапи буларни бир чеккада индамай кузатиб турган Остапга анча фалати туюлди.

– Мана шунаقا бўлади, – деди Коля чийиллаб,
– кўз олайтириш...

Нимага кўз олайтириш шунаقا бўлишини айтмади. Кейин у бўйини чўзиб, кўзини чирт юмдида, Воробъяниновнинг бетига бир шапалоқ урди.

Ипполит Матвеевич юзини тўсмоқчи бўлди-ю, лекин финг демади.

– Маъқул иш, – деди Остап, – энди гарданига. Икки марта. Яхши. Илож қанча. Босар-тусарини билмай қолган товуқни баъзан жўжаям йўлга солиб туриши керак. Яна бир марта. Яхши. Тортинмай ураверинг. Каллага тегманг энди, бўлар. Худоқисган жойи шу ўзи.

Эски шаҳарлик исёнчилар саромад донишмандурус демократиясининг отахонини шу нозик вазиятда кўриб қолишига борми, хуфия «Қилич ва Омоч» бирлашмаси дарҳол жон таслим қилган бўларди-ёв.

– Майли, етар энди, – деди охири Коля қўлининчўнтакка тиқиб.

– Яна бир марта бўлсин, – илтимос қилди Остап.

– Э, бети курсин! Энди ўйлаб иш қиласди!

Коля кетди. Остап Иванопулонинг уйига чиқиб, пастга қаради. Ипполит Матвеевич элчихонанинг чўян панжарасига суюнганича бир чеккада шумшайиб турарди.

– Ўртоқ Михельсон! – деб қичқирди Остап. – Конрад Карлович! Уйга киринг! Рухсат бераман!

Ипполит Матвеевич хонага кирганида боягидан анча тетик кўринди.

– Шунақаям беҳаёлик бўладими! – деди у ғазаби тошиб. – Зўрга ўзимни ушлаб турдим-да.

– Секинроқ айтасизми, – деди уни қувватлаб Остап, – ҳозирги ёшлар кўп бемаъни чиқди-да! Бирорларнинг хасмига кўз олайтиrsa! Бирорларпулини совуриб юрса... Фирт парокандалик-ку! Ҳа, айтинг-чи, бошга урганда қаттиқ оғрир эканми?

– Мен уни дузлга чақираман!

- Офарин! Яхшигина бир танишим бор, асқатиб қолиши мумкин. Ўзиям дуэль қонун-қоидаларини сув қилиб ичворган, иккита супургисиям бор, ҳайт-мамот жангида жуда құл келиши мумкин. Секундант қилиб Иванопулони ёки ўнг эшикдаги құшнини олса бўлади. Ўзиям тагли-тахтли құшни, Кологрив шаҳрининг фахрий фуқароси бўлган, ҳозиргача шу мансаби билан керилиб юради ёки бўлмаса қиймалагичда олишиш ҳам мумкин, анча овлоқ жой. Шунисиям борки, у ердан тирик чиқиш қийин. Кимки ичкарида панд еса, бу томондан қийма бўлиб чиқаверади. Хўш, сардор, маъкулми шуниси?

Шу пайт кўчадан ҳуштак овози эшитилди-ю, Остап боқимсизлардан махфий маълумот олгани ташқарига отилди.

Боқимсиз болалар топшириқни боплаб бажарishiбди. Тўрт дона стул Колумб театрига бориб тушибди. Боқимсиз бола бу стулларини замбилғалтакка солиб боришганини, кейин кўчага тушириб, орқа эшикдан театр биносига олиб киришганини батафсил сўзлаб берди. Театр қаерда жойлашгани Остапга яхши маълум эди.

Иккинчи изтопар гапига қараганда «зўр бир дўндиқча» иккита стулни извошда олиб кетибди, лекин бу болакай зеҳни пастроққа ўхшаб қолди. Ўша хотин қайси кўчага бурилиб (Варсонофьев кучаси), қайси хонадонга кирганини (ўн еттинчи квартира) аниқ айтиб берган бўлса ҳам уй рақамини ҳечам эслаёлмади.

- Қаттиқ чопувдим, миямда қолмабди, - деди боқимсиз бола.

- Сенга пул йўқ, - чўрт кесди ишбоши.

- Жо-он амаки!.. Кўрсат десангиз, кўрсатаман бориб.

– Яхши. Кетмай тур. Бирга борамиз. Эчкимижоз одам Садовая-Спасская күчасида тураган. Остап унинг аниқ манзилини ён дафтариға ёзиб олди.

Стулларнинг саккизинчиси Халқлар уйига равона бўлган экан. Бу стулнинг изига тушган бола анча чапдаст чиқиб қолди. У йўлида учраган ҳар қандай ғовларга – комендантурадан тортиб, сонсаноқсиз югурдак хизматчиларгача – ҳаммасига чап бериб, бинонинг ичига кирибди, стулни «Дастгоҳ» таҳририятининг хўжалик мудири сотиб олганига қаноат ҳосил қилганидан кейингина изига қайтибди.

Яна икки боладан дарак бўлмай турган эди, бирдан икковиям олдинма-кейин ҳаллослаб келиб қолишиди.

– Казарма күчасида, Чистий Прудининг шундоққина ёнида.

– Нечанчи уй?

– Тўққизинчи. Квартираси тўққиз. Ўша ерда татарлар тураркан. Ҳовлида. Стулни кўтаришиб бордим. Яёв юрдик.

Охирги чопар совуқ хабар топиб келди. Энди омад юришай деганида иш расво бўпти. Стул эгаси Октябрь вокзалига боргач, омборхонага кириб кетибди, орқасидан эргашишнинг иложи бўлмабди, сабаби дарвозани Алоқа йўллари халқ комиссарлигига қарашли алоҳида ҳарбий округ ўқчилари қўриқлаб турган экан.

– Жилворган бўлса керагов, – деди ҳисоботига якун ясад боқимсиз бола.

Бу хабар Остапни қаттиқ ташвишга солиб кўйди. Ҳотамтойлиги тутиб, боқимсиз чопарларга бир сўмдан улашиб чиққач (Варсонофьев кўчасидаги уй рақамини эслаб қололмаган мухбир болакай ширинкома учун эртага барвақтроқ кела-диган бўлди), амалий саркор уйга қайтиб кирди-

да, бугун тоза шармандаси чиққан ширкат раисининг саволларигаям парво қилмай, ўзича режалар туза кетди.

– Ноумид шайтон, дейдилар. Ҳалиям ҳаракат қилса бўлади. Стуллар кимларнинг қўлидалиги маълум, бас, шундай экан, уларни бегона қилмасликнинг иложи осон, бунинг кўп синашта усуллари бор: 1) стулли тўкис билан улфатчилик қилиш, 2) аёлнинг, юрагига қўл солиб кўриш, 3) томини тешиб тушиш, 4) айирбошлаш ва 5) пул билан рози қилиш. Шуниси энг тўғри йўл, лекин пулнинг чўфи камроқ-да.

Остап Ипполит Матвеевичга қараб, мийирида кулиб қўйди. Шу тобда буюк мудаббирнинг фикри яна аввалгидай равshan тортиб, асаблари жойига келган эди. Пулни бир амаллаб топса бўлади, албатта. «Большевиклар Чемберленга хат ёзишмокда» деган расмни қотириб ташлаши, ёнидаги симтўрни пуллаши ёки бўлмаса яна бир кечалик куёв ҳунарига қайтиши мумкин.

У факат ўнинчи стулдан хавотирда. Стул номнишонсиз йўқолгани йўқ, изи-ку, бор-а, албатта, аммо-лекин жудаям мужмал, жудаям ноаниқ-да.

– Бўпти, – деди Остап овозини чиқариб. – Таваккал қилса бўлар экан. Ўнтадан тўққизтасига гардкам. Мажлис давом этади! Эшитяпсизми? Ҳув маслаҳатчи тўра, сизга айтяпман!

Йигирма иккинчи боб

ОДАМХЎР ЭЛЛОЧКА

Тадқиқотчиларнинг аниқ ҳисобига қараганда, Вильям Шекспир ўн икки минг сўз ишлатган. «Мумбо-Юмбо» деган одамхўр занжи қабиласининг сўз луғати уч юздан ошмайди.

Эллочка Шчукина эса ўттизта сўз билан бемалол тирикчилик қилиб келади.

Унинг буюк рус тили уммонидан саралаб олган сўз, ибора ва хитоблари мана шулардан иборат:

1. Алжиманг.

2. Ҳо-ҳо! (Жойига қараб ҳар хил маънода келади: киноя, ҳайрат, завқ, нафрат, қувонч, жирканиш ва мамнуният туйгуларини ифодалайди.)

3. Антиқавор.

4. Бемаъни. (Дуч келган жойда ишлатилаверади. Масалан: «беъмани Петя келди», «бемаъни ҳаво», «бемаъни воқеа», «бемаъни мушук» ва ҳоказо.)

5. Faflat.

6. Даҳшат. (Даҳшатли. Масалан, яқин дугона билан учрашиб қолишганда даҳшатли тасодифни қаранг дейилади.)

7. Йигитча. (Ёш ва ижтимоий мавқеидан қатъи назар, ҳамма таниш эрқакларга нисбатан қўлланилади.)

8. Менга ақл ўргатманг.

9. Ёш боладай. (Қарта ўйналаётган бўлса, ёш боладай эзив ташладим, дейилади. Амали каттароқ ижарадор билан гаплашиб қолинганда эса, ёш боладай тузладим қабилида ишлатилади.)

10. М-м-маза!

11. Лўппи, зўр. (Жонсиз ва жонли буюмларга нисбатан аралашига ишлатилаверади.)

12. Извошда кетамиз. (Эрига айтиладиган гап.)

13. Таксода кетамиз. (Таниш эрқакларга айтиладиган гап.)

14. Орқангиз оппоқ оқариб кетибди. (Ҳазил.)

15. Худо ҳақи.

16. Гинам. (Эркалаш аломати. Чунончи: Мишагинам, Зинагинам.)

17. Оҳо! (Кесатик, ҳайрат, завқ, нафрат, шодлик, жирканиш ва мамнуният рамзи.)

Бу рўйхатга кирмай қолган яна бир ҳовуч сўз борки улар Эллочка билан универмагдаги гумашталар ўртасида воситачилик вазифасини ўтайди.

Муҳандис эри Эрнест Павлович Шчукиннинг ётоги тепасида Эллочка Шчукина тушган иккита сурат осиглиқ туради (бири тўғридан, иккинчиси эса ён томондан олинган). Ана шу фотосуратларга разм солиб қаралса, кенглиги билан дўнглиги мўътадил пешана, йилтилаб турган бир жуфт шаҳло кўз, Москва депарасида тенги йўқ бурунча-ю, қора сиёҳда кичкинагина хол қўндирилган оғиз намоён бўлади.

Эллочканинг эркакларга ёқиб тушадиган бўйбости бор. Ўзи кичкинагина, шунинг учун энг пачоқ эркаклар ҳам унинг ёнида забардаст ва барваста кўринади.

Уни бошқалардан ажратиб турадиган бирор ташқи белги йўқ. Эллочка бунга муҳтоҷ ҳам эмас. Суқсурдай жувон-да, ўзи.

Эри «Электр қандил» заводида оладиган икки юз сўм ойлигини Эллочка ўзи учун ҳақорат деб биларди. Эллочка бундан тўрт йил муқаддам Шчукинга турмушга чиқиб, уй бекаси деган ижтимоий мавқега эга бўлгач, катта бир жанг бошлаб юборгани учун бу пул унинг кўзига урвоқ бўлиб кўринарди. Бутун кучлар ишга солинган бу жанг рўзгорни тобора абгор қилиб бораарди. Эрнест Павлович уйига кечқурунлари иш оладиган бўлди, оқсоқ хотин жавобини берди, ўзи примус қўйиб, ахлат ташиди, котлетниям ўзи пишириб юрди.

Аммо бунинг икки чақалик фойдаси бўлмади. Хатарли душман йил сайин кучайиб, рўзгорга тобора кўпроқ қирон келтира бошлади. Бундан тўрт йилча муқаддам Эллочка океан ортида кундоши борлигини пайқаб қолган эди. Бу бахтсиз ҳодиса

файзли бир оқшом маҳалида рўй берди. Ўшанда Эллочка қулинг ўргилсин бир ниҳоятда чиройли калта кийўлакни эндинга кийиб кўраётган эди. Эгнидаги оҳори тўкилмаган либоси азбаройи ярашганидан нақ маликалардай яйраб кетди.

– Ҳо-ҳо! – деб чинқириб юборди у аъзойи баданини чулғаб олған мураккаб ҳис-туйфуларни шу ваҳшиёна қичқириққа жойлаб.

Бу мураккаб ҳис-туйфуларни жўнгина қилиб шундай ифодалаш мумкин: «Мени бу либосда кўрган ҳар қандай эркак зоти хушидан кетади. Уни титроқ босади. Ёндим-куйдим, деб изларимни ўпади, лекин мен қиё боқмайман. У ахир тирноғимгаям арзимайди-ку! Мен жудаям чиройлиман. Бунақангиз зўр кўйлак етти иқлимдаям йўқ».

Бироқ бисотида атиги ўттиз нафар сўз бўлгани учун Эллочка шулардан энг ўткири ҳисобланмиш «ҳо-ҳо» иборасини танлаган эди.

Ана шундай муборак бир аснода унинг уйига Фома Собак ташриф буюриб қолди. Меҳмон аёл хонадонга январь ойининг совуқ нафаси билан Францияда чиқадиган модалар журналини олиб келди. Журналнинг биринчи бетини кўрибоқ, Эллочка эсанкираб қолди. Сабаби, ялтироқ фотосуратда Вандербильд деган бир америкалик миллиардернинг эркатой қизи оқшом либосида акс эттирилган эди. Мўйна билан шоҳона бичилган кўйлакнинг ўзи-ю, бойвуччанинг антиқавор турмакланган сочи бир зумда кучини кўрсатди-қўйди.

– Оҳо! – деди ўзига-ўзи Эллочка.

«Бу дунёда ё мен тураман, ё у», деган гап эди бу.

Эртасига эрталаб Эллочкани сартарошхона ўз кучоғига олди. Шу ернинг ўзида у одамнинг ҳаваси келгудай бир ўрим қоп-қора сочини калта кестириб, қолган-қутганини маллага бўятиб олди. Ора-

дан кўп ўтмай Эллочка уй бекаси Шчукинанинг тирногигаям арзимайдиган аллақандай миллиардер қизлар яйраб юргувчи роҳати жон жаннатга яна бир баҳя яқинроқ келди. Эрининг ишхонасидан қоғоз олиб, насияга ит териси харид қилди. Сув қаламушига ўхшатиб пардоз берилган бу тери оқшом либосига жияк бўлиб тушди.

Кўпдан янги чизма тахта илинжида юрган мистер Шчукин хийла маъюс тортиди.

Ит терисидан жияк солинган кўйлак Вандербильддек димоғдор бойвуччага отилган дастлабки ўқ бўлди. Шундан кейин бу мутакаббир американалик хонимга қаратса кетма-кет яна уч марта ўқ узилди. Эллочка хонаки мўйнадўз Фимочка Собакдан елкага ташлаб юрадиган қимматбаҳо тери сотиб олди (бу тери Америкада яшайдиган жониворга нисбат берилган бўлса ҳам аслида русларнинг Тула депарасида кўлга тушган қуённики эди), Аргентина мовутидан тикилган сават шляппа топиб келди, кейин эрининг янги пиджагини ағдариб, ўзига пўримгина бир жакет тикириб олди. Миллиардер қиз ўқ зарбидан бир қалқиб тушган эди-ю, лекин меҳрибон отаси Вандербильд жонига ора кириб қолди-да.

Эллочка модалар журналининг кейинги сонини очиб қараса, лаънати рақиби ялпайиб яна суратга тушибди. Тўртта суратда тўрт хил тасвирланган: 1) елкасида қорамтир тулки териси; 2) пешонасида гавҳар юлдузча, 3) учувчи кийимида (қўнжи узун этик, юпқа, шил камзул, оғзига зумрад тошлар қадалган кўлқоп), кейин: 4) базм либосида (мўл-кўл қимматбаҳо тошлару бир чимдим ипак кўринади).

Эллочка сафарбарлик эълон қилди. Оила бошлиғи Шчукин ўзаро ёрдам кассасидан қарз кўтарди. Зўрга ўттиз сўм беришди. Янги-янги сарф-

харажатлар рўзгорни бутунлай издан чиқариб юборди. Турмуш оғирлашди. Шу ўртада хонимнинг Флоридадаги янги қасрида тушган сурати келиб қолди. Эллочка ҳам янги жиҳоз олишга мажбур бўлди. У кимошди савдосига бориб, икки дона юмшоқ стул сотиб олди. (Зўр нарса! Бунақаси кам топилади!) Эллочка эридан сўраб ўтирумай, овқат пулидан ишлатворди. Ойнинг ўн бешига қадар яна ўн кун ва тўрт сўм пул қолган эди.

Эллочка дабдаба билан извошда Варсонофьев кўчасидан ўтди. Эри ҳали келмаган экан. Дарвоҳе, орадан сал ўтмай, сандиқнамо портфелини кўтариб уйга эри кириб келди.

– Бемаъни эрим келди, – деди Эллочка бийрон қилиб.

Умуман, у сўзларни элагандай дона-дона қилиб, бийрон гапиравди.

– Яхши ўтирибсанми, Еленочка, ия, бу нима? Стуллар қаердан келди?

– Ҳо-ҳо!

– Йўқ, ростдан сўраяпман?

– М-маза!

– Ҳа, Яхши экан.

– Антиқавор!

– Бирор ҳадя қилдими?

– Оҳо?

– Ёпирай?! Наҳотки сотиб олган бўлсанг? Пулни қаердан олдинг? Рўзгор пулидан ишлатдингми? Сенга минг марта айтдим-ку...

– Эрнестгинам! Алжима!

– Бу қанақа гап ахир? Тирикчилик нима бўлади энди?

– Бо худо!

– Фирт бемаънилик-ку, бу ахир. Нуқул орқа-олдингга қарамай пулни совурасан!

– Наҳот!

– Ҳа, ҳа. Орқа-олдингизга қарамай совурасиз пулни...

– Менга ақл ўргатманг!

– Кел, жиддий гаплашиб олайлик. Ойига икки юз сўм пул олсам...

– Faflat!

– Пора олмасам, ўғирлик қилмасам, уйда пул ясамасам...

– Даҳшат!

Эрнест Павлович индаёлмай қолди.

– Менга қара, – деди у ниҳоят тилга кириб, – бунақада турмуш бўлмайди.

– Ҳо-ҳо, – деди Эллочка янги келтирган стулига ўтирас экан.

– Ажрашмасак бўлмайди.

– Бо худо!

– Бир-биримизга муносиб эмас эканмиз. Феълимиз ҳар хил. Мен....

– Лўппи, зўр йигитчасан.

– Мени йигитча дема, деб неча марта айтдим сенга!

– Наҳот!

– Одамга ўхшаб гапирсанг-чи, талингга чипқон чиққанми?

– Менга ақл ўргатманг!

– Уф, лаънати! – бақириб юборди муҳандис.

– Алжиманг, Эрнестгинам.

– Кел, тинчгина ажралиша қолайлик.

– Оҳо!

– Минг ўзингни оқлаганинг билан фойдаси йўқ!
Ади-бади айтишиб...

– Ёш боладай эзib ташлайман.

– Бас, сабр-тоқатим тугади. Топган важ-корсонларинг ўзингга сийлов, шу ишни қилишга мажбурман энди. Ҳозироқ кўчадан битта арава топиб келаман.

- Наҳот!
- Аңжомларни тенг иккига бўламиз.
- Даҳшат!
- Ойига юз сўм оласан. Ҳатто юз йигирма. Уй ўзингга қолади. Хоҳлаганча яшайвер, мен тўйдим.
- Антиқавор, – деди Эллочка энсаси қотиб.
- Мен Иван Алексеевичнида тураман.
- Оҳо!
- Ўзи чорбогига чиқиб кетди, уйи ёз бўйи бўш.

Калити менда... Фақат жиҳозлари йўқ.

- М-маза!

Орадан беш дақиқа ўтар-ўтмай, Эрнест Павлович қоровулни бошлаб келди.

– Хўш, жавонни олмай қўя қолай, сенга кўпроқ керак, лекин ёзув столини марҳамат қилгайлар... Манави стулниям олинг, қоровул амаки. Хўш, шу янги стуллардан биттасиниям олсан. Қалай, ҳақим бўлса керак, а?

Эрнест Павлович кийим-кечагини бир бўғчага туғиб, этигини газетага ўради-да, эшикка қараб юрди.

- Орқанг оппоқ оқариб кетибди, – деди Эллочка хиргойи қилиб.
- Яхши қол, Елена.

Хотиним лоақал шунаقا маҳалда ўзини тийиб, бемаъни гапларини қилмас, деб ўйлади. Эллочкаям вазият қалтислигини сезди. Бир гувраниб, видолашув онларига мос келадиган сўзларни эсламоқчи бўлди. Дарров эслаб топди ҳам.

- Таксида кетасанми? М-маза!

Муҳандис зингиллаганича зинадан пастга тушиб кетди.

Эллочка оқшом бўйи Фима Собак билан бирга бўлди. Иккови жаҳон иқтисодиёти илдизига болта урмоқчи бўлиб турган ғоят муҳим воқеа хусусида фикрлашиб олишди.

– Яқин орада этаги узун, кенг күйлак расм бўлса керак, – деди Фима товуқдай бўйини қисиб.

– Faflat.

Эллочка меҳр билан Фима Собакка қараб қўиди. Мадемуазель Собак маданият кўрган қизлардан: луғатида бир юз саксонга яқин сўз бор.

Суҳбатлари қизиб кетиб, ярим кечагача гаплашиб ўтиришди.

Эрта билан соат ўнда буюк мудаббир Варсонофьев кўчасига бурилди. Унинг олдида кечаги боқимсиз бола ирғишлаб борарди. У айтган уйини кўрсатди.

– Алдамаяпсанми?

– Нега алдар эканман, амаки... Мана, шу ердан кириб кетувди.

Бендер болага ҳалол ишлаб топган бир сўм пулени узатди.

– Пича қўшсангиз бўларди, – деди бола извошлилардай ялтоқланиб.

– Номаъқул бузоқнинг гўштини ебсан. Қолганини Пушкиндан ундириб оласан. Алвидо, пўлавой.

Остап бировнинг уйига нима деб кираман, деган андишага ҳам бормай, эшикни тақиллатди. Хотин зоти билан гаплашганда у кўпроқ илҳомига ишонарди.

– Оҳо? – деган овоз келди эшик ортидан.

– Хизмат юзасидан, – жавоб берди Остап. Эшик очилди. Остап чумчуқча ақл-фаросат билан бе затган хонага кириб қолди. Девор бўйи қилиб кинносуратлар, кўфиричоқлар, Тамбов гиламлари осиб ташланган. Уй ичи бошни айлантирадиган даражада ола-була бўлиб кетганидан кичкина бекани дарров пайқаш қийин. Унинг эгнида Эрнест Павловичнинг кенг камзулидан ағдариб тикилган халат, жияклари мавҳум мўйнадан.

Остап бундай олий даргоҳда ўзини қандай тутиши лозимлигини дарҳол сезди. У иккала кўзи ни чирт юмиб, орқага тисарилди.

– Мўйнангиз ажойиб экан! – деди у овозини баралла қўйиб.

– Наҳот! – деди Эллочка ипакдай эшилиб. – Мексикада яшайдиган қўшоёқ-ку, бу.

– Асло мумкин эмас. Сизни алдашибди. Мўйнанг зўрини беришибди. Шанхай қоплони бу. Ҳада! Қоплоннинг худди ўзгинаси! Терисининг ялтирашидан биламан. Кўряпсизми офтобда товланишини!.. Зумрад-а, зумрад!

Эллочка Мексика қўшоёғини шахсан ўзи яшил рангга бўягани учун ҳам саҳархез меҳмоннинг мақтовини эшитиб, мойдай эриб кетди.

Буюк мудаббир мезбон эс-хушини йифиб олишини кутиб ўтирамай, мўйна ҳақида эшитган-билганларини бирваракайига тўкиб солди. Шундан кейин гап ипакка кўчди. Остап шу заҳотиёқ қўжлик бекага ваъдани қуюқ қилди: Ўзбекистонда етишириладиган бир неча юз дона пилмани унга бағишлаб юборди.

– Маъқул йигитча кўринасиз, – деди Эллочка дастлабки танишувдан сўнг.

– Аzonлаб бегона эркак йўқлаб келганини кўриб, роса ҳайрон бўлгандирсиз?

– Ҳо-ҳо!

– Нозик бир масала мени келишга мажбур қилди.

– Наҳот!

– Кеча сизни кимошди савдосида кўриб қолдим, кўрдиму эс-хушимни йўқотиб қўйдим.

– Алжиманг!

– Ё тавба! Сиздай гўзал аёлга алжишлиқ қабоҳат-ку, ахир!

– Даҳшат!

Икки ўртадаги мuloқot деярли шу рұхда давом этган бўлса ҳам ўқтин-ўқтин самараси чакки бўлмади, лекин Остапнинг мадҳу санолари борабора чуммаллашиб, анча сийқаланиб қолди. Чунки у стуллардан бирининг йўқлигини сезиб қолган эди. Нима бўлсаям уни топиш керак. Остап Элложкани гоҳ саволга тутиб, гоҳ ошириб хушомадлар қилиб, кеча унинг ҳаётида нима воқеа рўй берганини билиб олди.

«Яна иш кўпайди, – кўнглидан ўтказди у, – стул деганиям сичқонга ўхшаб инига кириб кетяпти».

– Оппоқ қиз, – деди дабдурустдан Остап, – шу стулни менга сота қолинг. Жудаям ҳавасим келди. Фаросатингизга балли, чинакам аёл экансиз, дидингизга қойил қолдим. Сота қолинг, қизча, етти сўм бераман.

– Алжиманг, йигитча, – ишва билан деди Элложка.

– Ҳо-ҳо, – деди бўш келмай Остап.

«Бу хонимнинг йўриғи бошқа куринади, эвазига бир нима бериш керак», – деган фикрга келди Остап.

– Мен сизга айтсам, ҳозир Европадаям, Филадельфиянинг энг зўр хонадонларидаям яна эски таомилга қайтишибди. Чойнакнинг бурнига яна симтўр тутишляпти. У ҳам шамани ушлаб қолади, ҳам ўзи чиройли буюм.

Элложка ҳушёр тортди.

– Бир дипломат ошнам бор, яқинда Венадан келди, ўша совға қилди менга. Маъқул нарса экан.

– Антиқавор бўлса керак, – қизиқиб қолди Элложка.

– Оҳо! Ҳо-ҳо! Келинг, алмашамиз. Стул сиздан, симтўр биздан. Розимисиз?

Остап чўнтагидан мўъжазгина симтўрни олди.

Тилла суви юритилган симтўрда қуёшнинг туҳумдай акси кўринди. Шифтда шуъла ўйноқлаб кетди. Хонанинг қоронғи бурчаги бирдан ёришгандай бўлди. Ёввойи Мумбо-Юмбо қабиласига мансуб бир одамхўр бўш консерва қутини кўриб қанчалик бақрайиб қолса, симтўр ҳам шунчалик Эллочканинг ҳушини олиб қўйди. Бундай пайтларда одамхўр овозининг борича бўкиради, албатта. Лекин Эллочка секингина:

– Ҳо-ҳо! – деб оҳ тортди, холос.

Остап вақтни бой бермаслик учун қўлидаги симтурни столга қўйиб, стулни олди, эри қаерда туришини сўраб билгач, латофатли аёл билан лутфан хайрлашди.

Йигирма учинчи боб

АВЕССАЛОМ ВЛАДИМИРОВИЧ ИЗНУРЕНКОВ

Хазинатопарлар оёғи куйган товуқдай типирчилааб қолишиди. Стулни қизифида босиш керак, дерди икки гапнинг бирида Остап. Гарчи Ипполит Матвеевичнинг гуноҳидан ўтган бўлса ҳам Остап вақт-бевақт унга:

– Мени нима жин уриб сиз билан топишиб қолдим-а? Бошимга битган бало бўлдингиз-ку! Уйингизга бориб, тинчгина ишлаб юравермайсизми?. Мурдаю чақалоқлар кутиб қолгандир. Гўдакларга шафқат қилинг. Боринг уйингизга! – дея дашном берарди.

Лекин буюк мудаббирнинг ўзи жонсарак сардорга ўрганиб қолган эди. «Шу одам бўлмаса ҳаётнинг файзи қочади, кулгидан барака кетади», – деб ўйларди Остап. Шундай кезларда у Воробъяниковнинг яна кумуш майса ўсиб чиққан бошига тикилиб, ўзича кулимсираб қўярди.

Амалий фаолият бобида Ипполит Матвеевич-нинг шахсий ташаббусига дурустгина ўрин ажратилган эди, камсуқум Иванопуло уйдан чиқиб кетиши биланоқ Бендер шеригини ёнига олиб, хазинани қўлга киритишнинг энг осон йўллари-ни миясига қўярди:

– Дадил бўлиш керак. Ҳеч кимга оғиз сола кўрманг. Андишани йифишириинг. Одамларга шуниси ёқади. Бирорларни воситачи қила кўрманг. Сиз айтган тераклар кесилиб кетган. Ўзини қўйиб сизга жавоҳир топиб берадиган аҳмоқ йўқ. Лекин жиноятгаям қўл урилмасин. Кодекс деганини ҳурмат қилишимиз керак.

Шунга қарамай, қидирув ишларида самара бўлмай турди. Жиноят кодекси ҳамда пойтахт аҳолиси ўртасидаги сон-саноқсиз буржуа сарқитлари ишнинг белига тепди. Масалан, бу ернинг одамлари кечаси дарчадан тушган меҳмонни ёқтиришмас экан. Демак, кундузи ошкор ҳараткат қилишдан бўлак илож йўқ.

Остап Эллочка Шчукинани зиёрат қилиб келган куни талаба Иванопулонинг хонасида бир буюм пайдо бўлди. Бу – симтўрга айирбош қилинган стул бўлиб, у сафар давомида қўлга киритилган ўлжаларнинг учинчиси эди. Жавоҳир илинжида жонсарак юрган хазинатопарлар стулни кўрди дегунча шердай ўкириб чанг соглан, ичидаги пружиналарини жон-жаҳдлари билан тортган дамлар алмақачон ўтиб кетган эди!

– Стулнинг ичидан ҳеч вақо чиқмаган тақдирдаям камида ўн минг ишлаб олдик, деяверинг, – деди Остап. – Қанча кўп стул қўлдан ўтса, қолганидан умид ҳам шунча кўпаяди. Хонимнинг стулларида ҳеч нарса йўқ экан, хўш, нима қипти? Бўлмаса бўлмасин, синдиришнинг нима кераги

бор. Иванопулонинг рўзгорига яраб турсин. Бир чеккасида ўзимиз ўтирамиз.

Ўша куниёқ ҳазинатопарлар пушти уйни тарк этиб, ҳар томонга тарқаб кетишиди. Ипполит Матвеевич чекига Садово-Спасская кўчасида турувчи эчкимижоз кимса тушди, майда харажат учун кўлига йигирма беш сўм пул берилди, пивохонага кирмасликка, стулни топмагунча уйга қайтиб келмасликка фармойиш тегди. Эллоchkанинг эри билан бўладиган муомалани буюк мудаббир ўз зиммасига олди.

Ипполит Матвеевич б-автобусга чиқиб, шаҳарни бошдан-оёқ кесиб ўтди. Устига чарм қопланган ўриндиқда гоҳ чайқалиб, гоҳ эса кажаванинг мойли шифтига урилгудай бўлиб сапчиб борар экан, йўл бўйи фикри хаёли фақат бир нарса билан: эчкимижоз одам исм-шарифини қандай билib олиш, нима баҳона билан уйига кириш, кириб олгандан кейин унга нима важ кўрсатиш, асосий ишни нимадан бошлаш режалари билан банд бўлди.

Қизил қопقا бекатида у автобусдан тушиб қолди, кейин Остап ёзиб берган қофозга қараб керакли уйни қидириб топди. Топишга топди-ю, аммо ичкари киришга юраги бетламай, анчагача атрофида уймалашиб юрди. Илгарилари бу бинода исқиртгина бир меҳмонхона бўларди, энди у уй-жой ширкатига айланибди, иморат сирти ола-чалпак бўлиб кетганига қараганда бу ер ижара ҳақидан бўйин товловчи фирромлар маконига ўхшарди.

Ипполит Матвеевич нарироқда хийла вақт чўчинқираб турди, бир неча маротаба эшикнинг олдига бориб келди, қўлда ёзиб, эшикка ёпиширилган эълон қофозларида нобакор ижарачиларга қаратса айтилмиш дўқ-пўписалар унга ёд бўлиб

кетди. Охири таваккал қилиб ичкари кирди-да, иккинчи қаватга күтарилди. Йўлак бўйлаб бир хонали уйларнинг эшиги кўринди. Ипполит Матвеевич дарсини тайёрламай келган куни муаллими доскага чақириб қолган мактаб боласидай шалвайибгина 41-хонага яқинлашди.

Инглиш АРЕСТАМ БАДАНИПОБАНЬ

деган ёзув бир биқинидан кнопка еган ҳолда оёғи осмондан бўлиб эшикда осилиб ётарди.

Тамомила гангид қолган Ипполит Матвеевич тақиллатишни ҳам унутиб, эшикни очди, каловланиб уч қадам босган эди, хонанинг ўртасига бориб қолди.

– Кечиргайлар, – деди у аранг тили айланиб, – ўртоқ Изнуренковни кўрсак бўладими?

Авессалом Владимировичдан садо чиқмади. Воробъяников бундоқ бошини кўтариб қараса, атрофда ҳеч ким йўқ экан.

Хонага кўз югуртириб чиққан билан мезбон табиати нимага мойил эканини асло билиб бўлмасди. Бу уйда турадиган одам бўйдоқ экани, супуриб-сидирадиган хизматкори йўқлиги аниқ эди, холос. Дераза токчасида қофоз тўла колбаса пўсти. Нарироқда беш-олти дона китоб чанг босиб ётибди. Деворлардаги рангли фотосуратларда мушук ва мушукчаларнинг турфа акси. Хона ўртасида, бир томонга қийшайиб ётган лой ботинканинг шундоқ ёнгинасида ёнроқ стул турибди. Хонадондаги жамики жиҳозларда, шу қатори Эски шаҳардаги данғиллама уйдан чиққан ушбу стулда ҳам тўқ қизил сурғучли муҳр осилган. Аммо Ипполит Матвеевич бунга парво ҳам қилмади. Дунёда Жиноят кодекси деган нарса борлиги, Остап

нималар деб насиҳат қилгани шу заҳоти хаёлидан күтарилиб, ўзини стулга ташлади.

Шу пайт қат устидаги газеталар шитирлаб, ҳаракатга келди. Ипполит Матвеевич қўрқиб кетди. Газеталар сирғалиб ерга тушгач, тагидан лапанглаб мушук чиқди. Мушукча Ипполит Матвеевичга эринибгина бир қараб қўйгач, юз-кўзини юва бошлади.

– Уф! – деди Ипполит Матвеевич ва шу ондаёқ, стулни чанглаб, эшикка қараб юрди. У ўзидан-ўзи очилиб кетди. Остонада уй эгаси-эчкимижоз кимса пайдо бўлди. Эгнига пальто кийиб олган бўлса ҳам, тагидан қип-қизил узун иштони кўриниб туради. Кўлида эса шимдай тежамкорлик масаласида сусткашлиқ қилаётган хўжалик ходимларини икки оғиз тифдор шеъри билан абжақ қилиб ташларди.

Журнал чиққанидан кейин унинг ҳажвиялари цирк майдонида баралла янграп, оқшом газеталари ўзиники қилиб кўчириб босар, концерт дастурларида эса «лапарни лапарчиларнинг ўзи тўқиган» деб эълон қилинар эди.

Изнуренков чайналавериб сийқаси чиқиб кетган соҳаларниям қайта силкитиб, кулгибоп нарсалар топишга уста эди. Сунъий равиша таннархни ошириш нима деган нарса? Изнуренков гиёҳ унмас шу дашти биёбонда ҳам юзга яқин зўр ҳажвия ҳосили одди. Имиллаб борадиган юклар учун нотўғри ҳақ олинаётганидан шикоят қилиб, шу тўғрида бошқаларга сабоқ бўларли икки оғиз нордон гап ёзиб беришни илтимос қилишса борми, Гейнедек одам ҳам дастгоҳини йиғишишиб қоларди; Марк Твен-ку, бу мавзуни эшитиб, орқа-олдига қарамай қочган бўларди. Тағинам Изнуренковнинг жони темирдан экан, чидаб келяпти шуларга.

У гоҳ маъраб, гоҳ йўлакдаги ахлат қутиласига қоқилиб, таҳририят хоналарига бирма-бир шўнғиб чиқади. Ўн дақиқага қолмай, мавзу қолипга тушади, хомаки расм тайёр бўлиб, сарлавҳасиям тахт қилиб қўйилади.

Авессалом Владимирович сурғучли стулни кўтариб чиқаётган одамга кўзи тушиши биланоқ ҳозиргина бичиқчининг уйида дазмолдан чиқсан шимини қўлида ликонглатиб, ёнига бир шоҳ ташлади-да, бидирлай кетди:

– Эсингиз жойидами! Мен бунга қаршиман! Ҳаққингиз йўқ! Қонун деган нарса бор ахир! Аҳмоққа қонун шарт эмас-ку, лекин жиҳозларга қонун бўйича икки ҳафта тегилмайди, қулогингизга чалинган бўлса керак шу қоида!.. Прокурорга арз қиласман!.. Тўлайман дедим-ку, ахир!

Ипполит Матвеевич серрайиб қолди. Бу орада Изнуренков апил-тапил пальтосини ечиб, тик турганича шимини кийиб олди. У Чичиковга ўхшаб оёқлари семиз, ўзи лўмбиллаган, лекин бети озгин одам эди.

Қўлга тушдим, энди мени тўғри милицияга олиб боришса керак, деб Воробъянинов юрагини ҳовучлаб турган эди, уй эгаси ўзига оро бериб бўлгач, бирдан юмшаб қолганини кўриб, ниҳоятда ҳайрон бўлди.

– Тушунсангиз-чи, ахир, – деди уйнинг эгаси муросага келиб, – бунга мен ҳечам рози бўлолмайман.

Изнуренковнинг ўрнида бўлганида Ипполит Матвеевич ҳам куппа-кундуз куни стулини ўғрига олдириб ўтиришга сираям кўнмасди, албатта. Аммо нима дейишини билмагани учун индамай тураверди.

– Айб менда эмас. Уларнинг ўзи айбдор. Тўғри, бўйнимга оламан. Пианинони ижарага олдим,

саккиз ой пулини тұламабман, аммо уни сотиб юборганим йүқ-ку. Соторсам ким билиб ўтирибди. Лекин мен ҳалоллигимни исботладим, улар бұлса фирмомлик қилишди. Асбобни олиб кетгани етмагандай яна судга беришибди, жиҳозларимни хатлаб кетиши. Менинг нарсаларимни хатлаш мумкин эмас. Жиҳозларим ишлаб чиқариш қуороли ҳисобланади. Шу стулам ишлаб чиқариш қуороли!

Ипполит Матвеевич гап нимадалигини сезгандай бўлди.

– Жойига қўйинг стулни! – чийиллаб берди Авессалом Владимирович. – Эшитяпсизми? Сизга айтяпман! Қофоз бандаси!

Ипполит Матвеевич бўшашибина стулни ерга қўйди-да, фўлдираб:

– Кечирасиз, англашилмовчилик бўпти, вазифамиз шунаقا, – деди.

Қўққисдан Изнуренковнинг жазаваси тутиб кетди. Уй ичиде шаталоқ отиб, «яна саҳар чоғи табассум айлади жонон», деганича хиргойига ўтди. Қўлларини қаёққа сифдиришни билмай қолди. Иккала қўлиям қанот чиқарганга ўхшарди. Олдинига галстугини бойламоқчи бўлди-ю, лекин охиригача чидаёлмай бу фикридан воз кечди. Кейин газетага ёпишди, ичини очмасданоқ униям ерга улоқтириди.

– Демак, жиҳозларга тегмайсиз-а, бугун?.. Жуда соз!.. Оҳ! Оҳ!

Ипполит Матвеевич фурсатни ғанимат билиб, эшикка қараб силжиди.

– Тўхтанг! – деб қичқирди Изнуренков. – Бунақа мушукни умрингизда ҳеч кўрганмисиз? Жунига нима дейсиз, ипакдай майин, а, тўғрими?

Мушукча Ипполит Матвеевичнинг қалтираётган қўлларига ўтди.

– Палаги тоза-да!.. – дея ғўлдиради Авессалом Владимирович жўшиб турган файратини қаерга сифдиришни билмай. – Оҳ!.. Оҳ!

У югуриб дераза олдига борди, рўпарадаги уй ойнасидан икки қиз шу томонга қараб турганини кўриб, чапак чалиб юборди ва уларга таъзим қила кетди. У турган жойида типирчилаб, оҳ-оҳ қила бошлади:

– Қишлоқ қизлари, ҳой! Нақш олма-ей!.. Палаги тозалар-ей... Оҳ! «Яна саҳар чоғи табассум айлади жонон...»

– Ўртоқ, мен борай бўлмаса, – аҳмоқона гап қилди ширкат бошлиғи.

– Тўхтаб туринг, ҳозир, ҳозир! – деди бирдан шошиб қолиб Изнуренков. – Бир дақиқа!.. Оҳ!.. Мушукча қалай? Ипакдай майин эканми жуни?.. Тўхтаб туринг!.. Мен ҳозир!..

У қизариб-бўзариб чўнтакларини кавлаштириди, югуриб нари кетгач, яна келди, оҳ-воҳ қилди, деразага ёпишди, яна нари иргишлаб, яна қайтиб келди.

– Кечирасиз, тасаддуқ, – деди у боядан бери аскарчасига тик қотиб турган Воробъяновга қараб.

Шу заҳотиёқ сардорга эллик тийинлик пул узатди,

– Йўқ, йўқ, хафа бўламан олмасангиз. Хизмат ҳақингиз бу.

– Чукур миннатдорман, – деди Ипполит Матвеевич ўзининг устомонлигидан ўзи ҳайратга тушиб.

– Раҳмат, азизим, раҳмат, тасаддуқ.

Ипполит Матвеевич йўлак бўйлаб борар экан, Изнуренковнинг хонасидан маъраган, чийиллаган, қичқириб-бўкирган овозлар эшитилди.

Кўчага чиққач, лоп этиб Воробъяниковнинг эси-га Остап тушди, даҳшатдан шу заҳотиёқ аъзойи баданини титроқ босди.

Эрнест Павлович Шчукин оғайниси тантилик қилиб ёз ойларида бутунлай ташлаб кетган бўш уй ичиди сандироқлаб юрар экан, ваннага тушмайми, тушмайми, деган муаммо устида бош қотиради.

Уч хонадан иборат бу уй тўққиз қаватли бино томининг шундоққина тагига жойлашган. Уйда ёзув столи билан Воробъяниковнинг стулидан бўлак трюмо ойна бор, холос. Офтоб тушиб тургани учун ойнага тик қараб бўлмайди, кўзни олади. Муҳандис ёзув столига чўзилади, лекин шу заҳотиёқ салгичиб туриб кетди. Стол қизиб кетибди.

«Ювениб ола қолай», – деди бир фикрга келиб у.

У ечинди, тер қотишини озроқ кутиб турди, кейин ўзини ойнага солиб кўргач, ваннахонага кирди. Анча ҳовридан тушди. Дарров ваннага тушиб, сирли кўк чўмичда устидан сув қўйди-да, кўпиртириб совун сурди. Паға-паға кўпикка белангач, худди қорбобога ўхшаб қолди.

– Яхши! – деб қўйди Эрнест Павлович.

Яхшиликка-ку, ҳаммаси яхши-я. Бадани ором оляпти. Тергайдиган хотини йўқ. Кўнглига ёққан ишини қилаверади. Бу ёғи энди тараллабедод. Муҳандис чўкка тушиб оди-да, устидан сув қўймоқчи бўлиб жўмракни буради. Жўмракнинг нафаси ичига тортиб, аллақандай хириллаган овоз чиқди. Сувдан эса дарак йўқ. Эрнест Павлович совуни силлиқ жимжилогини жўмрак оғзига тикиб кўрди. Жилдираб озгина сув тушган бўлди-ю, яна тўхтаб қолди. Эрнест Павловичнинг таъби тирриқ бўлди, ваннадан ҳатлаб ерга тушгач, ошхонадаги жўмракка югорди. Лекин бунисиям сув бермади.

Эрнест Павлович шипиллаганича хонага кириб, ойнанинг рўпарасида тўхтади. Совундан кўзлари ачишиб, кураги қичишди, паркет пол кўпика беланди. Эрнест Павлович ҳар эҳтимолга қарши ваннахона томонга қулоқ солиб кўргач, қоровулини чақиришга аҳд қилди.

«Лоақал сув топиб берар, – деб ўйлади тутақа бошлиган муҳандис кўзини ишқаб, – шуям иш бўлди-ю».

Деразадан ташқарига қаради. Тепадан чуқур ўрага ўхшаб кўринган ҳовлида болалар ўйнаб юришган экан.

– Қоровул! – деб бақирди Эрнест Павлович. – Қоровул!

Хеч ким жавоб бермади.

Қоровул деганлари бино ичидаги зина тагида, ертўлада яшаши шундагина Эрнест Павловичнинг эсига тушди. У муздай кафелни босиб, ташқари чиқди-да, бир қўли билан эшикни ушлаб, пастга энгашди. Майдончада бундан бошқа уй бўлмагани учун Эрнест Павлович хотиржам эди, унинг кўпикли либосига номаҳрамларнинг асло кўзи тушмасди.

– Қоровул! – деб қичқирди у пастга қараб.

Овози бир гумбурлаб, тошдай пастга юмалаб кетди.

– Ву-ву! – акс садо берди зина.

– Қоровул! Қоровул!

– Гум-гум! Гум-гум!

Оёғидан заҳ ўтиб кетгани учун бирини олиб, бирини қўйиб турган муҳандис шу пайт бехосдан тойиб кетди ва мункиб кетмаслик учун эшикни қўйиб юборди. Америка қулфидаги мис шиқилдоқ чиқ этиб, эшик ёпилиб қолди. Девор зириллаб кетди. Бошига қандай кулфат тушганидан

бехабар қолган Эрнест Павлович эшик тутқицидан тортиб күрди. Эшик очилмади.

Мұхандис жон ҳолатда устма-уст яна тортди, юраги така-пука бўлиб, ичкарига қулоқ солди. Атроф худди қабристондагидай жимжит. Минорадай дароз дераза ойналаридан (буларнинг рангиям ҳар хил) ёруғлик зўрға сизиб ўтган.

«Аҳвол чатоқ-ку», – деб кўнглидан ўтказди Эрнест Павлович.

– Вой абллаҳ-ей! – деди у эшикка қараб.

Снаряд олдин чийилаб, кейин портлагандай, пастдан одамларнинг дастлаб ғала-ғовури, орқадан қий-чуви эшитилди. Сал ўтмай кимнингдир хонаки или радиокарнайга ўхшаб увиллаб берди.

Кимдир зинадан болалар аравачасини судраб чиқа бошлади.

Эрнест Павлович юрак ўйноғида майдончани гир айлана кетди.

– Ақлга сифмаган иш бўлди-ку!

Унинг назарида ҳеч тасаввур қилиб бўлмайдиган воқеа юз берган эди. У яна эшик олдига бориб, қулоқ солди. Бу сафар бошқачароқ товуш эшитгандай бўлди. Олдинига уйда бирор юргандай туюлди.

«Нима бало, орқа эшикдан кирибдими бирор?»

– Гарчи орқа эшик ичидан қулфлоғлиқ, бошқа йўл йўқлигини билса ҳам кўнглига шу фикр келди.

Ичкаридан келаётган товуш бир меъёрда эди. Мұхандис нафас олмай турди. Шундагина у шовиллаган овозни эшитди. Демак, уйдаги ҳамма жўмракка сув келган. Эрнест Павлович додлаб юбораёзди.

Бундан баттари бўлмайди. Олий маълумотли, мўйлов қўйган, кап-катта одам қип-яланғоч, ҳалияди пуфак отиб турган совун кўпигига беланган

холда Москвада, шаҳарнинг қоқ марказида, тўққизинчи қават майдончасида шумшайиб турибди-я. Ҳеч қаёққа кетолмайди ҳам. Шу аҳволда одамлар кўзига кўрингандан кўра қамоққа тушган маъқул. Тақдирига тан беришдан бошқа иложи йўқ. Совун кўпиги писиллаб, икки кураги ачишиб кетди. Қўллари билан юзи тиришиб, тарашадай қотиб қолди.

Шу тахлит ярим соатча вақт ўтди. Муҳандис бу орада роса девор оҳагига ишқаланди. Оҳ-воҳ қилди, ҳатто эшикни бузиб очмоқчи бўлди. Унинг кўриниши хароб ва кўрқинчли эди.

Шчукин нима бўлсаям қоровул олдига тушишга жазм қилди.

«Бошқа илож йўқ, ҳечам. Қоровулникида жон сақлаб турман!»

Эрнест Павлович чўмилмоқчи бўлган эркаклардай қўли билан олдини тўсиб, панжарарага қапишганича қўрқа-писа зинадан туша бошлади. Шу тариқа саккизинчи қават билан тўққизинчи қават ўртасидаги майдончага келиб қолди.

Деразадаги ранго-ранг, қуроқ ойналардан тушган нур баданида жилва қилди. У машҳур опера-да Коломбино билан қизиқчининг галини панада эшитиб турган масхарабозга ўхшаб кетди. Муҳандис майдончадан энди бурилган ҳам эдики, пастдаги уйнинг қулфи шарақлаб, ичкаридан раққосалар чамадончаси кўтарган бир ойимқиз чиқиб қолди. Ойимқиз остона ҳатлаб улгурмасдан Эрнест Павлович зипиллаганича ўзининг қаватидаги майдончага чиқиб олди. Юрагининг гупиллаб уришига қулоғи шанфиллаб кетди.

Орадан ярим соат вақт ўтгандан кейингина муҳандис ўзига келиб, яна бир уриниб кўрмоқчи бўлди. Бу сафар қандай қилиб бўлса ҳам зудлик

билин пастга тушишга ва бир амаллаб қоровулхонага етиб олишга қатъий аҳд қилди.

Шундай қилди ҳам. Мұхандис ва техниклар жамиятининг идораси аъзоси түртта зинани бир ҳатлаб шипиллаганича пастга қараб югурди. Олтинчи қаватдаги майдончага келганда бир лаҳза түхтаб қолди. Бу билан ишни расво қилди. Пастдан оёқ товуши эшитилди.

– Ҳув, қулоқсиз! – карнайдай гумбурлаб чиқди хотин кишининг овози. – Минг марта айтгандирман унга!..

Эрнест Павлович ит қувлаган мушукдай жон аччиғида орқасига қарамай қочди, оёқлари беихтиёр түққизинч қаватга олиб чиқди.

У оёқ излари шилта қилган майдончага чиқиб олгач, пиқиллаб йиғлади, сочини юлиб, типирчилай бошлади. Бетига оққан қайноқ куз ёшлари қатқалоқ совун сатҳида құшариқча ҳосил қилди.

– Э Худо! – деб юборди мұхандис. – Бу нима күргилик! Бу нима күргилик!

Дунё күзига қоронғи күриниб кетди. Шу пайт күчадан гумбурлаб ўтган юк машинасининг овози қулоғига чалинди. Ия, ёруғ дунё ҳам бор экан-ку!

Яна бир неча марта пастга тушмоқчи ҳам бўлди-ю, аммо жойидан жилолмади – асаблари тамом бўлган эди. Назарида худди лаҳадга кириб қолгандай эди.

– Буларнинг кетидан доим тозалаб юришинг керак, чўчқалар! – дея тўнғиллади пастки қаватда бир кампир.

Мұхандис уч-тўрт марта югуриб бориб, деворга калла қўйди. Бундай вазиятда дод солиб, бирорвни ёрдамга чақирган ва ким келса, шундан нажот сўраган маъқул, албатта. Энг тўғриси ҳам

шу, бироқ Эрнест Павловичнинг мия ишлатадиган ҳоли қолмаган эди. У оғир ҳансирағ, майдончада гир-гир айланарди.

Бу аҳволдан қутулишнинг иложи қолмаган эди.

Йигирма түртинчи боб

АВТОМОБИЛЧИЛАР КЛУБИ

«Станок» деб аталувчи каттагина кундалик газета идораси Халқлар уйининг иккинчи қаватида жойлашган бўлиб, ҳозир жамики материаллар теришга берилиш олдидан таҳририят қозонида қайнаётган долзарб пайт эди.

Газетанинг ўтган сонига кирмай қолган тайёр хабар ва мақолалар яна сараланади, улар саҳифада қанча йўл эгаллаши аниқланади, ана шундан кейин эса кундалик машмаша бошланади – жой учун кураш қизиб кетади.

Тўрт саҳифали газетага ҳаммаси бўлиб тўрт минг тўрт юз йўл материал сиғиши мумкин. Телеграмма, мақола, янгиликлар, ишчи мухбирларнинг хатлари, эълонлар, бир дона шеърий ва бир жуфт насрый фельетон, карикатура билан фотосуратлар, театр, спорт, шахмат деб аталган маҳсус бўлимлар, бош мақола билан ярим бош мақола, касаба уюшмаларининг билдиришлари, сонма-сон босилаётган роман давоми, пойтахт ҳаётига оид бадиий очерклар, «Қатралар» деб аталмиш майда-чуйда хабарлар, илмий-оммабоп мақолалар, радио ва яна ҳар хил тасодифий материаллар – шуларнинг ҳаммаси тўрт саҳифага сиғиши керак. Таҳририят бўлимларида эса ўн минг йўлга яқин материал бўлади. Шунинг учун ҳам бирор нарсани саҳифага киритиш кўпинча дилсиёҳликка олиб келади.

Таҳририят масъул котибининг ҳузурига биринчи бўлиб шахмат бўлими мудири маэстро Судейкин ҳовлиқиб кириб келди.

– Нима? Шахмат чиқмайдими бугун? – деб сўради у одоб доирасидан чиқмай, лекин мунг тўла овоз билан.

– Сигмаяпти, – деб жавоб берди масъул котиб.

– Ертўла катталик қилади. Уч юз йўл.

– Бугун шанба-ку, ахир. Газетхон якшанбадаги бўлимга ўрганиб қолган. Олдинги сондаги масалалар жавоблари бор. Неуниваконинг ажойиб бир этюдини тайёрлаб қўйганман, иннайкейин...

– Яхши. Қанча жой керак?

– Камида юз эллик йўл.

– Яхши. Олдинги масалалар жавобларини бериш шарт бўлса, олтмиш йўл оласиз.

Маэстро лоақал Неуниваконинг шахмат этюди учун яна ўттиз йўл жой тилаб олмоқчи бўлиб турган эди (Тартаковер — Боголюбовларнинг ажойиб ҳиндча партияси бир ойдан бери фаладонида ётибди), оғиз очгани кўймай, уни четга суриб чиқаришди.

Репортёр Персицкий кириб қолди.

– Пленум таассуротларига зарурат борми? – се-кингина сўради у.

– Бўлмасам-чи! – дея ўшқириб берди масъул котиб. – Ўтган куни айтилди-ку, ахир.

– Пленум тайёр, – деди Персицкий яна ҳам майинроқ қилиб, – ёнида иккита лавҳаям бор, лекин жой йўқ дейишаپти.

– Нега йўқ бўларкан? Ким айтди? Эси жойида-ми ўзи?

Масъул котиб шу гапни айтган одам билан ёқалашгани чопиб чиқиб кетди. Яна уни ёмонлаб, орқасидан Персицкий эргашди, эълонлар бўлими ходими буларнинг изидан юкурди.

– Сеялкабоп суюқлик чиқибди, эълон келди! – деб чулдуради ходим ёлворгандай бўлиб.

Муҳаррир журматига кимошди савдосида олинган юмшоқ стулни кўтариб, уларнинг орқасидан хужалик мудири эргашиб борарди.

– Суюқлик сесланбада кетади. Бугун ўзимизнинг иловани берамиз!

– Бепул эълонларингдан нима фойда, суюқликка бўлса пул тўлашади.

– Яхши, тунги таҳририятда кўрамиз. Эълонни Пашага бериб қўйинг. Ўзиям ҳозир ўша ёқقا кетяпти.

Масъул котиб бош мақолани ўқишига ўтириди. Энди мириқай деб турганида рассом кириб халақит берди.

– А-ҳа, жуда яхши, – деди масъул котиб. – Каракатурабоп мавзу бор, Германиядан олинган сўнгги телеграммалар хусусида.

– Менимча, бундоқ бўлади, – деди шоша-пиша рассом: – Пўлат каска ва Германиянинг умумий аҳволи...

– Яхши. Олдин бир ишлаб кўринг, кейин менга кўрсатарсиз.

Рассом ўзининг бўлимига чиқиб кетди. У бир бўлак ватман қофози олиб, қаламда қилтириқ бир ит суратини чизди. Ит калласига германларнинг найза тасвири каскасини кийдириб кўйди. Шундан кейин керакли сўзларни ёзди. Ҳайвон танасига босма ҳарфлар билан «Германия» деб ёзиб олгач, ликонглаб турган думига «Данциг йўлаги», жағига «Реванш умидида», бўйнидаги тасмага «Дауэс режаси», бир қарич осилган тилига эса «Штреземан» деган сўзларни битди. Рассом ит олдига Пуанкарени жойлаштириб, қўлига бир парча гўшт ушлатиб кўйди. Рассом гўштниям бирор сўз билан безамоқчи эди-ю, лекин гўшт кичкина бўлга-

ни учун ўйлаган нарсаси сифмай қолди. Унинг ўрнида шу топда газетага карикатура чизиш нималигини билмайдиган бирор пандавақи бўлганда борми, дарров ўзини йўқотиб қўярди, аммо бизнинг рассом ўйлаб-нетиб ўтирумай дори шишанинг бўғзига ёпиштириладиган қоғозга ўхшатиб бир нима чизди-да, гўштга ишора қилиб, майда ҳарфлар билан: «Хавфсизликни таъминлаш ҳақидаги Франция таклифлари» деб ёзиб чиқди. Пуанкарени тағин бошқа давлат арбоблари билан адаштириб юришмасин, деган андишада унинг қорнига «Пуанкаре» деб ёзиб ҳам кўйди. Хомаки сурат тайёр бўлди.

Бадий бўлимдаги столларда чет эл журналлари, катта қайчилар, тушъ ва белила солинган шиша идишлар кўзга чалинади. Фотосуратлардан қирқиб ташланган елкалар, оёқлар, узуқ-юлуқ табиат манзаралари ерда сочилиб ётиби.

Чамаси беш нафар рассом «Жиллет» пискаси билан фотосуратларни қиртишлаб, қора жойларини оқартишиади; тушъ ва белила суриб, газетбоп қилишиади-да, нималигини орқасига қайд этгач, ёнига 3/4 квадратга, 2 устунга ва ҳоказо, деб цинкография учун ёзиб кўйишиади.

Таҳририят хонасида чет элдан келган меҳмонлар бор эди. Таҳририят таржимони ажнабийнинг оғзига тикилиб тургач, муҳаррирга қараб:

— Ўртоқ Арно шуни билмоқчиларки...

Газетанинг тузилиши ҳақида гаплашиб ўтиришган эди. Таржимон ўртоқ Арно нимани билмоқчи бўлганини муҳаррирга тушунтириш билан овора экан, духоба шим кийган Арнонинг ҳам, бошқа хорижий меҳмонларнинг ҳам икки кўзи хонанинг бир чеккасига қадаб қўйилган қизил ручкада эди. Ручка учидаги, 86-перо шифтга тегай деб турган бўлса, танасининг йўғон жойи ўртacha одамнинг

белидай келади. Ўзиям ёзса ёзгудек ручка: пероси чүрттанбалиқдан хиёл каттарофу, аммо ростакам перо.

– Бай-бай! – деб кулишди ажнабийлар. – Зўр, зўр! Бу перони таҳририятга ишчи мухбирлар қурултойи совға қилган эди.

Воробъяновнинг стулида ўтирган муҳаррир бир гапириб ўн кулар, дам ручкага, дам меҳмонларга қиё бокиб, алланималарни завқ билан тушунирарди.

Қабулхонада жанжал давом этарди. Персицкий Семашконинг мақоласини олиб келди, шунга кўра масъул котиб учинчи саҳифа макетидаги шахмат бўлимини тезда гумдон қилди. Маэстро Судейкин Неувиваконинг ажойиб этюди учун олишмай кўйди. Масаланинг жавоблари чиқса ҳам катта гап. Охири маэстро талашиб-тортишиб «Жазо ва сазо» ҳисобига қиттаккина жой олди. Сен-Себastiан турнирида қатнашиб, Ласкер билан олишганидаям бунчалик жони қийналмаган эди.

Семашко теришга туширилди. Масъул котиб яна бош мақолага шўнғиди. Нима бўлсаям бош мақолани ўқиб чиқишга аҳд қилди. Шунга қўнгли суст кетган бўлса нима қилсин.

«...Бироқ кейинги далил моҳияти шундан иборатки, мабодо миллатлар иттифоқи уни эътироф этадиган бўлса, у ҳолда шуни тан олиш керакки...» деган жойга келганида «Жазо ва сазо»нинг мутасаддиси бўлмиш сержун киши кириб қолди. Масъул котиб «Жазо ва сазо»нинг кирганини пайқамагандай жимгина бош мақолани ўқийверди, ёнига бир нималар деб ёзган бўлди.

«Жазо ва сазо» унинг нариги томонига ўтди-да, ранжигандай бўлиб:

– Мен ҳайронман, – деди.

– Хўш-хўш, – анқовсираб деди масъул котиб, – нима гап ўзи?

– Гап шуки, чоршанба куни «Жазо ва сазо» чиққани йўқ, жума куниям чиқмади, пайшанба куни фақат алимент можаросини беришди, уям одинги сонлардан қолган, мана энди шанбага келиб яна бир ҳунар курсатишибди, суд мажлисини олиб ташлашибди. Ҳамма газеталар шу ҳақда ёзса-ю, биз бўлсак...

– Қаерда чиқибди? – бақириб берди масъул котиб. – Мен кўрганим йўқ.

– Эртага ҳаммаси беради, биз яна кеч қоламиз.

– Чубаровлар иши сизга топширилганида қойил қилибмидингиз? Бир йўл ҳам материал бермагансиз. Биламан. Оқшом газетасига ёзив юргансиз.

– Буни сиз қаердан биласиз?

– Биламан. Одамлардан эшитдим.

– Кимдан эшитганингизни мен ҳам биламан. Персицкийдан эшитгансиз. Таҳририят аппаратидан фойдаланиб, Санкт-Петербургга материал берадиган Персицкийдан. Буни бутун Москва билади.

– Паша! – деди масъул котиб овозини пасайтириб, – Персицкийни чақиринг.

«Жазо ва сазо» деразанинг токчасига бемалол ўтириб олди. Деразанинг орқа томони боғ бўлиб, қушлар ва городки¹ ҳаваскорлари шу ерда ғивирлашар эди. Икки ўртадаги даҳанаки жанг узоқ давом этди. Масъул котиб боплаб бунга чек қўйди: шахматни олиб ташлаб, ўрнига «Жазо ва сазо»ни киритди. Персицкий танбеҳ эшитиб олди.

Таҳририят ҳаётида энг долзарб палла бошланди – соат беш бўлди. Жағи очилган ёзув машин-

¹ Городки – тизилган чиллакларни уриб чиқариш ўйини.

каларидан тутун күтарилади. Шошганидан ҳарф терувчилар ёнидаги ходимлар овози нохуш чийиллаб чиқади. Баш ҳарф терувчи навбатини кутмай қўлидаги материалини секингина кўчиришга тутқазиб кетган беандиша ходимларнинг гўрига фишт қалайди.

Йўлакда таҳририят шоири кўриниб қолади. У ҳарф терувчилардан бирига кўпдан ишқибоз, матн терувчининг ўртамиёна сонлари шоир хаёлини ўғирлаган. У қизни йўлакнинг бир бурчагига тортқилаб, дераза ёнида унга дил розини тўкиб солади.

– Бугун жуда бандман, ишим бошимдан ошиб ётибди, – дейди қиз.

– Мен бошқа одамга кўнгил берганман, дегани бу.

Шоир нуқул оёқ тагида ўралашиб юради, кимни кўrsa, шунга ҳамиша бир хил илтимос билан мурожаат қиласди:

– Трамвайга ўн тийин бериб туринг!

Шу ақча илинжида шоир ишчи мухбирлар бўлимига кириб қолди. У «қори»лар тизилишиб ўтирган столлар атрофида уймалашиб, даста-даста хат-хабарларни пайпаслаб кўргач, яна арз-додини бошлаб қолди. Таҳририятда тишининг оқини кўрсатмайдиган қорилар (хизмат бурчи буларни шундай қилиб қўйган: ҳар биттаси бир кунда юзта хат ўқиб чиқиши шарт, бунинг устига бу хатларни қўли қаламдан кўра кўпроқ болтага, чўтка ёхуд замбилағалтакка мойил одамлар ёзган) миқ этмай ўтираверишди.

Шоир газета тарқатув бўлимига кириб чиққач, охири ҳисобчилар хонасига бошини суқиб кўрди. Аммо ўн тийин ундириш у ёқда турсин, ўзини Худо бир асрар қолди: Авдотьев деган бола шоирни автомобилчилар тўгарагига тортмоқчи бўлди. Шоирнинг ҳассос қалбига нақ бензин уфурган-

дай бўлди. У икки қадам ёнга тисарилиб, учинчи тезликка ўтди-да, кўздан ғойиб бўлди.

Авдотьев пинагини бузмади. У автомобилчилик ғояси бир кунмас бир кун албатта тантана қилишига ишонарди. Котибиятнинг хонасида у зимдан иш бошлади. Натижада масъул котиб боёқиш бош мақолани охиригача ўқиб тугатолмади.

– Менга қара, Александр Иосифович. Бирпас тўхтаб тур, жиддий гап бор, – деди Авдотьев масъул котиб столига омонат чўкиб. – Бизлар автомобиль клубини ташкил қилдик. Таҳририятдан саккиз ой муддатга олти юз сўмча пул олиб турса бўлармикин?

– Тушингни сувга айт.

– Нечук? Бундан бир иш чиқмайди, деб ўйлайсанми?

– Ўйлаш қаёқда, аниқ биламан. Тўгаракда қанча аъзоларинг бор?

– Анча кўпайишиб қолишиди.

Тўгарак дегани фақат ташкилотчининг ўзидан иборат эди-ю, аммо Авдотьев бу ҳақда лом-мим демади.

– Беш юз сўмга «чиқитхона»дан машина оламиз. Егоров биттасини мўлжаллаб қўйди. Таъмиргаям кўпи билан беш юз кетаркан. Ўзи айтди. Ҳаммаси бўлиб бир мингга тушаркан. Шунинг учун йигирмата одам тўпламоқчиман, киши бoshига эллик боладан. Маза. Машина ҳайдашни ўрганиб оламиз. Егоров бош-қош бўлади. Уч ой деганда, яъни августга бориб ўрганиб оламиз, машина бўлса бор, ҳар ким навбати келганда боши оққан томонга ҳайдаб кетаверади.

– Қолган беш юз сўм-чи? Қаёқдан оласизлар?

– Ўзаро ёрдам кассасидан, фоизи билан. Кейин узилишиб кетамиз. Хўш, қалай, сениям ёзиб қўяйми?

Лекин масъул котиб соchlари түкилиб қолган, ҳамиша иши тифиз, бўйнидаги олахуржун измидан чиқмайдиган, тановулдан кейин диванга чўзилиб, хуррак олдиdan «Правда»ни мутолаа қилишни хуш кўрувчи одам эди. У ўйлаб туриб, рад жавобини берди.

– Қариб қопсан, – пичинг қилди Авдотьев. Авдотьев столларни айланиб, оташин нутқ сўзлади. У ёши йигирмадан ошган барча ходимларни қаријага чиқариб қўйган эди. Унинг гап-сўзлари ана шу қарияларга кор қилмагандай бўлди. Улар энди болапарвар бўлиб қолишганини, шўринг қурғур норасидаларга ёрдам қўлини чўзиб, савоб учун йилига йигирма тийиндан пул тўлаб келишаётганини рўкач қилган ҳолда ўзларини четга олиб қочишиди. Ўзларига қолса янги клубга жон деб аъзо бўлишарди-ю, лекин...

– Нима «лекин»? – бақириб берди Авдотьев. – Автомобиль ҳозир бўлганда эдими? Шундайми? Йилига ўн беш тийиндан тўлаб, олти цилиндрли кўм-кўк «паккард»га эга чиқсангизу бензини билан мой пулини ҳукумат тўласин экан-да?

– Бор, йўлингдан қолма! – дейишди қариялар.
– Ҳозир материал охирини юбориш керак, ишга халақит беряпсан!

Автомобилчилик ғояси тутун қайтара бошлади. Ниҳоят, янги ташаббус ўзининг кашшофини топди. Персицкий шарақ этиб телефонни қўйди-да, Авдотьевга қулоқ солиб турди.

– Йўлини билмас экансан, қани, қофоздан олчи. Бир бошдан бошлаймиз, – деди у охири.

Шундан кейин Персицкий билан Авдотьев иккovi тарғибот ишларини янгидан бошлашди.

– Эҳ, болайи нодон, – деди Персицкий, кўк кўз йигитчага тушунтириб, – бунинг учун сариқ чақаям тўламайсан. Йигирма еттинчи йил заёми

борми сенда? Қанча? Эллик сўмлики? Жуда соз. Шу облигацияларни клубимизга топширасан. Тушган облигация¹лардан сармоя ҳосил бўлади. Августга бориб ҳамма облигацияларни сотамиз, кейин автомобиль оламиз.

– Заёмимга ютуқ чиқиб қолса-чи? – бўш келмади йигитча.

– Қанча ютуқ чиқишини хоҳлардинг?

– Эллик минг.

– Ана шу эллик мингга автомобильлар оламиз.

Мен ютсан, меникигаям. Авдотьев ютса, уникигаям. Хуллас, кимга ютуқ чиқишидан қатъи назар, пули ўртада, машинага сарфланади. Тушундингми энди? Вой нодон-эй! Шахсий машинанг бўлади, Ҳарбий-Грузин йўлидан ялло қилиб кетаверасан! Тоғларни айтмайсанми! Оббо галварсэй!.. Бундоқ ўгирилиб қарасанг, «Жазо ва сазо»ям ўзининг машинасида орқангдан келяпти, ахборот бўлими, ҳодисалар бўлими, ҳаммаси турнақатор. Яна бир хоним ҳам анави-чи, кино... Нимайди оти? Боплаб айлантирасан!..

Қулида заёми бор ҳар қандай одам ҳам меникига албатта ютуқ чиқади, деб қаттиқ умидвор бўлмайди. Шунисиям борки, у қўуни-қўшнилар, таниш-билишлар заёмидан чўчинқираб юради. Пешонам шўрлик қилиб, уларга ютуқ чиқса, яна қўлимни бурнимга тиқиб қоламан, деб ўтакаси ёрилади. Ана шунга кўра таҳририятдош ўртоғининг заёмдан ютиб қолиш хавфи кўпларни янги клуб даргоҳига етаклаб келди. Бирорта заёмга ютуқ чиқмаслиги ҳам мумкин эди. Лекин бунаقا бўлишига негадир ишонишмади, қолаверса, ютуқ чиқмаган тақдирда ҳам автомобиль клуби зарар

¹ Облигация – даромад келтирувчи қимматбаҳо қозоз.

кўрмайдиган бўлди: заёмлардан тушган сармоя эвазига «чиқитхона»дан битта машина сотиб олишга курблари етарди.

Беш дақиқа ичида клубга йигирма киши аъзо бўлди. Автомобиль клубининг ёрқин келажагидан хабар топган масъул котиб ҳамма иш битгандан кейингина кириб келди.

– Хўш, йигитлар, менам ёзилсаммикин? – деб сўради у.

– Ёзилсанг ёзилавер, қария, – деб жавоб берди Авдотьев, – фақат бизнинг клубга эмас. Илож қанча, бизники тўлди, минг тўққиз юз йигирма тўққизинчи йилга қадар янги аъзо олинмайди. Болапарварларга қўшилганинг маъқулми, дейман, ҳам арzon, ҳам бедаҳмаза. Йилига йигирма тийин, иссиқ ўрнингни совитмайсан ҳам.

Масъул котиб оддинига иккиланиб турди, кейин ёши ўтиб қолгани эсига тушиб, бир хўрсиниб кўйгач, чала қолган антиқа бош мақолани тугатиб қўйиш учун жўнади.

– Менга қаранг, ўртоқ, – деди черкас башара, қомати келишган бир одам уни йўлакда тўхтатиб. – «Станок» газетаси таҳририяти қаерда, айтиб беролмайсизми?

Бу – буюк мудаббирнинг ўзгинаси эди.

Йигирма бешинчи боб

ЯЛАНГОЧ ИНЖЕНЕР БИЛАН СУҲБАТ

Остап Бендер таҳририят эшигига пайдо бўлгунга қадар орада баъзи муҳим ишлар ҳам юз берди.

Буюк мудаббир Эрнест Павловични кундузи уйидан тополмагач (уйи қулф экан, эгаси ишда бўлса керак), кечроқ яна бир хабар олмоқдикни

кўзлади, шунинг учун ҳозирча шаҳар айланишга қарор қилди. Бекорчиликдан юраги тошиб, ўзини қўярга жой тополмай кўчаларда тентираб юрди, гоҳ майдонларда тўхтаб, милиция ходимларига кўз қисса, гоҳ автобусга қарашворган бўлди. Умуман, у Москвани бутун уй ичи билан – ҳайкаллари, трамвайлари, жизматчи аёллари, черков, вокзал ва эълон тахталари билан меҳмонга чақирган тантивойга ўхшарди. Ҳотамтой бирма-бир меҳмонларидан ҳол сўраб, икки оғиз ширин сўз билан кўнглини кўтариб қўярди. Сонсаноқсиз меҳмон буюк мудаббирни анча толиктириб қўйди. Бунинг устига соат ҳам олтига яқинлашиб қолган, муҳандис Шчукиндан хабар оладиган вақт бўлган эди.

Лекин тақдир тақозосини қарангки, Эрнест Павловичнинг уйига шошилиб турган Остап кутилмаган икки энлик арзимас баённома учун икки соат ушланиб қолди.

Буюк мудаббир театр майдонида бир фалокатга учради. Ўзи оппок, ювошгина бир от жонивор лоп этиб олдидан чиқиб қолди-ю, йўғон тўши билан уни туртиб юборди. Бендер йиқилиб тушди. Ҳаво иссиқ бўлса ҳам уни совуқ тер босди. Оқ от кишинаб кечириб сўради. Остап дик этиб ўрнидан турди. Филдай бақувват Остапнинг бирор ериям лат егани йўқ. Шунинг учун ҳам ҳар қанча шовқин кўтарса арзирди.

Ҳозиргина бутун Москвага уйида зиёфат берган сертакаллуф мезбон бирдан ўзгарди-қолди. У лапанглаб бориб эси чиқиб кетган извошли чолнинг орқасига бир мушт туширди. Чол тишинитишига қўйиб, оғриқ азобига чидаб берди. Югуриб милиция ходими келди.

– Баённома тўлғизилсан! – дея талаб қилди Остап виқор билан.

Нафсонияти қаттиқ озор топган кишидай овоздын үдағайлаб чиқди. Шундан кейин Остап Кичик театрнинг шундоққина ёнгинасида, улур рус драматурги Островскийга кейинчалик махсус ҳайкал тикланган жойда протоколга имзо чекди, айни бир пайтда түполонни кўриб югуриб келган Персицкийга икки оғиз изоҳ берди. Персицкий хашаки ишлардан ҳам тап тортмасди. У жабрала-нувчининг исми шарифини ён дафтарига ёзиб олгач, яна шошганича йўргалаб кетди.

Остап бамайлихотир йўлга тушди. От тагида қолганидан ҳамон ўзига келолмай, абраҳ извошчининг гарданигаям бир туширсан бўларди, деб афсусланганича Остап Шчукин уйига етиб олди, икки зинани бир қилиб еттинчи қаватта кўтарили. Шу пайт тепадан бошига алланима томчилади, Калласини кўтариб қараган эди, юқоридаги – майдончадан юзкўзига шовиллаб мағзава тўкилди.

«Тумшуғини ёриш керак бунақа одамни», фазабланди Остап.

Югуриб тепага чиқди. Шчукиннинг эшиги тагида орқасини ўтириб ерга қапишиб ўтирган қипяланғоч, аъзойи баданини оқ пўпанак босган одамга кўзи тушди. У ўтирган жойида икки ёнига шох ташлаб, нуқул чайқаларди.

Олдидаги эшик тирқиши тўла сув эди.

– Ў-ӯ-ӯ, – деб инграрди яланғоч одам, – ў-ӯ-ӯ...

– Менга қаранг, сув ўйнаётган сизмисиз? – деб суради Остап тутақиб. – Бошқа ер қуриб қоптими чўмилгани? Эсингиз жойидами?!

Яланғоч одам Остапга бир қараб, пиқиллаб қўйди.

– Бу қанақа гап, ахир, обидийда қилгандан кўра ҳаммомга борсангиз бўлмайдими? Турқингизни қаранг! От ҳуркади-я!

- Калит, – деди ғұлдираб мұжандис.
- Қанақа калит? – сүради Остап.
- У-у-уй калити.
- Пул турган уй калитими?

Яланғоч одамдан ҳиқиҷоқ қайнааб чиқаётғанга үхшарди.

Остап парокандалик нималигини билмайдиган одам, дарҳол үйлай кетди. Үйлаб үйига етган ҳам әдики, үзини тутолмай шарақлаб кулиб юборди. Қотиб-қотиб кулар экан, нақ бўлмаса пастга қула-ёзди.

– Уйга киролмаяпман денг? Ие, шунгаям шунчаликми!

Остап яланғоч одамга тегиб кетиб, кийимини ифлос қилмаслик учун үзини эҳтиёт қилган ҳолда эшикка яқинлашди, Америка қулфининг тирқишини мўлжаллаб, бошмалдоғидаги узун, сап-сариқ тирноғини тикди-да, ўнгдан чапга, юқоридан пастга қараб аста айлантира бошлади.

Эшик чиқ этиб очилди, яланғоч одам шодон бўкириб, сув босган уйга үзини урди.

Жўмраклар шовилларди. Ошхона бамисоли гирдобга үхшарди. Ётоқхонадаги сокин ҳовуз бетида шиппаклар мағрур сузуб юрарди. Каражт балиқдай бир бурчакда папирос қолдиқлари қалқиб турибди.

Айниқса, ошхонада сув жунбишга келган. Воробъяниковнинг стули ҳам шу ерда экан. Тўртала оёғи оппоқ кўпик бетида қалқиб турган стул кушандасига тутқич бермасликка онт ичгандай ти-тиричиларди. Остап буни сезгандай дарҳол стулга ўтириб, чордана қуриб олди. Эрнест Павлович ўзига келгач, «Пардон-пардон!» – деб чирқиллаганича жўмракларни беркитди, ювиниб олди ва Бендернинг олдига чиқди. Шалаббо шимининг почаси тиззагача қайрилган, ўзи эса ярим яланғоч эди.

– Менга катта муруват кўрсатдингиз! – ҳаяжонланиб деди у. – Кечирасиз, кўл бериб кўришолмайман, ҳамма ёғим жиққа ҳўл. Мен сизга айтсан, жинни бўлаёздим.

– Шунақага ўхшаб турувди.

– Жудаям ёмон аҳволга тушиб қолдим.

Эрнест Павлович гоҳ маъюс тортиб, гоҳ эса асабий ҳиринглаб, бошига тушган мусибатни бутун тафсилотлари билан буюк мудаббирга оқизмайтомузмай гапириб берди, ўша даҳшатли воқеа кўз ўнгида қайта жонлангандай туйилади.

– Агар сизни Худо йўлиқтирмаганида адойи тамом бўлардим, – деди муҳандис сўзини тамомлаб.

– Ҳай, – деб қўйди Остап, – мениям бошимга тушган бунақа савдо. Сизники ҳолва экан.

Муҳандис бундай воқеаларга шу тобда азбаройи қизиқиб қолганидан сув ташиётган чelагини қўйиб, дикқат билан тинглашга тушди.

– Айни сизникига ўхшайди-ю, лекин бу воқеа қиши чилласида бўлган эди, – деб гап бошлиди Бендер, – бунинг устига Москвада эмас, Миргородда, нақ ўн тўққизинчи йилда, Махнонинг думи тутилиб, Тютюник ҳали қорасини кўрсатмай турган дориламон бир пайтда содир бўлган эди. Ушанда мен бир хонадонда турардим. Хоҳол зоти кўп дангалчи-да! Ҳам ўтакетган молпараст: барининг шахсий уйи бор, бисот бағалиям жуда катта. Сизга шуниям айтиб қўяйки, Миргородда канализация қабилидаги қулайликлар йўқ, ҳовлига ўра қазиб, ҳамма ишни битириб кетаверишади. Шундай қилиб дeng, бир куни кечаси заҳар танқиб ташқарига чиқдим. Ҳамма ёқ қор. Ич кўйлакдаман, устимга ҳеч бало ёпинмаганман, дарров бўламан, деб ўйладим-да. Чиқа солиб, билмасдан эшикни қарс этиб ёпдим. Бекилиб қолди. Совуқ

йигирма даража атрофида. Уйни дукиллатаман, қани очишса. Бир жойда тек туришнинг иложи йўқ, таёқдай қотириб кўяди! Дам тақиллатиб, дам югураман, дам тақиллатиб, дам югураман. Уйда эса ҳамма уйғоқ. Ярим кеча. Бир томонда итлар вовилласа, иккинчи томонда тапира-тупур отиб ётишибди. Даҳшат. Мен бўлсам қорда иштончан зир югураман. Бир соатча тақиллатгандирман. Сал қолди тиришиб ўлишимга. Нимага эшикни очишмабди, денг. Бисотини яшириб, Керенский пулинин ёстиққа жойлаб туришган экан. Тинтувга келишди, деб ўйлашибди. Мана эшикни очмаслик қанақа бўлади, деб кейин роса бопладим ўзим ҳам.

Муҳандис унинг ўша пайтдаги аҳволини тушуниб турган эди.

– Шунақа гаплар, – деди Остап, – хўш, муҳандис Шчукин сиз бўласизми?

– Мен. Лекин бирорга айта кўрманг, илтимос. Ҳар ҳолда нокулай иш бўлди.

– Ў, бош устига. Антр-ну, тет-а-тет¹. Французлар ибораси билан айтганда, бир жуфт гувоҳ. Сизда бир ишим бор эди, ўртоқ Шчукин.

– Бажонидил хизматларига тайёрман.

– Гран мерси. Арзимаган нарса экан. Рафиқангиз сизга учраб, шу стулни олиб келишни илтимос қилувди. Гапига қараганда, хилини териб юрганмиш. Эвазига каттароқ стул юбораркан.

– Э, марҳамат! – астойдил деди Эрнест Павлович. – Фоят хурсандман. Сиз овора бўлиб нима қиласиз? Ўзим элтиб бера қолай. Шу бугуноқ.

– Йўқ, йўқ, нега энди! Сирайм оворагарчилиги йўқ.

¹ Entre nous (фр.) – ўртамиизда қолади.

- Ўзим шу атрофда тураман, менга оғири тушмайди.

Шошиб қолган муҳандис буюк мудаббирни эшиккача кузатиб қўйди. Кузатиб қўйишга қўйди-ю, лекин уй қалитини боянинг ўзида ҳўл шимнинг чўнтағига жойлаб қўйган бўлишига қарамай, остона ҳатлаб чиқишга юраги дов бермади.

Собиқ талаба Иванопуло яна битта стуллик бўлди. Гарчи бунисининг жилди бир оз лат еган бўлса ҳам ҳар ҳолда стул деган номи бор, қолаверса, олдингисининг худди ўзгинаси.

Бу стул ҳисоб бўйича тўртинчиси эди. Яна умиди чипакка чиққан Остап асло ташвиш тортмади. Фалакнинг гардиши нималигини у жуда яхши биларди.

Унинг ақл чироғи билан бир ипга тизган ҳисобрежаларига фақат бир нарса қора кўланка ташлаб турарди. У ҳам бўлса Октябрь вокзалининг омборхонасида ғойиб бўлган ўша стул эди. Шу матоҳ эсига тушди дегунча таъби тирриқ бўлиб, кўнгли бузилиб кетарди

Буюк мудаббир пилдироқ соққа ўйинига ўтирган қиморбозга, қиморбоз бўлгандаям нуқул рақамига пул тикиб довини бир лаҳзада ўттиз олти баравар қилиб ютишни мўлжаллаган ҳомхаёл қиморбозга ўхшарди. Аҳвол бундан ҳам баттар эди: ҳазинатоплар гардкам қилган пилдироқ ўйинда ўн иккита рақамнинг ўн биттаси ютмайдиган ноль рақамидан иборат эди. Қолаверса, бунисијам ишқал. Шу ўн икки рақамдан биттасининг изи йўқолган, орзиқиб кутилган ютуқ эҳтимол шунинг ўзидир, аммо афсуски, у қаергадир гумдон бўлган.

Шу тариқа Остап ич-этини еб ўтирган эди, бош саркор кириб келиши, унинг хаёлларини тўзгитиб юборди. Уни кўриши билан Остапнинг баттар таъби тирриқ бўлди.

– Ҳай-ҳай! – деди амалий саркор. – Анча эпақага келиб қолибсиз-ку. Қўйинг, мени қалака қилманг. Стулни нега олиб киравермайсиз? Мени лақиллатмоқчимисиз?

– Ўртоқ Бендер, – деди фўлдираб сардор.

– Уҳ, асабимни бузиб нима қиласиз! Тезроқ олиб киринг, тезроқ! Мана, кўрдингизми, тагимдаги шу стул топилдифингизнинг қимматини ўн чандон ошириб юборди.

Остап хиёл бошини қийшайтириб, кўзини қисди.

– Одамни хуноб қилманг, бас, – деди у охири ўшқириб, – қани стул? Нега олиб келмадингиз?

Ипполит Матвеевичнинг тутилиб-сутилиб бошлаган ҳисбот маърузаси бақириқ овозлар, киноядор чапаклар ҳамда илмоқли саволлар ҳисобига бўлинниб турди, Воробъянов кулги остида маърузасини тутатди.

– Менинг панд-насиҳатларим зое кетибди-да?
– ўдағайлаб деди Остап. – Ўғирлик қилманг, гуноҳ саналади, деб неча марта айтганман сизга! Ҳўв ўша Эски шаҳарда жуфти ҳалолим мадам Грицацуевани шилмоқчи бўлганингиздаёқ бачкана бир ўғривачча эканингизни сезган эдим. Бу қобилиятингиз билан нари борса олти ой ётиб чиқасиз, холос. Сиздек каромад донишманд, сиздек рус демократияси отахони учун олти ой арзимаган бир муддатга ўхшайди-ю, лекин мана натижаси. Қўлингиздаги стулни олдириб ўтирибсиз. Бу ҳам етмагандек, осон ишни қийинлаштириб қўидингиз! Яна қайта бориб кўринг-чи, у ерга. Ўша Авессалом деганингиз энди соғ қўймайди сизни. Бемаъни тасодиф қўл келибди, шукр қилинг, нақ бўлмаса панжараҳонага тиқиб қўйишарди, шу тобда мендан совфа-салом кутиб ўтирамидингиз. Мен сизни йўқлаб бормайман, шуни билиб қўйинг,

Гекуба¹ бўлса менга нима? Онамми, опа-синглими, ўйнашиммидингизки, йўқлаб борсам.

Ипполит Матвеевич нечоғлик ношуд одам эканини ўзиям сезган ҳолда бўйини хам қилиб турарди.

– Гап бундок, жигаргўшам, сиз билан ҳамкорлик қилиш мутлақо бефойда эканини билдим. Нима бўлгандаям сиздай савияси паст бир одами ўзига шерик қилиб, қирқ фоизга кўниш аҳмоқона иш экан. Чор-ночор янги шарт қўйишга мажбурман.

Шу чоққача нафас олишгаям чўчиб турган Ипполит Матвеевич каппа-каппа оғзини очди.

– Ҳа, қария дўстим, ташкилий масалаларда фирт ношуд, лапашанг одам экансиз. Шунга яраша оладиган улушингиз ҳам камаяди. Ҳалол гап, йигирма фоизга розимисиз?

Ипполит Матвеевич жон ҳолатда бошини сарак-сарак қилди.

– Нега рози бўлмаяпсиз? Камлик қилдими?

– К-кам.

– Ахир бу ўттиз минг сўм деган гап-ку! Қанча истайсиз?

– Қирқига розиман.

– Куппа-кундуз куни шиляпсиз-ку, мени! – деди Остап сардорнинг қоровулхонада юз берган ўша тарихий байлашув пайтидаги овозига тақлид қилиб. – Ўттиз минг озлик қипти-да? Уйнинг калитига тоблари қалай, ё униям қўшиб берайми?

– Уйнинг калити ўзларига сийлов, – ғўлдираб деди Ипполит Матвеевич.

¹ Гекуба (ёки Чекаба) – «Илиада» достонидаги қаҳрамон, шоҳнинг хотини. Қайғу-алам, оғир мусибат рамзи.

- Иссирида йигирмага рози бўлаверинг, акс ҳолда бундан ҳам қуруқ қоласиз. Кайфиятим яхши бўлиб турибди, кейин айниб қолишим мумкин.

Воробъяниновнинг эндиғина жавоҳир овига чиққан пайтлардаги такаббурлигидан ҳозир асар ҳам қолмаган эди.

Ўша кезлари қоровулхонада кўчган муз соҳилдаги гранит тошларга урилиб-сурилиб, парча-парча бўлиб, аллақачон эриб битган эди. Муздан асло нишон қолмаган. Тошқин дарё бор, холос. Шу дарё сувлари зарб билан гоҳ йўғон ходаларга олиб бориб урса, гоҳ стулларга рўпара қилган, гоҳ эса улардан бенасиб қолдирган ҳолда Ипполит Матвеевични бебош оқизиб кетмоқда. Ипполит Матвеевичнинг юраги пўкиллаб қолган. Ҳар нарсадан чўчийди. Дарё бетида ахлат, нефть қолдиқлари, илма-тешик товуқхоналар, сасиган балиқ, аллакимнинг беъмани шляпаси сузиб боради. Бу шляпа балки ҳазрати Фёдорникидир, Ростовда шамол учирив кетган урдакнусха бош кийими шумикин? Ким билади дейсиз. Манзилдан эса дарак йўқ. Соҳил бу яқин ўртада куринмайди, собиқ дворянлар сардори эса оқимга қарши сузишга қодир эмас, бунинг учун на билагида куч қолган, на дилида бирор хоҳиш.

Саргузаштлар денгизи уни домига тортиб борарди.

Йигирма олтинчи боб

ҚЎШАЛОҚ ТАШРИФ

Йўргаксиз ётган чақалоқ бир нафас ҳам тинмайди, момикдай муштласини гоҳ тугиб, гоҳ очади, гоҳ эса оёқларини ликиллатиб, қалпоқча кийган ҳандалакдай бошини сарак-сарак қилса, гоҳ оғзини кўпиртириб тамшанади, худди шунга

ўхшаб Авессалом Изнуренков ҳам умри бино бўлиб тиним билган банда эмас. Семиз оёқлари доим ҳаракатда, силлиқ тарашланган ияги ҳамиша учеб туради, оҳ-воҳдан чакаги тинмайди, сержун кўллари эса резинка билан машқ қилаётгандай нуқул нари бориб, бери келади.

Туриш-турмушидаям заррача ҳаловат йўқ, қачон қараманг, оёғи куйган товуқдай зир юргани юргурган, кутилмаган жойда тўсатдан пайдо бўлиб нималарнидир уқтиради, пишиқ фиштдан тикланган тунука томли уйига ўт кетса, сугуртадан қанча пул чиқишини ҳисоблаб кетаётган одамдай юрган йўлида баралла жавраб боради. Бирор ишга қўл урмоқчи ёхуд фикр қилмоқчи бўлса, бир зумда совиб қолади. Бунга сабри чидалмайди. Табиатан у шунаقا яратилган.

Изнуренков бирорта ҳажвияни муҳаррирга маъкул қилолмаса, бошқаларга ўхшаб «озроқ ўйлаб кўринг, кейин тушунасиз», деб ўтирумай, дарҳол янгисини қотириб ташлайди.

— Бўлмаганга бўлишма, — дерди у, — тамом.

Авессалом Владимирович дўконга кириб қолгудай бўлса, ҳамманинг энка-тинкасини чиқариб юборади.

Унинг қуюндай ёпирилиб кириб, саробдай ройиб бўлиши гумашталарни довдиратиб қўйса, бунаقا бетоқат харидордан бир қути шоколад учун ўттиз сўм олишни мўлжаллаб ўтирган кассир хотинлар доғда қоларди. Бундай пайтларда у касса ёнида ўйноқлаб, бирор ёқасидан буғаётгандай ҳадеб галстугини тортқилар, фижим уч сўмликни тахта ойнага ташлагач, раҳмат дея чийиллаб кўчага югуриб қоларди.

Агар шу одам атиги икки соат бир жойда тек турса борми, мутлақо кутилмаган воқеалар юз бериши мумкин эди.

Мабодо қунт қилиб ўтиrsa, ажойиб қиссаны қўлдан чиқарган ёки бўлмаса ебкетарга қарз сўраб, ўзаро ёрдам кассасига боплаб ариза битган, балки уй-жойдан фойдаланиш ҳақидаги қонунга янги бир банд кўшган ёхуд яхши кийиниш ва жамоат уртасида ўзини тута билиш қоидалари номли китоб ёзиб ташлармиди.

Бироқ у ўзини жиловлай олмасди, доим пилдираб тургувчи оёқлари уни аллақаёқларга судраб кетар, ўйноқи қўлларида қалам коптоқдек сапчиб тушар, фикри бўлинниб, хаёллари тўзғиб кетарди.

Мана ҳозир бўлса Изнуренков уй ичидаги ўйноқлаб юрибди, у ўйноқлаган сари жиҳозлардаги сурғуч муҳрлар лўли хотин исирғасидек силкинарди. Оддидаги стулда эса қизиқ табиат бир қишлоқи ойимча ўтирибди.

– Оҳ, оҳ, – деди завқи тошиб Авессалом Владимирович, – шоҳона-ку, шоҳона! «Мунаввар бўлди базми жамшид ул малика васлидин»... Оҳ, оҳ! Койилмақом!.. Қиролича Маргонинг ўзи экансиз!

Гарчи унинг гапига тушунмаган бўлса ҳам қишлоқи қиролича назокат юзасидан кулиб қўйди.

– Қани, шоколаддан олинг, қани, олинг, илтимос!.. Оҳ, оҳ!.. Фаройиб!

У дам-бадам қироличанинг қўлини ўпиб, камтарона уст-бошига ҳамду санолар ўқир, икки гапнинг бирида мушугини тиқишириб:

– Қалай, тўтининг ўзгинаси, а? Арслон деяверинг, арслон! Ҳақиқий арслон! Менга қаранг, жуни қалай, жуни? Ипакдай майин-а?.. Думи-чи, думи! Менга қаранг, дум деган шунаقا катта бўладими ўзи? Оҳ, – деб бидирларди.

Шундан кейин Авессалом Владимирович мушукни бир чеккага улоқтириди-да, дўмбиллаган қўксига қўлини босиб, ойнадан кимгадир таъзим

қила кетди. Шу маҳал унинг ғовак калласида аллақандай мурват ишлаб қолди шекилли, меҳмоннинг олдига югуриб борди-ю, қизчанинг жисмоний ва ахлоқий фазилатлари хусусида тегажоқлик қила бошлади.

— Менга қаранг, манави ростдан ҳам шиша түғнағичми? Оҳ! Оҳ! Ялтирашини қаранг-а!.. Кўзни олади-я, ёпирай!.. Менга қаранг, Париж ростдан ҳам катта шаҳарми? Эйфель минораси бормиш-а у ерда, ростми шу гап?.. Оҳ! Оҳ!.. Бу нозик қўллар!.. Кетворган бу бурун!.. Оҳ.

У қизчани қучоқлаб ўтиrmади, унга хушомад қилса кифоя эди. Бинобарин, чакаги тинмай роса сайдари. Тўсатдан кириб келган Остап унинг сўз-моллигига чек қўйди.

Буюк мудаббир қўлидаги бир парча қофозни ўйнаб туриб дағдаға қилди:

— Изнуренков шу ерда турадими? Хўш, ўзларими? Авессалом Владимирович юрак ўйноғида меҳмоннинг тунд башарасига жавдираб қаради. Изнуренков бу одам нима мақсадда келганини – трамвайдага гапга алаҳсиб, ойнани синдириб қўйгани учун жарима ундиromoқчими, ижара ҳақини тўламовди, шунга халқ судидан чақиритиув қофози олиб келдими ёки кўрлар журналига обуна қилмоқчими шуни унинг кўзларидан уқиб олмоқчи бўлди.

— Бу қанақа гап, ўртоқ, – деди Бендер зуғум билан, – давлат идорасидан келган чопарни ҳайдаб солибсиз, шу ишни чакки қилибсиз-да.

— Қанақа чопар? – деб сўради Изнуренков юраги орқасига тортиб.

— Қанақалигини ўзингиз биларсиз. Жиҳозларни олиб кетаман ҳозир. Хоним, стулни бўшатинг, илтимос, – дағдаға қилди Остап.

Ҳозиргина энг ҳассос шоирлар ашъоридан парчалар тинглаб ўтирган аёл жойини бўшатди.

– Йўқ! Ўтираверинг! – деб бақирди Изнуренков гавдаси билан стулни тўсиб. – Ҳаққи йўқ бунга!

– Кимнинг нима ҳаққи борлигини сиздан сўраб ўтирмаймиз. Одам деган сал онгли бўлиши керак. Бўшатинг буюмни! Қонунга риоя қилинсин!

Остап стулга чанг солиб, даст кўтарди-да, ҳавода силкитди.

– Олиб кетаман буюмни! – деди қатъий оҳангда Бендер.

– Йўқ, олиб кетолмайсиз!

– Нега энди, – кулимсириб деди Остап қўлидаги стул билан йўлакка томон юриб, – олиб кетяпман-ку, мана.

Авессалом апил-тапил қироличанинг қўлидан ўтиб, каллани қийшайтирганича серзуғум ҳакам ортидан югурди. Остап зинадан пастга тушиб кетаётган эди.

– Ҳаққингиз йўқ, дедимми, ҳаққингиз йўқ. Жиҳоз деган икки ҳафта туриши мумкин, қонунда шундоқ дейилган. Атиги уч кун бўлди энди! Унгача тўларман балки!

Изнуренков Остап атрофида гирдикапалак бўлди. Шу алфозда иккови кўчага чиқишиди. Авессалом Владимирович стул орқасидан муюлишгача чопқиллаб борди. Шу пайт куча юзидаги бир тўп гўнг ёнида ивирсиб юрган чумчуклар галасига кўзи тушди. Қанотли жонзотларга меҳри товланиб, чумчукларга тикилиб турди, кейин бир нима деб фўлдиради-да, қўлларини ёйиб, шарақлаб кулди!

– Қойилмақом! Оҳ! Оҳ!.. Мана сизга ажойиб мавзу! Изнуренковнинг фикр – хаёлини янги мавзу чирмаб олди, юраги ҳаприқиб орқасига бурилди-да, ликонглаганича уйига югурди. Қишлоқи ойимча уйнинг ўртасида ҳануз қаққайиб турганини кўргандан кейингина стул эсига тушди.

Олган стулни извошга босиб, жўнаб қолди.

— Ўрганиб қўйинг, — деди у Ипполит Матвеевичга, — стулни бопладик бир чўқишда. Теп-текинга, фаҳмига етдингизми?

Стулнинг ичи ёриб кўрилгандан кейин Ипполит Матвеевичнинг таъби тирриқ бўлди.

— Имкон доираси кенгайиб боряпти-ю, — яна гап бошлиди Остап, — аммо сариқ чақаям қолгани йўқ. Менга қаранг, раҳматли қайнонангиз ҳазилкаш одам эмасмидилар?

— Нима қилди?

— Балки гавҳар-павҳарнинг ўзи йўқдир?

Ипполит Матвеевич асло, асло дегандай жон ҳолатда иккала қўлини типирчилатган эди, устидаги камзули бир қарич юқори кўтарили.

— Ундай бўлса, ишлар беш. Иванопулонинг бисоти битта стулга кўпаяркан, холос.

— Ўртоқ Бендер, бугун сизни газетада ёзиб чиқишибди, — ялтоқданиб деди Ипполит Матвеевич.

Остапнинг қовоғи уйилди.

Матбуотда номи чайналишини асти ёқтирумасди.

— Нима деб валдираяпсиз? Қайси газетада?

— Манави ерда. Бир кунги ҳодисалар бўлимида. Буни эшитиб, Остап пича енгил тортди. Нега деганда «Оч биқинига» ҳамда «Суистеъмолчиларни суд кутади» бўлимларида босиладиган шафқатсиз мақолаларга сирам тоби йўқ эди.

Ипполит Матвеевичнинг гапи тўгри чиқди: «Бир кунги ҳодисалар» бўлимида нонпарель ҳарфи билан манда қилиб ушбу хабар босилган экан:

От тагида қолди

Кечак Свердлов майдонида О. Бендер деган бир – фуқарони 8474-сонли извош от босиб кетди. Жабрдийда қўрқиб кетган бўлса ҳам бешикаст қутулиб қолди.

— Мен эмас, извошчи бешикаст қутулиб қолди,
— деди хуноб бўлиб О. Бендер. — Каллаварамлар!
Буларга ёзиш кифоя, нима ёзаётганини ўзиям би-
лишмайди. Ия! «Станок»-ку бу. Жуда соз, жуда соз.
Биласизми Воробъянинов, ушбу хабарни бизнинг
стулда ўтириб ёзган бўлишлари ҳам мумкин? Ан-
тиқа иш бўпти-да!

Буюк мудаббир ўйга толди.

Таҳририятга кириб чиқиш учун баҳона топил-
ди.

Остап йўлакнинг ҳар икки томонидаги хона-
лар таҳририятга қарашли эканини билиб олгач,
стул қаерда турганини аниқлаш учун ўзини
гўлликка солиб, бир бошдан хоналарга кириб чиқа
бошлади.

Маҳаллий қўмита хонасида ёш автомобилчи-
лар мажлис қилиб ўтирган экан, стулнинг қораси
кўринмагач, Остап бу ердан дарров жилворди.
Идорахонага кириб, мудирнинг имзосини кутиб
турган бўлди, ишчи мухбирлар бўлимида эълонни
ўқиб келган одамдай эски-туски қофозлар қаерда
сотилаётганини сўради; қабулхонага бош суқиб,
обуна шартлари билан қизиққан бўлса, фельетон-
чилар хонасида ҳужжатини йўқотиб қўйганини
айтиб, бу ҳақда кимга эълон қолдириб кетиши
мумкинлигини суриштириди.

Шу зайдада у муҳаррир хонасигача етиб борди.
Тилсимли стулда ялпайиб ўтирган муҳаррир те-
лефонда тиллашиб турган экан:

Маҳаллий шароитни яхшилаб ўрганиб олиш
учун Остапга вақт керак эди.

— Менга қип-қизил туҳмат қилишибди, ўртоқ
муҳаррир, мана ишонмасангиз, — деди Бендер.

— Нима деб туҳмат қилишибди? — сўради му-
ҳаррир. Остап қўлидаги «Станок» ичини очиб
кўрсатиш учун анча уннаган бўлди. Шу орада у

орқасига ўгирилиб, эшикка Америка қулфи ўрнатилганини билиб олди. Агар эшикдаги ойнадан жиндак қирқиб олинса, ичкарига кўл суқиб, бемалол қулфни очиш мумкин.

Бош муҳаррир Остап кўрсатган хабарни ўқиб чиқди.

– Бунинг нимаси тужмат, ўртоқ?

– Тужмат бўлмай нима? Буни қаранг:

«Жабрдийда қўрқиб кетган бўлса ҳам бешикаст кутулиб қолди».

– Тушунмадим.

Остап муҳаррир билан стул икковига меҳр ила қараб қўйди.

– Аллақандай извошчидан қўрқаманми! Эл-юрт олдида мени шарманда қўпти, раддия бериш керак.

– Менга қаранг, – деди муҳаррир, – ҳеч ким сизни шарманда қилгани йўқ, қолаверса, бунақа майда-чуйда нарсаларга биз раддия бериб ўтирамаймиз.

– Лекин бари бир мен бунинг тагига етмай қўймайман, – деганича Остап хонадан чиқди.

У ўзига керакли нарсани аллақачон билиб олган эди.

Йигирма еттинчи боб

ТЕРГОВ САВАТИГА НИМА ЕТСИН

Бебақо «Қилич ва Омоч» бирлашмаси Эски шашар бўлимининг аъзолари-ю, «Жадалтой»чи азamatlar «Фалла маҳсулотлари»га қарашли каппон ёнида турнақатор бўлиб туришибди.

Ўтган-кетганлар буни кўриб тўхтайди.

– Нима беряпти? – деб сўрашади улар.

Бирор дўкон олдида одамлар ичакдай чўзилиб турган бўлса, ичиди албатта битта маҳмадонаси

топилиб қолади. Навбати қанча узоқ бўлса, шунча кўп сайраб кетади у. Шу тобда Полесов ҳам энг орқада турганлардан эди.

— Қандоқ кунларга қолдик, — дерди брандмейстер, — ҳали-замон кунжарахўрлик қиладиганга ўхшаймиз. Ўн тўққизинчи йилиям ҳолва экан. Шаҳарда тўрт кунга етадиган ун қопти.

Одамлар мўйловларини бураб, ишонқирамай туришар, кейин Полесов билан баҳслашиб, «Эски шаҳар ҳақиқати»ни рўйач қилишарди.

Шаҳарда ун деган нарса ошиб-тошиб ётганини Полесовга тўққиз пулдай қилиб тушунтириб бергач, бунаقا ваҳима гапларни тарқатиш ноўрин эканини айтиб, ҳаммасиям уйига югуриб қолар, бор пулини чанглаб келиб, бирин-кетин кўйруққа кираради.

«Жадалтой»чи азаматлар каппондаги унни тутгатиб, бокқоллик дўконига ўтишди, бир зумда чой, шакар бозори юришиб кетди.

Уч кунга қолмай Эски шаҳарда озиқ-овқат, молбуюмга қаҳат келди. Кооперация ҳамда давлат савдо вакиллари йўлдаги озиқ-овқат моллари етиб келгунга қадар бир қўлга бир қадоқ шакару беш қадоқдан ун беришни тавсия қилишди.

Эртаси куниёқ бунинг чораси топилди.

Альхен биринчи бўлиб ўзи шакар навбатига турди. Унинг ортидан эса хотини Сашхен, Паша Эмильевич, тўртта Яковлевич, бўз либосли ўн беш нафар ипирисқи кампиршонинг бари сафга тизилди. Альхен дўкондан яrim пуд шакарни ундиргач, тўдасини бўлак манзилга бошлаб кетди. Кафтини тўлдириб, ўрадай оғзига каппа-каппа шакар отиб турган Паша Эмильевич ўзига тегишли бир қадоқ ширинликни аллақачон гумдон қилгани учун йўл-йўлакай Альхендан роса сўкиш эшитди. Альхен кун бўйи тиним билмади. Бу ёғига

энди камомадга йўл қўймаслик мақсадида у Паша Эмильевични навбаткашлар тўдасидан айриб олиб, унга харид қилинган молни бозорга элтиб туришни топширди. Андишли Альхеннинг ўзи бўлса қўлга кирган шу шакар, ун, чой ва газламаларни бозордаги хусусий дўкондорларга пуллаб юрди.

Полесов дўконлар олдида шунчаки қасдма-қасдликка навбат кутиб турарди. Ёнида сариқ чақаям бўлмагани учун бари бир бирор нима харид қиломасди. У бир тўдадан иккинчи бир тўдага ўтиб, гапсўзларга қулоқ солиб турар, тагдор пичинглар билан қошини учириб, алланималарга шама қиларди. Унинг мана шу шамали-қочирим гаплари сабаб бўлиб, аллақандай яширин ташкилотдан «Килич билан Омоч» деганлар келишибди, қабилидаги мишиш овозлар шаҳарга тарқаб кетди.

Губернатор Дядьев бир куннинг ўзида ўн минг ишлаб олди. Биржа ташкилотининг раиси Кислярский қанча топганидан ҳатто хотиниям бехабар қолди.

Махфий жамиятга қўл уриб қўйганидан Кислярский қаттиқ эзилиб юрган эди. Шаҳарда пайдо бўлган дув-дув гапларни эшитиб, эснонаси чиқиб кетди. Биржа қўмитаси раиси туни билан мижжак қоқмай чиққач, ҳамма гапни ўзи бориб айтган тақдирдагина қамоқ жазоси енгиллашиши мумкинлигини тушунди.

– Менга қара, Генриетта, – деди у хотинига юзланиб, – газмолларни қайнимникуга ташиб қўймасак бўлмайди энди.

– Ҳа, тинтувга кеп қолишадими? – деб сўради Генриетта Кислярская.

– Кеп қолишлариям мумкин. Мамлакатда эркин савдо бўлмагандан кейин бир кунмас-бир кун қамалишим керакми ахир?

– Нима бало, кийим-бошиングни тайёрлаб құяйми? Вой, шүрим қурсин! Овқат ташиш билан куни ўтаркан энди! Идорага кириб ишлай қолсанг бўлмасмиди? Қайнингни кўрдингми, бинойидан юрибди касаба уюшма аъзосига айланиб! Қизил савдогар бўлмасанг бўлмассан, нима, осмон узилиб ерга тушармиди!

Пешонаси ёрлақаб, эри биржа қўмитаси раслигига кўтарилганидан Генриетта бехабар эди. Шунинг учун ҳам кўнгли мутлақо хотиржам эди.

– Бугун кечаси қайтиб келмаслигим ҳам мумкин, – деди Кислярский, – келмасам, эртага овқат олиб бор. Лекин илтимос, сузмали чучвара олиб келма. Совуқ чучварани еб нима маза топаман?

– Бўлмаса примусни ола кета қол.

– Қамоқхонага примус билан қўярмиди! Саватчамни олиб бер-чи.

Кислярский терговхонада асқатадиган маҳсус сават ясаттириб олган эди. Ўзиям саватмисан сават эди: узунасига ёйиб қўйсанг, ётоқ бўлади, сал йифиширилса, столча вазифасини ўтайди; устига-устак ичиди ҳар хил токча илмоқ, қутилари бўлгани учун бемалол шкаф ўрнигаям ўтаверади. Хотини мана шу ажойиб саватга кечки овқати билан бир сидра ички кийим солиб берди.

– Мени кузатиб ўтирма, – деди бу масалада суюги қотган эр. – Рубенс пулинни сўраб келса, иўқ, деб айт. Хайр! Рубенс ўлар жойда эмас.

Тергов саватини қўлига олиб, Кислярский бамайлихотир кўчага чиқди.

– Ўртоқ Кислярский, йўл бўлсин? – деб чақириб қолди уни Полесов.

Симёғоч тагида шангиллаб турган Полесов оёғига темир чангак боғлаб, юқорига ўрмалаётган алоқа ходимига далда бераётган экан.

– Бориб айтаман ҳаммасини, – деб жавоб берди Кислярский.

– Нимани ҳаммасини?

– «Қилич билан Омоч»ни.

Виктор Михайловичнинг тили, айланмай қолди. Кислярский эса сирти соат чўнтакли, сербаргина белбоғ остида дўппайиб турган ҳандалакдай қорнини селкиллатганича прокуратура томонга аста йўргалаб кетди.

Виктор Михайлович оёгини қўлига олиб, Дядьев ҳузурига югарди.

– Кислярский айгоқчи экан! – деб қичқирди брандмейстер. – Сотгани кетди ҳозиргина. Ҳали узоққа бормаган бўлсаям керак.

– Ростданми? Қўлида саватиям борми? – даҳшат ичида сўради Эски шаҳар губернатори.

– Бор.

Дядьев хотинини бир ўпид, мабодо Рубенс келса, зинжор унга пул бермасликни қаттиқ тайинлагач, зинфиллаб кўчага чиқди. Виктор Михайлович тухуми оғзига тиқилган товукдай чир айланниб, бетоқат бўлиб турди-да, Владя билан Никешага қараб югорди.

Кислярский эса бу пайт асти шошилмай, бемалол прокуратурага яқинлашиб бораарди. Йўлда у Рубенсни учратиб қолиб, анчагача валақлашиб турди.

– Пул нима бўлди? – деб сўради Рубенс.

– Пулни хотинимдан олаверасиз.

– Сават кўтариб қаёққа кетяпсиз? – шубҳаланиб сўради Рубенс.

– Ҳаммомга кетяпман.

– Ҳай, яхши чўмилиб келинг.

Шундан кейин Кислярский матлубот қарамоғидаги қандолат дўконига кириб (илгарилари у «Бонбон де Варсови» деб аталгувчи эди), бир ста-

кан қаҳва билан битта варақи сомса тамадди қилиб олди. Энди тавба-тазарру қилаверсаям бўлади. Биржа қўмитасининг раиси прокуратура қабулхонасига кирди. Қабулхонада ҳеч ким кўринмагач, Кислярский «губерния прокурори» деб ёзилган эшикка яқинлашиб, одоб билан тақилатди.

– Бемалол! – деган овоз чиқди ичкаридан. Бу овоз Кислярскийга таниш кўринди.

Кислярский ичкарига қадам қўйиши ҳамон ҳайратдан қотиб қолди. Нокмижоз қорни ичига тортиб, туршакдай буришиб қолди. Етти ухлаб тушига кирмаган нарса юз берган эди.

Прокурорнинг ёзув столи атрофида ҳайбатли «Қилич ва Омоч» бирлашмаси аъзолари тизилишиб ўтирган эди. Уларнинг хатти-ҳаракати-ю, йифламсираган овози ҳаммасига иқорор бўлганликларидан далолат берарди.

– Мана у, – деди Дядьев чинқириб, – энг катта фидойи шу!

– Авваламбор, гап бундоқ, – деди Кислярский тергов саватини ерга қўйгач, ўзи столга яқинроқ келиб, авваламчи, мен ҳар қачон ҳокимиятга хайриҳоҳ бўлиб келганман, қолаверса, буларнинг каттаси мен эмас, ўртоқ Чарушников бўлади, унинг уйи...

– Қизил қўшин кўчаси! – бўкирди Дядьев.

– Учинчи уй! – деди баравар Владя билан Никеша.

– Ҳовлига киргач, чап томонда, – қўшиб қўйди Виктор Михайлович, – бошлаб боришим мумкин.

Йигирма дақиқага қолмай, Чарушниковни етказиб келишди. Унинг кира солиб айтган гапи шу бўлдики, хонада ўтирганларнинг бирортасини ҳам танимайди, умрида кўрмаган. Шундан кейин Чарушников нафасиниям ростламай туриб, Елена Станиславовнани чақиб берди.

Камерага чиқиб, ич кийимини ўзгартириб олгач, терговбоп саватга чўзилгандан кейингина биржа қўмитаси раиси енгил тортиб, бир қадар ҳаловат топгандай бўлди.

Грицауева-Бендер хоним шаҳардаги танглик пайтида елиб-югуриб дўкончасига камида тўрт ойга етадиган озиқ-овқат маҳсулотлари, ҳар хил молларни фамлаб олди. Бу ёғидан энди анча хотиржам бўлгач, Халқ комиссарлари уюшмасининг кичик мажлисидан боши чиқмай қолган қайлиқ-часини кўнгли қўмсай бошлади. Фолбин хотин олдига борган эди, баттар кўнгли бузилиб кетди.

Эски шаҳарнинг жамики казо-казолари ғолиб бўлганини эшишиб, ваҳимага тушган Елена Станиславовна картаниям гирт расво қилиб чаппаста сузди. Карта гоҳ яқин қолган рўзи Маҳшардан башорат қилса, гоҳ эрта-индин маоши кўпайиб қолишидан далолат берди, гоҳ эса ҳукумат уйида, қора ниятли бир кимса – қарға қироли ёнида эри билан дийдор куришиши мумкинлигига шама қилди.

Фолнинг ўзиям ғалати тугади. Уйга кириб келган хуфия агентлар – қарға қироллари авлиё бибининг ўзини ҳукумат уйига, прокурор ёнига олиб кетишиди.

Тўти билан ёлғиз ўзи қолган бева боши қотиб, энди кетмоқчи бўлиб турган ҳам эдики, тўти тушмагур тўсатдан тумшуғи билан қафасга бир уриб, умрида биринчи марта одамга ўшшаб тилга кирди.

– Қандоқ кунга қолдик! – деб юборди тўти алам билан. Кейин бошини қанотига яшириб, қўлтиғидан бир дона пат юлиб олди.

Грицауева-Бендер хоним юрак ўйноғида ўзини эшикка урди.

Бева оstonага етиб улгурмасиданоқ тўти яна бир талай гапни пайдар-пай тизиб ташлади. Ал-

лақандай жосусларнинг тўсатдан пайдо бўлиши-ю эгасини ҳукумат уйига етаклаб кетиши қаттиқ таъсир қилди шекилли, ошини ошаб, ёшини яшаб қўйган қушча шу пайтгача одамлардан нима гап эшитган бўлса, ҳаммасини жон ҳолатда тўкиб солди. Виктор Михайлович Полесов унинг сўз бисотида катта ўрин тутиши шунда кундай равшан бўлди.

– Имкон топилмагандан кейин, – деди тўтиғизиниб.

Шундан кейин у қўндоқда бир қалқиб, бошини ерга осилтириб олди-да, «Хўш, беважон, бунисига нима дейсиз?» – деб ҳол сўрамоқчи бўлгандай остоноада таёқдай қотиб турган бевага қараб, кўзини қисиб қўйди.

– Вой ўлай! – деб инграб юборди Грицацуева.

– Қайси полкда хизмат қилгансиз? – бендерчасига сўради тўти.

– Р-р-расво... Европа бизга м-адад беради.

Бева қочиб қолгач, тўти қаддини ростлаб, ўттиз ийдан бери одамлар қанчалик қулогига қуйсаям, бари бир эшитолмай доғда юрган сўзини айтиб юборди:

– Аҳмоқ!

Бева йўл-йўлакай уввос тортиб, чопа-чопа уйига етиб келди. Уйида эса уни питрак бир чол кутиб турган экан. Бу – Варфоломеич эди.

– Эълон юзасидан келдим, – деди Варфоломеич, – икки соатдан бери кутаман-а, ойимқиз.

Бир нарсани сезгандай, Грицацуеванинг юраги зирқираб, найза санчилгандай қаттиқ оғриқ турди.

– Вой-воей! – деди чинқириб бева. – Жонимда жон қолмади-ку!

– Ўртоқ Бендерни сиз йўқотиб юрувдингиз шекилли? Сизмидингиз эълон берган?

Тул хотин ун тұла қоплар устига гуп этиб ағанади.

– Сизларни күп заифа қилиб яратган-а, – оғзининг суви қочиб деди Варфоломеич. – Аввал шириңкома хусусида гаплашиб олсак, девдим...

– Ох!.. Оғзингизга сиққанча олинг! Нима десандын шу, менга энди ҳеч нарсанынг кераги йүк!
– деди мәхрибон бева инқиллаб.

– Гап бундоқ бўлмаса. Ўғилчангиз О.Бендер қаердалиги менга маълум. Суюнчиси қанақа бўлади?

– Нима десандын шу! – яна қайтариб деди бева.
– Йигирма сўм берасиз, – гапни қисқа қилди Варфоломеич.

Бева қоплар устидан турди. Уст-боши унга беланган, оппоқ киприклари тўхтовсиз пирпирапди.

– Қанча дейсиз? – қайтариб сўради у.
– Ўн беш сўм, – пастроқ тушиб деди Варфоломеич. Бахти қаро жувондан ҳозир уч сўм чиқишиям ўлимдан қийин эканини у сезган эди.

Бева қоп-қанорни босиб-янчиб, чол томон юрди ва Худони ўртага солиб, унинг кўмаги билан уни айтганига кўндириди.

– Ҳай, майли, мендан кетса кетибди, беш сўм бўлса, беш сўм. Лекин олдин пулини берасиз, илтимос. Одатим шунақа.

Варфоломеич ён дафтарини чиқариб, газетадан қирқилган икки парча қофоз олди-да, уларни маҳкам тутган ҳолда ўқишига тушди.

– Мана, буюрсинлар, бир бошдан кўрамиз. Демак, бундоқ деб ёзгансиз... «Ўртоқ Бендер уйдан чиқиб кетганича қайтиб келгани йўқ... кўк костюм, сариқ пойабзал, ҳаворанг ниодча... Илтимос қиласман...» Тўғрими ахир? Демак, бу «Эски шаҳар ҳақиқати» бўлади. Мана энди бунисига

қаранг, пойтахтдаги газеталар ўғилчангиз ҳақида нималарни ёзибди экан. Мана... «От босди...» Э, намунча ох-воҳ қиласиз, хонимча, бу ёғини эшитсангиз-чи, «От босди...» Тирик қолган, тирик! Тирик деяпман-ку, ахир. Ўлган бўлса, сиздан мен пул олармидим? Демак, бундоқ... «От босди. Кеча Свердлов майдонида О.Бендер исмли бир фуқарони 8974-сонли извош оти босиб кетди. Жабрдийда кўркиб кетган бўлса ҳам бешикаст кутулиб қолди...» Демак, гап шундай, бу ҳужжатларни қўлингизга топшираман, лекин олдин пулини тўлайсиз. Менинг одатим шунаقا ўзи.

Бева йиғлаб-сиқтаб пулни узатди. Жондан азиз эри Москвадай узоқ бир жойда сариқ пойабзали билан тупроққа беланиб ётган ва аллақандай бир от маҳлуқ уни оёғи тагига босиб, ҳаворанг жун нимчаси устидан кўкраги аралаш тепкилаб турган бўлса, бу шўрлик нима қилсин.

Мўмайгина ширинкома қўлга теккач, Варфоломеичнинг мушфиқ кўнгли жойига тушди. У бева хонимга «Станок» газетаси таҳририяти дунёдаги ҳамма ишлардан воқиф эканини, бинобарин ўша ерда эри хусусида тўлароқ маълумот олиши мумкинлигини айтиб, секингина жўнаб қолди.

Ҳазрати Фёдорнинг номаси

Ростовдаги «Сомон йўли» номли сув иситгуви қозон ёнида туриб, шаҳардаги хотинига ёзилган.

Жонгинам Катя! Бошимга яна бир кулфат тушди, лекин бу ҳақда кейинроқ айтиб берарман, юборган пулингни айни вақтида олдим, бунинг учун сендан жуда миннатдорман. Ростовга келишим биланоқ ўша жойни суриштира кетдим. «Но-

вороцемент» дегани жудаям катта бир идора экан, муҳандис Брунсни бирортасиям биллас экан. Энди нима қиодим, деб бошим қотиб турган эди, йўқ, йўл-йўриқ кўрсатиб беришди. Рўйхатлар бўлимига учранг, дейишди. Дарров бордим. «Ҳа, бунаقا одам ишлаган бизда, – деб айтишди, – мастьул лавозимда эди, лекин ўтган йили биздан кетиб қолди, дейишди. Уни авраб Бокуга олиб кетишибди, Озарнефтда хавфсизлик техникиаси бўйича мутахассис эмиш».

Бу ёғини сўрасанг, азизим, менинг сафарим биз ўйлаганчалик тез тугайдиганга ўхшамайди. Пул тугаб; қолди, деб ёзибсан. Иложимиз қанча, Катерина Александровна. Кўпи кетиб, ози қолди. Сабр-қаноатли бўл, Яратганга шукр қилгин-да, талабалигимда кийган йўл-йўл уст кийимимни сотиб кел. Ҳали яна кўп чиқим бўлади. Шунгаям тайёр бўлиб тур.

Ростовда қимматчилик экан. Мусофирихонада 2 с 25 т. тўлаб турибман. Бокугача пулим етади. Иш ўнгидан келса, ўша ердан телеграф орқали хабар қиласман.

Бу ернинг ҳавоси иссиқ. Пальтони қўлимда кўтариб юрибман. Мусофирихонада қолдирай десам, ўғирлаб кетишлиари мумкин. Бу ер одамлари шумроқ экан. Шаҳри Ростов менга маъқул бўлмади. Аҳолисининг сони, жуғрофия ўрни жиҳатидан Харьковдан анча паст тураркан. Ҳай майли, онаси, худо насиб қиласа, бир кунмас-бир кун сени Москвага олиб бориб ўйнатиб келаман. Ушанда кўрасан, у Фарбий Европа шаҳарларидан асти қолишмайди. Ана ундан кейин Самараға бориб, заводимиз ёнгинасида маза қилиб ошён қурамиз.

Воробьянинов қайтиб келгани йўқми? Қаерда изғиб юрганикин ҳозир? Евстигнеев ҳалиям овқатга келиб турибдими? Жуббамни тозалатиб келдинг-

ми, күриниши қалай энди? Аммам ўлим түшагида ётибди, мен ўша ердаман, ҳамма таниш-билишларга шунаقا деб айт. Гулеңькагаям шундоқ деб ёзиб юбор.

Ха-я! Сенга бир нарсаны айтиш эсимдан чиқай дебди, бугун ёмон бир ҳодиса рўй берди.

Кўприкда сокин Донни томоша қилиб, яқин ўртада қанчалик ҳузур-ҳаловатда яшаяжагимизни ўйлаб кетибман. Шу тобда бирдан шамол кўтарилиб, новвой акангнинг шапкасини сувга учирив кетди. Шошганимдан нима қиларимни билмай қолдим. Чиқим кўпайди, холос: 2 с 50 т.га инглизча кепка сотиб олдим. Новвой акангга зинҳор бу ҳақда гапирма. Мени Воронежда деб айтавер. Кир-чир масаласида хийла қийналиб қолдим. Кийимларимни кечқурун ювиб, қуриса-куримаса, эрталаб кийиб кетавераман. Ҳавоси иссиқ бўлгани учун бир томондан шу ишим маъқул келяпти.

Сени ўпиб, қучиб қоламан.

Боқий завжинг Федя.

Йигирма саккизинчи боб

ТОВУҚЧА ВА БАБАҚ ХЎРОЗ

Репортёр Персицкий улуғ математик олим Исаак Ньютоннинг икки юз йиллик тўйига зўр тараддуд кўраётган эди.

Иш авжи қизиб турган пайтда «Фан ва турмуш» бўлимидағи Стёпа кириб қолди. Кетидан дўмбоқ бир хотин эргашиб келди.

– Менга қаранг, Персицкий, – деб сўз қотди Стёпа, манави хонимнинг сизда ишлари бор экан. Бу ёққа келинг, бу ўртоқ сизга ҳаммасини тушунитириб беради.

Стёпа ҳиринглаганча қочиб қолди.

– Хұш? – сүради Персицкий. – Хизмат? Грицауева хоним (бу ўша эди) мұхбирга күзларини сузіб, құлидаги бир парча қофозни жимгина узатди. – Хұш, – деди Персицкий, – ...от босди, бешикаст қутулиб қолди... Нима гап ўзи?

– Манзилини билса бўладими? – ёлвориб сўради бева хоним,

– Кимнинг манзилини?

– О.Бендернинг.

– Мен қаёқдан биламан?

– Ҳалиги ўртоқ сизни билади, деди-ку. – Ҳеч нарсани билмайман. Махсус жойга мурожаат қилинг.

– Балки эсингизга тушиб қолар, ўртоқ? Оёғида сариқ пойабзал.

– Меникиям сариқ пойабзал. Москвада икки юз минг одам сариқ ботинка кийиб юради. Сизга шуларнинг манзили керакми? Жоним билан. Ҳамма ишимни йиғишириб, ҳозироқ шунга киришаман. Ярим йилдан кейин ким қаерда туришини айтиб беришим мумкин. Ҳозир эса, бандман.

Лекин Персицкийга азбаройи меҳри товланиб кетганидан бева унинг орқасидан соядай эргашиб, ҳар қадамда крахмалланган юбкасини шилдиратиб, қайта-қайта илтимосини такрорлади.

«Стёпа аблაҳ, – кўнглидан ўтказди Персицкий. – Ҳали сеними, қараб тур, абадий двигатель ўйлаб топдим, деб юрган бирор ихтирочини шундоқ рўпара қилиб қўяйки, боплаб таъзирингни берсин».

– Хұш, нима қил дейсиз? – фифони ошиб дерди Персицкий бевага юzlаниб. – О.Бендер деганингизнинг манзилини мен қаёқдан билай ахир? Уни босиб кетган от бўлмасам ё ундан калтак еган извошли ҳам эмасман...

Бева эса унга жавобан алланималар деб фұлдипар, лекин үртоқ ва катта илтимосдан бўлак нима деётганини асло тушуниб бўлмасди.

Халқлар уйида машғулотлар тугади. Хона ва йўлаклар ҳувиллаб қолди, қаердандир охирги бетни чиқиллатаётган ёзув машинкасининг овози эшитилди.

– Пардон, мадам, ишим чиқиб қолди!

Персицкий шундок деди-да, ўзини ҳожатхонага урди. Ичкарида ўн дақиқача айланиб юргач, хурсанд бўлиб ташқари чиқди. Грицауева юбкасини шиддиратганича икки йўлакнинг бошида уни сабр-тоқат билан кутиб турган эди. Персицкийни куриши билан яна бижирлади.

Репортёрнинг қони қайнаб кетди.

– Гап бундок, холажон, – деди у, – бўлар иш бўлди. О.Бендерингиз қаердалигини айтсам, айта қолай. Йўлакдан тўғрига борасиз, кейин ўнгга бурилиб, яна тўғри кетаверасиз. Битта эшик келади. Ичкари кириб, Нерепенников деган одамни сўрайсиз. Ўша билади.

Топқирилгидан беҳад суюниб кетган Персицкий бир зумда фойиб бўлди, оқибат-натижада крахмалли бева кўшими маълумот ололмай қолди.

Грицауева хоним юбкасини тўғрилагач, коридор бўйлаб юра кетди.

Халқлар уйининг йўлаклари ниҳоятда узун ва торлигидан юрган одам қадамини тезлатмай иложи йўқ. Ким қанча юргани қадам олишидан маълум. Агар бирор кимса тез-тез одимласа, билингки, у энди йўлга чиқибди. Икки ёки уч йўлакни ортда қолдирган одам йўргалаброқ юради. Баъзан эса ўпкасини кўлтиқлаганича чопқиллаб кетаётган бирор кимса учраб қолади – бунаقا одам тўрттасидан ўтиб, бешинчи йўлакка рўпара келган бўлади. Саккизта йўлакни босиб ўтган аза-

матни осмондаги қүшга, чопафон отга ёки югуриш бўйича жаҳон чемпиони Нурмига қиёс қиласа арзиди.

Ўнгга бурилгач, Грицацуева хоним лўкиллаб чопа кетди. Паркет пол ларзага келди.

Мовий нимча кийган, оёғида зарғалдоқ ботинка, тимқора сочли бир эркак шитоб билан унга пешвоз келаверди. Ширкат билан боғлиқ фавқулодда бир иш чиқиб қолмаганида Остап бунаقا бемаҳалда Халқлар уйида ивирсиб юрмасди – унинг бутун важоҳати шундан далолат бериб турган эди. Бунинг устига суйган ёри билан дийдор кўришиш амалий саркорнинг хаёлигаям келмаган бўлиши мумкин.

Бендер бевани кўргани ҳамон шартта ўгирилиб, орқасигаям қарамай, девор ёқалаб кетаверди.

– Ўртоқ Бендер, – суюниб кетди бева. – Қаёққа?

Буюк мудаббир оёғига зўр берди. Беваям қадамини тезлатди.

– Тўхтанг, сизда гапим бор, – ёлворди бева. Лекин Остап унинг гапини эшитмади. У мисоли ўқдай учиб борарди. Остап тўртинчи йўлакка ўтгач, темир зиналардан шифиллаб юқори чиқди.

– Вой расво бўлгур-эй, – деб қўйди бешинчи қаватга чиқиб олган Остап ғижиниб. – Шу тобда висолга бало борми? Бу қайноқ жувон қаердан кеп қолди ўзи? Ширкатнинг Москва шўъбасини ёпмасак бўлмайдиганга ўхшайди, фалокат босиб анатви машина жинниси келиб қолса нима қиласан?

Шу маҳал Грицацуева хоним билан Остапнинг ўртасида ғов бўлиб турган нарса бинонинг уч қавати-ю, минглаб эшик билан ўндан ортиқ коридор эди. Хоним терлаб-пишган юзини ички юбкасининг этагига артгач, тағин умр йўлдошининг изидан қува кетди. Олдинига у тезроқ эрини топиб, икки оғиз гаплашиб олмоқчи бўлди.

Йўлакда хира чироқлар ёқилди. Чироқлар, йўлаклар, эшикларнинг бир-бирига ўхшарди. Бевани баттар ваҳм босди. Бу ердан тезроқ чиқиб кетгиси келди.

Йўлакдан-йўлакка ўтган сари унинг ҳам тезлиги оша борди. Ярим соатдан кейин ўзини тўхтатолмай қолди. Президиум, қабулхона, маҳаллий қўмита, ташкилий бўлимлар ҳамда таҳририятлар жойлашган хоналарнинг ёнидан баҳайбат гавда зипиллаб ўтди. Эгнидаги юбканинг зарбидан йўлда учраган урналар гуппа-гуппа ағанаб, ҳаммаёқ гумбурлаб кетди. Йўлак бурчакларида қуюн ва гирдоб кўтарили. Дарчалар шарақлади. Деворда йўл кўрсатиб турган бармоқ расмлари бева боёқишига ўқдай қадалди.

Ниҳоят, Грицацуева орқа зина майдончасига чиқиб олди. Майдонча қоронги бўлса ҳам бева юрак ютиб пастга тушди ва ойнабанд эшикни тортиб кўрди. Эшик қулф эди. Бева изига қайтди. Аммо ҳозиргина кирган эшигини кимдир меҳрибончилик қилиб устидан беркитиб қўйган эди.

Москвада эшикларни қулфлаб юришади. Одат шунаقا.

Бинолар олдидаги асосий эшикларга ичкаридан тахта қоқиб қўйишади, бинобарин, юз минглаб одамлар уйларига орқа эшикдан киришади. Үн саккизинчи йил аллақачон ўтиб кетган, уй босиш дегани йўқ бўлган хонадондагилар ўзларини ҳимоя қилиш учун энди соқчиликка турмай қўйган, кўча ҳаракати масаласи осонлашган, улкан электр станциялари бирин-кетин қад кўтаратётган, ажойиб илмий кашфиётлар содир бўлаётган бир замонда бирорта мард одам чиқиб, шу эшик муаммосини ҳал қилиб беролмаса-я. Бу нима деган гап!

Кино, театр, цирк жумбогини очиб берадиган азамат борми?

Уч минг одам бир тавақаси очиқ эшикдан ўн дақиқага қолмай циркка кириб олиши керак. Кўпчиликка хизмат қилиши лозим бўлган ўн нафар эшик эса ҳамиша ёпиқ туради. Нимага шунақалигини ҳеч ким билмайди. Бундан йигирма-үттиз йил бурун цирк отхонасидан бирорта ўргимчак хўтикни ўғирлаб кетишган бўлса, маъмурият ўшандан бери жамики кириш-чиқиши йўлларини беркитгандир, эҳтимол. Ким билади, ҳойнаҳой бирорта машҳур муаллақчига бир пайлари елевизак тегиб, шундан кейин у тўполон кўтаргану эшикларни ёптириб қўйган бўлса ҳам ажаб эмас.

Театр ва киноларда тиқилинч ҳолат юзага келмаслиги учун тамошабинларни бўлиб-бўлиб чиқаришади. Тиқилинч бўлмасликнинг йўли осон – таги мўл эшикларнинг ҳаммаси очиб қўйилса бас, лекин бунинг ўрнига маъмурият куч ишлатади. Чипта текширадиган хизматчилар қўлни-қўлга бериб, саф тортишади-да, одамларни камида яrim соат ўраб туришади. Томошабинларга мунтазир эшиклар, Павел I замонидаёқ лунжига тамба тушган ўша эшиклар эса ҳанузгача ёпиқ.

Москва терма жамоасининг қойилмақом ўйинидан завқланган ўн беш минг чоғлиқ футбол ишқибози трамвайга чиқишига ингичка йўлакдан ўтишга мажбур. Бу йўлак жонивор шу қадар торки, енгил-елпи қуролланган оддий сарбоз ҳам икки палахмон билан қирқ минг нафар ғаним ҳужумини бемалол даф қилиб туриши мумкин.

Спорт стадионининг усти очиқ бўлсаям, дарвозалари мўл. Аммо дарвоза қолиб, торгина эшикни очиб қўйишади. Ташқарига чиқиш учун дарвозани бузмай илож йўқ. Катта мусобақа бўлган куни дарвозалар албатта қирғинга учрайди, бироқ

тарки одат – амри маҳол, деганларидек майиб-мажруҳ дарвозалар қайта тикланиб, бўйнига от-нинг калласидай қулф тушади.

Эшик ўрнатишнинг иложи бўлмаганда (ўрна-тилган жойнинг ўзи қолмаган тақдирда) турли тоифадаги эшикларга навбат келади. Мана улар:

1. Тўсиқлар.
2. Айри ғовлар.
3. Ағанаган ўриндиқлар.
4. Пўписали ёзувлар.
5. Арқонлар.

Идораларда тўсиқ одат тусига кирган.

Бирор ходимда иши бўлган одам тўсиқдан ҳат-лаб ўтолмайди. Бинобарин у қафасга тушган йўлбарсдай типирчилаб, имо-ишоралар билан шу ходим эътиборини жалб этишга уриниб кўради. Бунга у ҳамиша мұяссар бўлавермайди. Ваҳолан-ки, у бирорта зўр ихтиро билан келгандир! Эҳти-мол, у шунчаки даромад солиғини тўламоқчиидир! Лекин тўсиқ тўсиқдигини қилди – нима ихтиро билан келгани номаълум энди, солиқ ҳам тўлан-май қолди.

Ғовлар кўча-кўйга кўйилади.

Айри ғов дегани кўклам кезлари катта кўча-ларда пайдо бўлиб қолади гўё йўл чеккаси таъ-мир қилинаётган бўлади. Бундай пайтларда гав-жум кўчалар бир зумда ҳувиллаб қолади. Йўлов-чилар айланма кўчалардан манзилларига етиб олишади. Улар ҳар куни бир неча чақириллаб ортиқча йўл босишса ҳам ноумид бўлишмайди. Ёз ўтади, япроқлар сарғаяди, ғов эса ҳамон олин-майди ва таъмир қилинмайди. Кўчаем бўм-бўш.

Боғ ўриндиқлари Москва хиёбонларини чалқан-часига қўриқлаб ётади. Бутун айб қурувчиларда – шу хиёбонлар пешонасига дурусткроқ дарвоза битмаган-да.

Пўписали ёзувлар бутун бир достонга мавзу бўлиши мумкин эди-я, лекин муаллифларнинг ҳозир бундан бўлак ташвишиям кўп ўзи.

Бунаقا ёзувлар тури икки хил: бири лўнда, иккинчиси мужмалроқ.

Лўндасига қўйидагилар киради:

КИРИШ МАН ЭТИЛАДИ

БЕГОНА ШАХСЛАР УЧУН КИРИШ МАН ЭТИЛАДИ

ЙЎА ЙЎҚ

Айрим ҳолларда ушбу ёзувлар одамлар турнақатор келадиган идора эшикларига осиб қўйилади.

Мужмал ёзувлар, айниқса, хатарли бўлади. Булар ичкарига кирмайсан, деб зуфум қилмайди-ю, лекин юраги дов бериб, остона ҳатлаб ўтадиган мард қани? Мана ўша шармандали ёзувлар:

БЕССУРОҚ КИРИМАСИН

ҚАБУЛ ЙУҚ

ИЧКАРИ КИРСАНГ, ОДАМЛАРНИ ИШДАН ҚОЛДИРАСАН

Тўсиқ ёки ғов тутишнинг, ўриндиқни ағанатиб қўйиш ёхуд пўписали ёзув осишининг иложи бўлмаган жойларда эса арқон тортилади. Арқонниям ҳафсала келишига қараб, энг кутилмаган жойларда тортиб қўйишади. Мабодо шу арқон кўкракдан келса, одамлар хиёл чўчинқираб, лаблари ясама бурилиб, ўтиб кетишади. Лекин тепароқ тортилса борми, нақ кекирдакни узуб юборади-я.

Эшикларга қирон келсин! Театр биноси олдида навбат кутишлар барҳам топсин! Беижозат киришга рухсат этинг! Уй-жой бошқарувчиси дангаса бўлса ўзига, олдидаги йўлкани вақтида тузатсин, айри ғовни олиб ташланг, илтимос! Ағанаган ўриндиқлар жойига қўйилсин, бас энди! Хиёбонни кечаси юришга чиқарган Соф ҳавода каллям яхши ишлайди-да!

Халқлар уйининг қоқ киндигида, ёпиқ ойнабанд эшик ёнидаги зинада беҳол ўтирган Грицацуева хоним тонг отишини кутиб, бева бошига тушган савдоларни ўйлар ва ўқтин-ўқтин мизғиб қўяр эди.

Ойнабанд эшик орқали йўлакдан сарғиш шуъла тушиб турарди. Зинапоя деразалари тонг бўзариб келаётганидан далолат берарди.

Тонг отиб, ҳаво мусаффо бўлган бир пайт. Шу он Грицацуева йўлакда оёқ товушини эшиитди. Бева ўрнидан сапчиб туриб, ойнага ёпишди. Йўлак этагида кўк нимча ялт этгандай бўлди. Зарғалдоқ пойабзал оқариброк кўринди. Турк фуқароси камзулидаги чангни қоқа-қоқа ойнабанд эшикка яқиналишиб келаверди.

– Тойчоққинам! – деб овоз берди бева. – То-о-й-чофим!

Бева бутун меҳрини ойнага тўкиб солди. Ойна бир зумда хира тортиб, кўлоб-кўлоб доғ бўлди. Кўк ва зарғалдоқ ранглар шарпаси ойна бетида камалакдай товланиб кетди.

Остап бева илтижоларини эшитолмади. У кургини қашлаб, ён-верига олазарак қараб қўйди. Муюлишга етганда, бурилиб кетишига сал қолди.

Хотини бечора «ўртоқ Бендер!» деб чинқирган ҳолда ойнани муштлай кетди. Буюк мудаббир орқасига ўгирилди.

– Э, – деди у ўртадаги эшик қулф эканини пайқаб, – ўзлариям шу ердамилар?

– Шу ердаман, шу ердаман, – деди бева юраги тошиб.

– Бир ачомлашайлик, тасаддуқ, мени соғинтириб қўйдинг-ку, – илтифот қилди амалий саркор.

Бева типирчилаб қолди. Тўрқовоққа тушган беданадай сакрай бошлади. Тунда оромини топган юбкаси яна дикирлаб қолди. Остап қучогини очди.

– Намунча имиллайсан, товуқчам? Халқ маслаҳатчилигининг кичик мажлиси бабақ хўрозингни толиқтириб қўйди-ку.

Бунақа гапларга бева фаросати етмасди.

– Тойчоқ, – ёлвориб деди у бешинчи марта. – Эшикни очинг, ўртоқ Бендер.

– Секинроқ, оппоқ қиз! Хотин кишида сал андиша бўлиши керак. Намунча эчкидай сакрамасангиз?

Беванинг жони қийналиб кетди.

– Ҳа, мунча тўлғанасиз? – луқма ташлади Остап. – Турмушлари нотинчроқми?

– Қилар ишни қилиб қўйиб, яна сўрайсиз-а! Бева йиглаб юборди.

– Кўз ёшиңгизни артиб олинг. Ҳар қатра ёш осмони фалакнинг бир заррасидир.

– Роса кутдим, дўконниям йиғиштириб қўйдим. Мана энди излаб келдим, ўртоқ Бендер.

– Хўш, зино бобида майшат қалай? Шамол безовта қилмаяптими?

Бева улкан самовардай аста жунбишга кела бошлади.

– Бевафо! – деб юборди у титраб-қақшаб.

Шу тобда Остапнинг вақти сал бемалолроқ эди. Бинобарин, бармоқларини қарсиллатиб аста муқом қила кетди:

*Иш күрсатар ҳар замон,
Ичимизда бир шайтон!
Аёлларнинг жодуси,
Бизни ўтга отгуси...*

– Хў қорнинг ёрилиб ўлгур! – қарғаб берди бева ўйин тугаши билан. – Эримдан ёдгорлик қолган билагузукни-ку, ўғрилабсан. Стулни нимага олиб қочдинг?

– Шахсимга тил теккизяптилар шекилли? – со-
вуққина сўради Остап.

– Ўғрилагансан, ўғрилагансан! – бўш келмади
бева.

– Гап бундоқ, ойимқиз: шуни қулоқчангизга
қуйиб олингки, Остап Бендер ҳеч маҳал ўғрилик
қилган эмас.

– Симтўрни ким олди бўлмаса?

– Э, симтўрми! Бир пулга қиммат ўша мато-
ҳингизни айтяпсизми? Шу ҳам ўғриликка кирди-
ми? Ундай бўлса турмушни сиз бошқача-ю, биз
бошқача тушунар эканмиз.

– Олиб қочгансан, – яна бидирлаб деди бева.

– Бундан чиқди, соғлом, навқирон бир йигит
шарти кетиб, парти қолган бир қишлоқи кампир-
нинг ўзи ишлатолмай занг бостириб қўйган бир
матоҳини вақтинча олган экан, демак, у ўғри
бўлиб чиқаркан-да? Ниятлари шуми?

– Ўғри, ўғри!

– Ундай бўлса бирга туролмаймиз. Мен ажра-
лишга розиман.

Бева эшикка сағчиган эди, ойна шарақлаб кетди.

Остап билдики, тезроқ жўнаб қолиш керак.

– Ачомлашиб ўтирмаймиз, вақт тифиз, – деди
у, – алвидо, ёргинам! Йўлимиз бошқа экан, сиз у
томонга, биз бу томонга.

– Войдод! – бўкириб юборди бева.

Остап аллақачон йүлакни охирлаб қўйган эди. У деразага чиқиб, тунги ёмғирдан кўпчиган ерга сакраб тушди-да, дарахтлар орасида ғойиб бўлди.

Бева фарёдини эшитиб, қоровул етиб келди. У яна қўлга тушса, жарима солишини айтиб, маҳбусини чиқариб юборди.

Йигирма тўққизинчи боб
«ГАВРИЛНОМА» МУАЛЛИФИ

Грицацуева хоним лак-лак идора ин қўйган бетакаллуф Халқлар уйидан кучага чиққанида хат ташувчилар, келган-кетган қофозларни рўйхатга олувчи котиба қизлар, навбати келган телефончи барнолар, ҳисобчиларга шогирд тушган ўспириналар, шунчаки иш ўрганиб юрган ўсмир болалар тоифасидаги узоқ мартабали хизматчилар шу томонга оқиб келишаётган эди.

Никифор Ляпис деган жингалак соч, кўзи совуқ, ёштина бир йигит ҳам шулар орасида эди.

Жоҳил, кажбаҳс ёки бу ерга энди иши тушган одамлар Халқлар уйига асосий эшикдан киради. Никифор Ляпис липиллаганича амбулаторияга кириб кетди-да, кейин катта бинога ўтиб олди. Халқлар уйи ўзиникидай бўлиб қолгани учун у тармоқ журналлари қаерга салқин соя ташлаб, қалам ҳақи қаерда булоқдай отилишини беш қўлидай яхши биларди.

Никифор Ляпис кунни ошхонадан бошлади, ялтироқ касса бир силкиниб, учта чек қофози ташлади, Никифор идиш устига зичлаб ёпилган қофозни очиб, қатиқ ичди, кейин бир тўп гулга ўхшаш мурабболи ширинликни еб олди. Чой буларга яқун ясади, шундан сўнг Ляпис бамайлихотир шикорни бошлаб юборди.

Биринчи бўлиб у овчиларнинг ойда бир чиқадиган «Герасим ва Муму» журнали таҳририятига учради. Ўртоқ Наперников ҳали келмаган экан, шунинг учун Никифор Ляпис «Гигроскопик ахборот»га йўл олди. Бу – доришунос мутахассисларни ҳафтада бир марта ташқи дунё билан боғлаб турадиган воситачи журнал эди.

– Салом бердик, – деди Никифор. – Ажойиб шеър ёзив келдим.

– Нима ҳақда? – сўради адабиёт саҳифаси бошлиғи. – Қайси мавзуда? Ўзингиз биласиз-ку, Трубецкой, бизнинг журнал ҳалигидай...

Бошлиқ «Гигроскопик ахборот»нинг нозик томонларини пухтароқ ифодаламоқчи бўлиб, бармоқларини ўйнатиб кўйди.

Трубецкой-Ляпис қалин оқ сурпдан тикирган шимига бир қараб қўйгач, кўкрагини чиқариб, ёқимтой овоз билан:

– «Қорасон ҳақида баллада», – деб юборди.

– Мароқли нарса экан, – деди гигроскопикнамшунос вакил. – Касалнинг олдини олиш foяларини аллақачон оммабоп қилиб тарқатиш лозим эди.

Ляпис дарҳол шатирлатиб ўқий кетди.

*Қорасонга чалинмишиди Гаврила,
Гаврилани йиқитдию қорасон...*

Шу руҳда давом этган кейинги қайнок мисраларда Гаврила нодонлик қилиб, вақтида дорихонага бормагани, ярасига йод суртмагани учун бевақт оламдан ўтиб кетгани ҳақида сўзланарди.

– Кундан-кунга ўсяпсиз, Трубецкой, – маъқуллаб деди муҳаррир. – Лекин ҳалигидан янаям... Тушуняпсизми?

Гарчи бармоқлари ҳаракатга келган бўлса-да муҳаррир пулини сешанба кунига ваъда қилиб, кўрқинчли балладани олиб қолди.

«Морзист кундалиги» журналида Ляписни қучоқ очиб кутиб олишди.

– Келганингиз яхши бўлди, Трубецкой. Шеърталаб бўлиб турган эдик, аммо фақат майший мавзуда. Лирикани қўйиб туриңг. Эшийтдингизми, Трубецкой? Почта-телефраф ходимлари ҳаётидан бўлсин, лекин ҳалигидай қиттай, тушундингизми?..

– Буни қаранг, кечагина шу почта-телефраф ходимларининг турмушини ўйлаб кетдим. Битта поэма туғилиб қолди. Номи: «Охирги мактуб». Мана:

*Почтачилик қилар эди Гаврилач,
Гавриланинг ташигани хат эди...*

Унинг саргузаштлари етмиш икки сатрдан иборат бўлиб, шеърнинг охирида хат ташувчи Гаврила фашист ўқидан оғир яраланганига қарамай, қўлидаги хатни эгасига олиб бориб топширади.

– Воеа ўзи қаерда содир бўлган? – деб сўраб қолишди Ляписдан.

Ўринли савол. Аммо тайинли жавоб йўқ.

– Нима бўпти? – дея жавоб берди Ляпис. – Воеа, албатта, ўзимизнинг мамлакатда юз беради, босқинчи эса никобланган босқинчи.

– Менга қаранг, Трубецкой, яхшиси, бизга радио станция ҳақида бир нима ёзиб беринг.

– Нимага почтачи ёқмай қолди?

– Ҳозирча тура турсин, кейинроқ, балки ишлатиб юборармиз.

Таъби хира тортган Никифор Ляпис-Трубецкой яна «Герасим ва Муму»га йўл олди. Наперников

бу гал жойида экан. Деворда Тургеневнинг ҳаддан ташқари катта қилиб ишланган расми. Пенсне таққан, оёғида ботқоқда кийиладиган күнжи узун этик, елкада қўшофиз милтиқ. Наперниковнинг олдида эса Ляписнинг рақиби – шаҳар атрофидаги бир қишлоқда турувчи шоир ўтирибди.

Яна Гаврила қиссаси бошланди, бироқ бу гал ов мавзулари устунроқ эди. Асарнинг ўзиям «Браконьер дуоси» деб номланган эди.

*Пойлаб ётар эди Гаврила қуённи,
Гаврила қуёнга ўқ отди бехос...*

– Жуда яхши! – деди юмшоқкўнгил Наперников. – Шу шеърингиз билан ҳатто Энтихдан ҳам ўтиб кетибсиз, Трубецкой, аммо баъзи жойлари таҳрирталаб экан. Авваламбор, «дую» деган сўзни мутлақо олиб ташланг.

– Қуённиям, – деб қўйди рақиби.

– Нега қуённиям бўларкан? – ҳайрон бўлди Наперников.

– Ҳозир қуён отадиган мавсум эмас.

– Эшитдингизми, Трубецкой, қуённиям ўзгартиринг.

Поэма номи «Браконьер сабоги» деб ўзгартирилди, қуёнчалар эса лойхўракка алмаштирилди. Бир пайт лойхўракниям ёзда отиш ман этилганлиги маълум бўлиб қолди. Охири шеър шу ҳолатта келди:

*Пойлаб ётар эди Гаврила қушчани,
Гаврила қушчага ўқ отди бехос...*

ва ҳоказо.

Ошхонада нонушта қилиб олгач, Ляпис яна ишга шўнғиб кетди. Фира-шира йўлакларда ўқтин-ўқтин унинг оқ шими лип этиб кўриниб қоларди.

У таҳририятма-таҳририят юриб, улдабурон Гаврилани пуллаш билан овора эди.

«Кооператив най»га Гаврила «Эол найи» тарзида топширилди.

*Гаврила дўконда хизмат қиларди,
Гаврила най сотар харидорларга...*

Бақалоққина «Ўрмон – ажиг макон» журналида ишловчи лақма ходимлар Ляписдан «Ўрмон ёқасида» номли поэма сотиб олишди. У мана шундай бошланарди:

*Гаврила чангалзор ўрмонда борар,
Гаврила шарт кесар қари бамбукни...*

Кун охирида Гаврила новвойликка қўл урди. Бинобарин, «Патир ходими» таҳририяти уни бағрига олди. Поэма номи ҳам узун, ҳам қадим эди: у «Нон, маҳсулот сифати ва ёр ҳақида» деб атalarди. Асарнинг ўзи эса Хина Члек деган мубҳам бир аёлга бағишланибди. Поэма дебочаси эса ҳамон воқеавий эди:

*Новвойлик қиларди Гаврила деган,
Гаврила, боқсангиз, патир нон ёпар...*

Қалтисроқ ўтган муҳорабадан кейин бағишлоғ олиб ташланди.

Энг алам қиласиган жойи шундаки, Ляпис шу куни пулдан бенасиб қолди. Баъзи жойда сешанба кунига ვაъда қилишса, бошқа бир ерда пайшанба ё жума куни келинг, деб айтишди, хуллас, яна икки ҳафта кутиш керак. Ляпис ашаддий душманлари қароргоҳига – умрида бирор марта шеъри босилиб чиқмаган жойга ялиниб боришга мажбур бўлди.

Ляпис бешинчи қаватдан түгри иккинчи қаватта тушиб «Станок» котибиятига йул олди. Бахтга қарши биринчи учратган одами тиниб-тинчимас Персицкий бўлди.

– Э! – деб юборди Персицкий. – Ляпсус!¹

– Менга қаранг, – деди Никифор Ляпис овозини пасайтириб, – уч сўм бериб туринг. «Герасим ва Муму»дан бир талай пул оладиганман.

– Ярим сўм ҳиммат қилишим мумкин. Тўхтаб туринг. Ҳозир келаман.

Персицкий «Станок»нинг бир гала ходимини бошлаб келди.

Гап гапга уланиб кетди.

– Хўш, тижорат қалай бўлди? – деб сўраб қолди Персицкий.

– Қулинг ўргилсин бир шеър ёздим!

– Гаврила ҳақидами? Дехқонлар ҳаётидандир, эҳтимол? «Шудгор ҳайдаб эди Гаврила шўрлик, Гаврила ёнарди омоч ишқида». Шундайми?

– Гаврила нимаси! Уни шунчаки эрмакка ёзганман. – бўш келмади Ляпис. – Кавказ ҳақида шеър битдим.

– Кавказда бўлганмисиз ўзи?

– Икки ҳафтадан кейин кетяпман.

– Қайси юрак билан Ляпсус? Чиябўрининг конику, у ер?

– Кони бўлса нима қипти! Кавказда заҳарли чиябўри учрамайди-ку!

Бу жавобдан сўнг барча бир қадар сергак тортди.

– Менга қаранг, Ляпсус, – тағин сўроққа тутди уни Персицкий, – чиябўрининг кўриниши қанақа ўзи?

¹ Ляписнинг асл маъноси – жаҳаннам тоши. Бу ерда сўз ўйини бор. Ляпсус – валдираш, сафсата сотиш маъносида. (Тарж.)

– Күйинг-э, шуниям билмайди, деб ўйлайсизми?

– Билсангиз, қани айтинг!

– Нега десамикин... Хўш, илонга ўхшаган бўлади.

– Ҳа тўғри, тўғри, сиз ҳамма нарсани биласиз. Чунки сизга қолса така жонивор ҳам дастурхонга узангиси билан тортилади.

– Мендан ҳеч қачон бунақа гап чиққан эмас! – бақириб юборди Трубецкой.

– Оғзингиздан чиқмаган бўлса, қаламингиздан чиққан. Наперниковдан эшидим, «Герасим ва Муму»га шунга ўхшаган шеърингизни ёпиштирмоқчи бўлган экансиз, овчилар ҳаётидан эмиш. Қани, Ляпсус, холисанилло айтинг-чи, нимага ўзингиз бир умр кўрмаган, тариқдай тасаввурга эга бўлмаган нарсалар ҳақида ёзасиз? Нима учун «Даҳа» деган шеърингизда мурсак тўйда кийиладиган лиbosга айланган? Хўш, нимага?!

– Бачкана одам экансиз, – деди Ляпис гердайиб.

– Нега «Будённий соврини учун пойга» деган шеърингизда чавандоз олдин отларига хомут уриб, кейин жойига чиқиб ўтиради? Хомут нималигини биласизми ўзи, умрингизда кўрганмисиз уни?

– Кўрганман.

– Қани, айтинг, қанақа бўларкан?

– Намунча менга осилмасангиз? Жинни эмасмисиз, мабодо?

– Чавандоз қаерда ўтиришини биласизми? Умуман, пойгани кўрганмисиз?

– Ҳаммасини кўриш шарт эмас! – деди тутақиб Ляпис. – Пушкин умрида Туркияни кўрмаган бўлсаям турк мавзуларида шеърлар ёзган.

– Ҳа, дарвоқе, Арзрум Тула губернасиға қарайди-я.

Ляпис кесатиқни тушунмади. Яна жон-жаҳди билан исботлай кетди:

— Пушкин материалларга суюниб ёзган. Олдин Пугачёв исёнини обдан ўрганиб чиқиб, кейин бу ҳақда асар битган. Энтих менга пойгани жуда батафсил қилиб гапириб берувди.

Ляпис шу тариқа ҳужумни устомонлик билан даф қилиб турди. Охирى Персицкий уни қўярда-қўймай қўшни хонага судраб чиқди, текин томоша шинавандалари гур этиб уларга эргашди. Хона деворида бир парча газета осиглиқ бўлиб, атрофига қора ҳошия тортилган эди.

— «Капитан кўприкчаси»да чиққан шу очеркни ўзлари ёзганмилар?

— Биз ёзганмиз.

— Насрға энди қўл уришингиз бўлса керак-а? Табриклайман!

«Тўлқинлар йўлда учраган тўсиқларга салчиб, домкрат мисоли шиддат ила пастга отиларди...» «Капитан кўприкчасига бир холис хизмат қиптилар-да! «Кўприкча» бу хизматингизни асло унумайди, Ляпис!

— Нима гап ўзи?

— Гап шундаки... Домкрат нималигини биласизми ўзи?

— Ҳа, биламан албатта, келинг, ҳадеб менга осилаверманг...

— Ҳўш, сизнингча, нима у? Ўз тилингиз билан таърифлаб беринг-чи.

— Нима десамикин... Хуллас, тепадан тушади.

— Домкрат тепадан тушармиш. Эшитмадим деманглар! Домкрат шиддат ила пастга отиларкан! Тўхтаб туринг, Ляпис, ҳозир яrim сўм олиб келаман. Қўйиб юборманглар уни!

Лекин бу гал ҳам яrim сўм унмай қолди. Персицкий маълумотлар борасида учди, Брокгауз лу-

фатининг йўғирма биринчи жилдини кўтариб келди. Луғатда Домицийдан Евреиновга қадар сўзлар қатор тизилиб ётарди. Мекленбург-Шверин деган улуғ герцогликдаги бир қалъа сифатида қайд этилган Домиций билан Бельгия ва Нидерландия турорида ҳайқириб оқувчи Доммель дарёси оралиғида керакли сўз топила қолди.

— Эшитинг! «Домкрат (немисча Daumkraft) — оғир юкни баландликка кўтариб берадиган машиналардан бири бўлиб, арава ва ҳоказоларни кўтаришда қўлланиладиган оддий Д.-да ҳаракатланувчи тишли тирак бўлади, даста фидиракни, фидирак эса тиракни ҳаракатга келтиради...» Ва ҳоказо. Иннайкейин: «Жон Диксон 1879 йилда «Клеопатра игналари» номи билан машҳур бўлган ёдгорликни тўртта ишчи ва тўртта гидравлик Д. ёрдамида жойига ўрнатиб қўйган». Ана шундай асбоб сизга қолса шиддат билан пастга отиларкан-да? Бундан чиқди, Брокгауз билан Эрон эллик йилдан бери инсониятни алдаб келишаётган экан-да? Нима учун сиз ўқиб-ўрганиш ўрнига хом-хатала нарсаларни тўқиб ташлайверасиз? Жавоб беринг!

- Менга пул керак.
- Пулга ёлчиган пайтингиз бўлганми ўзи? Қачон қарама, ярим сўм деб тиланиб юрасиз.
- Уйга анжом олувдим, сал толиқиб қолдим.
- Нима, ошиб-тошиб кетиб, бир дунё мол олибизми? Хом-хатала нарсанинг пули нима бўларди, арzon-гаровга бир нима олгандирсиз-да.
- Арzon-гаров эмиш-а! Кимошдига бориб, шунақа бир стул сотиб олдимки...
- Илоннусха стулми?
- Йўқ. Сарой мулки экан. Аммо-лекин бошимга бир кулфат тушди. Ярим кечада уйга қайтиб келсам...

- Хина Члек меҳмонга чақирувмиди? – деб бараварига чувиллашди атрофдагилар.

- Хина нимаси!.. Хина билан аллақачон орани узганман. Маяковский мунозарасидан қайтиб келаётган эдим. Уйга кирсам, ойна ланг очик. Дарров пайқадимки, бир нима бўлган.

- Вой шўрим! – деди Персицкий кафтлари билан юзини тўсиб. – Ляпсус зўр шоҳ асарини ўғирлатиб қўйганга ўхшайди, ўртоқдар. «Қоровуллик қилас Гаврила деган, Гаврила ажойиб қоровул эди».

- Гапимни тугатиб олай. Кўз кўриб, қулоқ эшитмаган безорилик-а! Аллақандай ғаламис аблажлар уйга тушиб, стулни чавақлаб кетишибди. Энди уста чақирмаса бўлмайди, балки бирортангиз беш бола бериб туарсиз?

- Янги Гаврила ёзиб ташланг, уста пули чиқади. Нима деб бошлишният айтиб бераман. Ҳозир, ҳозир. Ҳа, мана бундай деб бошлгайсиз: «Бозор куни стул олди Гаврила, бу стулдан хафа бўлди Гаврила». Дарров ёзиб олинг. «Хонтахта овози»га икки баравар қилиб пуллаш мумкин... Эҳ, Трубецкой, Трубецкой!.. Ҳа, Ляпсус, дарвоқе, нимага сиз Трубецкой бўлиб қолгансиз? Тузукроқ тахаллус танлаб олсангиз бўлмайдими? Масалан, Долгорукий деган! Никифор Долгорукий бўлиб юрадингиз. Ёки Никифор Валуа дегани маъқулроқми? Ўртоқ Никифор Сумароков-Эльсончи? Энг зўриям шу бўлса керак, а? Худо ол қулим деб «Герасим ва Муму»га бирдан учта шеърчани тиркаб қолсангиз борми, ҳечам жонингизни қийнаб ўтирамасдингиз. Қарабсизки, шеъриятга иснод келтирадиган бу бемаъни сафсаларингизнинг бирига Сумароков деб, иккинчисига Эльстон, учинчи сига эса Юсупов деб имзо қўяверасиз... Одам бўлмай кетинг, кўзбўямачи шоир!..

Ўттизинчи боб

КОЛУМБ ТЕАТРИДА

Ипполит Матвеевич хушомадгүйликни дүндирадиган бўлиб қолди. У Остапга қарамоқчи бўлса, кўм-кўк кўзлари қўйникидай ювош тортиб кетарди.

Иванопулонинг хонаси қаттиқ исиб кетганидан Воробъяновнинг қовжираб қолган стуллари тарашадай чирсиллаб қўярди. Буюк мудаббир кўк нимчани бошига қўйиб, ҳордиқ чиқариб ётган эди.

Ипполит Матвеевич деразадан кўчани томоша қилиб турган эди. Шу пайт жимитдай-жимитдай Москва боғларини ёнлаб, унинг илонизи, тор кўчаларини оралаб келаётган тамфали аравача кўринди. Қоп-қора лакка бўялган арава сиртида таъзимни бажо келтириб турган аҳли йўловчилар: мис қалпоқли сарбоз, шаҳар хонимлари ҳамда оппоқ, момик паға-паға булатлар бир-бир акс этгандай бўлди. Аравача қўшилган отлар тош кўчани дупурлатиб, Ипполит Матвеевичнинг ёнгинасидан ўтиб кетишиди. Ипполит Матвеевич ҳафсаласи пир бўлиб, юзини четга ўгирди.

Аравага коммунал хўжалик бўлимининг тамфаси босилган, бинобарин у ахлат ташишга мўлжалланган бўлиб, устидаги баланд тахта қутига бир ниманинг акси тушиши амри маҳол эди.

Ўриндиқда оппоқ соқоли ўзига ярашиб турган басавлат бир чол ўтиради. Агар Ипполит Матвеевич бир пайлари тарки дунё қилган машҳур сарбоз граф Алексей Буланов мана шу аравакаш чол эканини билганида борми, эҳтимол ҳозир қарияни тўхтатиб, ўша дориламон пайларни эслаб, икки оғиз валақлашган бўлармиди.

Граф Алексей Булановнинг шу тобда ташвиши ўзига етиб ортарди. У отларига устма-уст қамчи босган ҳолда ассенизация шульбасидаги сансалорликни икки ўргадаги катта шартномада кўрсатилган бўлишига қарамай, ярим йилдан бери ҳанузгача махсус пешбанд ололмай келаётганини ўйлаган сари фифони ошарди.

– Менга қаранг-чи, – деб қолди тўсатдан буюк мудаббир, – болалигингида сизни нима деб эркалааб чақиришарди?

– Нимага керак бўлиб қолди?

– Шунчаки ўзим! Сизни нима деб чақиришга ҳайрон бўлиб турибман. Воробъяников деявериш жонга тегди, Ипполит Матвеевич чучмал. Хўш, қанақа эди? Иппами?

– Киса, – мийифида кулиб жавоб берди Ипполит Матвеевич.

– Зўриддин-ку. Гап бундоқ, Киса, орқамни бир кўринг-чи, нима гапикин. Икки курагимнинг ўртаси негадир зирқираб турибди.

Остап «ковбой» кўйлагини бошидан чиқариб ечди. Хашаки Антиойнинг сал кир босган, лекин хўп бичими зўр, кенг яфрини намоён бўлди.

– Оҳо, – деди Киса Воробъяников, – қизариб кетибди-ку.

Буюк мудаббир икки курагининг ўртаси қонталалишиб, кўм-кўк моматалоқ бўлиб ётар, турфа рангда товланиб турган фурралар алланимага ўхшаб кетарди.

– Худо ҳақи саккиз рақамини кўрдим! – чинқириб юборди Воробъяников. – Тавба, фурраям шунақа бўладими?

– Бошқа рақам кўринмайдими? – вазмин сўради Остап.

– Биттаси Р. ҳарфига ўхшаб турибди.

– Саволлар тугади. Ҳаммаси тушунарли. Лаънати ручка! Мана, кўрдингизми, Киса, ўша стуларингизни деб жоним азобдан, бошим хатардан чиқмай қолди. Саксон олти рақамли сиёҳ тиқилган бесўнақай осма ручка марҳамати бўлади бу белгилар. Яна шуниям айтиб қўяйки, муҳаррир ўтирадиган стулнинг ичак-човоги энди қўлимга илашиб турганида бу лаънати ручка гумбурлаб устимга тушди. Сиз, сиз бўлсангиз лалайишдан бошқа нарсага ярамайсиз. Изнуренковнинг уйидаги стулга шум қадами ёқмаган ҳам ўзингиз, мен бориб тозалаб келдим сизнинг шалтогингизни. Кимошди воқеасини-ку, айтмай қўя қолай. Бир буқа бўлгилари кепти-да, ўшанда! Ёшингизга қараб иш қилинг! Сизнинг соғлифингиз кўтармайди буни!.. Мана мени кўринг! Беванинг стулини қойил қиласдим. Изнуренковниям охири ўзим тинчитдим! Таҳририят билан Ляписнинг уйингаям ўзим бордим! Сизнинг бўлса фақат бир донагина стулга қурбингиз етди, холос, шундаям архиепископдай шаръий душманимиз қарашворди, ҳа.

Амалий саркор хона ичини яланг оёқ кезиб, хомуш Кисага шу тариқа ақл ўргатарди.

Октябрь вокзалининг омборхонасида фойиб бўлган стул қидирув ишларининг пухта режасига ҳамон соя ташлаб турарди. Колумб театридаги тўртта стулни нақд деса бўлади. Лекин театр адад ўйналадиган «Скрябин» кемаси билан Волга дарёси бўйлаб сафарга чиқар экан, шунга кўра бугун мавсумдаги охирги ўйин «Уйланиш» спектаклининг премьераси кўрсатилади. Бинобарин ҳозироқ бир нарсани – Москвада қолиб, бепоён Каланча майдонида бедарак йўқолган стулни излаб турган маъқулми ёки театр труппаси билан гастроль сафарига чиққан фойдалироқми – шуни

аниқлаб олиш лозим эди. Остап кейингисига мойилроқ күринарди.

– Ё бўлинишганимиз маъқулмикин? – шеригининг фикрини сўради Остап. – Мен театр билан бирга жўнайман, сиз шу ерда қолиб омборхонани кўз тагига оласиз.

Кисанинг оппоқ киприклари беҳол пирпираб кетгани учун Остап гапни калта қила қолди.

– Икки қуён турганда семизроғини мўлжаллаган маъқул, – деди у. – Бирга кетаверамиз. Лекин сарф-харажат катта бўлади. Пул топиш керак. Менда олтмиш сўм бор. Сизда-чи? Вой, эсим қурсин! Ёш ўтиб қолгандан кейин ишқ офати ҳамённи қуритиб кетади-ку! Қарор қиласман: бугун театрга, «Ўйланиш» премьерасига борамиз. Фрак кийиб олишни унутманг. Агар стуллар қарз ҳисобига ижтимоий суғуртага сотилиб кетмай омон-эсон жойида турган бўлса, эртагаёқ йўлга чиқамиз. Кулоғингизда бўлсин, Воробъяников, «Қайнанамнинг жавоҳирлари» комедиясининг охирги саҳнаси бошланяпти. Комедиянинг ан-ниҳоя қисмига келдик, Воробъяников! Нафас олмай туинг, қария дўстим! Саҳна чироқларига эътибор қилинсин! Ў, менинг ёшлик йилларим! Ў, саҳна ортининг муаттар ҳиди! Ширин хотиралар! Макру ҳийалалар! Ҳамлет ролини маҳорат ила боплаб ўйнаганларим! Хулласи калом, мажлис давом этади!

Ортиқча чиқимдан қочиб, театрга яёв кетишиди. Ҳали атроф чараклаб турганига қарамай, фоныслар қаҳрабо нур соча бошлаган. Кўклам инқирозга юз тутган. Чанг-тўзон уни майдонлардан қувса, иссиқ шамол тор кўчаларга қамамоқчи бўлади. Ҳовлилардаги думалоқ стол атрофида тизилишиб ўтирган кампирлар фасллар келинчагини даврага олиб, чойхўрлик қилишади. Аммо баҳорнинг умри тугаган, энди у катта кўчага чиқол-

майди. Ваҳоланки, унинг ҳам Пушкин ҳайкалига боргиси, бошига ола-була кепка, оёғига «жимми» туфлисини кийиб, бўйнига «ит саодати» галстуғини тақиб олган сурнай шимли йигитчаларга қўшилгиси келади.

Бетига пуштиранг ёғупа чаплаб олган қизлар кўчалар оралиғида у бошдан-бу бошга дайдиб юришади. Қизларнинг оғзи шалоқ. Ўтган-кетгандар бунақа пайтда қадамини секинлатиб қолади. Бунинг сабаби, Тверская кўчаси, шу маҳаллари гавжумлашиб қолишидагина эмас. Москва отлариям Эски шаҳарникидан қолишмайди – булар ҳам атайлаб кўчани бошига кўтариб ўтади. Ёш кашшофлар стадионида биринчи бор уюштирилган шаҳарлараро футбол ўйинидан қайтаётган одамлар велосипедда физиллаб ўтиб қолишади. Олдидаги яшил аравачани гумбурлатиб итариб кетаётган музқаймоқ тайёрловчи милиция ходимиға ҳадиксираб қараб қўяди; аммо кўча ҳаракатини бошқараётган ранго-ранг семафор¹ милиция ходимининг хаёlinи олиб қўйган, ундан қўрқмасаям бўлади.

Ана шундай гавжум кўчаларда икки дўст кетиб борарди. Ҳар қадамда одамнинг ҳавасини келтирадиган нарсалар. Каталакдай емакхоналар олдида ўтган-кетганинг димоғини қитиқлаб, турли-туман кабоблар пиширишади. Қўралардан кўтарилган аччиқ жизғинак дуди мусаффо осмонга ўрлайди. Йўл-йўлакай учраган пивохоналару майхоналардан, «Буюк соқов» кинотеатридан чолғу

¹ Семафор – темир йўлда ёки станцияга яқин жойда яшил, сарик, қизил рангли (учиб-ёниб турадиган) чироқлари восита-сида йўлнинг очиқлиги ёки берклиги ҳақида машинистга сигнал бериб турадиган қурилма.

музиқаси қулоққа чалинади. Трамвай бекатидаги радиокарнай эса айни жазавада.

Тезроқ юриш керак. Иккала дўст Колумб театрининг сершовқин вестибюлига қадам қўйишиди.

Воробъянинов дарҳол кассага югуриб, жойларнинг нархини билиб келди.

– Ҳарқалай жуда қиммат экан, – деди у. – Үн олтинчи қатор уч сўм-а.

– Ҳафтафаҳм одамларни, лалайган, меров қишлоқиларни кўрсам, қоним қайнаб кетади-да – деди уни чўрт кесиб Остап. – Нимага ликиллайсиз? Кассанинг олдида пишириб қўйибдими?

– Қаёққа борай бўлмаса? Чиптасиз киритишмайди-ку!

– Киса, бемаъни одам экансиз. Шуни билиб қўйингки, ҳар қандай маданий театрда туйнукча бир жуфт бўлади. Касса туйнуғи ошиқ-маъшуқлару пулдор меросхўрлар учун. Бошқа тоифадаги одамлар эса (кўриб турибсиз-ку, булар кўпчилик) тўғридан-тўғри администраторнинг ўзига муружаат қилишади.

Чиндан ҳам касса олдида одмигина кийинган беш-олтида одам турарди. Пулдор меросхўрлару ошиқ-маъшуқлар дегани шулар бўлса ажаб эмас. Маъмурият ўтирган туйнукчанинг олди эса аксинча, фала-ғовур. Навбатда турганларнинг кийими кўзни қамаштиради... Пойтахтдан йироқдагиларнинг етти ухлаб тушига кирмаган антиқа бичим шим билан олифта пиджак кийган йигитчалар таниш-билиш режиссерлар, артистлар, таҳририятлардан, театр кийимчиларидан, туман милициясининг бошлиғидан, қолаверса, театр ва кино танқидчилари уюшмаси, «Мушфиқ оналар кўз ёши» жамияти, Намунавий қирк устахонаси»нинг мактаб яна аллақандай «Дўмчилбад қошидаги «Карсурват» аъзоларига ўхшаб театр билан чамбарчас

боғланган шахслардан ёздириб олган қоғозларини рўкач қилишарди. Етти-саккиз нафар одам Эспер Эклеровични орқа қилиб келган экан.

Остап бир ҳамла билан тўдани ёриб киргач, карсурватчиларни нари-бери итариб, «Бир нарса сўрамоқчиман, холос. Мана, ҳатто калишниям ечганим йўқ», деб пишқирганича туйнукка етиб олди-да, ичкарига мўралади.

Администратор ҳаммолдай тер тўкиб меҳнат қиласди. Реза-реза кумуш доналар семиз башарасига оқиб тушибди. Смоленск бозорини кесиб ўтаётган трамвайга ўхшаб, телефон дам-бадам бетоқат жиринглайди, уни ишдан қўяди.

– Тезроқ бўлинг, – деб ўшқирди у Остапга, – қоғозни беринг!

– Иккита ўрин, – деди Остап шивирлаб, – партердан бўлсин.

– Кимга?

– Менга-да!

– Кимсиз ўзингиз, нимага берар эканман?

– Кимлигимни биларсиз, деб ўйлабман.

– Танимай турибман.

Нотаниш кимсанинг боқишилари шу қадар беғубор, шу қадар мусаффо эдики, администраторнинг қўли беихтиёр ҳаракатга келиб, Остапга ўн биринчи қатордан иккита билет узатиб борди.

– Гапини қарангү ҳаммани таниб бўлармишми?! – деб қўйди администратор елкасини қисиб.

– Маориф бошқармасиданмикин, а? Маориф бошқармасида бир кўзим тушувди шекилли. Қаерда кўрган эканман, а?

Яков Менелаевич шалвираб қолди, у баҳти чопган театр ва кино мунаққидларига қўли рухсатнома ёзиш билан овора-ю, бутун фикри хаёли шунда эди. Бу беғубор кўзларни қаерда кўрганини эслаб олмоқчи бўларди.

Ҳамма рухсатномалар тарқатилиб, фойенинг ёруғи бир оз камайтирилгандан кейинги Яков Менелаевичнинг эсига тушди: бу бекубор күзларни, бу дадил нигоҳни у 1922 йилда Таганка қамоқхонасида, ўзиям арзимаган бир иш билан ўша ерда ётганида кўрган экан.

Хазинатопарлар ўтирган ўн биринчи қатордан кулги эшитилди. Оркестр аъзолари томонидан шиша идиш, Эсмарх сургидони, кружкаси саксофон ҳамда аскарча довулларда ижро этилган қийқириқ муқаддима Остапга ёқиб тушди. Кейин найнинг ҳуштаги эшитилиб, салқин шабада уфурган ҳолда парда очилди.

«Уйланиш»нинг классик услубига ўрганиб қолган Воробъянов саҳнадан Подколесинни қидириб тополмагач, тоза ҳайрон бўлди, Ипполит Матвеевич яна жавдираб қараган эди, саҳна устида осилиб турган узун-узун фанерларга кўзи тушди. На эшик кўринади, на кўк дока тутилган дераза. Ранг-баранг фанерлар тагида ойимчалар рақс қиляпти. Ҳаммасининг бошида қалин қора картондан қирқиб ясалган шляпа. Шиша чолгулар бир чийиллаб берган эди, Подколесин Степан елкасида саҳнага югуриб чиқди-да, ўзини одамлар тўдасига урди. Эгнида камергерлар мундири. Подколесин пьесада йўқ сўзлар билан ойимчаларни тирақайлатиб қочиргач:

– Степа-ан! – деб бўкирди.

Шу заҳотиёқ ён биқинига бир сакраб ғалати аҳволда қотиб турди. Эсмарх кружкалари жаранглаб кетди.

– Степа-а-ан!! – яна бўкирди Подколесин иккинчи бор сакраб.

Шундоққина ёнгинасида қоплон терисини ёпиниб турган Степандан садо чиқмагач, Подколесиннинг хуноби ошди:

- Миллатлар лигасига ўхшаб нега финг демайсан?
- Чемберлен юрагимни олиб қўйғон кўринади,
- деб жавоб қилди Степан терининг устидан баданини қашлаб.

Замонавийлаштирилган бу пьесада Степан Под-колесинни бир чўқишида қочириб, ўрнига ўзи бош қаҳрамон бўлиб оладиганга ўхшарди.

- Хўш, қалай, камзулни тикяптими бичиқчинг?

Яна сакрайди. Эсмарҳ кружжалари тақира-тукур қиласди. Степан қўлларини ерга тираб, оёғини осмонга кўтаради-да, шу ҳолатда:

- Тикяпти! – деб жавоб беради.

Оркестр «Чио-Чио-Сан» операсидан попурри ижро этиб ташлайди. Степаннинг эса ҳамон оёғи осмонда. Юзи шафакдай қизариб кетган.

– Менга қара, – деб сўрайди Подколесин, – ўша бичиқчинг, хўжайин нега бунчалик ясаниб қолди, деб суриштиргани йўқми?

Аллақачон созандаларнинг ёнига ўтиб, дирижёрни ачомлаб олган Степан жавоб қиласди:

– Асло суриштиргани йўқ. Нима, у Англия парламентининг депутати буптимики, суриштиради?

– Ўша бичиқчинг, нима, хўжайин уйланмоқчи-ми, деб сўрамадими?

– Бичиқчи, нима, хўжайин алимент тўламоқчи-ми, деб сўради.

Бирдан чироқ ўчиб, томошабинлар оёғини дупурлатиб қолди.

Подколесин саҳнадан туриб:

– Ўртоқлар! Тинчланинг! Чироқ атайлаб ўчирилди, йўли шунаقا. Ашёвий безакларга шу керак, – дегандан кейингина оломон тинчшиб қолди.

Биринчи парда тамом бўлгунга қадар шу бўйи чироқ ёқилмади. Зим-зиё қоронгиликда довуллар гумбурлаб берди. Мехмонхонадаги дарбонларга ўхшаб кийинган бир тўда ҳарбийлар саҳнадан

фонус кутариб ўтди. Кейин Кочкарёв пайдо бўлди. Икки ўртадаги гап-сўздан маълум бўлишича, у саҳнага туюниб чиққан экан.

– Суф-э, ўтакамни ёрай дединг-ку! Туяга бало бормиди шу тобда!

– Ия, қоп-қоронғида шуниям кўрдингми, а?! Ёнида бўталогиям бор, сени бўталоқ билан бир сийлай девдим-да!

Хазинатопарлар танаффус чоғида қўйидаги афишани ўқиб қолишид:

Уйланиш

Н.В.Гоголь матни

М.Шершеляфамов шеърлари.

И.Антиохийский адабий баёзи.

Х.Иванов чолгу машқлари.

Спектакль муаллифи – Н и к. Сёстрин

Мутасаддилар: ашёвий безаклар бўйича: Симбиеевич-Синдиевич; чироқлар бўйича: Платон Плашчук; товушлар бўйича: Галкин, Палкин, Малкин, Чалкин ва Залкиндлар; грим бўйича: Круст устахонаси; улама ва ясама соchlар бўйича: Фома Кочур; жиҳозлар бўйича: Валтасар номли Домчилбад ҳузуридаги Карсурватга қарашли ёғочсозлик устахоналари. Муаллақ устаси Жоржетта Тираспольских. Гидравлик прессни монтёр Мечников бошқариб туради. Афиша ФЗУнинг КРУЛТ мактабида терилди, саҳифалаштирилди ва чоп этилди.

– Маъқул бўлдими сизга? – ботинқирамай сўради Ипполит Матвеевич.

– Хўш, сизга-чи?

– Жуда мароқли экану, лекин Степан сал ғалатироқми, дейман.

— Менга эса ҳечам ёққани йўқ, — деди Остап дабдурустдан, — жиҳозларини айтмайсизми, аллақандай Чилбад устахонасидан чиққан, шуниси айниқса ғашимга тегди. Бунақада бизнинг стулларният янгича қолипга солиб юборган бўлишса-я?

Остап бекорга хавотирланган экан. Иккинчи парда бошланиши биланоқ бошига цилиндр чўнқайтирган занжилар тўрттала стулни саҳнага олиб чиқишиди.

Унашиш саҳнаси томошабинларга маъқул тушди. Агафья Тихоновна залга тортилган симдордан энди тушмоқчи бўлиб турганида К. Ивановнинг шумтака созандалари шунақаям тус-туполон кўтаришдик, Агафья Тихоновнанинг ўрнида бошқа одам бўлганида томошабинларнинг устига гуп этиб ағанаган бўларди. Агафья тагинам бало чиқиб қолди, ўзини саҳнада тутишга уста экан. Бошида эркакча цилиндр, ич кийими баданига ёпишиб турган Агафья биқинига «Подколесинни хоҳдайман» деб ёзилган яшил соябонни дорчўпдай ликонглатиб, пастда ўтирганларга яғир товонини кўз-кўз қилган ҳолда сим устида анча ҳунар кўрсатди. Охирни у симдордан стулга сакраб тушди. Саҳнадаги занжиллардан тортиб Подколесингача, раққосаларга ўхшаб этаги қават-қават кўйлак кийган Кочкарёвдан тортиб совчи хотингача – ҳаммалари шу заҳотиёқ ўмбалоқ ошишиди. Шундан кейин булар беш дақиқача дам олишди, истироҳатларини бузмаслик учун чироқлар ҳам ўчириб қўйилди.

Куёвтўралар, айниқса, Яичница¹ дегани одамларнинг ичагини узди. Яичницанинг ўзи кўрин-

¹ Яичница – Қуймоқов деган маънода (Тарж.)

май, ўрнига товада қуймоқ олиб чиқишиди. Яичница – қуймоқ ўртасига елканли устун қадалган эди.

Стариков деган савдогар: «Дўкондан пахта оламан деб ундоқ бўлдим, солиқ тўлайман деб бундок бўлдим», дея роса оҳ-воҳ қилган бўлсаям, Агafья Тихоновна унга ҳатто қайрилиб қарамади. У шартта Степанга турмушга чиқди. Келин-куёв иккови бир юмалаб хизматкорга айланиб қолган Подколесиннинг кўлидан тоза қуймоқ туширишиди. Кочкарёв билан Фекла Чемберлен ҳақида, Британия бош вазири Германиядан алимент ундириб олаётгани тўғрисида мириқиб лапар айтишиди. Эсмархнинг кружкаларидан мотам қуи янгради. Сўнг сарин шабада уфуриб, парда ёпилади.

– Томошадан хурсандман, – деди Остап, – стуллар бут экан. – Аммо-лекин фурсатни ғанимат билмоқ керак. Агар Агафья Тихоновна ҳар куни стулга шунаقا гупиллаб тушадиган бўлса, уларнинг ҳоли вой бўлади.

Олифта камзул кийган йигитчалар бир-бирини итариб-сурив, ўзаро ҳиринглашиб, саҳнада кўлланилган безаклар билан товушларнинг нозик жиҳатларини фаҳмлаб олмоқчи бўлишарди.

– Хўш, – деди Остап, – энди сизни «алла, болам» қиласиз, Кисочка. Эртага барвақт чиптанинг пайдан бўлиш керак. Кечқурун соат еттида театр ошиғич поездда Нижнийга жўнайди. Демак, Курск йўлидан Нижнийга иккита чипта оласиз, ўтириб кетадиганидан. Ҳечқиси йўқ, чидаймиз-да қаттиқчиликка. Бир кеча минг кеча эмас.

Эртаси кун Курск вокзалининг ошхонаси Колумб театрининг одамлари билан лиқ тўлди. Ашёвий безакларни шу поездга жойлайман, деб тоза тинкаси қуриган Симбиевич-Синдиевич тамадди қилиб ўтиради. Пиводан ҳўл бўлган мўйлови-

га парво қилмай, дам-бадам ёнидаги монтёрни қистовга оларди:

– Сен нима дейсан, гидравлик пресс йўлда синиб-нетиб қолмасмикан?

– Бошимизга битган бало бўлди шу пресс ҳам, – деб жавоб беради Мечников, – беш дақиқа ишлайдими-йўқми, энди ёз бўйи ортмоқлаб юрамиз шекилли.

– Нима, асрлар прожекторида қийналмовмидинг, ҳув анави «Мафкура кукуни»даги-чи?

– Нега қийналарканман. У прожектор бесунакай бўлсаям, бунчалик мўрт эмас эди.

Кўшни столда эса тарашадай силлиқ оёқлари пай боғлаган ёшгина қизча – Агафья Тихоновна ўтиради. Овоз мутасаддилари – Галкин, Палкин, Малкин, Чалкин ва Залкиндлар унинг атрофида парвона эди.

– Кеча оҳангни бузиб чалдиларинг, – зорланиб қолди Агафья Тихоновна, – бунақада унақада дордан йиқилиб тушиш ҳеч гап эмас.

Овоз мутасаддилари бараварига жавраб кетишли:

– Илож қанча! Иккита кружка синиб бўлди!

– Эсмарх кружкаси четнинг моли, анқога шафе-ку ҳозир, – бидирлаб кетди Галкин.

– Дўконга бир кириб кўринг. Эсмарх кружкаси у ёқда турсин, термометр ҳам тополмайсиз – унга қўшилишиди Палкин.

– Нима, термометрниям чаласизларми? – эсхонаси чиқиб сўради қизча.

– Термометр чалмаймизку-я, лекин мана шу лаънати кружкаларни ўйлаб, иситмамиз ошиб кетади, кейин мажбур бўлиб ўлчаймиз-да, – изоҳ берди Залкинд.

Спектакл муаллифи ва бош режиссёри бўлмиш Ник. Сёстрин хотини билан перронда сайр қилиб

юрган эди. Подколесин билан Кочкарёвлар уч қадаҳдан отиб олгач, бири олиб, бири қўйиб, Жоржетта Тирасполскихга хушомад қила кетишиди.

Поезд жилишидан икки соат бурун етиб келган ҳазинатопарлар вокзал олдидаги хиёбонни беш марта айланиб чиқишиди.

Ипполит Матвеевичнинг боши гувиллаб турибди. Фалвирни сувдан кўтарадиган пайт бошланяпти. Кун бўйи қизиб ётган кўчаларда узун соялар пайдо бўлди. Одамларнинг терлаб-пишган юzlари чангга беланди. Енгил аравачалар келиб-кетиб турибди. Бензин ҳиди анқийди. Киракаш машиналардан йўловчилар тушади. Чўзинчоқ жез тўқаси офтобда ярақлаб турган Ермак Тимофеевичлар чопқиллаб уларга пешвоз чиқишишида, чамадонларга ёпишишиди. Сафар власвасаси каттаю кичик ҳаммани фиппа томогидан олган.

– Қани, биз ҳам жўнадик, – деди Остап.

Ипполит Матвеевич жимгина рози бўлди. Шу пайт рўпарасидан тобутсоз уста – Безенчук чиқиб олди.

– Безенчук! – деб юборди у ҳайратланиб. – Қайси шамол учирди сени?

Безенчук бошидан шапкасини олиб, суюнганидан тарашадай қотиб қолди.

– Жаноби Воробъянинов! – деб қичқирди у, – қадамларига ҳасанот!

– Хўш, ишлар қалай?

– Ишлар пачава, – деб жавоб берди тобутсоз уста.

– Нечук?

– Харидор қидириб юрибман. Харидордан птур кетди.

– «Нимфа» тортиб оляптими?

– Йўл бўлсин унга! Мендан тортиб олармиди? Бунақаси бўлмаган. Қайнанангиздан кейин фа-

қатгина «Пьер ва Константин» асфаласофилин бўлди, холос.

– Йўғ-е, ростданми? Ўлди дегин?

– Асфаласофилин бўлди, Ипполит Матвеевич. Ишлаб турганида асфаласофилин бўлди. Доричимиз Леопольд бор-ку, ўшанинг соқолини қиртишлаб турганида асфаласофилин бўлди. Одамлар, ичида алламбало ёрилиб кетибди, дейишади-ю, лекин менга қолса ҳаммасига дорихоначи айбор, дори ҳидидан заҳарланиб ўлган боёқиши.

– Чакки бўпти-ку, – фўлдираб деди Ипполит Матвеевич, – чакки бўпти-ку! Хўш, кейин ўзим кўмдим, дегин?

– Ўзим кўмдим. Бировга бериб қўярмидим? Попилдириқни раво кўрармиди «Нимфа» ҳаром қотгур?

– Демак, боплабсан-да.

– Бопладим. Аммо-лекин кейин ўзимниям тоза дўппослашди. Ўпкамни тешиб юборишли. Милиция ажратиб олди. Икки кунгача чўзилиб ётдим, спирт билан

даволандим.

– Спирт суртдингми?

– Нега суртарканман увол қилиб.

– Бу ёққа нимага келдинг?

– Мол олиб келдим.

– Қанақа мол?

– Қанақа бўларди, ўзимники-да. Таниш проводник учраб қолувди, почта вагонида текинга олиб келдим. Сув текинга.

Шундагина Ипполит Матвеевич Безенчукдан сал нарироқда бирталай тобут тахлаб қўйилганини сезиб қолди. Баъзиларида попилдириқ бўлса, баъзиларида бутунлай йўқ. Шулардан биттасини Ипполит Матвеевич дарҳол таниб қолди. Бу – Безенчукнинг дўкони олдида кўрманага турадиган

ва нуқул чанг босиб ётадиган катта эман тобут эди.

– Саккиз дона, – деди Безенчук виқор билан, – бири биридан зўр. Сип-силлиққина.

– Сенинг молингга зор эканми бу ердагилар? Ўзларидаам уста тиқилиб ётибди.

– Зотилжам-чи?

– Қанақа зотилжам?

– Офат бошланибди-ку. Прусис айтди менга, Москвада зотилжам тарқаганмиш, одамларни кўмишга ҳеч нарсалари қолмаганмиш. Борини тугатишди. Бир ишлаб қолай, деб келувдим.

Боядан бери икковининг гапини мароқ билан эшишиб турган Остап луқма ташлади:

– Менга қара, бобой, зотилжам деганинг бу ерда эмас, Парижда тарқалган.

– Парижда дейсанми?

– Ҳа-да. Парижга жўнайвер. Борсанг, қурук қайтмайсан! Рухсатнома олиш сал қийинроқ-ку, лекин сен бўш келма, бобой. Брианга ёқиб қолсанг бўлгани, ишинг беш: шаҳар бошқармасига сарой тобутсози қилиб жойлаштириб қўяди. Бу ерда нима бор сенга, ўзларининг тобутсозлари пашша қўриб ўтирган бўлса.

Безенчук атрофига аланглаб қаради. Гапида жон борга ўхшайди, Прусис қўйинини пуч ёнғоққа тўлдирибди шекилли, майдонда қалашиб ётган мурдалар кўринмайди, одамларнинг оёқ олиши тетик, баъзилари ҳатто қулиб ҳам қўяди.

Поезд хазинатопарларниям, Колумб театрини-ям, бўлак йўловчи-ларниям вагонларга тиқиб, аллақачон жойидан жилворган бўлишига қарамай, Безенчук нима қиларини билмай тобутлари ёнида ҳамон гангиб турарди. Атрофга қоронги тушган бўлиб, унинг кўзлари қоронгида бир жуфтликда чўғдай ялтираб кўринарди.

УЧИНЧИ ҚИСМ

ПЕТУХОВА ХОНИМ ДАФИНАСИ

Ўттиз биринчи боб

ВОАГАДА СЕҲРАИ ТУН

Волга давлат дарё кемасозлигига қарашли кўчма пристанлар – дебаркадерлардан чапроқда, «Чамбаракни торт, панжарани эҳтиёт қил, деворга ёпишма» деган ёзувнинг тагида буюк мудабирир ўзининг энг яқин дўсти ва ёрдамчиси Киса Воробъянинов билан қимир этмай турибди.

Пристанлар узра байроқлар ҳилпираиди. Кема мўриларидан ҳалқа-ҳалқа тутун буруқсайди. 2-сон дебаркадер олдидағи «Антон Рубинштейн» кемасига юқ ортилаётган пайт, юқ ташувчилар темир чангакларини пахта тойларига аёвсиз санчиб, зипиллаб кўтариб кетишади, пристанда декчалар, оширилган терилар, қучоқ-қучоқ симлар, яхлит ойна солинган кутилар, ўрам-ўрам каноплар, тегирмон тошлиари, икки хил рангга бўялган абжир қишлоқ хўжалик машиналари, ёточ паншахалар, янги узилган гиолос тўла саватчалар (саватчалар дағал матога ўраб чирмаланган), тузланган балиқ бочкалари айқаш-уйқаш ётибди. Лекин «Скрябин»-дан дарак йўқ. Ипполит Матвеевични безовта қилаётгани ҳам шу.

– Намунча ташвиш қиласиз? – деб қолди Остап. – Фараз қилингки, «Скрябин» шу ерда. Хўш, қандоқ чиқасиз унга? Чипта олишга қурбингиз етган тақдирдаям иш пачава. Бу кемага йўловчи олинмайди.

Поездда келишаётганларидаёқ Остап гидро-пресс мудири, монтёр Мечников билан икки оғиз валақлашиб, ҳамма нарсани билиб олган эди. Молия халқ комиссарлиги кира қилган «Скрябин» кемаси Нижнийдан Царицингача бориши ва йўлда учраган пристанларнинг ҳар қайсисида тўхтаб, ютуқди заём тиражини¹ ўйнаши керак экан. Худди шу мақсадда Москвадан бир жаҳон одам: ютуқ комиссияси, идора хизматчилари, духовой оркестр, кинооператор, марказий газеталарнинг мухбирлари ҳамда Колумб театри йўлга чиққан. Театр йўл-йўлакай давлат заёmlари нечоғлиқ фойдали эканни тарғиб қилувчи пьесаларни кўрсатиб бориши керак. Волгоградгача театр тираж комиссиясининг бокувида бўлади, ана ундан кейин эса «Ўйланиш» спектакли билан Кавказ ва Қrim бўйлаб сафарга жўнайди. Бу – таваккал иш, фойда ёки зарар кўриши номаълум.

«Скрябин»дан дарак бўлмай турди. Охири қўлтиқда ушланиб қолганини, кечга яқин келишини айтишди. Шунга кўра Москвадан келган жамики меҳмонлар пристаннинг ўзида қароргоҳ куришди.

Йўлга чамадону ўрин-кўрпа олиб чиққан нозик маҳлиқолар сим ғарамларига чиқиб олиб, ундервудларини² ёмон кўздан асраб ўтиришади ва илгакчиларга дам-бадам хавотирланиб қараб қўйишади. Бир тутам эчки соқоли кўкариб кетган аллақандай фуқаро тегирмон тошига чиқиб олибди. Тиззасида эса бир даста сирланган лавҳа. Эринмаган одам энг устидагисига бир кўз югуртирса:

¹ Заём тиражи – заём ёки лотереяning ютуқ ўйини.

² Ундервуд – ёзув машинасининг бир тури.

ҮЗАРО ҲИСОБ-КИТОВ БҮЛИМИ

деган ёзув борлигини дарров пайқаб олади.

Бири пўрим, бири соддароқ столлар устма-уст қалаштириб қўйилган. Муҳрланган пўлат сандиқ атрофида соқчи юрибди. Станок вакили Персицкий саккиз чандон катта қилиб кўрсатадиган уейс дурбинига тикилиб, ярмарка тарафларни кузатади.

Оқимга қарши ҳаракат қилиб, «Скрябин» кемаси пристанга яқинлашиб келмоқда. Иккала бикинида кўркам заём сурати туширилган фанер эълонлар. Кема фили маҳмудга ёки бўлмаса жуда қадим замонларда кемада қўнғироқ ўрнини босган бошқа бирор жониворга ўхшаб наъра тортди.

Молия-театр қароргоҳи ғимирлаб қолди. Тираж ҳайъатининг хизматчилари соҳилга қараб йўргалаб кетишли. Лўппигина Платон Плашчук чангтўзон ичидагемага қараб пиldираб чопди. Галкин, Палкин, Малкин, Чалкин билан Залкиндлар «Сол» деган қовоқхонани тарк этишли. Илгакчилар эса пўлат сандиқ билан овора. Муаллақ устаси Жоржетта Тираспольских кемага қушдай кўтарили. Ашёвий безакларининг фами босган Симбиеевич-Синдиевич пастдан туриб гоҳ арши аълоға, гоҳ эса кўприкчадаги капитанга кўл силкиб, алланималарни уқтиради. Лаш-лушини баланд кўтариб олган кинооператор лабораториясига тўрт ўринли каютани даъво қилганича юқорига чиқди.

Тўс-тўполондан фойдаланиб, Ипполит Матвеевич стуллар турган жойга яқин борди-да, жон аччиғида қўлини чўзиб, биттасини секин ўмармоқчи бўлди.

– Тегманг стулга! – пишқириб деди Бендер. – Эсингиз жойидами ўзи? Биттасини деб қолган-

ларидан ажраб қоламиз-ку. Кемага чиқиб олишнинг йўлини топинг ундан кўра.

Елкасига мис карнай осган созандалар дебар-кадердан ўтиши. Улар овоз мутасаддиларининг қўлида саксофон, флекскатон, пиво шишалари ҳамда Эсмарх кружкаларини кўриб, бурунларини жийириб қўйиши.

Тираж ўйналадиган айланма фидиракларни Форд машинасига босиб келиши. Мис билан ойнадан ишланган, усти ялтироқ олти нафар цилиндрдан иборат бу мураккаб мосламани пастки палубага олиб чиқишигунча анча вақт кетди.

Дупур-дупур оёқ овозлари, бақириб-чақиришлар алламаҳалгача эшитилиб турди.

Ютуқ тиражи ўтказиладиган залда супача ясад, деворларга шиор ва плакатлар қоқиши, томошабинлар учун алоҳида узун ўриндиқлар қўйиб тиражбоп фидиракларга электр симини тортиши. Кеманинг қўйруқ томонига ёзув столлари жойлаштирилди, ҳарф терувчи қизларининг каютасидан гоҳ ҳиринглаган овозлар, гоҳ эса ёзув машинкаларининг чиқиллаши баралла эшитилиб турарди. Эчки соқоли кўм-кўк кўкариб кетган заъфарон кимса кема ичидаги зир югуриб ўзи билган эшикларга лавҳа қўндиради:

ЎЗАРО ҲИСОБ-КИТОБ БЎЛИМИ

ШАХСИЙ ИШЛАР СТОЛИ

УМУМИЙ ИДОРА

ОПЕРАТОРЛАР БЎЛИМИ

Эчки соқол одам каттароқ лавҳалар ёнига кичикроқларини тиқишитиради:

БЕКОРГА КИРИЛМАСИН

ҚАБУЛ ЙҮК

**ВЕГОНА ОДАМЛАРНИНГ КИРИШИ
МАН ЭТИЛАДИ**

**КЕРАКЛИ МАЪЛУМОТЛАР
РЎЙХАТЛАР БЎЛИМИДА**

Кеманинг биринчи классида кетаётган йўловчиларга ажратилган салонда коғоз-танга пуллар кўргазмаси очишни мўлжаллаб қўйишибди. Буни эшитиб Галкин, Палкин, Малкин, Чалкин ва Залкиндларнинг фифони ошди.

– Бизлар энди қаерда овқатланамиз? – ғамга тушиб қолишибди улар. – Пақ этиб ёмғир қуйиб берса нима бўлади?

– Вой-воей! деб қолди Ник. Сёстрин ёрдамчи сига қараб. – Овоз безаклари бўлмаса, ҳеч нарса қилмасмикин, Серёжа?

– Йўғ-э, Николай Константинович! Артистлар оҳангга ўрганиб қолишган ахир.

Шу тоб яна галва чиқди. Спектакль муаллифи тўрттала стулни хонасига гумдон қилгани беш ботирнинг қулоғига чалиниб қолди.

– Ҳали шунақами, – хуноб бўлиб дерди беш ботир, – бизлар хор бўлиб кўрпанинг устида машқ қиласлик-да, Николай Константинович хотинчалари Густа билан тўртта стулда ялпайиб ўтиришин. Хотини бўлса ўзига, жамоага унинг нима алоқаси бор. Ҳамманиям хотини билан йўлга чиққиси келади.

Буюк мудаббир ютуқ кемасига еб қўйгудай бўлиб соҳилдан тикилиб турарди.

Хазинатопарлар қулоғига юқоридан яна бир айюҳаннос әшитилди.

– Нега шуни олдинроқ айтмадингиз? – деб бақирди комиссия аъзоси.

– Оғриб қолишини мен қаёқдан билай.

– Расво бўпти! Ҳозир нафис санъат касабасига бориб, рассом сўранг, зудлик билан беришсин.

– Шу тобда қаёққа бораман? Соат олти бўпти. Касаба ёпилади. Ярим соатдан кейин кемаям жўнайди.

– Ундай бўлса ўзингиз расм чизасиз. Кемани безатиш сизнинг зиммангизда, марҳамат қилиб, бу ёғиниям эпланг.

Остап илмоқчиларни, ойимчаларни, шунчаки томошага келган ҳангоматалабларни итариб-сурниб, юрганича кўприкдан тепага отилди. Кема олдида уни тўхтатишиди:

– Рухсатномани кўрсатинг!

– Ўртоқ! – деб қичқирди Бендер. – Сиз! Сиз, хўв семиз! Рассом сўраган!

Орадан беш дақиқа ўтар-ўтмай буюк мудаббир сайёр тираж хўжалигининг бақалоқ мудири билан оппоқ каютада хизмат шартлари ҳақида гаплашиб ўтиради.

– Гап бундоқ, ўртоқ, – деди бақалоқ, – сиз бизга бадий плакатлар чизиб беришингиз, расмлар тагига чиройли қилиб ёзишингиз, битта чала қолган шиорни битириб қўйишингиз лозим. Ўзимизнинг рассом бошлаб қўйиб, касал бўлиб қолди. Шу ердага касалхонага жойлаб қўйдик. Иннайкейин, бадий қисмга умуман кўз-қулоқ бўлиб турасиз. Қўлингиздан келадими шу ишлар? Олдиндан айтиб қўяй, юмуш кўп.

– Ҳа, қўлимдан келади. Илгариям қилганман бунаقا ишларни.

– Ҳозироқ биз билан жўнашингиз мумкинми?

– Сал қийинрөфү, лекин уриниб кураман.

Хўжалик мудирининг елкасидан зил-зам бил тоғ ағдарилгандай бўлди. Бақалоқ қушдай енгил тортиб, янги рассомга меҳр билан қараб қўйди.

– Бу ёғи қанақа бўлади? – дангал сўради Остап. – Мен савоб учун ишламайман...

– Нафис санъат касабаси белгиланган нарх бўйича қилинган ишга қараб ҳақ тўланади.

Остап ўзини мажбур қилиб, зўрға афтини бужмайтирди.

– Бундан ташқари овқатингиз текин бўлади, – шоша-пиша қўшиб қўйди бақалоқ, – ўзингизга алоҳида хонаям берамиз.

– Ҳа, майли, – деб хўрсинди Остап, – розиман. Лекин ёнимда бир болаям бор, менинг дастёrim.

– Бола ҳақида бир нарса деёлмайман. Унга пул ажратилмаган. Ўз ҳисобингизга бўлса, bemalol. Хонангизда ётиб юраверади.

– Бўлти, сиз айтганча бўла қолсин. Бизнинг болакай бало. Қаттиқчиликни кўп кўрган.

Остап ўзи билан бало болакайга рухсатнома ёздириб олгач, каюта калитини чўнтакка солиб, қайноқ палубага чиқди. Калит ҳар гал баданига текканида юраги бир орзиқиб тушарди. Долғасуронларда кечган ҳаёти давомида биринчи марта бунчалик ҳузур қилиши эди. Мана, энди калит ҳам, уй ҳам муҳайё, аммо ёлғиз пулдан дарак йўқ. Лекин бунисиям нақд, шундоққина ёнида, стуллар бағрида унга мунтазир турибди. Буюк мудаббири қўлини чўнтағига тикиб, кема биқинида сайр қилишга тушди. Қирғоқда қаққайиб турган Ворobbyаниновга қайрилиб қарамади ҳам.

Ипполит Матвеевич олдинига соқовчалаб имоишоралар қилди, кейин юрак ютиб, ҳатто биринки чийиллаб ҳам қўйди. Аммо Бендернинг парвойи фалак эди. У ширкат раисига орқасини ўги-

риб олганича, кема омборига туширилаётган гидравлик прессни томоша қиласарди.

Кема силжишига сүнгги ҳозирликлар күрила бошлади. Агафья Тихоновна, хонакиасига айтганда, Мура дам-бадам оёқчаларини түқиллатиб, каютадан қуйруқ томонга югуриб қолар, сув бетига термилиб тургач, дилидаги бутун завқ-шавқини моҳир балалайкачига баралла тўкиб солар ва бу ҳаракатлари билан муҳтарам тираж мутасаддиларини андак беҳаловат қилиб қўярди.

Кема иккинчи гудогини чалди. Унинг даҳшатли наърасидан буултлар жунбишга келди. Офтоб ҳам қизариб бўзарганича уфқ ортига юмалади. Шаҳарнинг тепа қисмида чироқ билан фонуслар ёқилди. Почай жаридаги бозорда граммофонлар хириллаб, сүнгги харидорларга маҳоратини наомайиш қила кетди. Етим қўзидаи бир ўзи шумшайиб, гангид турган Ипполит Матвеевич алланималар деб бақирап, аммо нима деяётганини бир оз эшитмасди. Кўтарма краннинг шовқин-сурони қулоқни қоматга келтиради.

Остап Бендер дабдабани хуш кўрадиган одам эди. Мана ҳозир учинчи гудок чалинди-ю, мен икки қўлимни бурнимга тиқиб қолавераман, деб Ипполит Матвеевич ичидан эзилиб турган ҳам эдики, Остап уни чақириб қолди:

– Намунча аммамнинг бузофидай лалаясиз? Аллақачон кемага чиқиб олган бўлсангиз керак, девдим. Ҳозир кўприк кўтарилади! Тезроқ бўлинг! Ўтказиб юборинг бу одамни! Мана ружсатномаси.

Ипполит Матвеевич ўпкаси тўлиб, чопқиллаганча кемага чиқди.

– Шуми айтган болангиз? – деб сўради хўжалик мудири шубҳа билан.

– Ҳа, – деб жавоб берди Остап, – нима, ўхшамайдими? Агар шу қиз бола бўладиган бўлса, отими ни бошқа қўяман.

Бақалоқ бир хұмрайиб, нари кетди.

— Хүш, Киса, — деб гап бошлади Остап, — эртага барвақт ишни бошламасак бўлмайди. Бўёқ қориши биларсиз, дейман. Яна шуниям айтиб қўяй: мен рассомман, ВХУТЕМАС¹ ни битирганман, сиз эса менинг ёрдамчимсиз. Таъбингизга тўғри келмаса, иссиғида жўнаб қолинг, ана соҳил.

Кеманинг қуйруқ томонидан кўкимтири-қора кўпик отилиб чиқди. Кема бир чайқалиб, мис ли-копчалар ҳаракатга келди, най, карнай, трамбону баслардан ажиг бир куй тараалди ва шу заҳотиёқ шаҳар бир қийшайиб, липиллаганича чап томонга ўтиб олди. Кема безгак тутгандай қалтираб, оқимга тушиб олди-да, зимистон қаърига шўнғиди. Портдаги ранго-ранг белгилар, юлдуз ва чироқлар ортда липиллаб қолди. Бир зум ўтмаёқ кема узоқлашиб, шаҳар чироқлари осмонда қотган мушак янглиғ милтирай бошлади.

«Ундервуд» машинкаларининг оҳи ҳамон кўкни қоплаб турган бўлса ҳам табиат билан Волга ўз сеҳрини кўрсата бошлади. «Скрябин» кемасидаги йўловчиларнинг баданига ҳаловат югурди. Ютуқли тираж ҳайъатининг аъзолари ширин хаёллар оғушида чойхўрлик қилишмоқда. Кема тумшуғига тутланган маҳаллий қўмитанинг биринчи мажлиси нафосат ҳукмида ўтди.

Оқшом шу қадар ширин пишиллар, кеманинг икки ёнида сув шу қадар майин чайқалар, узоқда қорайиб кўринган соҳиллар шунчалик тез кўздан фойиб бўлардики, тамоман ижобий сифатларга эга бўлган маҳаллий қўмита раиси бундай фавқулодда вазиятда меҳнат шароити қандоқ

¹ Давлат олий рассомчилик-техник устахоналари.

бўлиши кераклиги ҳақида сўзламоқчи бўлиб, энди оғиз жуфтлаган ҳам эдики, ўзиям, бошқалар ҳам кутмаган ҳолда баралла қўшиқ айтиб юборди:

*Волга узра сузади кема,
Волга, жонажон дарё...*

Мажлисдаги дийдаси қаттиқ одамлар ҳам чулдирааб нақаротга жур бўлишди:

Сире-енъ гулла-ётур...

Маҳаллий қўмита раисининг маърузаси юзасидан ёзиладиган қарор чала қолди. Ҳаммаёқни пианино овози босиб кетди. Мусиқа мудири К.Иванов дилрабо куй илинжида чолғуга зўр берди. Моҳир балалайкачи-созандада Мурочкага соядай эргашиб, қўшиқ орқали дил розини тўкиб соларди:

— Кетма! Қайда қолди қайноқ бўсалар, оғушингга тўймадим, дилбар. Тоф бошида туман бор ҳали, ой кезади кўкда дарбадар...

Симбиевич-Синдиевич панжарарага маҳкам ёпишганича осмони фалакка маҳлиё бўлиб тикилиб турарди. «Уйланиш»га ишлатилган ашёвий безаклар тубсиз само олдида молфаҳм одамнинг ишидай бўлиб туюлди. У классик комедияни ашёвий безак бобида зўр ғайрат кўрсатган қўлларига жирканиб қараб қўйди.

Қўйруқни макон қилган Галкин, Палкин, Малкин, Чалкин ва Залкиндлар роҳат-фароғат палласи авжи қизиган бир пайтда идиш-товоқларини шақиллатиб қолишдн. Улар машқни бошлаб юборишли. Сароб бир зумда тарқаб кетди. Агафья Тихоновна бир ҳомуза тортгач, ошиқ созандани доғда қолдириб, ётогига кириб кетди. Маҳаллий қўмита аъзолари шартномани эслаб,

юракларига ғулгула тушди ва шу заҳотиёқ мажлис қарорини ёзишга ўтиришди. Симбиевич-Синдиевич бундок танасига ўйлаб қараса, «Уйланиш» унчалик ёмон безатилганга ўхшамайди. Қоронғида кимнингдир ўшқирган овози Жоржетта Тирасполь-скихни режиссёр хонасидаги кенгашга чақириб қолди. Қишлоқда итлар ҳурый бошлади. Ҳаво салқин тортди.

Биринчи класс каютасида чарм диванда ёнбошлиб ётган Остап зангори аврали пўкак камарга маъюс термилган ҳолда Ипполит Матвеевичдан суриштира кетди:

– Расм солишга қалайсиз? Минг афсус. Аттанг, мен ҳам билмайман.

Остап бир оз ўйланиб тургач, қўшимча қилди:

– Хўш, ҳарф ёзиш қўлингиздан келадими? Буниям билмайсизми? Жудаям чакки бўпти-ку! Рассом деган номимиз бор-а! Икки-уч кун-ку, лақиллатиб турсак бўлади-я, кейин бари бир кавушимизни тўғрилаб қўйишади. Шу орада қиладиган ишларни қилиб олиш керак. Вазият бир оз оғирлашди. Стуллар режиссёрнинг каютасида экан, билиб олдим. Буниям тўғриласа бўлади, ҳечқиси йўқ. Кемага чиқиб олганимизнинг ўзи катта гап. Кавушимизни тўғрилаб қўйишмасдан олдин ҳамма стулларни текшириб чиқиши керак. Бугун энди кеч бўлди. Режиссёр каютасида ухлаб ётибди.

Ўттиз иккинчи боб

ҚўЛИ ЭГРИ ЖЎРАЛАР

Одамлар ҳали уйқудан уйғонмаган бўлса ҳам дарё кундуздагидек бедор эди. Устига кулба қурилган баҳайбат тўп-тўп ходалар – соллар аста сузуб ўтади. Фидирак қопқоғига ярим доира шаклида

«Бўронлар ҳукмдори» деб номи битилган кичкинагина серзарда шатакчи кема бир-бирига занжирбанд учта нефть баржасини судраб келади. Почта ташувчи тезюарар «Қизил Латвия» лип этиб пастдан ўтиб кетди. «Скрябин» дарё ўзанини тоzалаётган бир тўда кеманинг олдига боргач, олабула, таёфи билан турган жойининг чуқурини ўлчади-да, тўшини оқимга тутиб, ярим дойра шаклида бурила бошлади.

Кемадагиларнинг кўзидан уйқу қочди. Дастанига чилвир боғланган полвон тош «Бармино» пристанига улоқтирилди. Пристандагилар чилвирни тортиб, соҳилга боғлаб қўйиладиган йўғон арқоннинг учини олишди. Парраклар тескари ҳаракатга ўтди. Дарёning ярми вишиллаб кўпикка тўлди. «Скрябин» паррак кучидан қаттиқ силкиниб, дебаркадерга ёнбошини тутди. Ҳали вақт эрта эди. Шунга кўра тиражни соат ўнга белгилашди.

Шаҳарда қандоқ бўлса, «Скрябин» кемасида ҳам иш роппа-роса соат тўққизда бошланарди. Ҳеч ким эски одатини тарк этмаган. Идоранинг ўзида ётиб юрган бўлишига қарамай, шаҳарда юмушга кеч келишга ўрганиб қолган одамлар бу ердаям бари бир ишга кечикишади. Молия ҳалқ комиссарлиги тузиб берган сафар руихатидаги ходимлар янги шароитга тезгина мослашиб олишди. Хат ташувчи чопарлар худди Москвадагига ўхшаб хоналарни қўл учida супуриб-сидиришади. Фаррош хотинлар ҳали чой ташиса, ҳали зир югуриб, қайдлар бўлими билан кадрлар столи ўртасидаги қофозбозликка воситачилик қилишади. Лекин шундайм улар кадрлар столи билан қайдлар бўлимишининг ораси бир қадам эканига, бири қуйруқда бўлса, иккинчиси тумшук томонда кетаётганига сираям парво қилишмайди. Ўзаро ҳисоб-китоб бўлими жойлашган каютада чўтлар қайроқдай шақил-

лаб, арифмометр чийиллаб қўяди. Капитан бўлмасининг олдида кимнингдир пўстагини қоқишиади.

Буюк мудаббир юқоридаги иссиқ палубада оёғи куйган товукдай типирчилаб, ерда тасмадай чўзилиб ётган бир қулоч алвон атрофида гирдикапалак эди, у гоҳ ёзишга уннаб кетса, гоҳ қўлидаги қофозга тикилиб, шиорни қайта-қайта ўқиб оларди:

«Ҳамма – тиражга! Ҳамма бир меҳнаткашнинг чўнтагида давлат заём облигацияси бўлиши керак».

Буюк мудаббир қанчалик тиришмасин, бари бир лаёқати йўқлиги сезилиб қолди. Ёзган шиори пастга қийшайиб, алвоннинг расвоси чиқаёзди. Остап буниям йўлинни топди: Киса бола билан уни тескари ағдариб, яна машққа киришиб кетди. Энди анчагина кўзи пишиб қолган эди. Шунинг учун ҳам ҳарфларнинг суратини чизишдан олдин ипга бўр суртиб, иккита тўғри чизиқ тортиб олдида, бегуноҳ Воробъяниковни ичидаги сўка-сўка яна шиорга шўнгигиб кетди.

Ипполит Матвеевич югурдақлик вазифасини ўринлатиб қўйди. У пастга тушиб, иссиқ сув олиб чиқди, елимни эритиб берди, дам-бадам акса уриб, пақирчада бўёқ қорди, хуллас, серзуғум расом нима деса, шуни бажо келтириб турди. Шиор тайёр бўлгач, хазинатопарлар уни қуритиб, пастга олиб тушишди ва кеманинг биқинига қоқиб қўйишиди.

Остапни ишга олган бақалоқ одам пилдираганича соҳилга югуриб тушди-да, янги рассомнинг ишини ўша ердан туриб кўздан кечирди. Ҳарфлар бир томонга сал тоб ташлаган бўлиб, бунинг устига бири йўғон, бири ингичка эди. Лекин илож қанча, шунисигаям шукр.

Духовой оркестр қирғоққа тушиб, шахдам куйни бошлаб юборди. Мусиқани эшитиб Барминда-

ги жамики болакайлар чопқиллаб келишди, кейин олмазорлар ичидан эркагу хотин-халаж күринди. Тираж ҳайъати аъзолари қирғоқça тушгунга қадар оркестр гумбурлаб турди. Шундан кейин митинг бошланди. Коробков ошхонасининг олдидаги зинапоя узра халқаро аҳволга бағишиланган маъруза садолари янгради.

«Колумб»дагилар маъракани кемада туриб томоша қилишарди. Зинапоядан анча нарида ийманиб турган оқ рўмолли хотинлар, қилт этмай ваъзга қулоқ тутган эркаклар, қўлларини дамбадам пахса қилган ваъзхоннинг ўзи ҳам тепадан яққол кўринарди. Кейин яна мусиқа янгради. Оркестр орқасига ўгирилиб, куйни тўхтатмаган ҳолда, йиғимга қараб юрди. Оломон унга эргашди.

Тираж ўйнайдиган аппарат бир меъёрда қоришиқ рақамларни тўкиб турди. Фидираклар айланиб, ютуқлар эълон қилинди, барминликларнинг кўзи ва қулоги шунда эди

Остап бирровгина тираж залига кириб, бутун кема аҳли шу ерда ўтирганига қаноат ҳосил қилгач, югуриб изига қайтди.

— Менга қаранг, Воробъянов, — деди у шеригига шипшиб, — сизга зарур иш чиқиб қолди, санъатингизни бир кўрсатасиз энди. Биринчи класс каюталари жойлашган йўлак бошига бориб туринг. Оёқ товушини эшлиши билан ашулани оласиз.

Чол довдираб қолди.

— Нима ашула айтаман?

— Нимани бўларди, «Паноҳингда асра подшоҳни»¹дан бошқа ҳаммасини-да. Ишқийроқ бўлаверсин, масалан, «Олмача»ми ёки «Париваш юраги»-

¹ Бу ерда Давлат мадҳияси назарда тутилмоқда.

ми. Лекин айтиб қўяй, вақтида хониш қилинг, кечикиб ўтиранг. Сизга бу тажриба театри эмас! Нақ абжафингизни чиқараман.

Буюк мудаббир шипиллаганича олчаранг панель қопланган йулакка оёқяланг югуриб чиқди. Йўлакнинг нариги бошидаги каттакон ойна бетида бир лаҳзагина унинг гавдаси кўринди. У эшик олдида тўхтаб:

НИК. СЁСТРИН
«Колумб» театрининг режиссёри

деган ёзувга тикилиб турди.

Ойна унинг аксидан холи бўлди. Сал ўтмай ойна бетида яна буюк мудаббир кўринди. Кўлида букри оёқ стул. У йўлакдан югуриб ўтди, кейин палубага чиқиб, Ипполит Матвеевич билан кўз уриштириб олгач, кўлидаги стул билан юқоридаги рулчи бўлмаси томонга юрди. Ойнабанд бўлмада ҳеч ким кўринмади. Остап стулни жойлаштириб кўйгач, шеригига писанда қилди:

– Стул кечгача шу ерда турсин. Яхшилаб ўйлаб кўрдим. Бу ерга биздан бошқа деярли ҳеч ким йўламайди. Ҳозирча устини плакат билан ёпиб қўяйлик-чи, қоронфи тушгандан кейин bemalol ичини кавлаштирамиз.

Стул бирпасда юпқа фанер тахта билан алвон тагида кўринмай қолди.

Ипполит Матвеевич яна олтин талвасасига тушди.

– Ўзимизнинг каютага олиб кираверсак бўлмайдими? – деди у юраги тошиб. – Дарров ичини очиб кўрадик. Гавҳарни топсак, кемадан жўнаворардик...

– Хўш, топмасак-чи? Унда ним бўлади? Стулни нима қиламиз? Ёки ўртоқ Сёстринга учраб: «Ке-

чирасиз, тақсир, стулингизни ўмарувдик, афсус, биз қидирган нарса ичидан чиқмади, мана энди қайтариб олиб келдик, бир оз уринган бўлса узр!» деб тавба қиласизми? Шуми таклифингиз?

Буюк мудаббир бу гал ҳам минг фоиз ҳақ эди. Палубада увертиюра садоси янграб, Эсмарх кружкалари билан пиво идишлари авжга чиққандан кейингина Ипполит Матвеевич эс-хушини йифиб олди.

Бугунги тираж ўйинлари тугади. Қия соҳилни тўлдириб ўтирган томошабинлар ҳеч кутилмаганда қурама асбоблар ансамблини қийқириқлар билан кутиб олишди. «Ана кўрдингларми! Сенларга қолса кенг ҳалқ оммаси буни тушунмас эмиш. Санъат шунақаям етиб борадики!» демоқчи бўлгандай, Галкин, Палкин, Малкин, Чалкин ва Залкиндлар викор билан атрофга қараб қўйишарди.

Шундан кейин колумбилилар қўлбола саҳнага чиқиб, ашула ва рақс жўрлигига енгилгина водевиль қўйиб беришди. Бунда заёмдан эллик минг сўм пул ютган Вавиланинг саргузаштлари ҳикоя қилинарди. Ник. Сёстрин конструктивизми¹ кишанларидан қутулган артистлар завқ билан ўйнашди, шўх рақсга тушишди, чиройли ашула айтишди. Соҳилда ўтирганлар кўп хурсанд бўлишди.

Иккинчи бўлиб моҳир балалайкачи саҳнага чиқди. Соҳилдагилар юзига табассум югурди.

Унинг ижросида машҳур рус ҳалқ қўшиғи «Бариня» янграб кетди.

Балалайкага жон киргандай бўлди. Асбоб соанданинг орқасига яшириниб олди, куй эса да-

¹ Конструктивизм – 1920 йилларда санъатда юзага келган йўналиш, бунда асарнинг ғоявий мазмунидан кўра тузилишига, абстракт шаклига эътибор берилган.

вом этди. Кейин осмонга сапчиб, шу ҳолатда нола қилди.

Жоржетта Тираспольскихга навбат келди. Үзүн кўйлак кийган бир тўда қизни бошлаб чиқди. Концерт рус рақслари билан якунланди.

«Скрябин» сафар тараддудини бошлаб, капитан трубкада машина бўлимига йўл-йўриқ бера бошлади, кема ўтхоналари аланга олиб, сувни иситишга тушди. Духовой оркестр ҳам вақтдан фойдаланиб, яна қирғоқча тушди-да, рақс куйларини чала бошлади, ҳамма суюниб кетди. Одамлар жуфт-жуфт бўлиб, ҳаракатга тушиб қолди. Уфқча бош кўйган офтоб зарғалдоқ шуъла сочиб турибди. Айни кинога оладиган пайт. Шуни сезгандай Подкан деган оператор ҳомуза тортиб, каютасидан чиқиб қолди. Кема дастёрига айланиб қолган Воробъянов суратга оладиган аппаратни кўтариб, Олапарнинг кетидан юрди. Олапар кема ёнига бориб, соҳилга тикилиб қаради. Ўт-ўланда одамлар аскарчасига қадам ташлаб рақсга тушаётган эди. Ялангёёқ йигитлар куррамизнинг жонига қасд қилгандай гумбурлатиб ер тепишарди. Қизлар товусдай хиром қилишарди. Соҳилнинг баланд-паст жойлари томошабинларга лиқ тўла. Франциядаги «Авангард» гурухининг кинооператори шу манзарани куриб қолса борми, уч кечаю уч кундуз тиним билмаган бўларди. Аммо Олапар бит кўзларини соҳилга бир оз тикиб тургач, шоша-пиша орқасига ўгирилди-да, диконглаганича ҳайъат раисининг олдига югуриб борди, кейин уни оқ девор ёнига тик турғизиб, қўлига китоб тутқизиб қўйди ва қимирламай туришни тайинлаб, аппарат дастасини бир маромда айлантира бошлади. Шундан кейин у хижолат тортган раисни кеманинг қўйруқ томонига етаклаб, ботаётган кун манзарасини қўшиб суратга олди.

Суратга олиш маросимини тугатгач, Олапар виқор билан каютасига равона бўлди ва ичкари кириб, ичидан беркитиб олди.

Яна гудок бўкирди, яна офтоб жон ҳолатда ўзини панага олди. Сафарнинг иккинчи туни бошланди. Кема жўнашга тайёр эди.

Эртанги кун эсига тушса, Остапнинг юраги орқасига тортиб кетарди. Эртага у картон қоғозни қирқиб, дон ўрнига ерга заём қоғози сепаётган деҳқон расмини ясад бериши керак. Буюк мудаббирнинг эса бунга тиши ўтмайди. Остап амал-тақал қилиб шиорни бир нави қўлдан чиқарган бўлса ҳам деҳқоннинг бадиий шаклини тушириш ҳазилакам иш эмас, бунинг уддасидан чиқолмаслигига кўзи етади.

— Эсингизда бўлсин, Васюкига боришимиз билан кечки тиражларни бошлаймиз, — уни қайта қайта огоҳ-лантирди бақалоқ одам, — транспорт тайёр бўлмаса, иш пачава бўлади.

— Асло ташвиш тортманг, транспарант тайёр бўлади, — деди Остап уни ишонтириб.

Шу тобда Остап эртага эрталаб буни бир илож қилиб амаллашига эмас, балки бугун кечқурун бирор нарса рўй беришига кўпроқ ишонарди.

Осмонда юлдузлар чараклаган, аёзли тун бошланди. Тираж кемасининг фуқаролари ғарқ уйқуга кетди.

Тираж ҳайъатидаги арслонлар ширин уйқуда. Кадрлар столидаги қўзичоқлардан тортиб бухгалтериядаги эчкивойларгача, ўзаро ҳисоб-китоб бўлимидағи қуёнчалар, овозли безак мутасаддилари бўлмиш сиртлону чиябўрилардан тортиб машинка идорасидаги беозор капитарчаларгача — ҳаммалари ноз уйқуда.

Булар ичida ёлғиз қўли эгри жўраларгина бедор эди. Қоқ ярим кечада, соат бирларга яқин

буюк мудаббир каютадан чиқди. Вафодор Киса соядай эргашиб, изидан юрди. Икковлари секингина юқори палубага күтарилиб, фанер билан тусилган стулга яқинлашишди. Остап фанерларни секин четга суриб, стулни сугуриб олди, кейин уни ерга қўйиб жагини жағига қаттиқ босган ҳолда қўлидаги омбур билан стул жиладини тортиклиаб йиртди-да, ичига қўлинни тиқди.

Юқори палубада шамол эсади. Осмонда юлдузлар аста жимиirlайди. Ҳув пастда сув қорайиб чайқалади. Соҳил кўринмайди. Ипполит Матвеевич безгак тутгандай қалтирайди.

– Топдим! – деб юборди Остап хириллаб.

Ҳазрати Фёдорнинг номаси

Кичик шаҳарда истиқомат қилувчи хотинига Бокудаги «Нарх-наво» номли мусофирихонада ёзилган

Менинг қадрдоним ва бебаҳо Катям!

Омадимиз соат сайин бизга кулиб боқмоқда. Ҳамма ишларимни тугатиб бўлгач, «Нарх-наво» мусофирихонасида ўтириб сенга хат ёзяпман. Боку анчагина катта шаҳар экан. Эшлишишмга қараганда, бу ердан чироқ мойи қазиб олишаркан, аммо бориб кўришга илож йўқ, у ёққа электрпоезд юаркан, ёнимда эса сариқ чақаям йўқ. Бу чиройли шаҳар шундоққина Каспий дengизининг ёнида экан. Денгиз чиндан ҳам жуда катта. Бу ернинг иссигига чидаб бўлмайди. Бир қўлимда пальто, яна бир қўлимда камзул юради, шундаям исиб кетаман. Кўлларим терлайди. Чой билан оувнаман, холос. Пул эса тугаб қолган. Лекин зарари йўқ, азизим Катерина Александровна, яқин орада мол-дунёмиз ошибб-тошиб кетади. Бормаган

жойимиз қолмайди, иннайкейин, Самараға бориб, заводчамизга яқинроқ жойга ўрнашиб оламиз, турмушимиз ширин бўлади, қўлбола мусалласдан тортиб юрамиз. Дарвоқе, асосий гапга ўта қолай.

Боку шаҳри жуғрофий мавқеи ҳамда аҳолиси-нинг куплиги жиҳатидан Ростов шаҳридан устун тураркан. Аммо серқатновлиги жиҳатидан Харьковга тенглашолмайди. Бу ерда келгинди кўп. Армани ва пирсиён дегани айниқса тўлиб ётибди. Мен сенга айтсам, онаси, Туркия ҳам бу ердан яқин экан. Бир куни бозоргаям бордим, ҳар хил турк молларини, шолрўмолларни кўрдим. Сенга атаб ёпинчиқ олмоқчи бўлувдим, пулим етмай қолди. Ҳа, майли, бой бўлганимиздан кейин (кўпи кетиб, ози қолди буниям) ўзим сенга ёпинчиқ олиб бераман.

Вой, онаси, Боку шаҳрида иккита ёмон воқеа юз берди, сал қопти эсимдан чиқишига: 1) новвой акангнинг камзули кўлимдан тушиб, Каспий денгизига оқиб кетди, иннайкейин, 2) бир ўркачли тия бозорда бетимга тупурди. Шу икки ҳодисадан қаттиқ ранжидим. Бу шаҳар бедарвоза экан, мусофир йўловчиларни ҳар ким ҳақорат қилиб кетавераркан, мен ахир тияга ёмонлик қилмаган бўлсам, қайтанга унга яхшилик қилмоқчи бўлдим, бурнига чўп тиқиб, қитиқлагим келди. Бор-йўғи шу! Камзулга эса ҳамма ачинди, зўрға сувдан тутиб олишди, бундоқ қарасам, ҳамма ёғи жиққа мой бўлибди. Новвой акангга энди нима деб жавоб бераман, шунисига бошим қотиб турибди. Ҳозирча оғзингни маҳкам тутиб тура қол, жонгинам. Евстигнеев ҳалиям овқатга келиб турибдими?

Хатни яна бир ўқиб чиқсам, асосий гап қолиб кетибди. Муҳандис Брунс чиндан ҳам Озарнефтда ишлар экан. Лекин шу тобда Бокуда йўқ экан.

Таътил олиб, Ботум деган шаҳарга кетибди. Оиласи қишин-ёзин Ботумда тураркан. Одамлардан секин суриштириб кўрсам, Брунснинг бутун жиҳозлари чиндан ҳам Ботумда экан. Ўзи чорбоғда. Яшил Бурун деган жойда тураркан. Ўша томонларда шунаقا бир жой бор экан (лекин пули жуда қиммат эмиш). Бу ердан Ботумгача йўл харжи 15 сўм. Ёнида аллақанча тийин-пийиниям бор. Телеграф орқали йигирма сўм жўнатвор, Ботумдан сим қоқиб, бутун гапни ёзиб юбораман. Воронеждаги аммам ўлим тўшагида ётибди, мен тепасида турибман, шаҳарга шу гапни тарқат.

Боқий завжинг Федя.

Баъдаз нуқта. Хатни почта қутисига олиб кетаётсан, «Нарх-наво» мусофирихонасидан новвой акангнинг пальтосини ўтирилаб кетишибди. Бу қандоқ кўргилик! Яхшиям ҳозир ёз фасли! Аканга бу ҳақда оғиз оча кўрма.

Ўттиз учинчи боб

ЖАННАТДАН ҚУВИЛГАНЛАР

Ушбу роман қаҳрамонларининг баъзилари «вақтинг кетди – нақдинг кетди» деб ошиқса, бошқа бир тоифаси сираям шошилмас, икки ўртада эса вақт ўтиб борарди. Москвада чанг-тўзонли май ойи тугаб, яна чанг-тўзон билан июнь кириб келди. Шаҳарда эса бир автомобиль чукурга тушиб кетиб, Старопан майдони билан ўртоқ Губернський номли қўча муюлишида икки ҳафтадан бери бузилиб ётибди. Ётган жойда у гоҳ-гоҳ кучаниб, чор атрофга тутун буруқситади. Тергов тугаб, «Қилич ва омоч» исёнчилари Эски шаҳар қамоқхонасидан бирин-кетин шалвайиб чиқишиди. Ҳар

қайсиси шаҳардан четга чиқмасликка алоҳида тилхат ёзиб берди. Бева Грицацуева (шоир орзу қилган қайноқ жувон) яна баққоллик ҳунарини бошлаб юборди. Боёкиш мижозларига совун, мурч, бўёқ каби майда-чуйда нарсаларни пуллаб юрган эди, шундан ҳам ишкал топишди. Буларнинг ҳақиқий нархини кўзга кўринарли жойга ёзиб қўймагани учун ўн беш сўм жарима солишиди. Оббо, шунгаям шунчами, бир марта унутса-унутибди-да. Отнинг калласидай юрагига ҳурмат қани?

– Топдим! – деди яна Остап пишиллаб. – Ушланг! Ипполит Матвеевич қўли қалтираб, юпқагина тахта қутичани олди. Остап қоронфида стул ичини яна ковлаштира кетди. Алип этиб соҳилда маёқ ёнди. Сув бетига тасмадай нур тушиб, кемага эргашди.

– Расво-ку! – деб юборди Остап. – Ҳеч вақо йўқ бошқа.

– М-м-мумкин эмас, – аранг тили айланиб деди Ипполит Матвеевич.

– Мана, ўзингиз кўринг!

Воробъянов жон ҳолатда тиз чўкиб, билагигача стул ўтиргичи ичига қўлини тикди. Панжасига пружина илинди. Бошқа қаттиқроқ нарсанни сезмади. Аччиқ чанг димогига урилди. – Йўқ? – деб сўради Остап. – Йўқ. Шундан кейин Остап стулни олиб, зарда билан дарёга улоқтирди. Стул шалоп этиб сувга тушди. Тунги салқинда эти жунжикиб, юрагига фуалула тушган хазинатопарлар каютага қайтиб киришиди.

– Хўш, – деб қўйди Бендер. – Ҳар ҳолда бир нима топдик-ку.

Ипполит Матвеевич чўнтағидан қутичани олиб, анқайганича унга тикилиб турди.

– Бўла қолинг энди! Намунча бақраясиз!

Кутичани очишиди. Ичидан занг босган бир парча мис чиқди. Мисга шундай деб ёзилган эди:

*Ушбу стулдан эътиборан
уста Гамбс
янги жиҳозлар чиқара бошлиайди
1865 й. Санкт-Петербург*

Остап овозини чиқариб ўқиб берди.

– Ия, жавоҳирлар қани, – деб сўради Ипполит Матвеевич.

– Ақлингизга балли, азизим стул шайдоси, шуниям сездингиз-а! Ана, жавоҳирлар йўқ экан.

Воробъяниковнинг ҳолига маймун йифласа арзирди. Ўсинқираган мўйловининг икки учи шалвираб, кўзойнаги хира тортган. Аламига чидаёлмай, шалпанг қулоқлари бетларига шапатилаб ураётганга ўхшарди.

Буюк мудаббирнинг ўткир мулоҳазали, аччиқ гаплари яна сеҳрли кучини кўрсатди. Воробъяников турган жойида таёқдай қотиб, бўзрайиб қолди.

– Бас энди, андуҳ, бас энди, Киса! Ичидан бир парча бемаъни мис чиққан абллаҳ саккизинчи стул ҳали кўп пушаймон ейди. Бардам бўлинг! Олдинда ҳали яна учтаси бор – омаднинг тўқсон тўққиз фоизи нақд!

Ғамдан куйиб адo бўлган Ипполит Матвеевич эрталаб уйғониб қараса, юзига муштдай чипқон чиқибди. Бутун тортган жафолари, бошига тушган қийинчиликлар, жавоҳир йўлида кўрган азобукубатлари мана энди баданидан тешиб чиққанга ўхшарди. Чипқон жонивор ҳам гоҳ садафдай ялтираса, гоҳ гўнг пашшадай кўкариб турарди.

– Қасдма-қасдликка қилдингизми? – деб сўради Остап.

Ипполит Матвеевич асабий хўрсиниб, баланд қаддини қармоқдай букиб, бўёқ қоргани кетди. Транспарант ҳозирлиги бошланди. Хазинатопарлар юқори палубада ишга шўнғиб кетишиди.

Сафарнинг учинчи куни бошланди. Шу куни духовой оркестр билан овозли безак мутасаддилари машқ учун жой талашиб қолишиди.

Эрталабки нонушта тамом бўлган ҳам эдики, бир томондан мис карнайли азаматлар, иккинчи томондан эса кружка чалувчилар кеманинг қўйруқ томонига қараб келаверишиди. Галкин биринчи бўлиб ўриндиқقا ўтириб олди. Духовой оркестр кларнетчиси иккинчи бўлиб югуриб келди.

- Жой банд, – деди қовоғини уйиб Галкин.
- Ким банд қилган экан? – пичинг қилди кларнетчи.
- Мен банд қилганман, Галкин.
- Яна кимлар?
- Палкин, Малкин, Чалкин, Залкинд.
- Елкин дегани йўқми ишқилиб? Бу жой бизларники.

Ҳар икки томонга мадад келди. Оркестрдаги галикон деган энг паҳлавон асбобни уч бўғинли мис илон чирмаб турибди. Қулоқсифат валторна аста чайқалади. Тромбонлар жангга шай ҳолатда. Жанговар яроғ-аслаҳа офтобда кўзни қамаштиради. Овозли безак бунинг олдида ўксик, пачоқ кўринади. Шиша идишлари милтиллайди, клизма кружкалари хира жилоланади, асли карнай пуштидан тарқаган бўлса ҳам шу тоифа хеш-ақраболари шаънига иснод келтирган саксафон калта муштукдай бужмайиб, бир чеккада шумшайиб турибди.

- Сурги лашкари, – деди кесатиб даканг кларнетчи, – яна буларга мой керакмиш.

– Сен, сенлар янгиликни тушунмайдиган мутаассибсанлар, – деб жавоб берди Залкинд буларга қаттиқроқ тегадиган бошқа сўз тополмай.

– Бизга халақит берманглар!

– Ўзларинг халақит беряпсизлар! Тунбоп идишларда қанчалик кам машқ қилсаларинг, овозларинг шунчалик чиройли чиқади.

– Сенларнинг самоварларинг шунгаям арзимайди, чалдинг нима-ю, чалмадинг нима. Турган-битгани fat-fut.

Ҳар икки томон бирор муросага келолмай, турган жойида астойдил машқни бошлаб юборди. Изига ойна қўйилган трамвайга ўхшаб, дарё бўйлаб фижирлаган овоз тарапди. Духовой оркестрдагилар Кекегольм сарой қўшинлари маршини, овозли безак мутасаддилари эса «Замбези дарёси бошида оҳу» деган негрча рақсни бошлаб юборишли. Тираж ҳайъатининг раиси шахсан ўзи аралашиб, тўс-тўполонни аранг тинчитди.

Соат ўн бирларга яқин баракали ижод тугади. Остап билан Воробъянинов иккови орқага тисарилиб, транспарантни капитан қўприкласигача судраб келишди. Бақалоқ ҳўжалик мудири қўлинни осмонга чўзиб, оддинда пиддираб борарди. Транспарантни бир амаллаб пастга тушириб, панжара тутқичларига боғлаб қўйишли. У йўловчилар палубасининг тепасида экрандан ҳайбат солиб турарди. Ярим соатга қолмай электротехник транспарантга сим тортиб, ичига учта лампочка ўрнатди. Ток берилса бас энди.

Кеманинг тумшуқ томонидан ўнгда Васюки шаҳрининг чироқлари милириб кўрина бошлади.

Ҳўжалик мудири транспарантга ток бериш маросимига бутун кема аҳлини йифиб келди. Ипполит Матвеевич билан буюк мудаббир ҳали чироқ-

лари ёқилмаган лавҳанинг четида туриб, оломонни тегадан кузатишарди.

Кемадагилар бир жон-бир тан бўлиб кетган, бинобарин бирор воқеа юз берса, ҳаммалари баравар иштирок этишар, баравар куйиб-пишишарди. Мана ҳозир ҳам ҳарф терувчилар, хат ташувчи чопарлар, масъул ходимлар, колумбчилару кема хизматидаги одамлар – ҳаммалари палубага йиғилиб, тегага қараб анқайиб туришарди.

– Ёқ! – деб буюрди бақалоқ одам.

Транспарант ёришиб кетди.

Остап юқоридан оломонга қаради. Одамлар чеҳрасига заррин нур тушди.

Томошабинлар пиқирлаб қулиб юбориши. Кейин орага сукунат тушди. Дарҳол пастдан газабнок овоз эшитилди.

– Мудир қани?

Овоз шу қадар серзуғум эдики, хўжалик мудири оёғи ерга тегмай пастга пилдираб тушди.

– Ана, куриб қўйинг, – деди овоз соҳиби, – кирдикорингизни бир томоша қилинг-чи.

– Ҳозир думимизни тувишади! – деди шивирлаб Остап Ипполит Матвеевичга.

Дарҳақиқат, бақалоқ одам калхатдай отилиб юқори палубага чиқди.

– Хўш, транспарантимиз қалай? – бетини без қилиб сўради Остап. – Халқ тушуняптими?

– Лаш-лушунгизни йиғиширинг! – ўшқириб берди хўжалик мудири.

– Намунча шошма-шошарлик?

– Йиғиширинг деяпман! Йўқолинг! Судга берамиз! Бизнинг бошлиқ билан ҳазиллашманг!

– Ҳайданг уни! – яна серзуғум овоз эшитилди пастдан.

– Йўқ, ростдан сўраяпман, транспарант ёқмадими сизга? Унчалик чиқмабдими?

Анқовсирашнинг фойдаси йўқ эди... «Скрябин» аллақачон Васюкига келиб тўхтаган, бинобарин кемага қараб оғзи очилиб қолган васюкиликлар юқоридан шундоқ кўриниб турарди.

Ҳақ тўлашдан мутлақо бош тортишди. Лаш-лушларни йифиштиришга беш дақиқа вақт берилди.

– Кўлинг сингурлар-э, – деди Симбиевич-Синдиевич иккала шерик пристанга тушиб кетаётганини кўриб. – Транспарантни ўзимга топширишмайдими. Шунақаям боплаб ташлардимки, Мейерхольдинг ҳам ип эшолмай қоларди.

Хазинатопарлар соҳилга тушгач, тўхтаб, тепага қарашди. Транспарант зулмат ичра чараклаб турарди.

– Ҳм, – деб кўйди Остап, – транспарант расво чиқибди-ку. Кўриниши ғоят абгор.

Кўчадан битта хачирни диконглатиб келиб, мўйқалам ўрнига ўшанинг думи билан расм солинган тақдирда ҳам Остапникидан минг чандон аъло чиққан бўларди. Кўлинг дард кўрмагур Остап ўнг-сўлига дастлаб заём облигациялари сочаётган деҳқонни тасвирлайман деб ғўлага ўжшаган бир нарса чизибди, унга қовоқдай калла ёпишириб, қоқ косовдай бир жуфт кўл берибди.

Хазинатопарларнинг орқа томонида чароғон кемадан бақириқ мусиқа овози эшитилар, рўпарадаги тик қирғоқ эса тун оғушига чўмган, узоқдан итларнинг вовиллаши-ю, гармонь садолари элаб-элас қулоққа чалинарди.

– Энди хулоса ясаймиз, – деди Остап кайфичоғлик билан. – Буромад бундай: ёнимизда сариқ чақа қолмаган, учта стул боши оққан томонга сузиб кетяпти, тайинли бошпана йўқ, бунинг устига болалар ташкилотига аъзо ҳам эмасмиз. Даромад қисми: кўлимизда Волга ҳақида маълумотнома, минг тўққиз юз йигирма олтинчи йилда чоп

этилган мосъе Симбиевичнинг каютасидан вақтингча олиб туришга түғри келди. Махраж нисбий, вазият фоят мушкул. Соҳилда тунашга түғри келади.

Хазинатопарлар соҳилдаги ўриндиқларга чўзишишди. Остап ёнидан маълумотномани олиб, гирашира фонус ёруғида шуларни ўқиди:

«Ўнг томондаги тик соҳилда **Васюки** шахри жойлашган. Бу ердан ёғоч материаллар, қатрон, чипта, жул жўнатилади, бу ерга эса, темир йўлдан 50 километр нарида жойлашган ўлкага ярарли кенг истеъмол моллари олиб келинади.

Шаҳарда **8000** аҳоли, **320** ишчига эга бўлган давлат картон фабрикаси, кичкинагина чўян, пиво ва кўн заводлари бор. Умумтаълим ўқув юртларидан ташқари ўрмончилик техникуми мавжуд».

– Вазият мен ўйлагандан кўра анча чатоқроқ кўринади, – деди Остап. – Васюкиликлардан пул ундириш ҳозирча амримаҳолга ўхшайди. Бизга эса камида ўттиз сўм маблағ керак. Биринчидан, қориннинг фамини ейишимиз, иккинчидан эса, тиражчилар тушган ўша пачоқ аравага етиб олиб, колумбчилар билан қуруқликда, Волгоградда бир дийдор кўришиб олишимиз керак.

Атроф-теваракдаги томлару бўғотларнинг ва дарчаларнинг якка ҳукмдори бўлиб олган навқирон рақибиға бас келолмай, обдан пўстаги қоқилган қўтири мушукка ўжшаб, Ипполит Матвеевич фужанак бўлиб олди.

Остап ўриндиқ атрофида анчагача хаёл суриб, фикрларини пишишиб юрди. Кечаси соат бирларга яқин ажойиб режаси тайёр бўлди. Бендер шеригининг ёниган чўзилиб, дарров ухлаб қолди.

Ўттиз тўртинчи боб

САЙЁРАЛАРАРО ШАХМАТ КОНГРЕССИ

Оёғига бўёқ чапланган калта оғир этик кийган, тилла пенснели қотма, новча бир чол эрталаб Васюкида ўралашиб қолди. У қўлда ёзилган эълон қофзларини деворларга ёпишириш билан овора эди:

1927 йил 22 июнда

«Картонсоз» клуби биносида
гроссмейстер (катта мастер) О.БЕНДЕР

«САМАРАЛИ ДЕБЮТ ГОЯСИ»

деган мавзуда маъруза қиладур
ҳамда бир йўла 160 дона тахтада
ШАХМАТ ЎЙНИ

ўтказадур.

Ҳамма ўзининг шахмат тахтасини
олиб келадур.

Ўйин ҳақи – 50 тийин.

Кириш ҳақи – 20 тийин.

Бошланади кеч соат 6 да.

Маъмур К.Михельсон

Гроссмейстернинг ўзиям вақтни бекор кетказ-
масликка қарор қилди. У клубга бориб, ижара
ҳақини келишиб олгач (уч сўм), шахмат шуъбаси-
га кириб ўтди. Бўлак жой қуриб қолгандай шах-
шуъба йилқичилик бошқармаси йўлагида жой-
лашган экан.

Шахшуъбада бир кўзи кўр одам Шпильгаген-
нинг Пантелеев нашрида чиққан романини мут-
толаа қилиб ўтирган экан.

– Гроссмейстер. О.Бендер! – дабдурустдан деди
Остап столга ўтириб. – Шаҳарларингда бир йўла
шахмат ўйини ўтказаман.

Васюкилик шахматчининг ягона соғ кўзи ко-
сасидан чиқиб кетаёди.

– Бир дақиқа, ўртоқ гроссмейстер! – чинқириб
юборди бир кўзли шахматчи. – Марҳамат, ўтириб
туринг. Мен ҳозир келаман.

Кўр шахматчи чопқиллаганича чиқиб кетди.
Остап шахмат шуъбасининг идорасига кўз югур-
тириди. Деворда пойгачи отлар расми, столда эса
устига «Васюки шахшуъбасининг 1925 йилги
ютуқлари» деб ёзилган қалин дафтар чанг босиб
ётарди.

Кўр шахматчи бир гала ёш-қари одамларни бош-
лаб кирди. Ҳаммалари бирма-бир келиб, исм-шариф-
ларини айтишди, эҳтиром билан гроссмейстер
кўлинни олиб кўришишиди.

– Қозонга ўтиб кетаётувдим, – деди Остап сал-
моқланиб, – ҳа, ҳа, ўйин шу бугун кечқурун, ке-
лаверинглар. Узр, ҳозир мазам қочиб турибди:
Карлсбаддаги мусобақада анча толиқиб қопман.

Васюки шахматчилари меҳр билан Остапнинг
офзига термилиб ўтиришарди. Остапнинг жаза-
васи тутди. Билагига куч, миясига ақл қўйилган-
дай бўлди.

– Мен сизларга айтсан, шахматчилик тафак-
кури ҳозир жудаям зўрайиб кетган, – деб гап бош-
лади у. – Очигини айтсан, Ласкер ҳозир айниб
қолган, бундоқ одамга ўхшаб ўйнамайди. Нуқул
сигара тутатиб, рақибининг бошини айлантира-
ди. Тағин жўрттага арzonидан чекади, ҳиди
қўланса-да, шунинг учун. Шахмат оламининг
боши қотган ҳозир.

Гроссмейстер маҳаллий мавзуга кўчди.

– Хўш, нима учун чет жойларда фикрий қаш-
шоқдик сезилади, ақл чақмоқдай чақнаб турмай-
ди? Мана, масалан, шахшуъбангизни олайлик.
Номиям ғалати: шахшуъба. Зерикарли-ку, азиз

биродарлар! Шуни чиройлироқ, шахматта яқинроқ бир ном билан атасаларинг бўлмайдими? Ана унда ишқибозларнинг шуъбага кириб келишини кўринг. Шу шуъбангизга, масалан: «Тўрт асб шахмат клуби» ёки «Қизил эндшпил» ё бўлмаса «Дона бериб, суръат ютиш» деган ном берсангиз ҳам бўлади. Қанийди энди! Жаранглашини айтмайсизми!

Бу фикр ҳаммага маъқул тушди.

– Рост-а, – дейишиди ва васюкиликлар, – шуъбамизнинг номини «Тўрт асб клуби» деб ўзгартирасак бўлмайдими?

Шахшуъбага сайланган раҳбарлар шу ерда ҳозир бўлганидан фойдаланиб, Остап ўзининг фахрий раислигида дарҳол енгилгина мажлис ўтказиб олди. Мажлис аҳли бир овоздан шуъбага «Тўрт асб шахклуби» деган ном берди. Скрябин кемасида қўли келишиб қолган гроссмейстер дарров бир варак картон қофоз олиб, тўртта от шаклини чизди-да, керакли сўзларниям келиштириб ёзди.

Бу муҳим тадбир туфайли Васюкида шахмат тафаккури барқ уриб ривожланишига замин яратилди

– Шахмат! – деди Остап. Шахматда ҳикмат кўп, билдингизми? У фақат маданиятни эмас, иқтисадиётни ҳам яшнатиб юборади. Агар иш тўғри йўлга қўйилса, сизларнинг «Тўрт асб шахклуб»ингиз Васюки шаҳрини бемалол тубдан ўзгартириб юбориши мумкин, билдингизми?

Остап кечадан бери туз тотгани йўқ эди. Шунинг учун ҳам ичидан ҳар хил гаплар қуилиб чиқаверди.

– Шундоқ, ҳа! – деди у жўшиб. – Шахмат деган нарса мамлакатга бойлик келтиради, Агар менинг режаларим сизларга маъқул келса, дарё бўйига

мармар зиналар түшалади, шу зиналардан юриб, шаҳардан соҳилга тушасизлар! Васюки ўнта губернияга марказ бўлади. Земмеринг деган шаҳарни илгари ким ҳам биларди? Ҳеч ким! Мана энди у бадавлат шаҳар, машҳур шаҳар. Бунга сабаб шуки, у ерда халқаро мусобақа ўтказилди. Менинг таклифим ҳам шу. Васюкида халқаро шахмат мусобақаси ўтказиш керак.

– Қандай қилиб? –чувиллаб сўради ўтирганлар.

– Қилса бўладиган иш, – деб жавоб берди гроссмейстер, – сиздан ҳаракат, биздан баракат, деганларидай, мен шахсий алоқаларимни ишга соламан, сизлар қарашиб юборасизлар. Васюкида халқаро мусобақа уюстириш учун шунинг ўзи кифоя. Қаранг, қандай ёқимли эшитилади: «1927 йилги халқаро Васюки мусобақаси» Хозе-Рауль Капабланка, Эммануил Ласкер, Алёхин, Нимцович, Рети, Рубинштейн, Мароцци, Тарраш, Видмар, доктор Григорьев – ҳаммалари етиб келишади. Қолаверса, ўзим ҳам шахсан иштирок этаман!

– Пули-чи, пули! – зорланди васюкиликлар. – Вуларга пул тўлаш керак! Минг-минглаб пул керак! Қаердан оламиз шунча пулни?

– Ҳаммаси пухта ўйланган, – деб жавоб берди О. Вендер, – тушум катта бўлади.

– Бизда пулдорлар нима қиласи? Васюки халқи...

– Нима Васюки халқи! Васюкиликлар пул тўламайди. Улар бошқалардан пулни битталаб санаб олишади! Шуниям тушунмайсизларми. Вунақа казо-казо вельтмейстерлар қатнашадиган мусобақаларга дунёning тўрт томонидан шахмат ишқибозлари ёпирилиб келади. Авваламбор, дарёдаги кемалар шунча йўловчини ташиб улгуrolмайди. Демак, алоқа йўллари халқ комиссарлиги Москва – Васюки темир йўлини қуриб беради. Бу – бир.

Иккинчидан, келган мәҳмонарни жойлаштириш учун маҳсус мәҳмонахоналар, осмонүпар бинолар тикланади. Учинчидан, шаҳардан минг километр ичкари жойда ҳам қишлоқ хўжалигини кутариш лозим бўлади. Сабаби, мәҳмонарни сабзавот, ҳўл мева, икра, шоколад, конфетлар билан таъминлаб туриш керак. Мусобақани ўтказиш учун маҳсус сарой бўлиши керак, буниси тўрт. Бешинчидан, мәҳмонарнинг машинасига гаражлар керак. Мусобақада ким ютиб, ким ютқазганини бутун дунёга эшиттириб туриш учун ўта кучли радиостанция талаб қилинади. Буниси олти. Яна Москва – Васюки темир йўли ҳақида. Ўз-ўзидан маълумки, Васюкига келмоқчи бўлганларнинг ҳаммасини бир ўзи эплолмайди. Демак, Катта Васюки аэропортини қуриш керак бўлади. Қарабсизки, почта самолётлари дирижаблар бу ердан жаҳоннинг истаган бурчагига, ҳатто Лос-Анжелос Мельбурнгача физ-физ учиб турибди.

Васюкилик шахмат ишқибозлари олдида порлоқ истиқбол жамол кўрсатди. Хона ичи гўё кенгайиб кетгандай бўлди. Йилқичиликка қарашли бинонинг чирик деворлари қулаб, унинг ўрнида ўттиз уч қаватли шахматбоп сарой қад кўтарди. Бу ойнабанд кошонанинг ҳар бир хонасида, ҳатто физ-физ ўтиб турган лифтларида ҳам одамлар бошлирини чанглаб, садаф қадалган тахталарда шахмат суриб ўтиришибди.

Ана, кўм-кўк Волга лабига олиб тушадиган мармар зиналар, дарёда океан кемалари турнақатор. Кетмонашара хорижийлар, шахматчи хонимлар, Австралиядан келган ҳиндча ҳимоя мухлислари, оқ салла ўраган ҳиндулар, испанча партия ишқибозлари, немислар, французлар, янгизеландияликлар, Амазонка дарёси бўйларидан келган одамлар, шунингдек, васюкиликларга ҳаваси ке-

лаётган москвалик, ленинградлик, киевлик, сибирлик, одессалик меҳмонлар фуникулёрларда шаҳарга кутарилишмоқда.

Мармар билан жилоланган меҳмонхоналар олдидан ғиз-ғиз машиналар ўтиб турибди. Бирдан ҳаммаси таққа тўхтаб қолади. Пурвиқор «Олди очик пиёда» меҳмонхонасидан жаҳон чемпиони Хозе-Рауль Капабланка-и-Граупера чиқиб келади. Уни хонимлар ўраб олишади. Махсус шахматбоп форма кийган милиция (эгнида катакли галифе шим, ёқасида фил доналарининг расми) қоидасини келтириб саломлашади. «Тўрт асб клуби»нинг бир кўзи кўр раиси салмоқ билан чемпионга яқинлашади.

Иккала зукко инглиз тилида мусобақа қилиб туришганида доктор Григорьев билан бўлажак жаҳон чемпиони Алёхин аэропортга келиб қўнганлиги хабар қилинади-ю, улар сұҳбати бўлинив қолади.

Шаҳарда табрик хитоблари янграйди. Хозе-Рауль Капабланка-и-Грауперанинг энсаси қотади. Кўр раис қўли билан бир ишора қилган эди, аэроплан ёнида дарҳол мармар нарвон муҳайё бўлади. Доктор Григорьев янги шляпасини силкиб, олқишлигарга жавоб берганича нарвондан чопқиллаб тушшиб келади. Йўл-йўлакай у Капабланка яқинда Алёхин билан бўладиган матчда қандай хатога йўл қўйиши мумкинлигини айтиб, буни шарҳлаб беради.

Шу тобда тўсатдан осмонда қора нуқта кўриниб қолади. Нуқта тобора яқинлашиб, катталаша боради ва бирдан зумрад парашютга айланади. Фовлаб кетган турпдай бир одам қўлида кичкинагина чамадончаси билан парашют ҳалқасига осилиб тушаётган бўлади.

– Бу ўша! – деб бўкиради кўр шахматчи. – Ура! Ура! Ура! Буюк шахматчи файласуф, доктор Ласкер шу киши бўлади, танидим уни. Дарров кўк пайпогидан танидим, дунёда ҳеч кимда йўқ бунақа пайпок. Хозе-Рауль Капабланка-и-Граупернинг яна энсаси қотади. Лип этиб Ласкернинг оёғи тагига мармар нарвонни тўғрилаб қўйишиади. Руҳи тетик собиқ чемпион Силезия устидан учеб ўтаётганида чап оёғига қўнган чангни пулаб ташлагач, ўзини кўрнинг кучоғига отади. Кўр шахматчи Ласкерни белидан қучиб, чемпион олдига бошлаб келади-да, бундай дейди:

– Яраинглар! Кўпсонли Васюки аҳли номидан илтимос қиласман! Яраинглар!

Хозе-Рауль чуқур хўрсишиб олгач, шахматда сочи оқарган қариянинг қўлини силкитиб туриб:

– Мен испанча партияда филни в 5 дан с 4 га юриш керак, деган фикрингизга ҳамиша қойил қолиб келган-ман, – дейди.

– Ура! – деб ҳайқиради кўр шахматчи. – Чемпиончасига содда-ю, мазмундор!

Шашти баланд оломон жўр бўлади:

– Ура! Виват! Банзай! Чемпиончасига содда-ю, мазмундор!!!

Васюкининг ўн икки вокзалига кетма-кет экспресс поездлар келиб турибди. Улардан гала-гала шахмат ишқибозлари тушиб келишмоқда.

Реклама чироқлари осмони фалакни тутган бир пайтда шаҳар кўчаларидан оқ отни етаклаб ўтиб қолишади. Васюкида от-улов тугатилиб, транспорт воситалари ёппасига механизация қилингач, ёлғиз шу жонивор тирик қолган. У ҳақда махсус қарор ҳам чиққан: байталлигини юзига солмай, умуман, от деб аташга фармойиш берилган. Шахмат ишқибозлари қўлларидаги пальма шох-

лари ҳамда шахмат таҳталарини силкитиб, уни кутлашади.

– Кўнглингиз хотиржам бўлсин, – деди Остап, – менинг режаларим амалга ошса, шаҳрингизда ишлаб чиқариш кучлари мисли курилмаган даражада ривож топиб кетади. Фараз қилингки, мусобақа тугаб, келган меҳмонлар юртларига жўнаб кетишиди. Ана ўшанда қарабсизки, уй-жойдан қисилиб юрган москваликлар ажойиб шаҳрингизга қуюндай ёпирилиб келишади. Пойтахт ўз-ўзидан Васюкига кўчади. Хукуматниям кўчириб келишади. Ана ундан кейин Васюки Нью-Москва, Москва эса эски Васюки деб атала бошлайди! Санкт-Петербургликлар билан харьковликларнинг кўзи ўйнаб, чапак чалиб қолаверади. Нью-Москва бутун Европанинг энг зебо маркази бўлиб қолади. Бутун Европанинг эмас, ҳатто тез орада бутун дунёning ҳам.

– Бутун дунёning!!! – деб ҳайқиришди эс-хуши оғиб қолган васюкиликлар.

– Шундоқ! Нарироқ бориб бутун коинотга ҳам марказ бўлади. Оддийгина бир чекка шаҳарни ер юзининг азим пойтахтига айлантирган шахмат тафаккури амалий фанга айланиб, сайёralара-ро алоқа воситаларини ўйлаб топади. Васюкидан Марс, Юпитер, Нептун сайёralарига сигналлар учади. Рибинск билан Ярославль ораси қанчалик яқин эканини биласиз, Венера ҳам шунаقا бўлиб қолади. Ажаб эмаски, етти-саккиз йилдан кейин Васюкида коинот тарихида биринчи марта сайёralараро шахмат конгресси ўтказилса. Бемалол бўлиши мумкин!

Остап ярақлаган пешанасини артиб олди. Ҳозир шу қадар қорни очқаб кетган эдики, шахматдаги отниям ямламай ютадиган ҳоли бор эди.

– Қаранг-а-а, – деди ютиниб кўр шахматчи ва ала-кула кўзини ивирисиҳонага югуртириб чиқ-

ди. – Хүш, бу тадбирни қандоқ қилиб амалга ошираса бўлади? Демоқчиманки, бунинг иложи қанақа? Ҳамма сабрсизланиб гроссмейстерга тикилди.

– Яна қайтариб айтаманки, ҳаммаси сизларнинг ҳаракатингизга боғлиқ. Яна қайтараман: ташкилий масалаларни мен ўз зиммамга оламан. Ҳеч қанақа сарф-харажат бўлмайди, фақат телеграмма юборишга пул керак, холос.

Кўр шахматчи шериларини қистовга олди.

– Хўш! Нима дейсизлар? – сўради у.
– Ташкил қиласиз! Ташкил қиласиз! – чувиллашди васюкиликлар.

– Қанча пул кетади... шу ... телеграмма юборишга?

– Арзимаган пул, – жавоб берди Остап, – атиги юз сўм.

– Кассамизда бор-йўғи йигирма бир сўму ўн олти тийин пул бор. Бу урвоқ ҳам бўлмайди, албатта...

Бироқ гроссмейстер озигаям кўнадиган мутасадди чиқиб қолди.

– Бўпти, – деди у, – беринглар ўша йигирма сўмни!

– Етармикин? – сўраб қолди кўр шахматчи.

– Бошламасига етади. Кейин ионалар ёғилиб кетади, пул тагида қоламиз.

Гроссмейстер пулни яшил камзулининг чўнтағига соглач, йифилганларга кечқурун маъруза борлигини, бир йўла 160 тахтада ўйин кўрсатишини яна бир эслатиб, ҳаммалари билан ширингина хайр-хўшлашди-да, Ипполит Матвеевич билан дийдор кўришмоқ учун Картонсоз клубига қараб равона бўлди.

– Қорним очқаб кетди, – деди Воробъянинов бўғилиб.

У касса туйнугида чипта сотиб ўтирас, аммо ҳалигача кассага сариқ чақаям тушмагани учун

бир қадоқ нон олишгаям қурби етмасди. Олдида симдан түқилган саватча тушган пул шунга йиғилиши керак. Ўзига түқ ўртамиёна оиласарда бундай саватчаларга пичоқ-вилка солиб қўйишади.

– Менга қаранг, Воробъяников, – ўшқириб берди Остап, – бирор соатга касса-пассангизни йиғиширинг. Кетдик овқатлангани. Йўлда вазиятни тушунтириб бераман. Дарвоҳе, соқол-поқолни қиртишлаб, одам башара бўлиб олинг. Кўринишингизни қаранг, ит ҳуркади. Гроссмейстерлик шаънимга доф туширманг, шерик.

– Биттаям чипта сотганим йўқ, – шипшиб кўйди Ипполит Матвеевич.

– Зарари йўқ. Кечга яқин ёпирилиб келишади. Бу шаҳар ҳозирнинг ўзида менга йигирма сўм иона қилди, Халқаро шахмат мусобақаси ўтказиш учун.

– Унақа бўлса кечқурун шахмат ўйнаб нима қиласиз? – фўлдираб деди маъмурият вакили. – Бирдан дўппослаб қолишса-чи. Йигирма сўмга ҳозироқ кемага чиқиб олишимиз мумкин, юқори томондан шу тобда «Карл Либкнехт» келиб турибди, кейин бемалол Волгоградга бориб, театрнинг келишини кутамиз. Балки ўша ерда стуллар қўлга кирав. Ана унда бойиб кетамиз, ҳамма нарса измимизда бўлади.

– Оч қоринга вайсаш ярамайди. Мия пўла бўлиб қолади. Йигирма сўм билан Волгоградга етиб олса ҳам бўлар эҳтимол... Хўш, кейин қорин масаласи нима бўлади, ақча қани унга? Қорин деган нарса ўз-ўзидан тўйиб қолмайди, сардор дустим. Ундан кўра маъруза билан ўйинни ўтказиб, серзавқ васюкиликлардан ўтгиз сўмча пул ундирган маъқул.

– Дўппослашади! – алам билан деди Воробъяников.

– Бу таваккал иш. Биқинимиздан дарча очиб қўйишлари ҳам мумкин, албатта. Дарвоқе, менда бир фикр бор, шуни қилсак, ҳар ҳолда бу ташвишдан қутуласиз. Буни кейин гаплашармиз. Ҳозирча маҳаллий таомлардан бир татиб кўрайлик-чи.

Қорни тўқ, соқолини олдириб, мўл атир сепган гроссмейстер кечкурун соат олтига яқин Картон-соз клубининг кассасига кириб келди.

Қорин тўқ, соқолини олдирган Воробъяновнинг қўли-қўлига тегмасди.

– Хўш, қалай? – секингина сўради гроссмейстер.

– Кириш чиптасидан ўттизта, ўйинга йигирмата, – деб жавоб берди маъмурият вакили.

– Ўн олти сўм бўпти. Мазангиз йўқ!

– Нима деяпсиз, Бендер, оломонни кўрдингизми! Албатта дўппослашади.

– Ҳозир буни ўйлайдиган вақт эмас. Урганда йиғларсиз, тезроқ ишингизни қилинг! Савдо-сотиқни ўрганинг!

Бир соатга қолмай кассага ўттиз сўм пул тушди. Залда ўтирганлар бетоқат бўла бошлиди.

– Кассани ёпинг! Бу ёқقا олинг пулни! – деб буюрди Остап. – Энди менга қаранг. Мана сизга беш сўм, физиллаб пристанга тушинг-да, бирор қайиқни икки соатга кира қилинг, кейин мени дарёнинг лабида, омборхонадан пастроқда кутиб туринг. Кечкурун бир сайр қиласиз. Мендан хавотир олманг. Бугун отдекман.

Гроссмейстер залга кирди. Унинг руҳи тетик, биринчи юришни е 2 – е 4 дан бошласа, ҳеч қанақа хатар йўқлиги унга яхши маълум эди. Тўғриси, кейин нимани қандоқ юриш кераклигини асло тасаввур қилолмасди, аммо шунга қарамай кўнгли мутлақо хотиржам эди. Буюк мудаббир таслим бўлишдан ўзга чора қолмаган ўйинни ғалаба би-

лан якунлашнинг ажойиб йўлини топиб қўйган эди.

Гроссмейстерни чапак чалиб кутиб олишди. Клубнинг мўъжазгина зали ранг-баранг, байроқчалар билан безатилган эди.

Бундан бир ҳафта олдин бу ерда «Сувда қутқариш жамияти» кечаси ўтказилган, девордаги шиор бундан дарак берар эди.

Чўкаётганга четдан мадад – бу демак ўз қўлига омад

Остап енгилтина таъзим қилди, қарасаки, бас қилинг, жудаям ошириб юбордиларинг, дегандай бир қўлини залга чўзиб, минбарга чиқди.

– Ўртоқлар! – деди у ширали овоз билан. – Шахматдош ўртоқлар ва биродарлар, бугунги маърузамнинг мавзуси, мен сизга айтсан, бундан бир ҳафта олдин Нижний-Новгородда ўқилган маърузамнинг ўзидир. Ростини айтсан, чакки чиқмади ўша маъруза. Маърузамнинг мавзуи салмокли дебют ғоясидир. Дебют нима, ўртоқлар, ғоя нима, азизлар? Дебют дегани, ўртоқлар, бу – «Quasi una fantasia» деганидир. Хўш, ўртоқлар, ғоя дегани нима? Ғоя, ўртоқлар, бу мантиқий шахмат шаклида мужассам бўлган инсон тафаккуридир. Жуда оз куч билан ҳам бутун тахтани изминнингга бўйсундиришинг мумкин. Бу ҳар кимнинг шахсиятига боғлиқ. Мисол учун учинчи қаторда ўтирган ҳув анавиmallasoch йигитни олайлик.

Учинчи қатордагиmallasoch йигит лавлагидай қизариб кетди.

– Ҳув анави қорасоч йигит ундан ёмонроқ ўйнаши мумкин.

Ўтирганлар орқага ўгирилиб, қорасоч йигитни ям кўриб қўйишди.

– Хулоса нима, ўртоқлар? Хулоса шуки, малласоч яхши ўйнайди, қорасоч эса ёмон. Агар ҳар бир шахс шашка яъни демоқчиманки, шахмат бобида астойдил машқ қилиб турмас экан, бу тенгсизликни ҳеч қандай маъруза билан йўқотиб бўлмайди... Ана энди, ўртоқлар, гипермодернчи муҳтарам устозларимиз бўлмиш Капабланка, Ласкер ҳамда доктор Григорьевларнинг шахсий тажрибасидан бир-икки воқеани айтиб бераман. Ҳаммамизга сабоқ бўлади.

Остал ёшлигида «Кўк мажмуа» журналида ўқиган эски-туски латифалардан уч-тўрттасини қотириб ташлагач, томошани тугаллаб қўя қолди.

Маъруза бунчалик қисқа бўлади, деб ҳеч ким ўйламаган эди, шунинг учун сал ҳайрон бўлишиди. Кўр шахматчи эса яккаю ягона соғ кўзини гроссмейстернинг оёқ кийимиға қадаб ўтиради.

Бироқ шу орада бир йўла ўйин бошланиб, кўр шахматчи бошқа нарсага чалғиб кетди-да, энди бошланган шубҳалари поёнига етолмай қолди. У ҳам столларни доира шаклида қўйишга қарашворди. Гроссмейстерга қарши ҳаммаси бўлиб ўттизта ишқибоз ўйнайдиган бўлди. Гроссмейстернинг салобати босиб, кўплари эсанкираб қолган эди. Улар дам-бадам қўлларидаги шахмат дарслекларини титкилаб, қайси вазиятда қандоқ ўйнаш кераклигини қайта-қайта кўриб олишар, шунга ишониб, гроссмейстер билан лоақал йигирма икки юриш қилгач, кейин таслим бўлиш ниятида эдилар.

Остал гир атрофини ўраб олган «қоралар» қароргоҳига, кейин ёпиқ эшикка зимдан кўз югуртириб олгач, енг шимариб ишга киришиб кетди. У биринчи тахта ёнида ўтирган кўр шахматчининг олдига бориб шоҳ олдидаги пиёдани е 2 катагидан е 4 катагига сурди.

Кўр ишқибоз дарҳол иккала қулоғини кафтига босиб, чуқур ўйга толди. Ишқибозлар сафида шивир-шивир бошланди:

– Гроссмейстер е 2 – е 4 юрди.

Остап турли хил дебют ишлатиб, рақибларини талтайтириб ўтирмади. Қолган йигирма тўққизта тахтада ҳам айни шу йўлдан борди: шоҳ олдидаги пиёдани е 2 дан елиб, е 4 га қўйди. Ишқибозлар дам-бадам бошини чанглаб, астойдил мияга зўр берарди. Ўзи ўйнамаётганлар гроссмейстернинг ҳар бир ҳаракатини энтикиб кузатиб турарди. Шаҳарнинг яккаю ягона ҳаваскор сураткаши стулга чиқиб, энди магнийни ёқмоқчи бўлиб турган ҳам эдики, шахмат тахталари оралаб юрган Остап шартта тўхтади-да, жаҳл билан қўлинни силтаб ўдағайлади:

– Йўқотинг сураткашни! Ўйлашимга халақит беряпти!

«Шу бемаъни шаҳарнинг нимасига учиб, суратимни ташлаб кетарканман. Милиция билан юзлашишга тоқатим йўқ», деган фикр келди миясига.

Зардаси қайнаган ишқибозлар бир чувиллаши билан сураткаш ишини йиғиширига қолди. Сураткашнинг қилиғидан ҳамма қаттиқ ғазабланган экан шекилли, бирпасда кавушини тўғрилаб қўйишиди.

Гроссмейстер ўн саккизта тахтада испанча ўйин қилаётгани учинчи ўйиндаёқ маълум бўлди. Қолган ўн икки тахтанинг ҳаммасида қоралар Филидор ҳимоясини қўллашди. Бу ҳимоя эскириб қолган бўлса ҳам, лекин анча ишончли эди. Остап шу тобда зўр ўйин курсатиб, бунга қарши машҳур ҳимоя қўлланилаётганини ўзи билиб қолса борми, роса ҳайрон бўларди-да. Нега деганда, буюк мудаббир умрида иккинчи марта шахмат ўйнаши эди.

Ишқибозларни, булар орасида биринчи бўлиб кўр шахматчини бирдан ваҳм босди. Гроссмейстер буларни тузоққа илинтирмоқчи бўлгани аниқ.

Гроссмейстер Васюки шаҳрининг қолоқ фикрли шахмат ишқибозларини қалака қилмоқчи бўлди шекилли, таҳтадаги пиёдаларини, оғир ва енгил доналарини ра қибларига теп-текинга инъом қила бошлиди. Маърузада бетига лой чапланган қорасоч йигитга ҳатто фарзинни бериб юборди. Қорасоч йигит кўрқиб кетди, дарҳол таслим бўлмоқчи бўлди-ю, лекин ўзини зўрға қўлга олиб, ўйинни яна давом эттириди.

Беш дақиқа ўтар-ўтмас фалокат рўй берди.

– Мот! – зўрға тили қалимага келиб деди ўтакаси ёрилган қорасоч йигит. – Мот бўлдингиз, ўртоқ гроссмейстер.

Остап таҳтадаги вазиятни таҳлил қилган бўлди, фафлат босиб, фарзинни қиролича деб атади, шундан кейин тумтароқ сўзлар айтиб, қорасоч йигитни ғалаба билан табриклаб қўйди. Термилишиб ўтирган ишқибозлар бир гувиллаб қўйди.

«Қочиб қолиш керак», – деб ўйлади Остап галма-гал столларга яқинлашар экан, пайдарпай дона суриб.

– Асбни нотўғри юрдингиз, ўртоқ гроссмейстер, – ялтоқланиб деди кўр шахматчи. – Асб бунақа юрмайди.

– Пардон, пардон, узр, – жавоб берди гроссмейстер, – маъруза мени андак чарчатиб қўйибди.

Ўн дақиқа ўтар-ўтмай гроссмейстер яна ўнта ўйинни бой берди.

«Картонсоз» клуби биносида ғала-ғовур бошланди. Жанжал чиқиши аниққа ўхшаб қолди. Остап кетма-кет ўн бешта ўйинни ютқазгач, сал ўтмай яна учтасини бой берди. Кўр шахматчининг бир

ўзи қолди. Ўйиннинг бошида у юраги пўкиллаб роса хато юришлар қилгани учун энди зўрға ютиб келётган эди. Остап ҳеч кимга сездирмай секингина қора рухни ўмарди-да, чунтагига яшириб кўйди.

Ўйинчиларни тўрт томондан ўраб олишди.

– Ҳозиргина манави ерда рух турган эди! – деб чийиллади кўр шахматчи атрофига аланглаб, – дарров ўқолиб қопти!

– Йўқолмасдан олдин бормиди?! – ўдағайлади Остап.

– Бор бўлганда қандоқ! Аниқ биламан!

– Бор нарса йўқолмайди!

– Қани бўлмаса? Ютиб олдингизми?

– Ютиб олдим.

– Қачон? Нечанчи юришда?

– Битта рухга шунча машмашами? Ютқазган бўлсангиз, айтаверинг ютқаздим деб!

– Бу қанақаси бўлди, ўртоқлар, менда ҳаммаси ёзифлик-ку.

– Ёзсанг ёзилаверади-да, – деди Остап.

– Бу нима бедодлик! – деб бўкирди кўр шахматчи. – Руҳимни қўйиб қўйинг жойига.

– Таслим бўлинг, бўла қолинг энди, нима кераги бор азабозликни!

– Руҳимни чўзинг!

Яна бир оз ҳаяллаб қолса, оёғи осмондан келишини сезган Остап шу заҳотиёқ тахтага чанг солиб, қўлига илинган доналарни кўр рақибининг бошига отди.

– Ўртоқлар! – деб чинқириб юборди кўр шахматчи. – Кўриб қўйинглар! Шахмат ишқибозини уряпти!

Васюки шаҳрининг шахматчилари бақрайиб қолди.

Фурсатни фанимат билган Остап шахмат тахтасини юлқиб, чироққа қараб ирғитди-да, тим-

қоронғида дуч келганга пешона билан лунжи ара-лаш мушт тушириб, күчага отилиб чиқди. Васю-килиқ шахмат ишқибозлари бир-бирини босиб, унинг ортидан югуришди.

Ойдин кеча эди. Остап, гуноҳи азим заминдан қочаётган фаришта мисол, сутдай күчада енгил учиб борарди. Васюки коинот марказига айланолмай қолгани учун кошона саройлар эмас, балки дераза эшиклари зичлаб ёпилган түснли уйчалар унга пешвоз чиқарди.

Шахмат ишқибозлари изма-из қувиб келаётган эди.

– Ушланг гроссмейстерни! – деб бўкиради кўр шахматчи.

– Муттаҳам! – дейди бошқалари.

– Гўллар! – деб жавоб беради гроссмейстер оёғига яна ҳам зўр бериб.

– Ёрдам беринг! – деб чинқиришади нафсонияти оғриган шахматчилар.

Остап пристанга олиб тушадиган зинага етгач, пастга қараб ҳаккалай кетди. Зинада ҳаммаси бўлиб тўрт юзта пофона бор. Тепадаги айланма сўқмок издан етиб келган икки нафар шахмат ишқибози зинанинг олтинчи майдончасида Остапни кутиб, пусиб туришган экан. Остап орқасига ўгирилиб қаради. Филидор ҳимоясининг бир гала мухлислари қутурган итдай ириллаб, тепадан ёпирилиб келмоқда эди. Демак, орқага чекинишнинг иложи йўқ. Шу важдан Остап олдинга қараб ҳамла қилди.

– Сен аглаҳларни ҳозир! – деб бўкирганича у бешинчи майдончадан туриб ўзини баҳодир разведкачиларнинг устига отди.

Пистирмадагилар қўрқиб кетганидан орқага тисарилиб, панжарадан ерга ўмбалоқ ошишди ва

дўнг-қияликлар ичига думалаб кетишиди. Йўл очилди.

— Ушланглар гроссмейстерни! — ҳайқирди тепадагилар.

Улар ёғоч зинани ўғирдай тўқиллатиб, орқадан таъқиб қилиб келишарди.

Қирғоққа югуриб тушгач, Остап ўнгрокқа сапчиб, жавдираганича содиқ ёрдамчиси олиб келган қайиқни қидирди.

Ипполит Матвеевич қайиқ ичидагашт қилиб ўтирган экан. Остап ўзини ўриндиққа отиб, жон ҳолатда эшкакка ёпишиди. Бир нафас ўтмаёқ қайиқ тошбўронга учради. Ипполит Матвеевич қаттиқ жароҳат олди. Бетидаги муштдек чипқоннинг усти фурра бўлиб, кўкариб чиқди. Ипполит Матвеевич калласини ичига тортиб, ҳикиласлашга тушди.

— Вой арзанда-её! Сал бўлмаса каллам кетувди, лекин парвойим фалак шўхман, тетикман. Кўяверинг, чўнтақдаги соғ эллик сўмниям чўтга ташласак борми, шу битта фурра учун яхшигина хун ундирган бўламиз.

Васюкини Нью-Москвага айлантириш режала-ри чиппакка чиққани етмаса, Васюкининг ҳалол эллик сўм пули гроссмейстер чўнтағида кетаётганини эндиғина фаҳмлаб қолган шахмат ишқибозлари тезда каттароқ қайиққа ўтириб, қий-чув билан дарёнинг ўртасига қараб суза кетишиди. Қайиққа ўттизтacha одам сифди. Гроссмейстернинг адабини бериб қўйишга ҳаммалари орзуманд эди. Кўр шахматчи буларга бош бўлди. Унинг ягона соғ кўзи қоронфида чўғдай ялтиради.

— Гроссмейстерни ушланг! — деб бақиришарди лиқ тўлган қайиқдан туриб.

— Чаққонроқ, Киса! — буюрди Остап. — Бизга етиб олишса борми, кўзойнагингизни соғ қўйишмайди.

Иккала қайиқ оқим бўйлаб сузар, орадаги ма-софа эса тобора қисқариб борар эди. Остап ҳол-дан тойиб қолган эди.

– Қочиб кетолмайсан, аблажлар! – деб бақирди нариги қайиқдагилар.

Остап индамади: жавоб беришга вақт йўқ. Эшкаклар дам-бадам сувдан қалқиб чиқар, қайиқ ичига сув тўкилар эди.

– Бўш келма, – деб пичирларди Остап ўзига-үзи. Ипполит Матвеевич типирчилаб қолди. Катта қайиқдагиларнинг оғзи қулоғига етди. Улар-нинг корпуси баланд кемаси хазинатоплар туш-ган қайиқни чап ёнидан тўсиб, гроссмейстерни қирғоққа қапиштирмоқчи бўлди. Хазинатоплар-нинг шўри қуриган эди. Кемадаги шахматчилар-нинг азбаройи жазаваси тутиб кетганидан ҳам-малари ўнг томонга ўтиб олишди. Мақсад – қайиқ-чага етиб олгач, расво бўлгур гроссмейстерни кўпчилик бўлиб уркалтак қилиш эди,

– Кўзойнакка эҳтиёт бўлинг, Киса! – деб гапирди энди умиди қолмаган Остап эшкакларни улок-тириб. – Ҳозир бошланади!

– Жаноблар! – деб юборди Ипполит Матвеевич хезланиб. – Наҳотки бизни дўпосласаларинг?

– Бўлмасам-чи? – деб ҳайқиришди васюкилик шахмат ишқибозлари қайиқقا сакрашга чоғла-ниб.

Лекин худди шу пайтда бутун дунёдаги ҳалол шахматчилар учун ғоят ачинарли воқеа рўй берди. Катта қайиқ бехосдан қийшайиб, ўнг борти сувга чўкди.

– Секинроқ! – деди чийиллаб кўр капитан. Бироқ вақт ўтган эди. Васюкилик шахмат ишқи-бозлари тушган олимақом кеманинг ўнг томони одамга тўлиб кетган эди. Бинобарин оғирлик мар-кази ўзгарган қайиқ, ҳеч иккиланмай, физика

қонунларига тұла риоя қылған ҳолда таппа түнтарилиб тушди. Дод-фарёд овозлари дарёни тутиб кетди.

– Войдод! – деб чинқириб қолиши шахматчилар. Үттіз нафар шахмат ишқибози сувга ағана-ди. Кейин бирин-кетин шүнғиб чиқиб, түнтарилиб ётган қайиққа ёпишишди. Эңг охири етиб келган күр шахматчи бўлди.

– Гўллар! – деб қичқирди завқи тошиб Остап. – Нимага гроссмейстерингизни аяб ўтирибсизлар? Янглишмасам, боплаб бир дўппосламоқчи эдиларинг шекилли?

Остап ҳалокатга учраганларнинг атрофидан қайиқда бир айланиб ўтди.

– Хў васюкилик зўравонлар, билиб қўйинг, ҳам-маларингни битта қўймай чўқтириб юборишим ҳам мумкин эди-ю, майли, бир қошиқ қонингиздан кечдим. Сояди давлатимда юра туринглар! Аммо-лекин, азбаройи худо, иккинчи шахмат ўйнаманглар! Билмагандан кейин нима қиласиз ўйнаб! Эҳ, гўллар, гўллар... Қани, кетдик, Ипполит Матвеевич. Алвидо, кўр ишқибозлар! Васюки коинотга марказ бўлолмайди, деб қўрқаман. Шахмат усталари сиздек тентаклар ҳузурига қадам ранжида қилишига кўзим етмайди. Ҳатто минг ялиниб-ёлворсам ҳам. Алвидо, дарди бедаво шахмат ишқибозлари! Яшасин «Тўрт асб» клуби!

Ўттис бешинчи боб

ВА ВОШҚАЛАР

Тонг отганида хазинатопарлар Чебоксарига яқинлаб қолишган эди. Остап руль ёнида мудраб ўтирап, Ипполит Матвеевич эса уйқусизликдан кўзлари қисилиб, эшкак эшиб борарди. Тунги из-

гириндан иккоби жунжиб, баданини титроқ бос-
ган эди. Кунчиқар томонда қизарибгина фунча-
лар очила бошлади. Ипполит Матвеевичнинг бур-
нидаги пенсне секин ёриша борди. Сал ўтмай ту-
хумнусха ойналари чараклаб, оддинма-кетин ик-
кала қирғоқнинг акси кўринди. Чап соҳилдаги
семафор қушқабариқ ойнада икки букилиб кет-
ди. Чебоксарининг мовий гумбазлари кема-кар-
вонидай тизилишиб ўтди. Кунчиқар томондаги
гулзорга барака кирди. Фунчалар бир зумда
вулқонга айланиб, анвойи ранг олов пуркай бош-
лади. Чап қирғоқда эса қушлар даҳанаки жангта
киришиб кетди. Кўзойнакнинг тилла гардиши
бирдан чараклаб кетиб, гроссмейстер кўзини
қамаштириб юборди. Кун чиқди.

Остап кўзини очиб, мириқиб бир керишиб олди.
Суяклари қарсиллаб, қайиқ лапанглаб кетди.

– Яхши ётиб турдиларми, Киса, – деди у қаттиқ
ҳомузга тортиб. – Офтоб чиқди оламга, югуриб бор-
дим холамга...

– Пристань, – хабар қилди Ипполит Матвеев-
ич. Остап йўл кўрсаткични олиб, кўз югуртириб
чиқди.

– Чебоксари дегани шу бўлса керак. Хўш, хўш...

*Чебоксари шаҳри хушманзара ерга жойлашга-
нини алоҳида таъқидлаб ўтамиз...*

– Киса, чиндан ҳам у хушманзара ерга жой-
лашган эканми?

*Ҳозирги пайтда Чебоксарида 7702 нафар аҳоли
мажуд.*

– Киса! Шу жавоҳир-павоҳирни йифишириб
кўйиб, Чебоксари аҳолисининг сонини етти минг

етти юз тўрт кишига олиб чиқмаймизми-а? Жуда зўр иш бўларди-да... Битта «Пти-шво»¹ очиб қўйсак борми, нонимиз бутун бўлиб юраверардик... Қани, бу ёғини кўрайлик-чи.

Шаҳарга 1555 йилда асос солинган бўлиб, бу ерда бир қатор гоят мароқли черковлар сақланиб қолган. Чувашстон республикасининг маъмурий музассасаларидан ташқари бу шаҳарда ишчи факультети, партия мактаби, педагогика техникуми, иккинчи босқич мактаб, музей, илмий жамият ҳамда кутубхона мавжуд. Чебоксари пристанида ҳамда бозор ерида ўзининг бошқа қиёфаси билан ажралиб тургувчи чуваш ва черемисларни учратиш мумкин...

Лекин ҳамтовоқлар чуваш билан черемислар учраб турадиган пристанга бориб етмаган ҳам эдики, қайиқ олдида бир нима оқиб кетаётганини кўриб, икковининг хаёли бўлинди.

– Стул! – деб бақириб юборди Остап. – Маъмурят вакили! Ўзимизнинг стулимиз-ку.

Хазинатопарлар стулга яқинроқ сузиб боришиди. Стул эса гоҳ шўнғиб, гоҳ сув бетига қалқиб чиқиб, уларга тутқич бермасди. Ичак-чавоғи ағдарилган қорни тула сув эди.

Бу – «Скрябин»да ичак-чавоғи ағдарилган стул бўлиб, шу тобда у Каспий денгизига қараб аста сузиб кетаётган эди.

– Салом, оғайни! – деб қичқирди Остап. – Кўришмаганимизгаям кўп бўлди-ёв! Биласизми, Воробъяников, шу стул бамисоли ўзимизга ўхшаб

¹ Пти-шво (франц.) айнан: кичкина, калтасоч. Бу ерда сартарошхона маъносида.

кетаркан. Мана, бизлар ҳам бутун ихтиёрни оқимга топшириб қўйганмиз. Гоҳ чўкамиз, гоҳ яна сув бетига қалқиб чиқамиз. Омон қолганимизга бирор шукр қилмайди ҳам. Ниҳоят, кутқарув бўлимини ҳисобга олмаганда, ҳеч ким бизга зор эмас, дарвоҷе, униям кўзи учиб тургани йўқ. Ўлдингми, қолдингми, дейдиган одам йўқ. Мабодо кеча шахмат ишқибозлари қўли баланд келиб, икковимизни дарёга чўқтириб юборганида борми, бутун исми жисмимиздан икки оғизгина расмий сўз қолган бўларди: «Иккала жасад оёғи шарқи-жанубга, боши эса шимоли-фарбга қараган ҳолда бир алфозда ётибди. Танада моматалоқ жароҳат белгилари бор, афтидан, тўмтоқ буюм билан шикаст етказилган. Ишқибозлар ҳар ҳолда қўлларидағи шахмат тахталари билан савалаган бўларди. Ҳа, фаҳмларига яраша, тўмтоқ қуролляриям... Биринчиси – эллик беш ёшларга борган, увада жун камзули, эски шим, эски этик кийган эркак жасади. Камзулининг чўнтағидан Конрад Карлович Михельсон деган шахс номига берилган гувоҳнома чиқди...» яна, Киса, сиз шундай таърифга лойик бўлардингиз.

– Узлари-чи, ўзлари? – Аламини ичига ютиб сўради Воробъянов.

– Ў! Менинг таърифим бутунлай бошқача бўларди. Менинг ҳакимда мана бундай деб ёзиб қўйишарди: «Иккинчиси – йигирма етти ёшлардаги эркак жасади. Ўртанган ва азоб чеккан. Пул ишқида ўрганган ва унинг ҳажрида азоб чекиб ўрган. Қоп-қора жингалак соchlари безаб турган, дўнг пешонали боши офтоб томонда. Қирқ иккинчи пойабзал лойик келадиган бежирим оёқлари шимол ёғдусига қараган. Эгнида оҳори тўкилмаган оппоқ либос, кўксида эса садаф билан нақшланган чилтор расми-ю, «Алвидо энди, янги қишлоқ»,

деган қўшиқ ноталари... Марҳум йигит ёғоч ўймакорлиги билан шуғулланган, чўнтағидаги «Пегас ва Парнас» хунармандчилик артели томонидан 23.VI.24 йилда берилган 86/1562 рақамли гувоҳнома шундан далолат беради. Бинобарин, мени мусиқа чалиб, нутқлар сўзлаб, тантана билан кўмишади. Киса, иннайкейин ҳайкалимга мана бундок деб ёзиб кўйишади: «Бу ерга машҳур муҳандиси замон ва соҳиби қирон Остап Сулаймон-Берта-Мария Бендербей дафн этилмишdir, бу ҳазратнинг падарлари турк фуқароси бўлмиш эрдилар, ўз пуштикамарлари Остап Сулаймонга заррача меросни право кўрмай, оламдан ўтмишилар. Мархумнинг волидалари аслзода графиня эдилар, у зот текин даромад ҳисобига кун кўриб келардилар».

Шу тахлит гап-сўзлар билан бўлиб, ҳазинатопарлар Чебоксари соҳилига кириб келишди.

Васюкида ижарага олинган қайиқни беш сўмга пуллаб, ҳамённи хийла қаппайтириб олгач, иккала дўст кечқурун «Урицкий» теплоходига ўтириб, Эски шаҳар томонга сузиб кетишди. Уларнинг нијати тираж кемаси имиллаб боргунча Эски шаҳарга тезроқ етиб, колумбчилар труппасини ўша ерда кутиб олиш эди.

«Скрябин» июль ойининг бошларида Эски шаҳарга кириб келди. Дўстлар соҳилдаги қутилар ортидан мўралаб, уни кутиб олишди. Кемадаги юкларни тушириш тираж олдидан ўтказилди. Катта-катта ютуқлар ўйналди.

Стулларни тўрт соатча кутишга тўғри келди. Одинига кемадан қаторлашиб колумбчилар билан тираж ҳайъатининг хизматчилари тушишди. Оғзи қулоғига етган Персицкий булар ичидага аложида ажралиб турарди.

Пистирмада ўтирган ҳазинатопарларнинг қулоғига унинг бақириб чақирган овози эшитилди:

— Шундоқ! Дарҳол Москвага қайтаман! Телеграмманиям юбордим! Нима дедим денг? «Хурсандчилигингизга шерикман». Тоза бошлари қотадиган бўлди-да!

Шундан кейин Персицкий кирага олинган автомобилга ўтириб жўнаб қолди. Автомобилга чиқишидан олдин унинг ҳамма ёғини бир-бир синчилаб кўриб чиқди, ҳатто радиаторни ушлаб ҳам кўрди. Оломон негадир унинг кетидан «ура!» деб қичқириб қолди.

Кемадан гидравлик пресс тушириб бўлингач, театрнинг ашёвий безакларига навбат келди. Стулларни олиб чиқишганида қош қорайиб қолган эди. Колумбчилар бир жуфт от кўшилган бешта усти ёпиқ аравага чиқиб, қийқириқ кўтарганларича вокзалга қараб жўнаб қолишли.

— Волгоградда томоша кўрсатмайдиган кўринади булар, — деб қолди Ипполит Матвеевич.

Бу нарса Остапни ўйлантириб қўйди.

— Биз ҳам йўлга чиқмасак бўлмайди, — деди у қатъий фикрга келиб, — аммо бунга пул қани? Дарвоқе, вокзалга борайлик-чи, у ёғи бир гап бўлар.

Вокзалда маълум бўлишича, театр Тихорецкая-Минерал сувлар орқали Пятигорскка кетаётган экан. Хазинатопарлар чўнтағида эса битта чиптага етадиган пул бор, холос.

— Поездда қуён бўлиб кетишини биласизми? — деб сўради Остап Воробъяниковдан.

— Бир амаллаб кўрарман, — деб жавоб берди қимтиниб Ипполит Матвеевич.

— Э, қўя қолинг! Амаллаб кўрманг-э! Оғирликни яна ўз устимга оламан. Бўпти, ўзим қуён бўлиб кетавераман.

Ипполит Матвеевичга атаб плацкартсиз вагондан бир дона чипта сотиб олиши. Собиқ сардор

шу вагонда Шимолий Кавказ темир йўлининг кўмкўк ёғоч туваклардаги олеяндр гуллари билан бе-затилган «Минерал сувлар» станциясига етиб келгач, поезддан ёпирилиб тушаётган колумбчилардан ўзини панага олиб, Остапни қидира кетди.

Театр аҳли шаҳар атрофида қатнайдиган япяниги вагончаларга ўтириб, Пятигорскка аллақачон жўнаб қолган бўлишига қарамай, Остапдан ҳамон дарак йўқ эди. Кеч тушиши билан Остап пайдо бўлди, Воробъяников адойи тамом бўлган эди.

– Қаерларда юрибсиз? – инқиллаб сўради сардор. – Роса қийналиб кетдим-ку!

– Ия, ёнларида билет бўла туриб, роса қийналиб кетибдилар-да? Бизники ҳали ҳолва экан-да? Тихорецкаяга етганда поездимизнинг орқа йўлагидан кувиб туширилган одам биз эмас эканмизда? Бўш нарзан шишалари ортилган юк поездни ўша ерда уч соат аҳмоқ бўлиб пойлаб ўтирган мен эмас, бошқа одам экан-да? Тўнфиз мучал экансиз, ўртоқ сардор! Театр қани?

– Пятигорскда.

– Кетдик! Йўлда пича пул топдим. Соф фойда уч сўмдан иборат. Кўпликка кўп эмасу, лекин ҳозирча нарзан билан поезд чиптасига етади.

Шалдироқ аравадай шақирлаб, поезд эллик дақиқа деганда сайёҳларни Пятигорскка элтиб қўйди. Хазинатопарлар Илонбош ва Бештоғни четлаб ўтиб, Машук тоги этакларига етиб келишиди.

Ўттиз олтинчи боб
ЗИЛОЛ КҮЛМАК МАНЗАРАСИ

Якшанба оқшоми эди. Ҳаммаёқ озода, тароватли. Бута ва дараҳтлар қоплаган Машуқ тоғи ҳам кокилларини силлиқ тараб, антиқа гиёх янглиф ифори тинмай уфуриб турганга ўхшайды.

Бўйрадаккина перрон бўйлаб чиптадан, шайтон теридан, каломянка ва фланелдан тикилган хилма-хил оппоқ шимлар липиллаб ўтади. Одамларнинг оёғида шиппагу эгнида «апаш» кўйлак. Бесўнақай яғир этик, чангга беланганд зилдай шим, иссиқ нимча қизиган камзул хазинатопарларни олақарғадай шумшайтириб қўйган. Санаториядаги хонимлар кўз-кўз қилиб юрган турфа ранг шўх чит кўйлаклар ичидаги энг рангдор, энг хушбичими станция бошлигининг либоси эди.

Станция бошлифи эса аёл киши бўлиб, ҳамма шунга ҳайрон эди. Гардишига икки қатор кумушранг жияк тортилган фуражкаси тагидан жинглак мalla соchlари чиқиб турарди. Эгнида эса оқитель билан оқ юбка.

Сайёҳлар станция бошлиғига обдан маҳлиё бўлгач, Колумб театри Пятигорскда томоша кўрсатишидан дарак берувчи яп-янги афишаларни кўздан кечиришди-да, ўн тийинга икки стакан нарзан суви ичиб, «Вокзал» – «Гулшан» йўналишида қатнайдиган трамвайдага шаҳарга етиб олишди. «Гулшан»га кириш учун яна ўн тийин тўлашди.

«Гулшан» мусиқага, хушчақчақ одамларга сероб бўлса ҳам гулга ғоят танқис экан. Чиганоқ шаклидаги оппоқ айвончада симфоник оркестр «Чивинлар раҳси»ни ижро этмоқда. Тим шаклида қурилган Лермонтов галереясида нарзан сувининг

бозори чаққон. Сув ҳам киоскада, ҳам қўлда со-тиляпти.

Искірт жавоҳирларга бирор қайрилиб қарамайди ҳам.

– Эҳ, Киса, – деб қўйди Остап, – бу тўю томошага биз сифмай қолимиз.

Курортнинг биринчи куни улар нарзан булоғининг ёнида тунаб чиқишиди.

Хазинатопарлар жавоҳирни қўлга киритиш қанчалик мушкул иш эканини фақатгина шу ерда, Пятигорскда, Колумб театри оғзи очилиб қолган томошибинларга «Уйланиш» асарини учинчи марта кўрсатгандан кейингина тушуниб қолишиди. Илгари ўйлаб қўйган режалари чиппакка чиқиб, театр ичига киришнинг иложи бўлмади. Зотан ақчадан парҳезга ўтган Галкин, Палкин, Малкин, Чалкин ва Залкиндлар меҳмонхонадан воз кечиб, театрнинг ўзида тунаб юришган эди.

Шу тариқа кунлар кетидан кунлар ўтди, қадр-дон дўстлар Лермонтов дуэль қилган жойда тунаб, қорин фамида ўртаҳол сайёҳларнинг ашқолини ташиб, бир аҳволга тушиб қолишиди.

Олтинчи кун деганда Остап бир амаллаб гидравлик пресс мудири монтёр Мечников билан танишиб олди. Пулдан толиқиб қолгани учун ҳар куни булоқ тепасига келиб, бош оғрифига нарзан ичиб кетадиган Мечников охирги пайтларда аҳволи баттар оғирлашиб, театрга қарашли буюмлардан баъзиларини бозорга чиқариб сота бошлаган эди. Остап буни сезиб қолганди. Эрта наҳорда булоқ бошида бўлиб ўтган кўнгил сўраш маросими асносида масала узил-кесил келишиб олинди. Икки гапнинг бирида Остапга «қоқиндиқ» деб турган монтёр Мечников унинг таклифига кўна қолди.

– Бўлади, – деб жавоб берди у, – бўлмайдиган иш йўқ, қоқиндиқ. Бизни хафа қилмасангиз бас, қоқиндиқ.

Монтёр илоннинг ёғини ялаган устомон эканини Остап дарров фаҳмлади.

Икковлари байлашиб олгунча роса бир-бирига мўлтираб, ачомлашиб, елка қоқишиб, илжайишиб олишди.

– Хўп, меҳнатингизга ўн сўм бераман! – деди Остап.

– Қоқиндиқ! – деди ўксиб монтёр. – Менинг жиғимга тегяпсан-ку. Мен нарзан ичавериб, қийналиб кетган одамман.

– Хўш, қанча сўрайсиз?

– Элликни чўзаверинг. Давлатнинг моли-я бу. Мен қийналиб кетган одамман.

– Яхши. Йигирма бераман. Розимисиз? Кўзингиз айтиб турибди, розисиз.

– Ризолик ҳар икки томон тўла келишиб олганига ишорадир.

– Гапниям дўндириб қўяркан, абраҳ, – деди Остап Ипполит Матвеевич қулоғига пицирлаб, – ўрганинг сиз ҳам.

– Стулни қачон олиб келасиз?

– Пул бўлса, стул ҳам бўлади.

– Осон экан-ку, – деди Остап ўйлаб ўтиrmай.

– Олдин пулинини тўлайсиз, – деб қўйди монтёр, – эрталаб пулинини олсак, кечқурун стул нақд бўлади ёки бўлмаса кечқурун пулинин берасиз-да, эртасига эрталаб стулларни олаверасиз.

– Бугун стулни олиб, пулинин эртага берсак-чи? – қистовга олди Остап.

– Мен қийналиб кетган одамман, дедим-ку, қоқиндиқ. Бу шартингиз руҳиятимга тўғри келмайди.

— Ахир мен ҳам пулни фақат эртага оламан, телеграф орқали, — деб жавоб берди Остап.

— Ана ўшандада гаплашамиз, — чўрт кесди ўжар монтёр, — хўп, яхши қолинг, қоқиндиқ, мен кетдим: пресснинг иши кўп ҳали. Симбиеевич онами ни кўрсатади. Чарчаб қоляпман. Тирикчилигинг фақат нарзан бўлгандан кейин, сilla қуrimай илож қанча?

Офтоб нурида бинойидай чараклаб турган Мечников шу гапдан кейин жўнаб қолди.

Остап Ипполит Матвеевичга ўқрайиб қараб қўйди.

— Вакт — нақд деган гап бор, — деди Остап, — аммо бизда вақт бору нақди йўқ. Хунар ўрганамиз, Киса. Юз эллик минг сўм пул тийин тийинигача бизга мунтазир турибди, хазинани қўлга киритиш учун атиги йигирма сўм пул керак. Бу борада ҳеч нарсадан тап тортмаслик лозим. Ё остидан, ё устидан. Хатарли бўлса ҳам устини танладим.

Остап ўйга чўмган ҳолда Воробъяниковнинг атрофида бир айланиб чиқди.

— Камзулни ечинг, сардор, тезроқ, — деди у дабдурустдан.

Остап довдираб қолган Ипполит Матвеевичнинг қўлидан камзулни олиб, ерга улоқтирди-да, ифлос оёқларининг тагига босиб, уни эзфилай бошлади.

— Бу нима қилганингиз? — деб бўкирди Воробъяников, — Ўн беш йил бўлди буни кийганимга, ҳалиям яп-янги!

— Ўзингизни босинг! Янги бўлса, энди эски бўлади! Шляпани беринг! Мана энди шимга тупроқ сепиб, устидан нарзан қўйинг. Чакқонроқ!

Орадан бирор дақиқа ўтар-ўтмай, Ипполит Матвеевич одам қараб бўлмайдиган аҳволга келиб қолди.

– Мана энди етилибсиз, ҳалол ишлаб, ҳалол пул топадиган даражадасиз.

– Мен нима қилишим керак? – йигламсираб сүради Воробьянинов.

– Французча биларсиз, дейман?

– Билгандан баттар. Гимназия савиясида.

– Ҳм... Шу савияда иш куришга түғри келади. Французчалаб шу гапни айта оласизми: Жаноблар, олти кундан бери туз totganim жүк?

– Мосье, – деб бошлади Ипполит Матвеевич тутилиб-сугалиб, – мосье, ҳм? ҳм... ҳм... же не, яъни же не манж па... Олтини нима дерди: ен, де, труа, катр, сенк... сис... сис... тур. Демак, же не ман па сис жур.

– Талаффузниям қийнавордингиз, Киса! Дарвоқе, тиланчига бўлаверади! Европа Россиясидағи тиланчи Мильеранг ўхшаб гапиролмайди, албатта, Хўш, Киса вой, немис тилига тишлари қалай?

– Бу машмашанинг менга нима кераги бор? – жон аччиғида сүради Ипполит Матвеевич.

– Шунинг учун керакки, – деди Остап пинагини бузмай, – сиз ҳозироқ «Гулшан»га бориб, панароқ жойни эгаллайсиз ва француз, немис, рус тилларида садақа сўрайсиз, сўрагандаям илгарилари кадет¹ фракциясидан давлат думасига аъзо эдим, дейсиз. Бутун йифилган пул монтёр Мечниковнинг ҳамёнига тушади. Тушундингизми?

Ипполит Матвеевич бирдан ўзгариб қолди. Санкт-Петербургдаги Сарой кўпригига ўхшаб кўкраги қабариб чиқди, кўзларида ўт чақнаб, Остапнинг назарида бурун катакларидан қуюқ ту-

¹ Кадет – инқилобдан илгариги Россияда конституцион демократик партия шундай аталган.

тун буруқсаб чиққандай бўлди. Мўйлови найзадай таранг тортди.

– Вой-бу, – деди буюк мудаббир асти пинагини бузмай, – буни қаранг-а. Нақ дев бўп кетдингиз-ку!

– Воробъяников ҳеч қачон, ҳеч қачон садақа сўраб қўл чўзган эмас, – деди тўсатдан тилга кириб Ипполит Матвеевич.

– Қўлингиз чўзилмаса, ичагингиз чўзилади, аҳмоқ чол! – деб ўшқирди Остап. – Садақа сўрамаганман денг?

– Сўрамаганман.

– Манави мутакаббирликка нима дейсиз? Уч ойдан бери менинг ҳисобимга яшайди. Уч ойдан бери қорнини тўйдириб, билмаганини ўргатиб юрибману, тағин бу мутакаббир орқага шох ташлаб, тирриқлик қиласи-я... Бўлди! Бас энди, ўртоқ! Икковидан бирини танланг: ё ҳозироқ Гулшанг бориб, кечга томон ўн сўм топиб келасиз ёки сизни ўз-ўзидан ширкат аъзолигидан чиқариб ташлайман. Бешгача санайман. Розимисиз, йўқми? Бир...

– Розиман, – аранг рўлдираб деди саркор.

– Undай бўлса бояги тилсимни қайтариб кўринг.

– Мосье, же не манж па сис жур. Гебен зи мир битте этвес копек ауф деф штиюк брод. Давлат думасининг собиқ депутатига хайр қилинг.

– Яна бир марта такрорланг. Мунглироқ бўлсин. Ипполит Матвеевич яна қайтариб кўрди.

– Хўп, яхши. Сизга тиланчилик қўндоқда теккан экан, истеъдодингиз сезилиб турибди. Боринг! Ярим кечада булоқ бошида учрашамиз. Ярим кечада деганимнинг важи шундаки, кечкурунлари одамлар кўнгилчан бўлади.

– Сиз-чи, сиз қаёқча борасиз? – деб сўради Ипполит Матвеевич.

– Менинг тўғримда ғам емай қўя қолинг. Одатдагидай, энг қийин юмуш бизнинг зиммада бўлади.

Ҳамтовоқлар икки томонга бўлиниб кетишиди.

Остап қалам-дафтар сотиладиган дўконга физиллаб, охирги ўн тийин пулига тўлов дафтар-часини харид қилгач, тошсупага чўкиб, ярим солатга қолмай тўлов қофозларининг барига рақам чекиб, кейин бирма-бир имзолаб чиқди.

– Аввало тартиб керак, – деди у ўзича гўлдираб, – жамоат пули тийин-тийинигача ҳисобли бўлиши лозим.

Буюк мудаббир санаторий ва дам олиш уйларини четлаб, Машуқ орқали Лермонтов Мартинов билан дуэль қилган жойга олиб чиқадиган боғ йўли томон шахдам юриб кетди.

Остап йўл-йўлакай автобус билан қўшалоқ отли араваларнинг чангига ботиб, охири Жарга етиб олди.

Қоя ичига ўйиб ишланган чоғроқ галерея коност шаклидаги Жар билан тулашган эди. Галерея этагидаги балкончага чиққан одам Жар тубида кўланса ҳиди димоқни ёрадиган зилол кўлмакни кўриши мумкин. Бу Жар Пятигорскнинг дикқатга сазовор жойи ҳисобланади, бинобарин, уни ҳар куни сон-саноқсиз экспурсиялар, яккахон сайёхлар зиёрат қилиб кетишади.

Мияси хурофот билан заҳарланмаган одам учун Жар яхшигина даромад манбаи бўлиши мумкинлигини Остап дарров тушуниб қолди.

«Буни қаранг, – деб ўзича ўйларди Остап, – Жарни кўрмоқчи бўлганлардан ярим тангадан ҳақ олиш шу пайтгача шаҳарликларнинг эсига келмабди-а. Пятигорскда сайёҳлар текинга томоша қиласидиган бирдан-бир жой ҳам шу бўлса керак. Мен бу шаҳар шаънига иснод келтириб турган

шу ярамас одатга чек құяман, номақбул хатоларини тузатиб бераман».

Бинобарин Остап ақлиға, соғлом ҳиссиёти ва вазият амрига бүйсунган ҳолда ишни бошлаб юборди.

У Жарга кириладиган, жойга бориб турди-да, құлдидаги квитанция дафтарчасини шилдиратиб, баралла қичқира бошлади:

– Чипта олинг, ўртоқлар! Баҳоси ўн тийин! Болалар билан аскарларга текин. Талабалар учун беш тийин! Кимки касаба уюшмаси аъзоси бўлмаса, ўттиз тийин!

Остапнинг режаси пишиқ-пухта эди. Пятигорск аҳолиси Жарни кўргани бормайди, аллар нарсани томоша қилдириш учун сайёҳлардан ўн тийин ундириш эса ариқдан сув олгандай гап. Соат беш ҳам бўлмаган эдик, олти сўмча йифилиб қолди. Пятигорскда касаба уюшмага аъзо бўлмаганлар уруғи кўп экан, жонга ора кирган шулар бўлди. Одамлар ўн тийиндан бемалол узатиб туришди. Ҳатто икки бети қип-қизил бир сайёҳ Остапни кўриши билан ёнидаги хотинини изза қилган ҳам бўлди?

– Кўрдингми, Танюша, кеча сенга нима девдим? Жарга кириш учун ҳақ тўланмайди, дейсан-а. Бўлиши мумкин эмас. Тўғрими, ўртоқ?

– Мутлақо тўғри, – деди унинг гапини маъқуллаб Остап, – кириш ҳақи тўламаслик мумкин эмас. Касаба уюшмаси аъзоларига ўн тийин, аъзо бўлмаганларга эса ўттиз тийин.

Кечга яқин Жарга иккита аравада харьковлик милиция ходимлари экскурсияга келиб қолишли. Остап азбаройи қўрқиб кетганидан ўзини гўлликка солиб, шунчаки сайёҳга ўхшаб кўринмоқчи бўлган эди, иложини қилолмади, милиция ходимлари беозор чуғурчиқдай атрофини гир ўраб ол-

гани учун чорасиз қолди. Бинобарин Остап овозини чиқариб, дангал қичқирди:

— Касаба уюшмаси аъзоларига ўн тийин, милиция вакилларини талабалар билан болалар қаторига қўшиш мумкин, шунинг учун уларни киям беш тийин.

Милиция ходимлари пулни тўлаб олишгач, ботинқирамай, нимага беш тийиндан ҳақ олинаётганини сўрашди.

— Жарни яхшилаб таъмир қилиш учун, — шартта жавобни ёпиширди Остап, — бўлмаса ўпирилиб кетиши мумкин.

Буюк мудаббир зилол кўлмак манзарасини боплаб пуллаб турди, Ипполит Матвеевич акация дарахтининг тагида хижолатпазликдан ерга киргудай бўлиб, бир ҳолатда буқчайиб ўзига топширилган учта жумлани кавш қайтаргандай тинмай такрорларди:

— Мсьё, же не манж па... Гебен зи мир битте...
Давлат думасининг депутатига хайр қилинг...

Одамлар садақа беришга беришарди-ю, аммо негадир норизо бўлгандай нохушлик билан узатишарди. Лекин шундай бўлса ҳам «манж» сўзини фирт парижча қилиб айтгани ҳамда Давлат думасининг собиқ аъзоси шундай ночор аҳволга тушиб қолганини кўриб, кўпчиликнинг юраги эзилиб кетгани учун уч сўмча чақа йифилиб қолди.

Сайр қилиб юрганларнинг оёғи остида шағал фижирлайди. Оркестр дам-бадам Штраус, Брамс ва Григни сайратиб ётибди. Усти ялтироқ оломон қари сардор олдидан чувиллаганича пастга оқиб, яна изига қайтади. Ошхона шийпонида қатиқ ичиб ўтирганлар Лермонтов руҳини шод қилмоқчи бўлишади. Ҳаммаёқни атир ҳиди ва нарзан гази тутиб кетган.

– Собиқ Давлат думаси аъзосига хайр қилинг,
– деб пичирлайди сардор.

– Менга қаранг, сиз ростдан Давлат думасига
аъзо бўлганмисиз? – деб сўраб қолди аллаким Ип-
полит Матвеевич қулоги остида шанғиллаб. –
Мажлисларгаям қатнашганман денг? Оҳ! Оҳ!
Қойилмақом!

Ипполит Матвеевич бошини кўтариб қараган
эди, ҳайратдан қотиб қолди. Не кўз билан кўрсин-
ки, қаршисида бақ-бақалоқ Авессалом Владимирович
Изнуренков чумчукдай пириллаб турибди.
Жигарранг костюмини оппоқ камзулу ялтиллама
кулранг шимга алмаштириб олибди, холос. Изну-
ренков танасига сифмай, баъзан ердан беш-олти
қарич баландга сакраб ҳам қўярди. У Ипполит
Матвеевични танимагани учун яна кетма-кет са-
волга тутди:

– Менга қаранг, Родзянкони ўз кўзингиз билан
кўрганмисиз? Пуришкевич ҳақиқатан ҳам калми-
ди? Оҳ! Оҳ! Қандай зўр мавзу! Қойилмақом!

Ҳамон ўйноқлаб турган Изнуренков довдираб
қолган сардор қўлига уч сўм қистириб, пидира-
ганича чопқиллаб кетди. Лекин унинг лўппи сон-
лари анча вақтгача «Гулшан»аро селкиллаб, да-
рахтлар ичидан овози ҳамон эшитилиб турарди:

– Оҳ! Оҳ! «Бас қил, дилдор, хониш қилма маъюс
гуржи кўшигин!» Оҳ! Оҳ! «Эслатар у ўзга ҳаёт, ўзга
соҳилни тағин!..» Оҳ! Оҳ! «Эрта тонгда яна санам
лабида кулгу» Қойилмақом!..

Ипполит Матвеевич кўзини ерга қадаганича
ҳамон қимир этмай турарди. Аслида бу иши чак-
ки эди. Атрофида кўрса кўзи қувонадиган ишлар
садир бўлаётган эди.

Ана, бўшанг эри Эрнест Павлович билан яна
ярашиб олган Эллочка Шчукина Пятигорскнинг
ажиб хилват тунида уни хиёбонлараро судраб

юрибди. Бу томонларга саёчатга чиқиб, Эллочка миллионер Вандербильднинг эркатой қизи билан бўлаётган аёвсиз муҳорабада унга яна бир панд бермоқчи бўлди. Зоро, ўша такаббур қиз яқиндангина ўзининг шахсий яхтасида Сандвич ороллариға бориб, ялло қилиб қайтибди.

– Ҳо-ҳо! – сокин тун қўйнида эшитилди Эллочканинг янгроқ овози. – Антиқавор, Эрнестгинам! М-маза!

Ана, андишали ўгри Алъхен хотинчаси Сашхен билан лампачироқ ёқилган буфетда ўтиришибди. Сашхеннинг икки чаккасидаги николайча соқол ҳамон қирилмаган, Алъхен 2 рақамли Кахетия мусалласига қўшиб, кабобни ибо билан паққос тушираётган бўлса, Сашхен жағининг устидаги соқолини сийпалаб, ўзи буюрган осетрина балифини кутиб ўтирибди.

Ижтимоий таъминот бўлимига қарашли 2-уй обдан хонавайрон бўлгач (ҳамма нарса сотиб бўлинди, ҳатто ошпазнинг бошидаги дока қалпоқдан тортиб то овқатни қанчалик чайнаб есанг, жамиятга шунчалик наф келтирасан деган шиоргача), Алъхен дилхушлик қилиб бир дам олмоқчи бўлган эди. Бу тўқ муттаҳамнинг омади бор экан. Шу куни у Жарга бормоқчи бўлиб турган эди-ю, лекин улгуrolмади. Худо бир асрраб қолди уни: Остап ювошгина хўжалик мудиридан камида ўттиз сўм шилиб олган бўларди.

Созандалар асбобларини йигиштириб, ясантусан одамлар секин тарқалаётган, «Гулшан»нинг хиёбонларидан эндингина ошиқ-маъшуқларнинг хўрсиниши баралла эшитила бошлаган ҳам эди-ки, Ипполит Матвеевич жойидан қўзғалиб, каловланганича булоқ боши томонга юрди.

– Қанча тушди? – сўради Остап мункайган саркорни кўра солиб.

– Етти сўму йигирма тўққиз тийин. Уч сўми қоғоз пул. Қолгани чақа, озроқ тангасиям бор.

– Биринчи овингиз чакки эмас! Катта мансабдор ҳам бир кунда топса шунча топади-да! Қойилман сизга, Киса! Лекин уч сўмни ким берди, қайси каллаварамнинг иши бу? Ё пулини майдалаб, қайтимини бердингизми?

– Изнуренков берди.

– Йўғ-э Авессаломми? Оббо золдирга ўжшамай кетгур-эй! Шу ёққача юмалаб кепти-да! Ўзи билан гаплашдингизми? Ия, сизни танимадими?

– Давлат думасини суриштириди. Нуқул ҳиринглаб кулади!

– Мана, кўрдингизми, сардор, тиланчиликдам бир хосият бор, айниқса билим доираси торроқ, овоз ҳам заифроқ бўлса! Тағин сиз гижинглаб, нуқул осмондан келасиз! Ҳўш, Кисочка, мен сизга айтсам, биз ҳам бекор ўтирганимиз йўқ. Бизники роппа-роса ўн беш сўм. Тийин тийинигача. Демак, етиб ортади.

Эртасига эрталаб монтёр пулни олиб, кечга яқин икки дона стулни ташлаб кетди. Учинчи стулни ўмаришнинг иложи бўлмабди. Овозли бе-зак мутасаддилари шу стулда қарта ўйнаб ўтиришган экан.

Хавф-хатардан йироқроқ бўлиш учун иккала дўст Машук тогининг салкам тепасига чиқиб олишди.

Пастда Пятигорск чироқлари муқим порлаб турибди. Пятигорскдан қўйироқда липиллаб кўринган хира чироқлар Горячеводск станциясини билдиради. Ҳув уфқдаги тоғ ортидан остма-уст икки беҳол чизик кўринади. Бу – Кисловодск.

Остап чараклаган осмонга бир қараб қўйгач, чўнтағидан ўша машҳур омбурини олди.

Ўттиз еттинчи боб

ЯШИЛ БУРУН

Мұхандис Брунс Яшил Бурундаги чорбоғнинг тошдан тикланган айвонида ўтирибди. Ёнидаги азим хурмо дарахтининг сип-силлиқ барглари мұхандиснинг қирилган бўйнига, оппок кўйлагига, генерал хотини Поповадан қолган ва шу тобда устида овқат кутиб ўтирган Гамбс стулига шапалоқдай соя ташлаб турибди.

Брунс дўрдоқ лабларини чўччайтириб, шўх бўталоқдай чийиллаб қўйди:

– Му-усик!!! Чорбоқдан садо чиқмади.

Иссиқ минтаقا ўсимликлари мұхандисни эркаларди. Кактус тиканли қўлинин унга чўзди. Дракен барглари қимиirlаб қўйди. Банану хурмо шохлари мұхандиснинг тепакалини елпиб, пашшадан ҳимоя қиласиди. Айвонни чирмаб олган атиргуллар унинг оёғига бош қўйган.

Лекин булардан заррача наф йўқ. Брунснинг қорни таталаб кетяпти. У садафдай товланиб турган қўлтиққа, элас-элас кўзга чалинган Ботум бурнига бетоқат тикилиб, мулоимгина чақиради

– Му-у-у-сик! Му-у-у-сик!

Нам субтропик ҳавода овози бир зумда сингиб йўқолади. Яна жавоб йўқ. Брунс устида ёғи билқиллаб турган каттакон фоз танасини бир лаҳза кўз олдига келтиргач, ўзини тутолмай бўкиради:

– Мусик!!! Фоз пишдими?!

– Андрей Михайлович! – деб жеркиб берди қўшни хонадан хотин кишининг овози. – Бошимни қотирмасанг-чи!

Мұхандис лабларини яна чўччайтириб, дарҳол жавоб берди:

– Мусик! Бечора эрингга намунча жабр қилмасанг!

– Овозингни ўчир, мечкай! – шанғиллади хотин.

Лекин муҳандис бүш келмади. У икки соатдан бери интизор бўлиб кутиб ўтирган ғозини яна бир йўқламоқчи бўлиб турган эди, тўсатдан шитирлаган овозни эшитиб, орқасига ўгирилди.

Эгнида қийик ёқали увада кўйлак, белида тўзғиб кетган серпопук чийратма чилвир, олабула, яғир шим кийган бир киши тўқ яшил бамбукзор ичидан чиқиб келди. Кўриниши мулоимгина бу нотаниш одам иягида бир тутам пахмоқ соқол селкиллаб турибди. Камзулини кўтариб олган.

Нотаниш кимса яқинроқ келгач, мулоимгина қилиб:

– Муҳандис Брунсни қаердан топсак бўлади? – деб сўради.

– Муҳандис Брунс мен бўламан, – деб жавоб берди ғозталаб бўлиб ўтирган одам кутилмагандадўриллаб. – Хизмат?

Нотаниш кимса гуп этиб ерга йиқилди. Бу одам ҳазрати Фёдорнинг ўзгинаси эди.

– Эсингиз жойидами! – қичқириб юборди муҳандис шартта ўрнидан туриб. – Туинг ўрнингиздан, илтимос!

– Турмайман, – деб жавоб берди ҳазрати Фёдор муҳандисга мастьум кўзларини тикиб. Калласи эса муҳандиснинг ҳаракатига монанд муқом қиласди.

– Туинг деяпман!

– Турмайман, дедим, турмайман! Шундан кейин ҳазрати Фёдор анча эҳтиёткорлик билан бошини шағалга ура бошлади.

– Мусик! Бу ёқса қара! – деб бўкирди муҳандис азбаройи қўрқиб кетганидан. – Бу қанақаси бўлди, келсанг-чи. Туинг, илтимос қиласман. Қани, туинг, ўтиниб сўрайман.

– Тұрмайман, – яна тақрорлади ҳазрати Фёдор. Эрининг овоз тебранишларини беш күлидай яхши билган Мусик югуриб айвонга чиқди.

Ҳазрати Фёдор заифаны күриши биланоқ лип этиб унинг олдига эмаклаб борди-да, оёғига эгиліб, бидирлай кетди:

– Ёлғиз умидим сизсиз, онахон, бирдан-бир халоскорим сизсиз, бекам.

Мұхандис Брунс қызариб кетди, мәхмоннинг құлтиғидан олиб, зўрға ўрнидан күтарған эди, ҳазрати Фёдор усталик қилиб оёқларини букди. Фифони ошган Брунс дардисар мәхмонни бурчак-кача судраб бориб, бир амаллаб стулга ўтқазиб қўйди (аслида Гамбс стули бўлса ҳам, лекин Воробъяников хонадонига тааллуқли эмас, бу генерал беваси Попова мәхмонхонасидан эди).

– Асло, – деди фўлдираб ҳазрати Фёдор новвой қайнисининг лампамой ҳиди буруқсаб турған камзулини тиззасига ташлаб, – улуғ мартабали зотлар олдидаги ўтиришга асло журъат этолмайман.

Шундан кейин ҳазрати Фёдор яна тиз чўкмоқчи бўлган эди, мұхандис чинқирганича уни елкасидан ушлаб қолди.

– Мусик, – деди у ҳансира, – бу одам билан бир гаплашиб кўрчи. Қандайдир англашилмовчилик бўлса керак.

Мусик дарҳол овозига жиддий тус берди.

– Менинг уйимда марҳамат қилиб тиз чўка кўрманг, – деди у ўшқириб.

– Бекам! – ёлворди ҳазрати Фёдор. – Онахон!

– Мен сизга онахон эмасман! Сизга ўзи нима керак? Поп алланияма деб фўлдираб ёлворгандай бўлди. Узоқ савол-жавобдан кейингина у, илтифот қилишса, шу ўтирган стулига кўшиб, қолган ўн битта стулни ҳам сотиб олиш ниятида эканлиги маълум бўлди. Буни эшитиб, мұхандис ҳайрат-

да қолди, ҳазрати Фёдорни елкасидадын босиб турған құллари шалвираб тушди. Ҳазрати Фёдор дархол гуп этиб чүкка тушди-да, худди тошбақаға ўхшаб муҳандис кетидан ўрмалай бошлади.

– Нима сабабдан, нима сабабдан мен стулларимни сотишим керак экан? – деди бўғилиб муҳандис ҳазрати Фёдорнинг узун чангалига чап бериб. – Ҳар қанча думалаганингиз билан ҳеч нарсага тушунолмаяпман!

– Ахир бу менинг стулларим-ку, – зорланиб деди ҳазрати Фёдор.

– Қанақасига сизники бўларкан? Нимага сизники бўларкан? Эсингиз жойидами ўзи? Мусик, ҳаммасига тушундим энди! Бу одам жинни экан!

– Меники-да, – деди хоксорлик билан ҳазрати Федор!

– Нима, сизники бўлса, мен ўғирлабманми? – тувақиб кетди муҳандис. – Ўғирлабманми? Эшилдингми, Мусик? Фирт товламачилик-ку, бу!

– Худо асрасин, – пиҷирлаб деди ҳазрати Фёдор.

– Агар мен ўғирлаган бўлсан, судга беринг, вассалом, нима қиласиз уйимни зикрхона қилиб. Эшилдингми, Мусик! Бетимнинг қалини, жонимнинг ҳузури дегани шу-да. Овқат еганиям қўйишмайди!

Ҳазрати Фёдор «ўзининг» стулларини суд орқали қайтариб олмоқчи эмас. Мутлақо йўқ. Муҳандис Брунс уларни ўғирламаган, буни у яхши билади. Ҳатто бу фикр унинг хаёлига ҳам келгани йўқ. Лекин мана шу стуллар инқилобдан олдин ҳазрати Фёдорники бўлган, бинобарин, ҳозир Воронежда ўлим тўшагида ётган хотини учун булар ғоят ардоқлидир. У ўз хоҳиши билан эмас, балки шу хотинининг илтимосига кўра стуллар ҳозир қаердалигини суриштириб билгач, Брунснинг ҳузурига келди. Ҳазрати Фёдор хайр-садақа сўраб

келгани йўқ. Мутлақо ундоқ эмас! Эски стулларни сотиб олиб, ўлим тўшагида ётган хотинини рози қилишга унинг bemalol қурби етади (Самарада кичикроқ шам заводи бор). Сўзининг охирида бунинг учун пулни аямаслигини, стулларга йигирма сўмча тўлаши мумкинлигини айтди.

– Нима? – деб бўкирди муҳандис бетига қон тепиб.

– Йигирма сўм? Шундай ажойиб стулларга-я? Мусик! Эшитдингми? Жиннининг ўзи экан бу одам! Худо ҳақи, жиннининг ўзи!

– Мен жинни эмасман. Азбаройи хотинимнинг рижоси ерда қолмасин деган умидда...

– Уҳ, р-расво-ей, – деб юборди муҳандис, – яна эмаклашга тушди! Мусик! Буни қара, яна эмаклаяпти!!

– Нархини ўзингиз айтинг бўлмаса, – деб зорланди ҳазрати Фёдор эҳтиёткорлик билан бошини араукарий танасига уриб.

– Ҳўв, инсон, дарахтни ўз ҳолига қўйинг! Мусик, жинни десанг, жиннига ўхшамайди бу одам. Хотинининг касалидан сиқилиб кетган кўринади. Стулларни сотайликми, а? Кейин қулоғимиз тинчир, а? Бўлмаса, уриб миясини ёриши ҳам мумкин!

– Ўзимиз нимада ўтирамиз? – деб сўради Мусик. – Бошқасини олармиз.

– Берадиган шу йигирма сўмига-я?

– Йигирма сўмга-ку, бермасман-а. Икки юзгаям бермасманов... Икки юз элликка сотишм мумкин.

Нархни эшитиб, ҳазрати Фёдор бошини зарб билан дарахтга урди.

– Қилифи жонимга тегди-ку, Мусик.

Муҳандис шитоб билан ҳазрати Фёдорга яқинлашди-да, шарт қўиди:

– Авваламбор, хурмодан камида уч қадам нари бориб туинг; иккиламчи, дарҳол ўрнингиздан туинг. Учинчидан, стулларни икки юз эллик сўмга сотаман, ками йўқ.

– Савоб учун оламан, – деди ҳазрати Фёдор шоша-пиша, – инчунун касал ётган хотинимнинг хоҳиш – иродаси шу турур.

– Касални пеш қилманг, биродар. Менинг хотинимният мазаси йўқ. Тўгрими, Мусик, ўпканг чатоқ-а? Лекин хотиним касал экан, деб сизни мен... хўш... айтайлик, манави камзулингизни ўттиз тийинга сотишга мажбур қилмаяпман-ку.

– Текинга ола қолинг! – деб юборди ҳазрати Фёдор. Муҳандиснинг энсаси қотиб, қўлини силкиди-да, совуққина қилиб:

– Ҳазилни бас қилинг. Сиз билан пачакилашиб ўтиришга тобим йўқ. Стулларнинг баҳоси икки юз эллик сўм дедимми, бўлди, бир тийин ҳам ками йўқ, – деди.

– Эллик сўм, – бўш келмади Ҳазрати Фёдор.

– Мусик! – хотинига мурожаат қилди муҳандис. – Багратионни чақир. Бу кишини кузатиб қўйсин.

– Фақат савоб учун...

– Багратион!

Ҳазрати Фёдор жон ҳолатда қочиб қолди, муҳандис эса ошхонага кириб, розга уннаб кетди. Севган парранда гўшти Брунснинг кайфиятига яхши таъсир қилди. Асаблари жойига туша бошлиди.

Муҳандис фознинг битта оёғини олиб, учини юпқа хитой қофоз билан ўради-да, уни энди оғзига яқинлаштирган ҳам эдики, деразада ҳазрати Фёдорнинг илтижо тўла башираси кўринди.

– Фақат савоб учун, – деди мулойим овоз. – Эллик беш сўм.

Мұҳандис ўтирган жойида бўкириб юборди. Ҳазрати Фёдор фойиб бўлди.

Шу куни чорбоғнинг тўрт томонидан ҳазрати Фёдорнинг гавдаси лиқиллаб ўтаверди. Баъзан у криптомерия дарахтлар орасидан чиқиб келса, баъзан мандаринзорда кўриниб қолар, яна бир қарасанг, орқа ҳовлидан ошиб ўтиб, Ботаника боғи томон зипиллаб кетаётган бўларди.

Мұҳандис кун бўйи Мусикни ёрдамга чақириб турди, жинни жонига текканидан, боши лўқиллаб оғриётганидан шикоят қиласи. Қоронги тушган бўлса ҳам, ўқтин-ўқтин ҳазрати Фёдорнинг овози шанғиллаб қоларди.

– Бир юз ўттиз саккиз сўм! – осмондан келгандай бўларди унинг овози.

Зум ўтмай, Думбасовнинг чорбоғи томондан яна ўша овоз эшишилади.

– Бир юз қирқ бир сўм, – ёлворди ҳазрати Фёдор, – фақат савоб учун оламан, жаноби Брунс, инчунин...

Ниҳоят, мұҳандиснинг сабри тутади, айвоннинг ўртасига келиб, тун қаърига тикилиб турди-да, дона-дона қилиб бақирди:

– Бўпти! Икки юз сўм! Қулоғим тинчисин. Бамбуклар шитирлаб, чуқур хўрсинган овоз эшишилди, кейин юриб кетаётган оёқ товуши келди. Сўнгра ҳаммаёқ жимиб қолди.

Кўрфаз бетида юлдузлар ғужрон ўйнайди. Ҳазрати Фёдорни қувиб етган ялтироқ қўнғизчалар боши узра гир айланиб, бетига кўқимтири нур сочади.

– Ҳозирги ғозларниям фози қолмабди, – деб тўнғиллаб қўйди мұҳандис ичкари кирап экан.

Шу аснода ҳазрати Фёдор охирги автобусга ўтириб, денгиз бўйидан Ботумга қараб кетаётган эди. Шундоққина биқинида шовиллаб денгиз мавж-

ланар, шамол юз-кўзига келиб урилар, машина сигнали эса чиябўриларнинг увилашига қўшилиб кетарди.

Ҳазрати Фёдор шу куниёқ хотини Катерина Александровна номига қўйидаги мазмунда телеграмма йўллади:

Мол топилди, телеграф орқали икки юз ўттиз жўнат, истаган нарсангни сот. Федя.

У икки кунгача Брунснинг чорбоги атрофида яйраб юрди, Мусик билан неча бор узоқдан туриб саломлашди, тропик минтаقا қўйнида ўқтин-ўқтин:

– Фақат савоб учун, инчунин, мени юборган хотинимнинг хоҳиш-иродаси шу турур! – деб қич-қириб ҳам қўйди.

Учинчи кун деганда пул ҳам етиб келди. Ёнида дилни вайрон қилгучи телеграмма:

Бор нарсани сотдим, бир тийинсиз қолдим. Ўпаман ва кутаман, Евстигнеев овқатга келиб турибди. Катя.

Ҳазрати Фёдор пулни санаб, жон-жаҳди билан чўқиниб олгач, арава ёллаб, Яшил Бурунга жўнаб қолди.

Осмоннинг авзойи бузилган. Туркия томондан шамол булатларни ҳайдаб келяпти. Шўр сув купиради. Осмоннинг мовий қисми тобора камайиб боряпти. Пўртана олти баллга етиб қолди. Денгиззда сузиш ҳамда қайиқда юриш ман этилди. Ботумни шовқин-сурон ва момақалдироқ овози тутган. Пўртана соҳилни ларзага солиб турибди.

Ҳазрати Фёдор муҳандис Брунснинг чорбогига етиб келгач, бошига папах кийган ажар арава-

кашга кутиб туришни тайинлаб, стулларни олиб чиққани ичкари кириб кетди.

– Олиб келдим пулни, – деди ҳазрати Фёдор, – пича сийласангиз бўларди.

– Мусик, – инграб юборди муҳандис, – ҳол-жоним қолмади-ку!

– Йўғ-э, пулни олиб келганман, – деди шошашиша ҳазрати Фёдор, – айтган пулингиз, икки юз сўм.

– Мусик! Кўлидан пулни ол! Стулларни чиқариб бер. Имилламасдан тезроқ ишини битириб кетсин. Бош оғриғи касалим қўзғаб турибди.

Бутун умр бўйи орзу қилинган нарса рўёбга чиқди. Самарадаги шам заводи қўлга кирай деб турибди. Мисоли ёнғоқдай дурри гавҳарлар чўнтакка оқиб келяпти.

Ўн икки дона стул бирин-кетин аравага ортилди. Булар худди Воробъяниновнинг бисотидаги стулларга ўхшаса ҳам жиндай фарқи бор эди: бу стулларга катак гулли чит эмас, балки йўл-йўл, кўк-пушти ранг мато қопланган эди.

Ҳазрати Фёдор бетоқат бўла бошлади. У ичидан чийратма чилвирига болтacha қистириб олган эди. Ҳазрати Фёдор аравакашнинг ёнига ўтириб олгач, орқадаги стуллардан дам-бадам хабар ола-ола Ботум томонга қараб кетаверди. Бақувват отлар қўшилган арава ҳазрати Фёдорни қимматбаҳо ўлжаси билан пастдаги тош йўлга олиб тушди, шундан кейин бамбуқдан ясалган столлар бўшаб, айвончалари ҳувиллаб қолган «Финал» ресторончилиги ҳам, нефть карбонларини охирги цистерна-сигача ямламай ютиб турган туннель ҳам, бугун ҳавонинг авзойи бузук бўлгани учун мижозларидан қуруқ қолган фотосуратчи ҳам, Ботум ботаника боти деган ёзув ҳам орқада қолгач, тўлқинлар тўш уриб турган қирғоқ бўйлаб секинроқ юра

бошлади. Йўл шундокқина соҳил ёнидан ўтган жойларда ҳазрати Фёдор юзига шўр сув томчилари келиб уриларди. Соҳилга урилиб, орқасига қайтган тўлқинлар кўпириб-жўшиб, осмонга сапчир ва дам ўтмай жойига қайтиб тушарди.

Қирғоққа келиб урилган тўлқинларнинг наъра ва зарблари бусиз ҳам жони ҳалак бўлиб турган ҳазрати Фёдорни баттар талвасага солди. Шамол билан олишиб келаётган отлар Махинтаурига яқинлашиб қолди. Кўз илғамас денгиз қўйнида кўм-кўк лойқа сув гувиллаб, кўпириб ётиби. Бефаросат хотинлар кўйлаги орасидан ич кийими чиқиб тургандай, қоп-қора денгиз сатҳида то Ботумгача оппоқ кўпиклар ўйноқлаб кўринади.

– Тўхта! – деб бақирди тўсатдан ҳазрати Фёдор аравакашга қараб. – Тўхта, мусулмон!

Шундан кейин у дағ-дағ титраб, қадамида қоқилиб-суқилиб, стулларни кимсасиз соҳилга тушира бошлади. Парвойи фалак ажар ўзига тегадиган беш сўмини олгач, отларига қамчи босиб, жўнаб қолди. Ёлғиз ўзи қолган ҳазрати Фёдор ҳеч ким йўқлигига яна бир қаноат ҳосил қилгач, стулларни ҳали сув босмаган бир парча пляжга олиб тушди-да, ёнидан болтачани олди.

Қайси бир стулдан бошлашини билмай, бирлаҳза ўйланиб турди. Кейин каловланиб, учинчи турган стулга яқинлашди ва бор кучи билан суянчигига болта санчди. Стул тўнкарилиб тушди-ю, лекин лат емади.

– Аҳа! – деб бўкирди ҳазрати Фёдор. – Кўрсатиб қўяман сенга!

Худди тирик жониворга ҳамла қилгандай у ўзини стулга ташлади. Бир зумда стул қийма-қийма бўлди.

Болта нимага урилаётганини ёғочгами, матогами ёки пружинагами ҳазрати Фёдор бунинг

фарқига бормасди. Даҳшат ичра гувиллаган пўртана ҳар қандай овозни босиб тушарди.

– Аҳа! Аҳа! Аҳа! – деб наъра тортарди ҳазрати Фёдор болтага зўр бериб.

Стуллар бирин-кетин сафдан чиқа бошлади. Ҳазрати Фёдорнинг ғазаби ошди. Пўртана ҳам қайнаб кетди. Баъзан тўлқинлар ҳазрати Фёдорнинг оёғигача етиб келарди.

Ботумдан Синопгача шовқин қулоқни қоматга келтиради. Қутурган денгиз йўлида учраган кемадан аламини олмоқчи бўлади. Иккала мўрисидан тутун буруқсаб, қўйруқ томони оғирлашган пароходи Новороссийскка яқинлашиб келмоқда. Қора денгизда гир айланиб юрган пўртана Трапезунд, Ялта, Одесса ва Констанца соҳилларига минг тонналаб долға улоқтиради. Гибралтар бўғозининг ортида эса Атлантика океани Европага калла қиласди. Серзуғум сув ер куррасини чирмаб олган.

Қора терга ботган ҳазрати Фёдор эса Ботум соҳилида охирги стулга уннаб кетди. Бир зумдан кейин у бу стулнинг ҳам бошига етди. Ҳазрати Фёдор аламига чидаёлмай қолди. У ерда қалашиб ётган стул оёқлари, суюнчиқ ва пружиналарига бақрайиб қараб турди-да, орқасига тисарилиди. Сув оёғига ёпишди. У олдинга ташланиб, шалаббо бўлган ҳолда тош йўлга қараб югурди. Ҳозиргина ҳазрати Фёдор турган жойга катта бир тўлқин ёпирилиб келди-да, чекина туриб, генерал хотини Попованинг абжаги чиққан стулларини ўзи билан олиб кетди. Ҳазрати Фёдор буни кўргани йўқ. У жиққа хўл муштларини кўксига босиб, буқчайганича тош йўлдан кетиб борарди.

У Ботумга кириб борганида кўзи қамашиб, ҳеч нарсани кўролмай қолди. Аҳволи ғоят ачинарли эди. Уйидан беш минг чақирим нарида, ёнида

бор-йўғи йигирма сўм пул, бинобарин туғилган шаҳрига етиб олишнинг сира иложи йўқ.

Ҳазрати Фёдор бозорига етганда қулоғига сирли равишда шипшиб, Коти атри, ипак пайпок, янги қадоқланган Сухуми тамакиси борлигини айтишди. У бозордан чиқиб, тўғри вокзалга борди ва ҳаммоллар орасига сингиб кетди.

Ўттиз саккизинчи боб

БУЛУТЛАР ОСТИДА

Хазинатопарлар монтёр Мечников билан тил топишгандан кейин орадан уч кун ўтгач, Колумб театри Боку ва Махачқалъа орқали ўтадиган те-мир йўл билан жўнаб кетди. Машуқ тоғида икка-ла стулни ёриб, ичидан чиққан нарсага кўнгли тўлмаган шериклар уч кунгача Мечниковдан Ко-лумб театридан қолган охирги стулни кутиб юришди. Бироқ натижা бўлмади: нарзан ичавериб, қий-налиб кетган монтёр қўлига теккан йигирма сўмнинг ҳаммасига оддийгина ароқ олиб, шун-дай танг аҳволга тушиб қолдики, пировардида уни жиҳозлар турган хонага қамаб қўйишли.

– Ўргилдим минерал сувингдан! – деб қолди Остап театр жўнаб кетганини эшитгач. – Ҳезим-каш экан-ку, бу монтёр! Бунақада театрчиларга ишонч қоладими!

Остап илгаригига қараганда анча серҳаракат бўлиб қолган эди. Жавоҳирлар топилишига энди ишонч жуда ҳам ошган эди.

– Владикавказга бориш учун пул керак, – деди Остап. – У ердан Ҳарбий-Грузин йўли орқали ав-томобилда Тифлисга жўнаймиз. Ажойиб табиат! Зўр манзаралар! Шифобахш тоғ ҳавоси! Қараб-сизки, юз эллик минг сўм пул тийин-тийинигача

бизга мунтазир. Демак, мажлисни давом эттирең бүләди.

Бироқ Минерал сувлардан жұнаб кетиш осон бўлмади. Воробъянов темир йўлда қуён бўлиб кетишга мутлақо нўноқ экан, бинобарин у минг урингани билан поездга чиқолмагач, собиқ ўқув муассасалари мутасаддиси, қиёфасида «Гулшан» олдига бориб туришга мажбур бўлди. Омад яхши юришмади. Бўйнини букиб, ўн икки соат қилинган оғир меҳнат икки сўм билан қадрланди, Лекин Владикавказга етиб олиш учун шунисиям кифоя қиласарди.

Чиптасиз кетаётган Остапни Бесланда поезддан ҳайдаб туширишди. Буюк мудаббир ҳеч қандай гуноҳи бўлмаган Ипполит Матвеевичга муштини ўқталиб, поезд кетидан таваккалига уч чақиримча чопиб борди.

Шундан кейин Остап Кавказ тизма тоғларига аста яқинлашиб келаётган бошқа бир поезд зинасига чиқиб олди. Шу ердан туриб у кўз олдида намоён бўлган Кавказ тоғи манзараларини шавқ-завқ билан томоша қила бошлади.

Эрта саҳар соат тўртлар эди. Қизғиш шуъла, тоғ чўққиларини ёритди. Тоғ Остапга маъқул келмади.

– Нима кераги бор бунақа олифтагарчиликни, – деб қўйди у ўзига ўзи. – Ёввойи гўзаллик. Аҳмоқ калладан чиқсан. Мутлақо кераксиз нарса.

Владикавказ вокзалида поезддан тушганларни Закавказъеда саноат молларини сотиш билан шуғулланадиган идора – Закавтопромторгга қарашли усти очиқ, катта автобус кутиб турар хоҳловчиларни ширинсуханлик билан ичкари таклиф қилишарди:

– Ҳарбий – Грузин йўлидан кетадиганлар бўлса, шаҳаргача бепул обориб қўямиз.

— Қаёққа кетяпсиз, Киса? — деб қолди Остап. — Биз автобусга чиқамиз. Текини маъкул.

Остап автобусда Закавтопромторг идорасигача етиб олишга олди-ю, лекин машинада сафарга чиқувчилар рўйхатига ёзилишга шошилмади. У Ипполит Матвеевични гапга тутиб, атрофини булатлар чирмаб олган Сўри тоғга маҳлиё бўлиб турди-да, чиндан ҳам исми жисмига мос тоғ эканини айтиб, тезгина кўздан ғойиб бўлди.

Владикавказда бир неча кун қолиб кетишга тўғри келди. Ҳарбий-Грузин йўли билан кетиш учун пул керак, лекин пул топишга қанчалик уринишмасин, нафи бўлмади: ё умуман қилган ҳаракатлари зое кетар, ё бўлмаса зўрға қоринга етадиган пул ишлаб қолишарди. Одамлардан яrim тангадан ҳақ ундиришнинг эса иложи топилмади. Кавказ тоғи шу қадар баланд ва шу қадар яққол кўриниб турган эдики, уни пулга томоша қилдиришнинг сираям ҳожати йўқ эди. Владикавказда эса бўлак хушманзара жой йўқ. Тўғри, Терек деган дарё бор, лекин у Терекнинг ёнидан ўтади. Бу борада эса шаҳар Остап ёрдамига мухтож эмас: Терекка кириш учун аллақачон ҳақ белгилаб кўйилган. Ипполит Матвеевич икки кун садақа сўраб, атиги ўн уч тийин пул тўплади.

— Бўлди энди, — деди Остап, — битта йўли қолди: Тифлисга яёв жўнаймиз. Беш кунда икки юз чақирим йўл босамиз. Зарари йўқ, отахон, тоғ манзаралари гўзал, ҳавоям тоза!.. Фақат нон билан колбасага пул керак, холос. Тилни бойитиб, озроқ итальянча ўрганиб оласизми, билмадим, лекин нима қилиб бўлсаям кечгача икки сўм топиб келишингиз зарур! Бугунчалик овқат ейилмайди, қадрдон ўртоқ. Афсус! Ишлар пачава.

Хазинатопарлар эрта тонгда Терек устидаги кўприкдан ўтиб, казармалар ёнидан кўм-кўк во-

дийга чиқиши. Ҳарбий-Грузин йўли шу водий орқали ўтарди.

– Омадимиз бор экан, Киса, – деб қўйди Остап, – кечаси ёмғир ёғибди, чанг ютмаймиз энди. Соғ ҳаводан тўйиб-тўйиб нафас олинг, сардор. Қўшиқ айтинг. Кавказ шеърларини эсланг. Орқа-ўнгин-гизга қараб юринг!..

Аммо Ипполит Матвеевичнинг на қўшиқ айтадиган ва на шеър эслайдиган ҳоли бор. Йўл тобора тепага кўтарилиб бормоқда. Очиқ ҳавода юпун ўтган тунларнинг асорати қолган: биқини оғриб, оёқлари биронникига ўхшайди, бунинг устига оддий колбаса нуқул жигилдонни қайнатиб, азоб беради. У чап оёғини хиёл судраб босганича, қўлида Владикавказ газетасига ўралган беш қадоқли булка нон билан букчайиб юриб кетяпти.

Яна сафар! Бу Тифлис сафари, дунёдаги энг гўзал йўл бўйлаб сафар! Ипполит Матвеевич учун ҳаммаси бир гўр. У Остапга ўхшаб, ён-верига алланглаб қарамайди. Водий тубида шовқин кўтариб қолган Терек ҳам уни қизиқтирмайди. Офтоб нурида чараклаб турган муз чўққиларгина унга алланимани элас-элас эслатади: ё порлаб турган гавҳарларга, ё бўлмаса уста Безенчук устига ким-хоб ёпилган энг зўр тобутларига ўхшайди.

Болта деган жойдан ўтгач, дара бошланиб, тик қоялар бағридан ўйиб очилган тор йўлга чиқиши. Юқорига қараб илон изи бўлиб кетган шу йўл орқали улар кечқурун дengиз сатҳидан минг километр баландликдаги Ларс станциясига етиб келишиди.

Ночоргина майхонада текинга тунаганлари етмаса, бир стакандан сут ҳам ичиб олиши – қартада фокус кўрсатиб, майхона эгаси билан меҳмонларига маъқул тушишди.

Тонг шу қадар ажойиб эдики, ҳатто Ипполит Матвеевич ҳам тоғ ҳавосидан кучга тўлиб, кечагидан илдамроқ юра бошлади. Ларс станциясидан ўтиш биланоқ Ёнбош тоғнинг баҳайбат деворлари бошланди. Терек водийси шу ерга етганда тор даралар қуршовида қолди. Манзара тобора сийқалашиб, қоялар бетидаги ёзувлар сероблаша борди. Қоялар Терекни роса санжобга олиб, дарё устидаги кўприк бор-йўғи ўн қулочдан ошмаган жойларга етганда даранинг икки бетидаги қоя деворларида ёзувлар шунчалик қалашиб кетдик, азбаройи Остап салобатли Дарёл дарасида турганини ҳам унутиб, Терекнинг шовқин-фарёдларини босиб тушмоқчи бўлгандай:

— Улуғ одамлар! Эътибор беринг, сардор. Кўрдингизми? Булат пастда қолган, бургут хиёл юқорида! Ёзилибди: «Коля ва Мика, 1914 йил июль». Унутилмас манзара! Бадиий томонига эътибор беринг-а! Ҳар битта ҳарф бир метр келади, тағин мойли бўёқ билан ёзишибди! Ҳозир қаердан сўраймиз, ҳов Коля ва Мика? — деб ҳайқириб юборди.

— Киса, — яна гапида давом этди Остап, — биз ҳам тарихда қолмаймизми. Микасини бир ясайлик. Дарвоқе, менда бўр ҳам бор! Худо ҳақи, ҳозироқ тепага чиқиб: «Киса ва Ося шу ерда бўлган», деб ёзиб тушаман.

Остап, узоқ ўйлаб ўтирмай, шу заҳотиёқ қўлидаги колбасани пастда пишқириб ётган Терек устидаги кўприк панжарасига қўйди-да, қояга тирмаша бошлади.

Ипполит Матвеевич буюк мудаббирнинг ҳаратига бирпас тикилиб тургач, хаёли бўлинниб кетди ва орқасига ўгирилиб, Тамара қалъасининг қолдиқларини томоша қила бошлади. Қоя устида сақланиб қолган қалъа пойдевори худди отнинг тишига ўхшарди.

Худди шу пайт хазинатопарлардан икки чақирим нарида турган ҳазрати Фёдор Тифлис томондан Дарёл дарасига кириб келди. У аскарчасига бир меъёрда қадам ташлаб борар, тошдек қаттиқ кўзлари олисга тикилган, кўлида эса учи қайрилган узун асо.

Ҳазрати Фёдор қолган-қутган пулини бериб, Тифлисгача етиб олгач, мурувватли одамлардан тушган хайр-садақа билан кун кўриб, юргана пиёда кетаётган эди. Салб довонидан ошиб ўтаётганида денгиз сатҳидан 2345 метр баландликда уни бургут чўқиб олди. Ҳазрати Фёдор сингари қушни таёфи билан ҳайдаб, йўлида давом этди,

У булутлар оралаб борар экан:

– Faқat савоб учун, инчунин мени юборган, хотинимнинг хоҳиш-иродаси шу турур! – деб чулдиради.

Рақиблар орасидаги масофа қисқариб қолди. Ҳазрати Фёдор қоя тирсагидан ўтиб, энди бурилган ҳам эдик, рўпарасидан тилла кўзойнак таққан бир чол чиқиб қолди.

Ҳазрати Фёдорнинг назарида дара ўпирилиб тушгандай бўлди. Минг йиллардан бери шовиллаб келган Терек ҳам тақقا тўхтади.

Ҳазрати Федор Воробъяновни дарҳол таниди. Ботумда бошига зўр кулфат тушиб, бутун умидлари чилпарчин бўлган ҳазрат жавоҳирлар мана энди насиб этиши мумкинлигини кўргач, бус-бутун ўзгариб кетди.

У бирдан Ипполит Матвеевичга чанг солиб, нозик ҳиқилдоғидан ғиппа бўғди-да, бармоқлари ни қаттиқ ботириб, хириллади:

– Ўзинг жувонмарг қилган қайнананинг бисости қани?

Бундай бўлишини мутлақо кутмаган Ипполит Матвеевич оғзини очолмай қолди, кўзлари чақчайиб, ойнакка тегай деб кетди.

– Гапир! – деб ўшқирди ҳазрати Фёдор. – Тавба қил, осий банда!

Воробъяновнинг нафаси бўғзига тиқилди.

Мана энди буни бопладим, деб турган ҳазрати Фёдор бирдан қояда Бендерни кўриб қолди. Амалий саркор баралла овозини кўйиб:

*Қояларга урилиб маҳзун,
Кўпиради, қайнайди тўлқин... –*

деб бўкирганича қоядан тушиб келарди.

Ҳазрати Фёдорнинг аъзойи баданини чексиз даҳшат қоплади. Қўли ҳамон сардор бўғзида турган бўлса ҳам тиззалари қалтираб кетди.

– Э, ўзларими?! – хушнуд қичқирди Остап.
– Биз билан рақобат қилаётган ташкилот кепти-ку!

Ҳазрати Фёдор отига тезроқ қамчи босиб қолди. Фойдадан холи бўлмаган ички бир ҳиссиёт кучи билан у ширкатга қарашли колбаса ва нонни шартта юлқиб, тирақайлаб қочди.

– Уринг уни, ўртоқ Бендер! – деб қичқирди нафасини анча ростлаб олган Ипполит Матвеевич ётган жойида туриб.

– Ушланглар! Бопланглар!

Остап ҳуштак чалиб, ҳай-ҳайлаганича унинг кетидан югарди.

– Ҳа – ҳай! – деб қичқирди. – Эҳромлар ёнидаги жанг ёхуд Бендер ширкорда! Қаёққа тирақайляпсиз, ҳув харидор? Ичак чолови ағдарилган стул бор, тоблари қалай?!

Таъқиб азобига ортиқ бардоши тугаган ҳазрати Фёдор тик қояга ёпишиб, тепага ўрмалаб кетди. Така-пука бўлиб, отилиб чиқай деб турган юраги, фақат қўрқоқларгагина маълум бўлган қуён касали уни тобора юқорига ундарди.

- Олқишиш! – пастьдан туриб қичқирди Остап.
- Ушланглар уни!
- Насибамизни олиб қочди! – чинқириб деди Остап олдига чопқиллаб келган Ипполит Матвеевич.
- Тұхта! – деб ҳайқирди Остап. – Сенга айтяпман, тұхта!

Лекин бу ҳайқириқ ҳолдан тойған ҳазрати Фёдорни баттар жүштириб юборди. У бир тұлғаниб, яна ҳамла қылған эди, энг баланд ёзуудан үн кулочча юқорига чиқиб олди.

- Колбасани чўз! – деб буюрди Остап. – Колбасани чўз, аҳмоқ! Кечаман ҳамма гуноҳингдан!

Ҳазрати Фёдор ҳеч нарсаны эшитолмай қолди. У шу вақтгача инсон қадами тегмаган сайқон жойга чиқиб олған эди. Ҳазрати Фёдорнинг ичиға фулғула тушиб, күркіб кетди. Орқага қайтишнинг иложи йўқлигини билди. Қоя йўл ёқасигача тикка тушган бўлиб, оёқ қўядиган жой куринмасди. У пастьга қаради. Пастьда Остап жиғибийрон бўлиб турар, дара тубида эса сардорнинг тилла гардишли кўзойнаги ярқираб кўринарди.

- Колбасани бераман! – деб бақирди тепадан ҳазрати Фёдор. – Мени тушириб қўйинглар!

Жавоб ўрнига Терек айюҳаниос солиб, Тамара қалъасидан қийқириқ овозлар эшитилди. Қалъани бойқушлар макон қилиб олған эди.

- Тушириб қўйингла-а-ар! – деб чинқириди ҳазрати Фёдор йигламсираб.

У хазинатопларнинг бутун қилмишидан хабардор эди. Иккови қоя тагида зир югуриб, куракда турмайдиган сўзларни айтиб сўкишарди. Бу уларнинг имо-ишорасидан сезилиб турган эди.

Ҳазрати Фёдор бирор соатдан кейин қояга узала тушиб, пастьга энгашиб қараган эди, Бендер

билан Воробъянинов иккови Салб довони томонга қараб кетишаётганини кўриб қолди.

Бирпасда қоронги тушди. Зим-зиё тун қўйнида, даҳшатли шовқинда, шундоққина булатлар остида ёлғиз қолган ҳазрати Фёдор дағ-дағ титраб, ҳўнг-ҳўнг йигларди. Жавоҳирларнинг энди унга кераги йўқ. Фақатгина битта армони бор: ерга тушиб олса, бас.

У туни билан Терекдай бўкириб чиқди, тонг ёришгач, колбаса билан нондан тамадди қилиб олди-да, ўтган-кетган автомобиллар устидан қаҳқаҳ отиб қулиб ўтирди. Куннинг қолган қисми тоғлар билан осмон ёритгичи бўлмиш қуёшни мушоҳада қилиш билан ўтди. Эртаси куни кечаси эса у тушида подшо Тамарани кўриб чиқди. Тамара қалъадан чиқиб, тўғри унинг олдига учиб келибди-да:

– Қўшни бўлибмиз, – дебди карашма билан.

– Онахон! – деб жавоб берибди ҳазрати Фёдор тўлқинланиб. – Фақат савоб учун...

– Биламан, биламан, – деганмиш подшо хотин, – инчунин сени юборган хотинингни хоҳиш-иродаси шу турур.

– Сиз қаердан биласиз? – ҳайрон бўлиб сўрабди ҳазрати Фёдор.

– Биламан-да. Кириб туринг, қўшни. Олтмиш олти ташлашамиз! Хўпми?

Шундан кейин у қиқирлаб қулибди-да, тун қўйнида камалакдай товланганича учиб кетибди.

Ёлғизликнинг учинчи кунига келиб ҳазрати Фёдор қушларга диндан ваъз ўқий бошлади. Негадир у паррандаларни лютеранлик мазҳабига тортмоқчи бўлди.

– Жониворлар, – дерди у буларга дўриллаб, – ошкор тавба қилинглар, гуноҳлардан фориф бўлинглар!

Түртінчи кун деганда пастдан туриб уни сай-
еңларга күрсатадиган бўлиши.

– Ўнг томонингизда – Тамара қалъаси, – дейи-
шарди тажрибали йўлбошлар, – чап томонда турга-
ни тирик одам, қандоқ қилиб қояга чиқиб қолгани,
нима билан тирикчилик қилиши бизга номаълум.

– Вой ёввойилар-эй! – ҳайратдан ёқа ушлайди
сайёҳлар. – Шуни айтади-да тоғ фарзандлари деб!

Булутлар гужгон ўйнайди. Ҳазрати Фёдорнинг
тепасида бургутлар чарх уради. Шулардан битта-
си ботирроқ экан, қолган колбасани бир чўқишида
олиб қочди, бу ҳам етмагандай, қанотини бир сил-
киб, бир ярим қадоқча нонни сермавж Терекка
тушириб юборди.

Ҳазрати Фёдор бармоғини ниқтаб бургутга
пўписа қилгач, шарақлаб кулади-да.

*Худо маҳлук қуш ҳам,
Ташвиши нимадир билмас.
Уям бўлсин деб маҳкам,
Ортиқча меҳнат қилмас, –*

деб пичирлаб қўйди.

Бургут ҳазрати Фёдорга бир ўқрайиб, учиб кетди.

– Эҳ, бургутвой, бургутвой, ўтакетган абллаҳ
эканссан!

Орадан ўн кун ўтгач, бутун дов-дастгоҳини
кўтариб Владикавказдан бир гала ўт ўчирувчи-
лар етиб келиши ва ҳазрати Фёдорни пастга ту-
шириб олиши.

Тепадан олиб тушишаётганда ҳазрат нуқул ча-
пак чалиб, хунук овози билан:

*Ва бўлурсан маликайи жаҳо-о-он сен,
Менинг мангу маҳб-у-ба ёрим! –*

деб хиргойи қилиб турди.

Бинобарин пурвиқор Кавказ тофлари М.Ю.Лермонтовнинг сўзи билан В.Рубинштейн куйини такрорлаб, унга жўр бўлди.

— Фақат савоб учун, — деди ҳазрати Фёдор брандмейстрга қараб, — инчунин...

Хохолаб кулаётган руҳонийни машинага босиб, жиннихонага олиб кетишиди.

Ўттиз тўққизинчи боб

ЗИЛЗИЛА

— Сиз нима дейсиз, сардор, — сўраб қолди Остап Сиони деган қишлоққа яқинлашгандарида, — ердан икки чақирим баландда турган шу тақир ерда қандоқ қилсак тириклик ўтиши мумкин?

Ипполит Матвеевич чурқ этмади. У фақат тиланчиликни билади, шу билангина қорин тўйдириш мумкину, лекин бунаقا айланма, сўқмоқ йўлларда кимга қўл чўзишингни ҳам билмайсан: тирик жон кўринмайди.

ДарвоҶе, бу томонларда ҳам тиланчилик бор экану, лекин тоғ шароитига хос бўлган тиланчилик: қишлоқда бирор автобус ёки енгил машина кўриниб қолса болалар дарров югуриб келиб, пайдарпай лезгинка ўйинига тушиб кетишиади. Кейин машинанинг орқасидан чопқиллаб:

— Пул бер! Пул бер! — дебчувиллашади. Йўловчилар беш тийинлик чақаларни ирғитиб, Салб довонига кўтарилишади.

— Айни муддао, — деди Остап, — ортиқча сарф харажат талаб қилинмайди, даромаднинг мазаси йўқроғу, лекин бизнинг шароитимизда шуям бўлаверади.

Сафарнинг иккинчи куни соат иккиларга яқин Ипполит Матвеевич муваққат томошабинлар ол-

дида ўзининг биринчи рақсини ижро этди. Буюк мудаббирнинг ўзи бош-қош бўлиб турган бу рақс кўпроқ мазуркага ўжшаса ҳам, Кавказ тоғининг қуруқ манзараларидан зериккан йўловчилар уни лезгинка ўрнида кўриб, учта беш тийинлик чаقا пул билан мукофотлашди. Кейинги машина Тифлисдан Владикавказга қараб кетаётган автобус экан. Буни кўриб, амалий саркорнинг ўзи ўйинга тушиб кетди.

– Пул бер! Пул бер! – деб қичқирди у жаҳл билан. Йўловчилар кула-кула унинг оёқ ўйинига яхшигина ҳақ тўлашди. Остап тупроқдан ўттиз тийин йифиб олди. Лекин кутилмагандан сионилик болакайлар рақибларини тошбўронга тутишди. Иккала ҳамроҳ ҳужумга чап бериб, илдам юриб кетишди ва шу атрофдаги овулга етиб олишди. Ишлаб топилган пулга пишлоқ билан чуррак нон харид қилинди.

Хазинатопарлар шу тахлит кун кўриб юришиди. Тунайдиган жойлари тоғликларнинг кулбаси эди. Сафарнинг тўртинчи куни икковлари илон изи йўлдан Кайшаур водийсига тушиб олишди. Салб довонида дийдираб қолган хазинатопарлар водийдаги иссиқ қуёш тафтида анчагина ўзларини эплаб олишди.

Дарёл қоялари, тунд ва совуқ довон ортда қолиб, пастда ям-яшил, гавжум водий бошланди. Ҳамроҳлар Арагва дарёсини тепалаб ўтиб, сигир-бузози, ноз-неъмати сероб бўлган гавжум водийга тушишди. Бу ерда ишқилиб бирор нимани тилаб олиш, ишлаб топиш ёки тўғридан-тўғри ўмариш мумкин. Бу – Закавказье эди.

Руҳи тетиклашган хазинатопарлар илдамроқ юриб кетищди.

Ҳамтовоқлар бир жуфт меҳмонхона билан бир талай майхоналари бўлган Пассанаур отлиқ ба-

давлат ва жазирама қишлоққа етиб келишгач, озроқ чуррак нон тилаб олиб, Франция меҳмонхонасининг рўпарасидаги чакалакзорга кириб ётишди. Меҳмонхонанинг ёни боғ бўлиб, занжирда иккита айиқча кўринди. Иссик ҳаво, ширин нон хазинатопларга маъқул тушди, улар тинчгина дам ола бошлишди.

Дарвоқе, орадан кўп ўтмай, уларнинг тинчлиги бузилди: автомобиллар вағиллаб, шағал тўкилган йўлда янги покришкалар ғижирлаб кетди, атрофни қий-чув босди. Дўстлар мўралаб қарашди. Бир-бирига айнан ўҳшаган учта яп-янги машина Франция меҳмонхонасига яқинлашди. Автомобиллар жимгина тўхтади. Энг олдинги машинадан Персицкий сакраб тушди. Орқасидан чангга ботган соchlарини тўғрилаб, Жазр ва сазо тушиб келди. Шундан кейин Станок газетаси қошидаги автомобиль клубининг бошқа аъзолари ҳам машиналардан ёпирилиб тушишди.

– Дам олинглар! – деб қичқирди Персицкий. – Хўжайин! Ўн бешта кабоб қўйинг!

Францияда карахт одамлар ғимиirlаб қолди, оёғидан тортиб, ошхонага судралган қўй фарёди эшитилди.

– Бу йигитчани танимадингизми? – деб қолди Остап. – Скрябиндаги газетачи-ку, биз ясаган шиорни танқид қилганлардан бири. Аммо-лекин дабдабалари зўр-ку! Ўзи нима гап экан?

Остап кабобхўрларга яқинлашиб, ўта назокат или Персицкий билан сўрашди.

– Бонжур! – деб жавоб берди газетачи. – Сизни қаердадир кўрганман-а, қадрли ўртоқ? Э-э-э! Эсладим. «Скрябин»даги рассомсиз! Тўғрими?

Остап кўлинини кўксига қўйиб, тавозе билан таъзим қилди.

– Тұхтанг, тұхтанг, – яна сүз қотди хотираси зүр Персицкий. – Ҳұв Москвада, Свердлов майдонида извош босган одам сиз эмасмидингиз?

– Ҳа, бўлмасам-чи! Яна, зўр таъбириңгиз билан айтганда, бир оз кўрқиб кетганман, холос.

– Бу ерларда нима қилиб юрибсиз, яна бадий безак масалалари биланми?

– Йўқ, саёҳат важи билан.

– Яёв-а?

– Яёв. Мутахассисларнинг фикрига қараганда Ҳарбий-Грузин йўлида автомобилда саёҳат қилиш фирт bemal'nilik эмиш.

– Унчалик эмас, азизим, унчалик эмас! Мана, масалан, бизлар маза қилиб юрибмиз. Кўриб турибсиз машина дегани ўзимизники, қайтариб айтаман, ўзимизники, жамоатники. Йўлимиз равон: Москва-Тифлис. Сариқ чақалик ёқилғи кетмайди. Ҳам қулай, ҳам тез. Юмшоқ рессоралар, нақ Европанинг ўзи!

– Нима худо ёрлақади? – деди Остап ичи куйиб.

– Юз минг ютуқ чиқдими?

– Юз минг бўлмасаям, лекин эллик минг ютволдик.

– Тўққиз ўйнабми?

– Автомобиль клубига тегишли заёмдан ютуқ чиқди.

– Шундоқ денг, автомобиллар ўша пулга келибди-да?

– Нимасини айтасиз!

– Шундоқми? Балки бирор мутасадди керакдир сизларга? Битта йигит бор, танишим. Ўзи ичмайди.

– Қанақа мутасадди?

– Ҳа, шу-да... Умуман, раҳбарлик қиласи, кепрак бўлса, маслаҳат беради, билмаган нарсангизни ўргатиб юради... Хўш?

– Фикрингизга тушундим. Йўқ, керак эмас.

- Керак эмасми?
- Йўқ. Афсус, рассомниям кераги йўқ.
- Унақа бўлса ўн сўм бериб туринг.
- Авдотъин, — деди Персицкий. — Илтимос, манави инсонга менинг ҳисобимдан уч сўм бериб юбор. Тилхат олмасанг ҳам бўлади. Ҳисобдан ташқари бу одам.
- Жуда оз бўлсаям, лекин кўп ўрнида кўраман,
- деди Остап. — Аҳволингиз чатоқ, тушуниб турибман. Агар юз минг ютуқ чиққанида қарзга нақд беш сўм берган бўлардингиз, буниси аниқ. Ваҳоланки, атиги эллик минг сўм ютгансиз, холос. Бир тийин ками йўқ. Ҳар ҳолда шунисигаям раҳмат!

Бендер илтифот ила бошидан шляпасини олди. Персицкий ҳам худди шундай ҳаракат билан ўз эҳтиромини изҳор қилди. Бендер лутфан таъзим қилди. Персицкий ҳам букилди. Бендер қўлини силкитди. Персицкий ҳам рулга ўтириб, қўлини силкитди. Персицкий дегани қулинг ўргилсин автомобильга ўтириб, шўх улфатлари билан ажойиб манзилларга жўнаб кетди, боёқиш буюк мудабири эса каллаварам шериги билан кўчада чанг ютиб қолди.

— Дабдабани курдингизми? — деб сўради Остап. Ипполит Матвеевичдан.

— Бу нима ўзи, Закавтопромторгми ёки хусусий Мотор жамиятими? — билагонлик қилди Воробъяников шунча кун йўл босиб, ўтган-кетган машиналарнинг хилини яхшигина тушуниб қолгани учун. — Буларнинг олдига бориб, бир ўйнаб бермоқчи эдим.

— Шу кетища миянгиз тамоман суюлиб қолмаса деб қўрқаман, шўрлик дўстим, Закавтопромторс нимаси? Булар эллик минг сўм ютан одамлар, Киса, билдингизми! Ўзингиз кўриб турибсиз-

ки, озмунча темир-терсак харид қилишмабди! Пулимиз қўлга тегсин, бир фаросат билан сарф қилайликки. А, лаббай?

Бойиб қолсак, анавини оламиз, манавини оламиз, деган ширин хаёллар билан ҳамтовоқлар Пассанаурдан йўлга чиқишидни. Ипполит Матвеевич дарҳол янги пайпоқ сотиб олиб, хорижга жунаб кетишини аниқ билади. Остапнинг орзулари эса каттароқ. Унинг режалари оламшумул: ё Мовий Нилга тўғон солади, ё бўлмаса, Ригада қиморхона очиб, қўшни мамлакатларда унинг шуъбаларини ташкил қилиб юборади.

Сайёҳлар Ананур, Душет, Цилкани деган кўримсиз, кўчалари билқ-билқ чанг жойлардан ўтиб, учинчи куни пешинга яқин Грузиянинг қадимий пойтахти Мцхетга етиб келишидни. Худди шу ерда Кура Тифлис томонга буриларди.

Кечқурун эса улар ФХДЕ – Земо-Авчал гидроэлектростанциясидан ҳам ўтишидни. Ойна, сув ва электр нури ранг-баранг чироқларда товланади ва буларнинг ҳаммаси айқириб оқаётган Кура бетида липиллаб акс этади.

Шу ерда хазинатопарлар бир деҳқон билан қаймоқлашиб қолишидни. Деҳқон буларни аравасида Тифлисга келтириб қўйди. Кеч соат ўн бир бўлиб, Грузия пойтахтининг аҳолиси кун бўйи иссиқдан толиқиб, кечқурунги салқинда кўчаларга ёпирилиб чиқадиган пайт эди.

– Шаҳарча чакки эмас, – деди Остап Шота Руставели кўчасига чиқишигач, – биласизми, Киса...

Остапнинг гапи бўғзида қолиб, ўзи олдинда кетаётган бир кишининг орқасидан югуриб қолди. Ўн қадамчадан кейин унга етиб олди-да, қуюқ сўраша кетди.

Остап тезда орқасига қайтиб, Ипполит Матвеевични биқинига туртди.

– Ким шу, биласизми? – деди у шивирлаб. – «Одесса нон артели – Москва тешиккулчалари» шу бўлади, ўртоқ Кислярский. Юринг олдига. Фоят таажжубли бўлса ҳам сиз яна донишманд, рус демократиясининг отахонисиз, лунжингизни шишириш, мўйловни қимирлатиш эсдан чиқмасин. Ўзиям бир қаричга етиб қопти. Эҳ, жин ургур! Тасодифни қаранг-а! Омад! Агар ҳозирнинг ўзида уни беш юзга туширмасам, бетимга туф денг! Юринг! Юринг!

Чиндан ҳам хазинатопарлардан сал нарида даҳшатдан бўзарib Кислярский турарди. Эгнида оқ жужун костюм-шим, бошида эса қаншари паст похол шляпа.

– Бир-бирингни танисаларинг керак, – деди Остап шивирлаб, – бу киши императорнинг яқин аҳоби, донишманд, рус демократиясининг отахони бўладилар. Кийим-бошларига эътибор қилманг. Йўли шунаقا. Бизни тезроқ бирор ерга олиб боринг. Гаплашиб олишимиз керак.

Эски шаҳарда бошига тушган кулфатлардан кейин Кавказда бир ҳордиқ чиқармоқчи бўлган Кислярский мутлақо гангиб қолди. У тешиккулчанинг бозори қасод бўлгани ҳақида алланималарни фўлдираб, қўрқинчли танишларини зинаси-ю, кегайларигача кумуш суви берилган извошга ўтқазиб, Довуд тоғи томонга олиб кетди. Ресторанлар уя қурган тоғ тепасига осма темир йўлдан чиқиб боришли. Тифлис минг-минглаб чироқлар фужрон ўйнаган жаҳаннам тубида қолди. Исёнчилар юлдузларга яқинроқ чиқишли.

Ресторан столлари очиқ жойга, шундокқина майса устига қўйилган эди. Кавказча оркестр аллақандай куйни тинғиллатиб чалар, кичкинагина бир қизча ота-онасини хурсанд қилиб, столлар орасида билганича лезгинкага ўйнарди.

– Айтинг, бирор нима олиб келишсин, – деди Бендер луқма ташлаб.

Бунақа ишларда суюги қотган Кислярскийнинг амри фармойиши билан шароб, кўкат ва грузинларнинг шўр пишлоги келтирилди.

– Бирор егулик нарса ҳам беришсин, – деди Остап. – Ипполит Матвеевич икковимизнинг бошимизга нималар тушганини билсангиз эди, сабрматонатимизга қойил қолардингиз, қадрдон жаноб Кислярский.

«Бошланди! – дилидан ўтказди Кислярский ғижиниб. – Мен учун яна азоб-уқубатлар бошланди. Нега кетавермадим, а? Қримга бормоқчийдимку, ахир! Генриеттаям ўша ёқقا бор, девди!»

Лекин шундай бўлса ҳам у индамайгина иккисих кабоб буюрди-да, қулоғим сизда, дегандай Остапга қаради.

– Гап бундоқ, – деди Остап ён-верига қараб олгач, овозини пасайтириб, – чўзиб ўтирумайман. Икки ойдан бери кетимизга одам тушган. Махфий жойимизда эртага пистирмага йўлиқсак ажаб эмас. Отишма бўлиши турган гап.

Кислярскийнинг ранги докадай оқариб кетди.

– Ана шундай хатарли вазиятда сиздай содиқ ватан мужоҳидини учратиб қолганимиз кўп яхши бўлди, – деб қўшиб кўйди Остап.

– Ҳм... шундоқ! – салмоқланиб деди Ипполит Матвеевич. Шу тобда Сиони ёнида оч қоринга боллаб лезгинка ўйнагани эсига тушиб кетди.

– Шундоқ, – шивирлаб деди Остап. – Сизнинг кўмагингизда душманга қирон келтирамиз. Қўлингизга парабелдум бериб қўяман.

– Кераги йўқ, – қатъий эътиroz билдириди Кислярский.

Салдан кейин маълум бўлишича, биржা кўмитасининг раиси эртага бўладиган жангда қатна-

шолмас экан. Афсуски, бунга имкон йўқ. Нега деганда у ҳарбий санъат сирларидан бебаҳра қолган. Худди шунинг учун ҳам уни биржа қўмита-сига раис қилиб сайлашган. Аҳвол чатоқлигини ўзиям сезиб турибди, лекин нима қилсин, рус демократиясининг отахони ҳаётини сақлаб қолиш учун қўлдан келганича молиявий ёрдам бериши мумкин, холос.

– Сиз ватаннинг содиқ дўсти экансиз! – деди виқор билан Остап хушбўй кабоб кетидан чучмал кипиани шаробини қултиллатиб ютар экан. – До-нишмандни хатардан сақлаб қолиш учун беш юз сўм лозим бўлади.

– Нечук, донишмандни икки юз сўм билан сақлаб қолишининг иложи йўқмикин? – деб сўради Кислярский бўшашиб.

Остап тутақиб кетиб, стол тагидан Ипполит Матвеевични оёғи билан бир тепди.

– Менимча, бу ерда савдолашиб ўтирасак айб бўлади! – деб қўйди Ипполит Матвеевич.

Шу заҳотиёқ сонига тепки тушди.

«Офарин, Киса, ўтитларим зое кетмабди, офорин!» – деган маънода эди бу тепки.

Кислярский донишманднинг овозини биринчи марта эшитиши эди. Бу янгиликдан ниҳоятда ҳайратга тушган Кислярский шу заҳотиёқ Остапга беш юз сўмни санаб берди. Шундан кейин у ҳисоб-китоб қилди-да, боши оғриб турганини баҳона қилиб, жўнаб қолди. Дўстлар ёлғиз қолишиди. Яrim соатдан кейин Кислярский Эски шаҳарга, хотинининг номига шу мазмунда телеграмма жўнатди:

Маслаҳатингга кўра, Қримга кетяпман. Ҳар эҳтимолга қарши саватчани ҳозирлаб қўй.

Шунча чеккан азоб-уқубатлари эвазига Остап Бендернинг бадани бир яйраб олмаса бўлмасди. Шунга кўра ўша куни буюк мудаббир тоғдаги ресторандаги эси оғиб қолгунча ичиб, меҳмонхонага қайтишаётганида финикулёр вагонидан жарга қулаб тушишига сал қолди. Эртаси куни у кўпдан дилига туғиб юрган ниятини амалга оширди. Ўзига танга гулли, кулранг, антиқа бир костюм-шим сотиб олди. Гарчи дим ҳавода терлаб-пишсаям, уни эгнидан қўймай кийиб юрди. Тифкооперацияга қарашли тайёр кийимлар дўконига бориб, Воробъяниковга оқ костюм-шим билан номаълум яхт-клубнинг зарҳал тамғаси босилган фуражка харид қилишибди. Либосни кийиб олгач, Ипполит Матвеевич савдо кемасининг қўлбола адмиралига ўхшаб кетди. У қаддини роз тутиб, виқор билан юрадиган бўлиб қолди.

– Оҳ! Қойилмақом! – деб қолди Бендер. – Агар мен хотин киши бўлганимда борми, сиздай сулув, сиздай довюрак йигитдан саккиз фоиз кам ҳақ олган бўлардим. Оҳ! Оҳ! Шундоқ кийим билан икковимиз бемалол овга чиқишимиз мумкин! Овга чиқишини биласизми, Киса?

– Стул нима бўлади, ўртоқ Бендер? – қистовга олди Воробъяников. – Театрни суринтириб кўриш керак.

– Ҳо-о! – деди Остап «Ориант» меҳмонхонасининг Фарб усулида ясатилган кенг номерида стулни ачомлаб рақсга тушар экан. – Менга ақл ўргатманг. Жаҳлим ёмон энди. Қўлимга пул тушди. Лекин ҳалиям тантиман. Сизга йигирма сўм пул ва уч кун муҳлат бераман, шаҳарни талон-торож қилишингиз мумкин! Мен суворовчасига иш кўраман!.. Таланг шаҳарни, Киса! Ўйнанг, кулинг!

Шундан кейин Остап сонларини ликиллатиб, баралла қүшиқ айтиб юборди.

Оқшомги садо, оқшомги садо,
Ох, хаёлларга қилдинг мутлабо.

Қадрдон дўстлар бир ҳафтагача бошларини кўттармай ичишди. Воробъяниковнинг адмиралча кийим-боши турфаранг шароб доғларига лиқ тўлди. Остапнинг костюм-шимида эса каттакон камалакнусха доғ пайдо бўлди.

– Салом бердик! – деб қолди саккизинчи куни эрта билан Остап бош оғриғига Заря Востока газетасини ўқиб ўтирас экан. – Мана, ароқхўр, эшишиб қўйинг, ақлли одамлар газетада нима деб ёзишибди! Эшиting!

Театр янгиликлари

Москвадаги Колумб театри кечада, 3 сентябрда Тифлисдаги гастролларини тугатгач, Ялтага гастролга жўнаб кетди. Театр Москвада қишики мавсум бошлангунга қадар Қримда қолмоқчи.

– Ана! Айтдим-ку, сизга! – деб юборди Воробъяников.

– Нимани айтдингиз! – силтаб ташлади уни Остап. Бироқ у хижолатда эди, йўл қўйган хатоси ўзигаям ёмон таъсир қилди. Мана энди Тифлиснинг ўзида битиши мумкин бўлган иш Қрим ярим оролига кўчди. Остап дарҳол ҳаракатни бошлаб юборди. Ботумгача билет олиб, 7 сентябрь куни Москва вақти билан соат 23 да Ботумдан Одессага қараб жўнайдиган «Пестель» пароходининг иккинчи класс бўлмасига 2 та жой буориб қўйишиди.

Ўнинчи сентябрдан ўн биринчи сентябрга ўтар кечаси денгизда пўртана тургани сабабли «Пестель» Анапага кирмай, тўғри очиқ денгизга чиқиб, Ялтага қараб кетаётган бир пайтда Ипполит Матвеевич туш кўрди.

Тушида у Эски шаҳардаги уйининг балконида адмирал кийимида турган эмиш, пастдаги олон мон бир нимага мунтазирдай мўлтираб қарапмиш. Баҳайбат кўтарма кран пайдо бўлиб, оёгининг тагига битта чўчқани ташлабди. Чўчқанинг устида тангадай-тангадай қора холлари бормиши.

Шу пайт илгариги қоровули Тихон костюм-шимида келиб қолибди-да, чўчқани орқа оёғидан кўтариб:

– Эҳ, ҳаром қоттур! «Нимфа»да попилдириқ нима қиссин! – дебди.

Ипполит Матвеевичнинг қўлида ханжар пайдо бўлганмиш. У шу ханжар билан чўчқанинг биқинига бир туширган экан, каттакон тешик очиби, ичидан гавҳарлар думалаб тушганмиш. Гавҳарлар цемент полда ўйноқлаб, ҳадеб тарақлайверибди. Бора-бора шовқин кучайиб, даҳшатли тус олганмиш.

Ипполит Матвеевич иллюминаторга урилган тўлқин зарбидан уйгониб кетди.

Денгиз тинчиб, одамни лоҳас қилувчи эрталабки қуёш чараклаб турган бир пайтда Ялтага етиб келишди. Кўнгил айниши босилган сардор кема тумшуғида, жимжимадор қўйма славянча ёзувли қўнфироқ ёнида керилиб турарди. Шодон Ялта кемадагиларни соҳил бўйлаб саф тортган жимит дўкончалари-ю, сув бетидаги ресторонлари билан кутиб олди. Пристанда устига канопдан соябон тутилган, духоба ўриндиқли файтонлар, «Кримкурсо» ҳамда «Крим шофёри» ширкатига қарашли автомобилу автобуслар қаторлашиб турибди.

Лолақизғалдоқдай қизарган қызлар бошлари узра соябонларини пириллатиб, рўмолчаларини силкитишади.

Қадрдон дўстлар тандирдай қизиган соҳилга биринчи бўлиб тушишди. Кутиб олишга ёки шунчаки томошага келган оломон орасидаги жужун костюм-шимли бир одам хазинатопарларга кўзи тушиши биланоқ тўпдан чиқиб, порт эшигига қараб тез-тез юриб кетди. Аммо фурсат қўлдан кетган эди. Етти чақиримдан ов исини сезадиган буюк мудаббир жужунчани таниб қолди.

– Тўхтанг, Кислярский! – деб қичқирди Остап.

Остап шу заҳотиёқ олдинга ташланиб, эшикка ўн қадам қолганда уни қувиб етди. Бир зумда у юз сўм ўлжа билан қайтиб келди.

– Бошқа бермади. Қолаверса, ўзим ҳам ортиқча қистамадим, уйига кетолмай юрмасин тағин.

Гапи тўғри чиқди. Кислярский дарҳол машинага ўтириб, Севастополга қочиб қолди. Кейин энг арzon билетдан олиб, Севастополдан уйига, Эски шаҳарга жўнаб кетди.

Хазинатопарлар дам-бадам душга югуриб, кун бўйи меҳмонхонада ечиниб ўтиришди. Совиб қолган чойга ўхшаб, душдан илиқ сув тушарди. Ҳаво қизиб кетган. Бамисоли Ялта ҳозир эриб кетади-ю, шилқ этиб денгизга оқиб тушадигандай.

Кечки пайт соат саккизга яқин хазинатопарлар дунёдаги жами стулларнинг авра-астарини ағдариб сўкиб, қизиб кетган сандалларини оёққа илганларича театрга жўнашди.

«Уйланиш» кетаётган экан. Иссиқ элтиб қўйган Степан зўрға ерга қўлини тираб турибди. Агафья Тихоновнанинг қўлидан тер қуяди, устига «Подколесинни хоҳлайман» деб ёзилган соябонни кўтариб, симдорда ўйноқлаб чопади. Шу тобда кўнгли фақат бир нарсани тусайди; қани энди ичига муз

солинган совуқ сув бўлса. Дарвоқе, у эрталабдан бери шуни орзу қиласди. Томошибинлар ҳам чанқаб кетди. Шунинг учун бўлса керак, қайноқ тухум куймоқни паккюс тушираётган Степани кўриб, ҳамманинг кўнгли айниди, томоша манзур бўлмади.

Хазинатопларнинг эса қулоги оғзида: нега деганда уларнинг стули рококо услубидаги учта яп-янги стул билан бир жойда қимир этмай турган экан.

Дўстлар ложалардан бирига яшириниб, ҳаддан ташқари чўзилиб кетган томоша қачон тугашини сабр-тоқат билан кутиб ўтиришди. Ниҳоят, томошибинлар тарқалиб, актёрлар соф ҳаво олгани югуриб қолишиди. Театр биносида ҳиссадор ширкат аъзоларидан бўлак тирик жон қолмади. Ҳамма ниҳоят шариллаб қуийб берган ёмғирдан баҳра олгани кўчага югуриб чиқди.

– Орқамдан юринг, Киса, – деб буюрди Остап.
– Бир нима бўлса, бизлар қишлоқдан келганмиз, театрдан чиқолмай, адашиб қолдик.

Икковлари саҳнага ўтишиди, гугурт чаққан билан бари бир гидравлик прессга қоқилиб, саҳни обдан тинтиб чиқишиди.

Буюк мудаббир зинадан югуриб юқорига, саҳна анжомлари турадиган хонага чиқди.

– Бу ёққа келинг! – деди у овоз бериб, Воробъянинов лапанглаб ўша ёққа отилди,
– Кўрдингизми? – деб сўради Остап гугурт чақиб. Шу он Гамбс стулининг қирраси-ю, соябондаги ... «хоҳлайман» деган ёзув ёришиб кетди.

– Мана! Мана бизнинг келажагимиз, ҳозири-миз ўтмишимиз.

– Гугурт чақиб туринг, Киса. Ҳозир ёриб кўраман, Остап асбоб олиш учун чұнтағига қўл солди.

– Хўш, – деди у стулга қўлинини узатиб, – яна ёқинг-чи, сардор.

Гугурт лов этиб ёнди, буни қарангки, гугурт чақилиши биланоқ стул турган жойида бир сапчыб, шу ондаёқ тахта пол тагида фойиб бўлди. Хазинатопарларнинг эси чиқиб кетди.

– Ойижон! – деб чинқириб юборди Ипполит Матвеевич файри ихтиёрий равишда девор томонга отилиб тушиб.

Дераза ойналари жаранглаб синди, устига «Подколесинни хоҳдайман» деб ёзилган соябонни бўрон деразадан ошириб денгизга улоқтириди. Остап фанер тўсиқлар тагида чўзилиб ётарди.

Соат ўн иккидан ўн тўрт дақиқа ўтган эди. Бу – 1927 йили Қrimда содир бўлган даҳшатли зилзиланинг бошланиши эди.

Ярим оролга жуда катта кулфат келтирган тўққиз балли зилзила хазинатопарларга ҳам жабр қилди, кўлга кирай деб турган жавоҳирлар изсиз йўқолди.

– Ўртоқ Бендер! Нима бўлди ўзи? – деб бўкирди Ипполит Матвеевич даҳшат ичида.

Остап аламига чидаёлмасди зилзила еб турган ошига чанг солди. Шунча яшаб, шунча ошаб, биринчи марта шундай бўлиши эди.

– Нима гап ўзи? – яна чинқирди Воробъянинов.

Кўча томондан одамларнинг қий-чуви, ниманидир сингани, дукур-дукур оёқ товушлари эшитилди.

– Бу шу деган гапки, девор қуламай туриб тезроқ кўчага қочиш керак. Тезроқ бўлинг! Тезроқ! Кўлингизни беринг, аммамнинг бузоги!

Икковлари эшикка қараб югуришди. Улар не кўз билан, кўрсинки, саҳнадан тор кўчага чиқиладиган эшик тагида Гамбс стули ағанаб ётарди. Ҳамма ёғи бус-бутун, ҳеч қаери шикастланмаган. Ипполит Матвеевич қашқирдай увиллаб, таппа ўзини стулга ташлади.

– Омбурни беринг! – деб бақирди у Остапга.

– Овсар, аблаң! – инқиллаб деди Остап. – Ҳозир том босиб қолади, бу нима жиннилиқ! Тезроқ чиқинг күчага!

– Омбур! – деб чинқирди эс-жүшини йўқотиб қўйган Ипполит Матвеевич.

– Э, жин урсин! Менга деса стул-пистулингиз билан қўшмозор бўлмайсизми! Менинг ҳаётдан умидим бор ҳали!

Шундай деб, Остап ўзини кўчага отди. Ипполит Матвеевич чийиллаганича стулга ёпишиб, Остапнинг кетидан югурди.

Улар торкўчанинг ўртасига югуриб чиқишиган ҳам эдики, замин хунук чайқалиб, театр томидаги черепицалар қулаб тушди, ҳозиргина хазинатопарлар турган жойга ағнаб, гидравлик пресс чилпарчин бўлди.

– Қани, стулни олинг энди, – деди Бендер босиқлик билан. – Қўлингиз анча толиқиб қолганга ўхшайди.

– Бермайман! – чийиллаб деди Ипполит Матвеевич.

– Ия, бу нимаси? Кемада исён бўляптими? Стулни чўзинг. Эшитяпсизми?

– Ҳо, меники бу! – шангиллаб кетди Воробъяников. Кўчадаги инграган, йифлаган, тарақлаган овозлар бир зум эшитилмай қолди.

– Ундай бўлса насибангизни олиб қўйинг, қари галварс!

Остап чўяндай кафти билан Воробъяниковнинг гарданига туширди.

Худди шу пайт кўчадан машъала ёқиб, ёнгин аравалари ўтиб қолди. Ипполит Матвеевич риаршира машъала ёруғида Бендернинг важоҳатини кўрди-ю, дарҳол бўшашиб, стулни узатди.

– Хўш, энди олам гулистон, – деди Остап ҳансираб, – исён бостирилди. Мана энди стулни олиб,

орқамдан юринг. Буюмга тўла жавобгарсиз. Зилзила эллик баллга чиққан тақдирда ҳам стул омон қолиши керак. Тушунарлимий?

— Тушунарли.

Яна ер қимирлаб қолишидан қўрқиб, шу кеча ҳеч ким уйига кирмади. Ҳамтовоқлар ҳам васвасага тушган одамлар қатори туни билан кучаларда изғиб чиқишиди.

Тонг ёришиб, фулгула анча босилгач, Остап стулни текшириб кўришга аҳд қилиб, кўнгилдагидай бир жой танлади. Атрофда қулаб тушиши мумкин бўлган девор ҳам, халақит берадиган одамлар ҳам йўқ эди. Натижани кўриб, хазинатопарлар ҳанг-манг бўлиб келди. Стулдан ҳеч вақо чиқмади. Шу кеча, шу саҳар чоғи бошига тушган бу кўргиликларга Ипполит Матвеевичнинг асаби бардош беролмади, сичқонга ўхшаб у чийиллаб қаҳқаҳа отди.

— Шу пайт ер учинчи марта ларзага келиб, ёрилиб кетди ва биринчи силкинишда омон қолган бўлса ҳам мана энди одамзод дастидан ичак-чавоги ағдарилиб, булат тўзони орасидан мўралаған офтоб қаршисида гуллари тиржайиб қолган Гамбс стулини қаърига ютиб юборди.

Ипполит Матвеевич эмаклаб бориб, мис баркашдай ялиғланиб турган қуёшга бужмайиб қаради-да, бирдан увиллаб юборди. Унинг товушини эшитиб, буюк мудаббир ҳушидан кетди. Ўзига келиб, ён-верига қараган эди, Воробъяниковнинг тук босиб, моматалоқ бўлиб кетган иягиға кўзи тушди. Ипполит Матвеевич беҳуш ётарди.

— Ҳарқалай энди биз юз фоиз имкониятга эгамиз, — деди Остап терлама касалидан энди турган одамдай дармонсизланиб. — Стулнинг охиргиси (стул сўзи қулоғига кириши билан Ипполит

Матвеевич кўзини очди) «Октябрь» вокзалининг омборида ғойиб бўлган эди, лекип униям ер ютмаган бўлса керак. Шунга шунчаликми? Мажлис давом этади.

Аллақаерда гумбурлаб ғишт девор йиқилди. Кулоқни қоматга келтиргудай бўлиб кема кетма-кет сигнал чаларди.

Қирқинчи боб

ДАФИНА

Камзулини ечиб, майда-майда кумушранг юлдузчалар чақнаб турган ялтироқ нимчада Ипполит Матвеевич октябрь ойининг ёмғирли бир кунида Иванопулонинг хонасида куймаланиб юрарди. Бу хонага ҳалигача стол буюргани учун Ипполит Матвеевичнинг иш жойи дераза токчасида эди. Буюк мудаббир манзил ёзилган тахтачаларга бадиий безак бериш учун уй-жой ширкатидан каттагина буюртма олган. Остап Воробъевиновга шу хилдаги андазани топиб бергач, ўзи қариб бир ойдан бери Москвада, Октябрь вокзали атрофида роса изғиб, Петухова хонимнинг бисоти жойланган ўша охирги стул илинжида юрибди.

Ипполит Матвеевич пешонасини тириштириб, тунука тахтачаларга андаза кўчиради. Жавоҳир иштиёқида кечган ярим йил ичида унинг феълатвори ўзгариб қолди.

Кечалари Ипполит Матвеевич ҳар балони тушкўриб чиқади. Гоҳ совуқ шиорлар осилган тоғ чўққилари тушига кирса, гоҳ лўмбиллаган сонларини селкиллатиб, одидан Изнуренков ўтгандай бўлади, гоҳ эса тушида қайиқлар ағдарилиб, ичидаги одамлар сувга чўкиб кетади, бир пайт ос-

мондан фишт ёғса, яна бирида ер ёрилиб, ичидан чиққан тутун кўзини ачишиди.

Остап Худонинг берган куни Ипполит Матвеевич билан мулоқотда бўлса ҳам ундаги ўзгаришларни мутлақо сезмасди. Ваҳоланки, Ипполит Матвеевичда ўзгариш катта. Ипполит Матвеевичнинг оёқ олиши бошқача бўлиб қолган, кўзини кўрган одам қўрқиб кетади, илгариги шоп мўйлов қайдга, ҳозир уям шалвираб, қўтири мушукникидай лаб-даҳанига осилиб тушган.

Ипполит Матвеевич руҳан ҳам ўзгариб қолди. Феъл-аворида шу вақтгача сезилмаган қатъият, бераҳмлик белгилари пайдо бўлди. Бошидан кечирган уч ҳодиса: васюкилик шахмат ишқибозларининг ур калтагидан силлиққина қочиб қутулгани, Пятигорскдаги «Гулшан» атрофида умрида биринчи бор тиланчилик қилгани ва ниҳоят зилзилага учрагани ана шу хислатларнинг келиб чиқишига сабаб бўлди. Айниқса, ўша зилзиладан кейин Ипполит Матвеевичнинг феъли ўзгариб, шеригига нисбатан юрагида адоват уйғонди.

Кейинги пайтларда Ипполит Матвеевич оғир шубҳалар гирдобида қолди. У бир кунмас бир кун Остап бир ўзи стулни очиб, бор ўлжани олиб қочади, мен бўлсам қўлимни бурнимга тиқиб қолаверман, деб қўрқарди. Остапнинг кўли югурдак, феъли ярамас эканини яхши билгани учун унга бу ҳақда оғиз очишга ботинолмасди. Ипполит Матвеевич кун бўйи ўтмас устара билан дераза тагида эски ёзувларни қиртишлаб ўтирап экан, шуни ўйлаб, юрак-бағри эзилиб кетарди. Ҳар куни унинг назарида Остап бугун қайтиб келмайдигандай, собиқ дворянлар сардори эса ёмғирда бўккан Москва девори тагида очликдан тиришиб ўлиб кетадигандай туюларди.

Бирок Остап, гарчи хушхабар олиб келмаса ҳам ҳар куни кечқурун уйга қайтиб келарди. Унда битмас-туганмас куч-ғайрат, қувноқ кайфият мавжуд эди. У ноумидлик нималигини асло билмасди.

Йүлакда тапир-тупур оёқ товуши эшитилиб, кимдир пўлат сандикқа қоқилиб тушди, кейин, шамол китоб бетини варақлагандай, лип этиб фанер эшик очилди. Остонада буюк мудаббир кўринди. Уст-боши жиққа ҳўл, ёноқлари нақш олмадай қип-қизил, ўзи эса ҳаллослаб турарди.

– Ипполит Матвеевич! – деди у додлагудай бўлиб. – Менга қаранг, Ипполит Матвеевич!

Воробъянов ҳайрон бўлди. Амалий саркор шу вақтгача бирор марта ҳам унинг исми шарифи ни айтиб чақирмаган эди. Ва дарҳол сездики...

– Топилдими? – ҳовлиқиб сўради у.

– Топилганда қандоқ, ҳамма гап шунда-да. Эҳ, Киса, жин ургур Киса!

– Бақирманг, одамлар эшитади.

– Тўғри, тўғри, эшитиб қолишади, – шивирлашга ўтди Остап. – Топилди, Киса, топилди, хўп десангиз, ҳозироқ бориб кўрсатишим мумкин. Темирйўлчилар клубида, янги очилган клубда турибди... Куни кеча очилибди... Қандоқ топдинг, дэйсизми? Оппа-осон деб ўйлайсизми? Фоят оғир иш! Бир қулинг ўргилсин тадбир ишлатдикки, унчамунча одамнинг ақлига келмайди, охириям зўр бўлди! Антиқа саргузашт!.. Қисқаси, қойилмақом!

Остап Ипполит Матвеевич елкага камзул ташлашини ҳам кутмай, апил-тапил йўлакка отилди. Воробъянов зинада унга етиб олди. Шалаббо кўчаларда йўл-йўлакай савол-жавоб қилиб, ўпкасини қўлтиқлаганича иккови Каланча майдонига қараб чопқиллаб кетди. Ўша жойга трамвайдага ҳам бориши мумкинлиги ҳатто эсларига келмади.

— Ямоқчига ўхшайсиз-а, Киса! — деди шўх бидирлаб Остап. — Одам деган сал ўзига қараб юриши ҳам керак. Сиздақаларга оҳори тўкилмаган либос, ипак пайпоқ муносиб, бошда эса албатта цилиндр бўлиши шарт. Кўринишингизда қандайдир улуғворлик бор! Менга қаранг, сиз ростдан дворянлар сардори бўлганмисиз?

Остап ичи тўла дуру жавоҳир бўлишига қарамай, шахмат тўгараги хонасида шумшайибгина турган Гамбс стулини кўрсатгач, Воробъяновни йўлакка судради. Йўлак битта эди. Остап қишидидан ҳали қайта бўялмаган деразага яқинлашиб, ҳар иккала ромдаги лўқидонни очди.

— Бугун кечаси истаган пайтда шу дераза орқали клубга киришимиз мумкин, заҳмат чекмасдан, осонгина, — деди у. — Эслаб қолинг, Киса, асосий эшик томондан учинчи дераза.

Иккала дўст шаҳар халқ маорифи бўлименинг вакиллари ниқоби остида анчагача клубнинг ичада айланиб юришди, ажойиб заллар ва хоналарни кўриб, роса кўzlари ўйнади.

— Васюкида тагимда шу стул билан шахмат ўйнаганимда эди, — сўз қотди Остап, — бирорта ўйинниям ютқазмаган бўлардим. Мадад бор-да, мадад. Энди кетайлик бўлмаса, қария, йигирма беш бор, рўмолчага тутиб қўйганман. Озроқ пиво тортиб, тунги сафар олдидан дам олмасак бўлмайди. Сизга пиво ичиш ярашмас-а, сардор? Ҳечқиси йўқ. Эртага бошингиздан шампань қуяман.

Пивохонадан Сивцев Вражекка қайтишар экан, Остапнинг шўхлиги тутиб, йўл-йўлакай ўтган-кетганга гап отиб келди. Бир пайт у хиёл кайфи ошиб қолган Ипполит Матвеевични елкасидан қучди-да:

— Жудаям шинаванда чолсиз-да, Киса, — деди тилидан бол томиб, — аммо-лекин сизга ўн фоиздан ортиқ бермайман. Худо ҳақи, бермайман.

Хўш, шунча пулни, шунча пулни нима кераги бор сизга?

– Нега кераги бўлмас экан? Нега кераги бўлмас экан? – тутакиб кетди Ипполит Матвеевич.

Остап шарақлаб кулди-да, ширкатдош дўсти-нинг намикқан енгига юзини босди.

– Нима ҳам олардингиз, Киса? Хўш, нима? Орзунгиз ҳаминқадар бўлса. Худо ҳаққи, ўн беш минг сўм сизга етиб ортади... Ҳам ўзингиз мункиллаб қолгансиз, яқинда ўлиб берасиз. Умуман, сизга пулнинг кераги йўқ. Биласизми, Киса, сизга умуман ҳеч вақо бермасам-чи? Пулга ўрганиб нима қиласиз? Сизни ўзимга мунший қилиб оламан, вассалом. Қалай? Ойига қирқ сўм бераман. Овқат текин, ҳафтасига тўрт кун бўшсиз... Қалай? Кийим-бош қилиб бераман, чой пули, суғурта пули дегандай... Қалай? Розимисиз шу таклифга?

Ипполит Матвеевич шартта қўлини тортиб, тез-тез юриб кетди. Гарчи Остап ҳазиллашган бўлса ҳам, лекин унинг гап-сўzlари Ипполит Матвеевичнинг жонини ҳалқумига келтирди.

Остап пуштиранг уй остонасида Воробъяниковга етиб олди.

– Ҳа, ростдан мендан хафа бўлдингизми? – деб сўради Остап. – Бир ҳазиллашдим-да. Қўрқманг, уч фоизингизни еб кетмайман. Худо ҳақи, шу уч фоиз етади сизга, Киса.

Ипполит Матвеевич қовоғидан қор ёғиб, хонага кирди.

– Қалай? Киса, уч фоизга хўп деяверинг! – яна тегажаклик қилди Остап. – Худо ҳақи, хўп денг! Сизнинг ўрнингизда бошқа одам бўлганида дарров кўнақоларди. Ижарага уй олиш йўқ, худонинг марҳамати билан Иванопуло бир йилга Тверга кетган. Ё маҳрам қилиб олайми, доим нонингиз бутун бўларди-да.

Ипполит Матвеевичдан бари бир садо чиқавер-магач, Остап забардаст күкрагини бир қарич шишириб, керишиб олди-да, кейин мириқиб ҳомуза тортгач, қўшиб қўйди:

– Хўш, дўстим, ниятни яхши қилинг энди. Субҳидам бўлиши билан клубга жўнаймиз. Энг қулай фурсат ҳам шу. Қоровул зоти худди шунаقا пайтда ширин тушлар кўриб ётади. Кейин қарабсизки, нафакаям бермай, думи тугилади. Энди дам олинг, жигаргўшам, сизга маслаҳатим шу.

Остап Москванинг турли чеккаларидан ташиб келинган учта стулни бирлаштириб, устига чўзилди.

– Ёки маҳрамликка!.. Маошиям чакки эмас... Текин овқат... Чой пули... Ҳазил, ҳазил... Мажлис давом этади! Муз кўчди, жаноби маслаҳатчи тўралар! – деганича пишиллаб ухлаб қолди.

Буюк мудаббирнинг сўнгти сўзи шу бўлди. У чуқур уйқуга кетди. Ухлагандаям у бемалол оёқ-қўлини узатиб, босинқирамай, донг қотиб ухларди.

Ипполит Матвеевич кўчага чиқди. Ичи тўла алам ва ғазаб эди. Кўкда сузиб юрган ой ҳар қадамда булатларга қоқилади. Бино атрофидаги ҳўл панжара хунук йилтирайди. Ёмғир томчиларидан чамбар тутган газ фонуслар юракка ваҳм солади. Ана, Лочин пивохонасининг эшигидан бир мастни судраб чиқиб, итариб юборишиди. Маст додлаб юборди. Ипполит Матвеевич афтини бужмайтириб, шартта орқасига қайтди. Шу тобда унинг бирдан-бир орзуси ўйлаган нарсасини тезроқ битириш эди.

У хонага киргач, уйкуда ётган Остапга хўмрайиб бир қараб қўйди, кейин кўзойнагини артиб, дे-раза токчасидан устарани олди. Устаранинг кертиқ тифига қотиб қолган бўёқ қириндиси ёпишиб-

ди. У устарани чўнтағига солгач, яна Остапнинг ёнидан ўтди, бу гал бетига қарамаган бўлса ҳам пишиллашини аниқ эшитди. Кейин йўлакка чикди. Йўлак жимжит, сокин эди. Ҳамма уйқуга кирган кўринади. Қоп-қоронғи йўлакда Ипполит Матвеевич тўсатдан заҳархандали тиржайиб қўйди, шу ондаёқ пешонаси тиришганини сезиб қолди. Буни энди билгани учун яна тиржайиб кўрди. Гимназияда ўқиб юрганида Пиктеев-Какуев деган бир бола қулоғини қимирантиб ўйнарди, шу нарса эсига тушиб қолди.

Ипполит Матвеевич зинага яқинлашиб, диққат билан қулоқ солиб кўрди. Зинадаям шарпа эшитилмади. Кўчада извошга қўшилган отларнинг босайми-босмайми, деган туёқ овозлари дупурлади. Сардор оёқ учиди юриб хонага кирди-да, Остапнинг стулида илиғлик турган камзули чўнтағидан йигирма беш сўм билан омбурни олгач, адмиралларникига ўхшаган исқирт фуражкани кийиб, яна қулоқ солиб турди.

Остап хирилламасдан, беозоргина ухлаб ётарди. Бўғзи билан ўпкалари бараварига яхши ишлаб, бир текис нафас олиб ётарди. Гурзидай қўли осилиб ётибди. Чакка томирлари бирдан бўртиб кетган Ипполит Матвеевич ўнг енгини аста шимариб, катак гулли сочиқни қўлига ўради, кейин чўнтағидан устарани олиб, хона ичини бир чамалаб кўргач, чироқни ўчирди. Чироқ ўчишга ўчдию, аммо кўчадаги фонуслар хонани мурданинг рангидаи гезартириб юборди.

– Қайтага яхши бўлди, – деб пичирлади Ипполит Матвеевич.

Ипполит Матвеевич Остапга тепа томондан яқинлашиб, устара ушлаган қўлини орқага бир силтаб тортди-да, бутун важоҳати билан устарани ёнламасига унинг бўғзига тиқди. Дарҳол уста-

рани тортиб олиб, деворга тисарилди. Сув жумрагини бекитганга ўхшаб, буюк мудаббирнинг ҳалқумидан хириллаган овоз эшитилди. Ипполит Матвеевичнинг ҳеч қаерига қон сачрамабди. У камзулини деворга ишқаб, кўк эшиккача сирғалиб борди-да, ялт этиб Остапга яна бир бор қараб қуиди. Остапнинг танаси калта тортиб, стуллар суюнчиғига қапишиб қолган эди. Ерда қорайиб кўринган бир ҳовуч кўлобга ташқаридан ёруф тушиб, усти жимиirlаб кетди.

«Қаёқдан келдийкин бу кўлоб? – кўнглидан ўтказди Ипполит Матвеевич. – Ҳа, ҳа, қон... Ўртоқ, Бендер адойи тамом бўлди».

Воробъянов хиёл булғанганд сочиқни қўлидан ечиб, отиб юборди, кейин устарани авайлаб ерга қўйгач, эшикни юзига ёпиб, ташқарига чиқиб кетди.

Ипполит Матвеевич кўчага чиққач, қовоини уйди. «Гавҳарнинг бари меники, олти фоизингни экиб қўй», деб мингирилаганича Каланча майдонига қараб юрди.

Темир йўл клубига етиб олгач, Ипполит Матвеевич асосий эшикдан уч дераза нарида тўхтади. Янги бино ойналари гира-шира тонг ёруғида бўзариб куринди. Нам ҳавода улама паровозларнинг бўғиқ овози эшитилди. Ипполит Матвеевич бир силтаниб, дераза раҳига чиқиб олди-да, ромни очиб, секингина пастга тушди.

Тонг бўзариб қолгани учун Ипполит Матвеевич шахмат хонасини осонгина қидириб топди, деворда осиглиқ турган Эммануил Ласкернинг суратига беихтиёр бир калла қўйиб, стулга яқинлашди. Шошилиб ҳам нима қиласди. Ёв қувлаётган бўлмаса. Гроссмейстер О.Бендер Сивцев Вражедаги пуштиранг хонадонда абадий уйқуга кетган бўлса.

Ипполит Матвеевич ерга ўтириб, абжир оёқла-
ри билан стулни чандиб олди-да, ишнинг кўзини
биладиган тиш докторидай михларни битталаб
суфура бошлади. Олинган михлар сони олтмиш
иккитага боргандা иш ниҳоясига етди. Стулдаги
инглиз чити билан қалин мато ҳилпиллаб қолган
эди.

Булар шундоқ кўтарилса борми, қимматбаҳо
тошларга лиқ тўлган қути ва қутичалар қаторла-
шиб чиқиб келаверади.

«Дарҳол автомобилга ўтириб вокзалга жўнаш ке-
рак, – деб фикр қилди буюк мудаббирдан турмуш
сабоқларини олган Ипполит Матвеевич. – Польша
чегарасига қараб. Битта ялтироқ тош берсам, бе-
малол ўтказиб юборишади, кейин у томонда...»

Ипполит Матвеевич у томонда нима бўлишини
тезроқ билмоқчи бўлди шекиlli, ўриндиқдаги чит
билан қалин матони юлқиб ташлади. Кўзи олди-
да пружиналар (пружина бўлганда ҳам қулинг
ўргилсин инглиз пружиналари), кишининг ҳава-
сини келтирадиган ажойиб похол (похол бўлганда
ҳам урушдан олдинги сифатли похол, ҳозир буна-
қасини топиб бўладими) намоён бўлди. Бошқа ҳеч
вақо кўринмади. Ипполит Матвеевич ичини яна
бир титкилаб кўргач, стулни оёғига маҳкам қис-
ганича ярим соат ўтириб қолди.

– Нимага ҳеч нарса чиқмади, а? Бўлиши мум-
кин эмас! Бўлиши мумкин эмас! – дерди у зўр
бериб.

Боробъянинов буларни шу ҳолича шахмат хо-
насида қолдириб ва ҳатто асли тагида йўқ яхт-
клубнинг зарҳал тамфаси туширилган фуражка-
си билан омбурниям ўша ерда унутиб, одамлар-
нинг кўзига кўринмай, ҳориб-толиб, базўр дер-
задан кўчага ошиб тушганида тонг ёришиб қол-
ган эди.

– Бўлиши мумкин эмас, – яна такрорлади у бешолти уй нари бориб. – Бўлиши мумкин эмас!

Шундан кейин у яна клубнинг олдига қайтиб келди, тарвағайлаган деразалардан кўзини узмай, шу атрофда анчагача айланиб юрди.

– Бўлиши мумкин эмас! Бўлиши мумкин эмас! Бўлиши мумкин эмас! – дерди у пичирлаб.

Ўқтин-ўқтин эса тўсатдан чинқириб, эрталабки шудринг босган калласини чанглаб қоларди. Тунги воқеалар эсига тушса, оппоқ соchlари тузғиб кетарди. Жавоҳир дарди жудаям оғир дард экан: беш дақиқага қолмай соч-соқоли таг-туги билан оқариб кетди.

– Ҳа, одам аrimай қолди, – деган овоз эшитилди Воробъяниновнинг қулоғига.

Брезентдан маҳсус уст-бош кийган чолга кўзи тушди. Чолнинг оёғида резина этик, ўзи анча мункиллаб қолган бўлса ҳам хушфеъл кўринади.

– Одам аrimай қолди, ҳа, – гапирди туни билан ёлғизликдан зериккан чол мулоим оҳангда, – сиз ҳам қизиқиб қолганга ўхшайсиз, ўртоқ. Тўғри қиласиз. Бизнинг клубимиз, сирасини айтганда, жуда антиқа клуб.

Ипполит Матвеевич юзи қип-қизил чолга ижирғиниб қараб кўйди.

– Ҳа, – давом этди чол, – антиқа клуб бу. Оламда йўқ бунақаси.

– Нимага энди антиқа бўларкан? – деб сўради Ипполит Матвеевич хиёл ўзига келиб.

Чол бува Воробъяниновга суюниб қаради. Афтидан, антиқа клуб қиссаси ўзигаям маъқул келгани учун уни такрорлашдан зерикмасди.

– Шундай қилиб денг, ўн йилдан бери шу ерда қоровулчилик қиласман, – деб сўз бошлади ҳикоясини чол, – аммо-лекин бунақаси бўлмаган эди. Сен қулоқ сол, аскар бола. Шундай қилиб, хўш,

илгаријам бу ер клуб бўлган, биринчи темир йўл – участкасига қаради. Шунга қоровул эдим. Клуб эмас, фирт даҳмаза эди... Ўт ёқсан билан ҳеч исимасди. Ўртоқ Красильников бўлса нуқул менга тиқилинч қиласди, шунча ўтинни нима қиляпсан, деб. Нима қиласдим, пишириб ермидим ўтинни. Ўртоқ Красильниковнинг ўзиям роса қийналиб кетди. Бир қарасанг зах, совуқ, ҳали карнай тўгарагига жой етишмайди, томоша кўрсатай деса, унгаям имкон йўк, артист тўралар совқотиб қолиши мумкин-да. Янги клуб қурамиз, деб беш йилгача пул сўраб юришди, охири нима бўлди, билмадим. Темир йўл касабаси пул бермабди. Шуденг, кўклам пайти эди, ўртоқ Красильников саҳнага қўйиш учун битта стул опкеб қолди, ўзиям юмшоққина, жонон стул экан...

Ипполит Матвеевичнинг қулоғи қоровулда бўлса ҳам бутун гавдаси билан унга суюниб, ча лажон бўлиб туради. Чол кула-кула бир куни электр лампасини бурамоқчи бўлиб стулга чиққанини, кейин стулдан думалаб тушганини гапириб берди.

– Уша стулдан йиқилиб тушдим, устидаги жилдиям йиртилиб кетди. Бундоқ қарасам, ичидан алламбалолар сочилиб кетди. Уки, шиша матоҳлар, уки, шода –шода оппоқ маржонлар.

– Маржон? – деди секингина Ипполит Матвеевич.

– Ҳа, маржон! – завқидан қийқиргудай бўлиб деди чол. – Кейин бундоқ қарасам, яна бир талай қутича кўринди, аскар бола. Қутиласига қўлимниям теккизганим йўқ. Тўғри ўртоқ Красильниковнинг олдига бориб, бўлган воқеани айтдим. Кейин ҳайъат аъзоларигаям гапириб бердим. Қути-путисига зинҳор текканим йўқ. Тегмаганим яхши бўлган экан, аскар бола, нега десанг ичи-

дан қиммат тошлар чиқибди, буржуазия яшириб кетган экан...

– Қани ўша тошлар? – деб чинқириб юборди сардор.

– Қани, қани, – деди уни масхаралаб, – фаросатни ишлатиш керак, аскар бола. Мана улар!

– Қани? Қани?

– Мана деяпман-ку, сенга! – деб ўшқирди икки бети қип-қизил қоровул бу одамни калака қила-ётганидан завқланиб. – Мана ўша тошлар! Кўзингни очиб қара! Клуб қурдик, аскар бола. Кўряпсанми? Мана ўша клуб! Буғ билан иситилади, соат билан ўйнайдиган дамкадан тортиб буфет, театр-гача – ҳаммаси бор, фақат калишни ечиб кириш керак!..

Ипполит Матвеевич қотиб қолди, қимирилашгаям ҳоли келмай, кўзини пирпиратганича бинона тикилди.

Ана холос, Петухова хонимнинг бутун бисоти шу ерда экан-да! Вой-бў! Ҳаммаси-я! Остап Сулеймон-Берта – Мария Бендернинг тили билан айтганда, юз эллик минг сўм, тийин тийинигача.

Гавҳарлар бинонинг олд томонидаги яхлит ойналарга, темир-бетон тўсиналарга айланабди, марваридлар салқин гимнастика заллари ҳолига келибди. Олмос кўзли тиллақош саҳнаси айланадиган театр залини бунёд қилибди, ёқут кўзли зиррак бир талай қандилга этибди, зумрад тошдан кўз қўйилган тилла билагузуклар зўр кутубхона ташкил этибди, гавҳар тўғнағич шарофати билан эса болалар боғчаси, планер устахонаси, шахмат кабинет ҳамда бильярдхона юзага келибди.

Дафина турибди, уни сақлаб қолишибди, ҳатто ёнига яна қўшишибди ҳам. Уни ушлаб кўриш мумкин, аммо кўтариб кетиб бўлмайди. Дафина бошқа одамлар хизматида энди.

Иван Матвеевич гранит тош билан жилоланган бинони пайпаслаб кўрди. Муздай тош нақ юрагига санчилгандай бўлди.

У бўкириб юборди.

Қоқ юрагидан ўқ еган урғочи бўрининг ноласига ўхшаган ваҳшиёна, аламзада ва юракка ларза солувчи бу фарёд майдон ўртасига етиб бордида, ўзини кўпприк тагига урди, шу ондаёқ уйқудан турган азим шаҳарнинг шовқин-сурони уни босиб тушди, бир зумда нафасини ўчирди. Оромбахш куз тонги шудринг босган томлардан сакраб, Москва кўчаларига тушди. Шаҳар кундалик куйманчини бошлиб юборди.

МУНДАРИЖА

БИРИНЧИ ҚИСМ ЭСКИ ШАҲАРЛИК ТАКА

Биринчи боб. Безенчук ва «Нимфа»	3
Иккинчи боб. Петухова хонимнинг қазоси	14
Учинчи боб. «Гуноқкорнинг бащараси»	24
Тўртинчи боб. Сафар васвасаси	32
Бешинчи боб. Буюк мудаббир	37
Олтинчи боб. Жавоҳир жилоси	46
Еттинчи боб. «Титаник» асорати	53
Саккизинчи боб. Уятчан ўгри	59
Тўққизинчи боб. Ия, жамалаклари қани?	73
Ўнинчи боб. Чилангар, тўти ва фолбин	83
Ўн биринчи боб. «Ҳаёт кўзгуси» алифбоси	97
Ўн иккинчи боб. Шоир орзу қилган оташ жувон	113
Ўн учинчи боб. Чуқурроқ нафас олинг: ҳаяжондасиз!	128
Ўн тўртинчи боб. «Қилич ва омоч» бирлашмаси	147

ИККИНЧИ ҚИСМ МОСКВАДА

Ўн бешинчи боб. Тоғ-тоғ стул	165
Ўн олтинчи боб. Роҳиб Бертольд Шварц номидаги ётоқхона	167
Ўн еттинчи боб. Тўшакни ардоқланг, ўртоқлар!	177
Ўн саккизинчи боб. Жиҳозлар музейи	185
Ўн тўққизинчи боб. Европача сайлов	197
Йигирманчи боб. Севильядан Гренадага қадар	209
Йигирма биринчи боб. Жазо	224
Йигирма иккинчи боб. Одамхўр Эллочка	238
Йигирма учинчи боб. Авессалом Владимирович Изнуренков	249
Йигирма тўртинчи боб. Автомобилчилар клуби	262
Йигирма бешинчи боб. Яланғоч инженер билан сұхбат...	272
Йигирма олтинчи боб. Қўшалоқ ташриф	281

<i>Йигирма еттинчи боб. Тергов саватига нима етсин</i>	288
<i>Йигирма саккизинчи боб. Товуқча ва бабақ хүрөз</i>	299
<i>Йигирма түккизинчи боб. «Гаврилнома» муаллифи</i>	310
<i>Үттизинчи боб. Колумб театрида</i>	320

**УЧИНЧИ ҚИСМ.
ПЕТУХОВА ХОНИМ ДАФИНАСИ**

<i>Үттиз биринчи боб. Волгада сеҳрли тун</i>	336
<i>Үттиз иккинчи боб. Құли әгри жүралар</i>	346
<i>Үттиз учинчи боб. Жаннатдан қувилганлар</i>	356
<i>Үттиз түрт боб. Сайёralараро шахмат конгресси</i>	364
<i>Үттиз бешинчи боб. Ва бошқалар</i>	383
<i>Үттиз олтинчи боб. Зилол күлмак манзараси</i>	390
<i>Үттиз еттинчи боб. Яшил бурун</i>	402
<i>Үттиз саккизинчи боб. Булутлар остида</i>	413
<i>Үттиз түккизинчи боб. Зилзила</i>	423
<i>Қирқинчи боб. Дафина</i>	440

Адабий-бадиий нашр

ИЛЬЯ ИЛЬФ
ЕВГЕНИЙ ПЕТРОВ

ЎН ИККИ СТУЛ

Мұхаррирлар
Маъмурा ҚҰТЛИЕВА,
Феруза ҚУВОНОВА

Мусаҳҳидар
Суннат МУСАМЕДОВ,
Шаҳноза РАҲМОНОВА

Техник мұхаррир
Сурайё АҲМЕДОВА

Бадиий мұхаррир
Үйгун СОЛИХОВ

Компьютерда сақиfalовчи
Феруза БОТИРОВА

Босишта 06.10.2014 й.да рухсат этилди. Бичими 84x108 1\32.

Восма тобори 14,25. Шартли босма тобоги 23,94.

Гарнитура «Bookman Сүг+Uzb». Офсет қофоз.

Адади 3000 нусха. Буюртма № 319.

Баҳоси келишилган нархда.

«Янги аср авлоди» нашриётида тайёрланди.

Лицензия рақами: AI №198, 2011 йил 28.08 да берилган.

100113. Тошкент, Чилонзор-8, Қатортол кўчаси, 60.

Мурожаат учун телефонлар:

Нашр бўлими – 278-36-89; Маркетинг бўлими – 128-78-43
факс – 273-00-14; e-mail: yangiasravlod@mail.ru

Faғfur Fулом номидаги нашриёт-матбаа ижодий
уийда чоп этилди.

Тошкент шаҳар, Шайхонтоҳур кучаси, 86-үй.

**«ЯНГИ АСР АВЛОДИ» НММ
«КАМОАОТ КУТУБХОНАСИ» РУКНИДА
ҚҮЙИДАГИ КИТОБЛАРНИ ТАҚДИМ ЭТАДИ:**

А.Дюма

«ГРАФ МОНТЕ-КРИСТО - 1, 2»

84x108 1/32, 752, 756 бет, қаттиқ муқова

Икки китобдан иборат асарнинг бош қаҳрамони Эдмон Дантес – Монте Кристо «Иф» қалъасидан халос бўлгач, разолат ботқорига ботган инсонларни зўр матонат, ақл-идроқ билан фош этади. Жазо ҳам, мукофот ҳам Аллоҳнинг иродаси билан инсон тириклигидаёқ уни бенасиб қолдирмаслиги асар ниҳоясида акс этади, фақат, Граф таъкидлаганидек, «кутмоқ ва умид қилмоқ керак».

Артур Конан Дойл

«ШЕРЛОК ХОЛМС ВА ДОКТОР УОТСОННИНГ САРГУ-ЗАШТЛАРИ»

84x108 1/32 528 бет, қаттиқ муқова

Бу тўпламда ёзувчининг детектив, илмий фантастика, саргузашт асарларидан саралаб олинган ҳаётий далилларга бой ҳикоя ва қиссалари жой олган.

1990 йилда «Баскервиллар ити» номи билан нашр этилган мазкур асар китобхонлар илтимосига кўра қайта чоп этилмоқда.

Андерсен

«ҚОР ОДАМ»

84x108 1/32 382 бет, юмшоқ муқова

Андерсеннинг эртаклари бугун ҳам энг кўп ўқилаётган асарлар сирасига киради. Уларда болаларга хос бўлган беғубор кечинмалар, эзгуликнинг галабаси, орзу-умидларнинг ушалиши, ёруғ оламда ҳар биримиз ҳар қадамда дуч келиб, кундалик ҳаётимизда юз берадиган оддий воқеа-ҳодисаларнинг ўзгача талқини тилга олинади.

Даниел Дефо

«РОБИНЗОН КРУЗО»

Инглиз ва ўзбек тилида.

84x108 1/32, 48 бет, юмшоқ муқова

Йигирма саккиз йил кимсасиз ва бепоён оролда ёлғиз ўзи яшаган Робинзон Крузонинг бошидан кечирган саргузаштларга бой ҳаёти ва унинг баҳтли якуни ҳақидағи қизиқарли ҳикоя сизни бефарқ қолдирмайди.



Иехиел-Лейб
Арьевич
Файнзильберг
(1897 – 1937)

Евгений
Петрович
Катаев
(1903 – 1942)

Рус ҳаммуаллиф ёзувчилари.

Ҳар иккала ёзувчи ҳам Украина нинг Одесса шаҳрида туғилган. Ихтиорчи фирибгар Остап Бендер ҳақида улардан сўнг бошқа ёзувчилар ҳам кўплаб асарлар яратишган.

Ҳар иккала ёзувчининг ҳаммуаллифликда ёзган «Ўн икки стул» (роман, 1928), «Олтин бузоқ» (роман, 1931), «Колокаламск шаҳрининг ғайритабии тарихи ва ҳаёти» (новеллалар, 1928), «Ёруғ шахс» (фантастик қисса), «Минг бир кун ёхуд янги Шаҳзода» (новеллалар, 1929), «Бир сафар ёзда» (фильм сценарийси, 1936), «Бир қаватли Америка» (қисса, 1937) каби асарларини бугун барча адабиёт ихлос-мандлари севиб мутолаа қиласидилар.

ISBN 978-9943-27-313-9



ЯНГИ АСР АВЛОДИ

9 789943 273139